

K20.455  
3



國立中央圖書館  
2025/10/03



9(4), 17-18

ქუჩის მკვირვართა

ს ს ს ლ ი

305  
3-

# ი ს შ ო რ ი ა

20.455  
3

საშუალო სასწავლებელთათვის.

II.

(XVIII—XIX საუკ.).



დ. უზნაძე  
ი. გველესიანი.

თ შ ი ლ ი ს ი.

სტამბა „სახალხო საქმე“, კალოუბნის ქუჩა, № 14.

1 9 1 9

## წინასიტყვაობა.

ეს წიგნი შეთვრამეტე საუკუნის მეორე ნახევრისა და მეცხრამეტე საუკუნის ისტორიას შეიცავს. როგორც შეითხველიც დაინახავს, იგი უმთავრესად ზ. ვინოგრადოვის ისტორიის სახელმძღვანელოს მიხედვით არის შედგენილი, და მრავალ ადგილას სიტყვა-სიტყვითაც გადმოღებული; მაგრამ რა კი საგრძნობი ცვლილებაა შეტანილი როგორც ტექსტში, ისე მასალას განაწილებასა, ამიტომ ჩვენს თავს ნება ვერ მივეცით, მისთვის თარგმანი გვეწოდებია. XV—XVII საუკ. ისტორია (შექვესე კლასის კურსი) უკვე გამოვიდა, ამას მოჰყვება საშუალო საუკუნეთა ისტორიაც. ამ სახით დასრულდება ის შრომა, რომელიც ამ ერთი წლის წინად საზოგადო ისტორიის სახელმძღვანელოს შემუშავების განზრახვამ დამკისრა. ჩემი „ძველი აღმოსავლეთი“, „ძველი საბერძნეთი“ და „ძველი რომა“ (ეს უკანასკნელი საშუალო ისტორიისთან პარალელურად დაიბეჭდება) ბირჟული ნაწილია დასახელებული შრომისა, ხოლო საშუალო და ახალი ისტორია მისი მეორე და მესამე ნაწილი იქმნება.

დ. უზნაძე,

20/XII 1918 წ.

საგ-2000  
საგარეო ურთიერთობების  
მინისტრო

# თ ა ვ ი I.

## I. ზრუსიის ამაღლება.

### 1. პოლონეთის ჩამოკვეითება.

ოცდაათწლიან ომს, სხვათა შორის, ორი მთავარი შედეგი მოჰყვა თან: უმნიშვნელო **შვეცია** პირველხარისხოვან სახელმწიფოდ გადაიქცა, ხოლო საკმაოდ ძლიერი **პოლონეთი** საბოლოოდ დასუსტდა: მის მაგიერ რომ გერმანიაში მომხდარ მსოფლიო შემთხვევების მსვლელობაში მონაწილეობა მიეღო, პოლონეთმა ოსმალეთის წინააღმდეგ გაილაშქრა. ამ გარემოებას ის გავლენა ჰქონდა ოცდაათწლიან ომზე, რომ იგი იმპერიას ოსმალეთის საფრთხისაგან ათავისუფლებდა და დასავლეთში უფრო ენერგიულად მოქმედებისათვის ხელს უხსნიდა. ხოლო ოცდაათიანი წლის ომების დროს პოლონეთის გაწეულ დადგომა იმით აიხსნება, რომ სწორედ ამ დროს მისმა მეზობელმა რუსეთმა თავი დაახწია შინაური ანარქიის ხანას (*Смутное Время*) და გაძლიერებული იერიშით მოაწვა პოლონეთს. ერთის მხრივ **კაზაკების** საკითხი, მეორეს მხრივ **უკრაინა** მიზეზი შეიქმნა რუსეთს, პოლონეთსა და ოსმალეთს შორის ამტყდარი სამკვდრო-სასიცოცხლო ბრძოლისა, რომელიც სწორედ ამ დროს გაძლიერდა.

პოლონეთმა შვეციის წარმატებას თავის დროზე ვერ მიაქცია სათანადო ყურადღება, და ეს გარემოება საბედისწერო შეიქმნა მისთვის. რაკი სახელდახელო დრო ხელიდან გაუშვა, ოცდაათწლიანი ომიდან გამარჯვებულად გამოსულ შვეციასთან ბრძოლა პოლონეთისთვის უკვე საქმელო იყო. მაგრამ ამ ორი სახელმწიფოს ინტერესები ლიფლანდიაში, პომერანიასა



და პრუსიაში იმდენად ეწინააღმდეგებოდნენ ერთიმეორეს, რომ შეუძლებელი იყო პოლონეთს შემდეგშიაც გულგრილად ეტკი-რა შედეგების წარმატებისათვის: გარდა ამისა, ვლადისლავ მე-IV-ს შვილი იან კაზიმირი შვეციის გვირგვინზე ოცნებას თავს არ ანებებდა. გუსტავ ადოლფის ძმისწული კარლ X 1655 წელს პოლონეთში შეიქრა, დაიკავა იგი კრაკოვამდი და იან კაზიმირი სამი დღის გაათრებული ბრძოლის შემდეგ ვარშავასთან დაამარცხა. შვეციის ამგვარი გაძლიერება სახიფათო შეიქნა მისი მეზობლებისათვის, და ამიტომ იმპერატორი, დანია და რუსეთი პოლონეთს გამოესაჩქარნენ. მრავალრიცხოვანი მტრის გამკლავება ძნელი იყო შვედებისათვის; მათ პოლონეთი ხელიდან გაუშვეს, მაგრამ სამაგიეროდ დანებდნენ დასაჯეს: სკანდინავიის ნახევარკუნძულზე მდებარე სამხრეთი პროვინციები ხელიდან გამოგლიჯეს და თვით დაეპატრონენ.

პოლონეთმა კვლავ აღმოსავლეთს მიაპყრო ყურადღება. ანდრუსოვის დროებითი ზავის ძალით რუსეთს სმოლენსკი, კიევი, ჩერნიგოვი და დნეპრის მარცხენა ნაპირზე მდებარე უკრაინა (1667) დაუბრუნდა. ოსმალეთმა პოლოლია და მარჯვენა ნაპირის უკრაინა დაიკაფეს. გამოჩენილმა სარდალმა იან სობესკიმ ხოტინთან გამარჯვებით ოსმალეთის შეტევა შეაჩერა. ის მეფედ ამოირჩიეს, და მან დიდი სამსახური გაუწია ავსტრიას: დიდი ვეზირი ყარა-მუსტაფა 1683 წელს ვენას თავს დაეცა და მისი დამცველები უკიდურესობამდის მიიყვანა, მაგრამ გამოჩნდა იან სობესკი, და საქმემ სხვა ხასიათი მიიღო—მან სასტიკად დაამარცხა ოსმალეები. საუბედუროდ იან სობესკის ღვაწლმა თვით პოლონეთისათვის უნაყოფოდ ჩაიარა, რადგანაც იქ შინაური არე-დარევა გრძელდებოდა. სობესკის სიკვდილს შემდეგ პოლონეთის ტახტზე საქსონიის კურფურსტი აფგუსტ მე-II ავიდა. ამ დროს აღმოსავლეთ ევროპაში ეგრედ წოდებული „ჩრდილოეთის დიდი ომი“ სწარმოებდა. უკანასკნელის მთავარი გმირები პეტრე დიდი და კარლ X მე-XII იყვნენ. ომი კარლოსის დამარცხე-



ბით გათავდა. თუმცა ავგუსტ მე-II რუსეთის მოკავშირე იყო, მაგრამ როწინააღმდეგის დამარცხებას პოლონეთისთვის არავითარი რეალური სარგებლობა არ მოუტანია; ეს გარემოება იმით აიხსნება, რომ სანამ რუსები, საქსონელები, ბრანდენბურგელები, დანელები, შვედები და ოსმალოები ომს აწარმოებდნენ, თვითონ პოლონეთში შლიახტა პარტიებად დაირაზმა, და სხვადასხვა კონფედერაციები ერთმანეთს ანადგურებდნენ. როდესაც შვედების საფრთხემ გაიარა, ავგუსტმა შლიახტის აღსაყება ჩააქრო, შემოიღო მცირე გადასახადი და მცირე ქვარის შექმნა, მაგრამ იძულებული შეიქმნა „ოქროს თავისუფლება“ კვლავ ძალაში დაეტოვებია.

**2. პრუსიის თანდათან ზრდა და ფრიდრიხ ვილჰელმი.**

ასე ჩამოქვეითდა აღმოსავლეთის ორივე თვალსაჩინო სახელმწიფო — პოლონეთი და შვეცია. მათ მაგიერ პირველობა რუსეთს ხედა წილად. თვალსაჩინო ადგილი დაიკავა აგრედვე პრუსიამაც. არც სივრცით და არც ძალით იყო იგი დიდი და მნიშვნელოვანი მაგრამ მან აღმოსავლეთი ევროპის კრიზისით ხელოვნურად ისარგებლა და ერთს მთლიან, ძლიერსა და დამოუკიდებელ სახელმწიფოდ გარდაქცევა შესძლო. 1611 წ. პოლონეთის მეფემ სიგიზმუნდ მე-III ბრანდენბურგის ჰოჰენცოლერნებს, როგორც თავის ვასალებს (ჰერცოგ ალბრეხტის შემომავლობის გადაშენების შემდეგ) აღმოსავლეთი პრუსია მისცა. ამავე დროს ჰოჰენცოლერნები კლევეს დაკავებით რეინზედაც გამაგრდნენ. ვესტფალის ზავმა მათ აღმოსავლეთი პომერანია და მაგდებურგი მიანიჭა. კარლოს მე-X და იან კაზიმირის ომის დროს „დიდი კურფურსტი“ ფრიდრიხ ვილჰელმი ჯერ პოლონელებს გადაუდგა, მაგრამ დროზე ჩამოშორდა შვეციას და ისევ პოლონეთს მრემხრო. უკანასკნელმა მას სამაგიერო მით გადაუხადა, რომ, როგორც აღმოსავლეთ პრუსიის ჰერცოგი, ვასალური დამოკიდებულებისაგან გაანთავისუფლა. პოლონეთის უფროსობისაგან განთავისუფლებ-



ბის შემდეგ „დიდმა კურფიურსტმა“ ფრიდრიხ ვილჰელმმა მთავარი ყურადღება შევედებსა და ფრანგებს მიაქცია. მან ერთგული მონაწილეობა მიიღო ლიუდოვიკ მე-XIV საწინააღმდეგო კოალიციებში და, თუმცა რეინზე წარმატებას ვერ მიაღწია, მაგრამ სამაგიეროთ შევედებს ჩრდილოეთ ბრანდენბურგში **ფერბელლინთან** სერიოზული დამარცხება მიაყენა. ამგვარად ბრანდენბურგი ევროპის საზოგადო პოლიტიკაში თვალსაჩინო ძალად გარდაიქცა. ამ მდგომარეობას დიდმა კურფიურსტმა არა მარტო ხელოვნური დიპლომატიითა და გამარჯვებებით, არამედ თავისი ქვეყნის მოწყობითაც მიაღწია. მთელ მართვა-გამგეობას თვითონ მოჰკიდა ხელი, და საქმეში სხვების ჩარევას ვერ ურიგდებოდა. ის მუდამ ადმინისტრაციისა და მრეწველობის გაუმჯობესებისთვის იღვწოდა და ოცდაათწლიანი ომით გავერანებული ადგილების აყვავებასა და დაწინაურებას დიდად უწყობდა ხელს. განსაკუთრებით სასარგებლო აღმოჩნდა მისთვის საფრანგეთის პროტესტანტ ლტოლვილების (ნანტის ედიკტის გაუქმების შემდეგ) მის სამფლობელოში დასახლება: ისინი ათასობით სახლდებოდნენ იქ და ახალი წაჩობების დაწერვასა და განვითარებას უწყობდნენ ხელს. დიდი კურფიურსტის სიკვდილის შემდეგ ბრანდენბურგის გაძლიერება ფორმალურადაც ცნობილ იქმნა: ფრიდრიხ ვილჰელმის მვიღმა **ფრიდრიხმა** იმპერატორისაგან **პრუსიის მეფის** ხარისხი მიიღო (1701).

ჩრდილოეთის დიდი ომის დროს ფრიდრიხ ვილჰელმ I რუსეთის მოკავშირედ გამოვიდა, და ამისათვის მან შევედების **პოშერანიის** დიდი ნაწილი მიიღო. ფრიდრიხ ვილჰელმი ძუნწი, ტლანქი და შეზღუდული კაცი იყო, მაგრამ სამაგიეროდ კარგ გამგედა და მკაცრ მმართველად ითვლებოდა. ის შემოსავალ-გასავლის ყოველ გროშს ანგარიშობდა, ძალიან მცირე ხარჯებს ანდომებდა თავის სასახლეს და უვარგის მოხელეებს პირადად ასამართლებდა. მაგრამ მას ერთი სისუსტე ჰქონდა, და ამისთვის იგი ფულს არ იშურებდა: ფრიდრიხ ვილჰელმს



განსაკუთრებით მაღალი ტანის ჯარისკაცები მოსწონდა ყველგან აგროვებდა მათ და ფულსაც უხვად იძლეოდა. 2.500.000 სული ცხოვრობდა სულ პრუსიაში, მაგრამ ამის მიუხედავად ფრიდრიხ ვილჰელმმა ისეთი ლაშქარი შექმნა, რომ იგი რაოდენობით იმპერატორის არმიასაც არ ჩამოუვარდებოდა, ხოლო გაწვრთნით, დისციპლინითა და მოწყობილობით მასზე ბევრად უკეთესი იყო.

## 2. ფრიდრიხ II

### 1. ფრიდრიხ II აღრზდა

ფრიდრიხ ვილჰელმის მემკვიდრე, ფრიდრიხ II მამის სრულ წინააღმდეგობას წარმოადგენდა. მასში აღრე გაიღვიძა აზროვნების ინტერესმა: თავისი აღმზრდელის ხელმძღვანელობით ფრიდრიხი ბევრს კითხულობდა. მამის სურვილი იყო, რომ მას პროტესტანტიზმის კატექიზმო შეესწავლა და ამასთანავე მეურნეობის დარგში საჭირო ცოდნა შეეძინა, მაგრამ ფრიდრიხმა ყველა ამისადმი ძალიან მცირე მიდრეკილებას იჩენდა. მამის მთელი ყოფა-ქცევა, სიძუნწე, ბუზღუნე და პედანტური სისასტიკე ძალიან ცუდად მოქმედობდა ახალგაზრდა კრონპრინცზე. ის ეძებდა გართობას, არ ერიდებოდა ვალის აღებას, და რაც უმთავრესია, საფრანგეთის ენციკლოპედისტების თავისუფალ აზრებს ითვისებდა, აღარ მოსწონდა და დასცინოდა კიდევაც ძველ ცნებებსა და ჩვეულებებს. ფრიდრიხ ვილჰელმი შვილის მიმართულებით ძალიან უკმაყოფილო იყო და თავის გულის ნადებს ჩვეულებისამებრ უხეშად გამოხატავდა ხოლმე: საქმე ცემამდისაც კი მიდიოდა. კრონპრინცი სასოწარკვეთილებამ მოიკვა და მან რამდენიმე ოფიცერთან ერთად სახლიდან გაპარვა გადასწყვიტა, მაგრამ ამ განზრახვის შესახებ ფრიდრიხ ვილჰელმს შეატყობინეს, რამაც ის აღშფოთებაში მოიყვანა, და შვილი, როგორც დეზერტირი, სამხედრო სამართალში მისცა; კრონპრინცის თვალწინ ერთი





მისი თანამოაზრეთაგანი დასაჯეს. მეფეს სერიოზული განზრახვა ჰქონდა—კრონპრინცისათვის მემკვიდრის უფლებები ჩამოერთმია, მაგრამ ბოლოს მისი დაპატიმრებით დაკმაყოფილდა. რამდენიმე ხნის შემდეგ ფრიდრიხი მამამ ერთერთი პროვინციის საოლქო სამმართველოში გაგზავნა, სადაც იგი როგორც, უბრალო მოხელე ქალაქებს უნდა ჩაჯდომოდა. ასეთივე სკოლა მან სამხედრო სამსახურშიდაც განვლო. შემდეგ მეფემ კრონპრინცი ბრაუნშვეიგის პრინცესაზე დააქორწინა, რომლის შესახებაც თვითონვე სწერდა: სასძლო არც ლამაზია და არც ულამაზო, მაგრამ ძალიან ღვთისმოსავიაო. როგორც დაცოლშვილებულს, ფრიდრიხს მცირე სასახლის მოწყობის ნება მიეცა, და ისიც ცდილობდა—მუყაითად აესრულებია სამსახური, ხოლო მამას რაც შეიძლება იშვიათად შეხვედროდა. მაგრამ სამსახურის ყურადღებით მოპყრობას ფრიდრიხს მალე დაანახვა, რომ ზოგი კარგი მხარე მამის გადაქარბებულსა და მომბაზრებელ პედანტიზსაც ჰქონდა. ის ახლოს გაეცნო არმიას, ფინანსებს, სახალხო მეურნეობას და ნახა, რომ ფრიდრიხ ვილჰელმს დიდი საქმეების გასაკეთებლად უკვე ყველაფერი მოგვარებული ჰქონდა; საქირო იყო მხოლოდ საქმის ხელოვნური და მოფიქრებული გაძლოლა.

## 2. ფრიდრიხის ომები.

ფრიდრიხ ვილჰელმი 1740 წელს გარდაიცვალა, და ფრიდრიხ მე-11-ც დაუყონებლივ მამის მიერ დაგროვილ საშუალებათა გამოყენებას შეუდგა. მან უწინარეს ყოვლისა განიზრახა, ავსტრიის მძიმე მდგომარეობით ესარგებლებია.

ვრცელი და გარეგნულად ძლიერი ჰაბსბურგების მონარქია არსებითად ძალიან სუსტსა და ავადმყოფ სხეულს წარმოადგენდა. თითქმის ერთი ხელის შეხებაც საკმაო იყო, რომ იგი შყის დანგრეულიყო. იმპერატორ კარლოს მე-VI ვაჟი არ ჰყავდა, და მისი სიკვდილის შემდეგ უეჭველად უნდა წამოქრილიყო საკითხი მემკვიდრეობის შესახებ ბოჰემიაში, უნგრეთში, ავსტრიაში და კარინთიაში, ბელგიაში, მილანში და ტო-



სკანაში. სახელმწიფოს დარღვევის თავიდან ასაცილებლად მან  
 ეგრედ წოდებული „პრაგმატიული სანქცია“ გამოსცა, რომე-  
 ლიც მემკვიდრეობის მხრივ ყველა მის სამფლობელოს აერ-  
 თიანებდა, და მემკვიდრედ მის ქალსა, მარიამ ტერეზიას აცხა-  
 დებდა. კარლოს მე-VI ყოველი საშუალება იხმარა, რომ სანქცია  
 როგორც თვით მის სამფლობელოებში, ისე უცხოეთშიც ეცნოთ.  
 მაგრამ მისი სიკვდილისათანაფე ტახტის რამოდენიმე მძიებელი  
 მაინც გამოჩნდა და ერთს მათგანს, ბავარიის კურფურსტს  
 ფრანგებმაც კი მხარი დაუჭირეს. ცხადი ნიშნები იყო იმისა,  
 რომ საუკუნოებრივი ბრძოლა ავსტრიასა და საფრანგეთს შო-  
 რის ხელახლა უნდა დაწყებულიყო. და აი სწორედ ამ შეუ-  
 ფერებელ დროს მარიამ ტერეზიას მოქიშვე იქვე, მეზობლად  
 გამოუჩნდა: ფრიდრიხ მე-II მოულოდნელად შეიქრა სიღვზია-  
 ში და ავსტრიელები დაამარცხა. ფრიდრიხს ხელს უწყობდა ის  
 გარემოება, რომ მარიამ ტერეზია მისთვის ვერ მოიცილიდა: ფრა-  
 ნგები ისე შორს შემოიჭრენ ავსტრიის საზღვრებში რომ აქ ლიუ-  
 დოვიკ XIV არმიასაც არ ჰქონდა ფეხი დადგმული; ბავარელების  
 დახმარებით მათ პრაგა აიღეს, ისპანელებთან ერთად იტალია და-  
 იკაფეს, ხოლო ავსტრიის მოკავშირე ინგლისელები ნიდერლანდე-  
 ბში დაამარცხეს. ამის მიუხედავად მარიამ ტერეზიამ მაინც აიძუ-  
 ლა ფრანგები, ზავი ჩამოეგდოთ; ახენის სამშვიდობო ხელშეკრუ-  
 ლების თანახმად ფრანგები ომს ისე ათავებდენ, რომ ავსტრია  
 მათ არათერს არ აძლევდა, მარიამ ტერეზიას უფლებები კი  
 ცნობილ იქნა და მისი მცუდლე ფრაცინსკ ლორენელი იმპე-  
 რატორად აირჩიეს. ყველაზე მოგებული ფრიდრიხ მე-II დარჩა:  
 იგი ჯერ შეურიგდა ავსტრიას, მაგრამ ხელშეკრულება მალე  
 დაარღვია, ავსტრიელები რამდენჯერმე დაამარცხა და საბოლოო-  
 რად გამაგრდა სიღვზიაში.

**3. შვიდწლიანი ომი.**

ფრიდრიხ მე-II წარმატებამ ევროპაში საზოგადო ყურად-  
 ღება მიიპყრო: პრუსია რუსეთისა და ავსტრიის მეორეხარისხო-  
 ვან თანამგზავრისაგან უძლიერეს სახელმწიფოდ იქცეოდა; რო-

გორც მეფის ნიქსა და მისწრაფებას, ისე მისი არმიის საუცხოვო გაწვრთნას ყველა გაკვირვებაში მოჰყავდა. ოლონდ ფრიდრიხ მე-II-ს უფლების უპატივცემლობას, ვერაგობასა და ცბიერობას უძრახავდენ.

მარიამ ტერეზია სილვეზიის დაკარგვას, რომელიც დიდი ხნიდან ჩეხიის გვირგვინს ეკუთვნოდა, ვერაგვით ვერ ურიგდებოდა; ამიტომ იგი ყოველ ღონეს ხმარობდა, პრუსიის წინააღმდეგ დიდი კოალიცია შეექმნა. ბოლოს მისი ცდა წარმატებით დაგვირგვინდა: ფრიდრიხის წინააღმდეგ რუსეთი, საქსონია, შვეცია და საფრანგეთი შეერთდნენ; პრუსიის მხარეზე მხოლოდ ინგლისი იყო. ძალთა განწყობილება ისეთი უთანასწორო შეიქნა, რომ ფრიდრიხს მხოლოდ მოკავშირეთა შორის უთანხმოების იმედი ღა ჰქონდა. მან არ მოუცადა ომის გამოცხადებას, მოულოდნელად შეიჭრა საქსონიაში, გარს შემოერტყა საქსონიის ჯარს და აიჭულა, დანებებოდა; ხოლო ავსტრიელები ორჯერ საგრძნობლად დაამარცხა

დასაწყისი ბრწყინვალე იყო, მაგრამ კოალიციამაც თანდათან დაიწყო მოქმედების გაცხოველება. ინგლისელები ფრანგებმა ელბის შესართავთან ჰანოვერის ტბებში მოიმიწყვდიეს და მხოლოდ იმ პირობით გაუშვეს, რომ ომს თავს დაანებებდნენ; რუსებმა მათ წინააღმდეგ ვაგზავნილი რაზმი დაამარცხეს და აღმოსავლეთი პრუსია დაიკავეს, შვედები პომერანიაში შეიჭრენ. ყველაზე სავალალო ის იყო, რომ ავსტრიის ფელდმარშალმა დაუნმა თვითონ ფრიდრიხი დაამარცხა (**კოლინთან** — პრაგის ახლოს). მაგრამ ფრიდრიხი სულთ მანც არ ეცემოდა. მან საშუალება არ მისცა მტრებს, რომ მის გარშემო წრე შეეკრათ. სანამ დაუნი ნელის ნაბიჯით ბოჰემიას მიდიოდა, ფრიდრიხმა საფრანგეთის არმიას მიაშურა, რომელიც უკვე საქსონიაში იყო შესული. მას გაცილებით ნაკლები ჯარი ჰყავდა, მაგრამ მისი კავალერია **როსბახთან** მოულოდნელად დაესხა მტერს და რამდენიმე წუთში გააქცია იგი. ამას შემდეგ ფრიდრიხი დაუნს მიუბრუნდა და მას სილვეზიაში სამაგიერო

გადაუხდა. ფრიდრიხმა ეხლა რუსებისაკენ იბრუნა პირი, და გაათრებულ ბრძოლის შემდეგ **ცორნდორფთან** მტერი დაამარცხა. ხოლო, როდესაც ფრიდრიხი ისევ დაუნს მიუბრუნდა, იგი ამ უკანასკნელმა ერთ ადგილას მიიმწყვდია და მთელი არტილერია დააკარგვია. მაგრამ ავსტრიის სარდალმა გადაჭარბებული სიფრთხილის გამო ამ გამარჯვებით ვერ ისარგებლა. ამ დროს რუსების არმია სალტიკოვის ხელმძღვანელობით უკვე ბერლინს უახლოვდებოდა. ფრიდრიხ II დიდის გაქირვებით შეკრიბა ახალი ჯარი და სალტიკოვის შესაჩერებლად გაეშურა. რუსებმა პრუსიის ერთს რაზმს უკვე სძლიეს, ხოლო თვითონ ფრიდრიხი **კუნერსდორფთან** სასტიკად დაამარცხეს (1759). მდგომარეობა ისეთი სასოწარმკვეთი იყო, რომ ფრიდრიხმა სამეფო გვირგვინზეც კი უარის თქმა განიზრახა. მისდა საბედნიეროდ მოკავშირეთა შორის უთანხმოება ჩამოვარდა: სალტიკოვი ფიქრობდა, რომ დაუნს მთელი ომის სიმძიმის რუსების კისერზე გადატანა სურდა. თუმცა რუსებმა ბერლინი დაიკავეს, მაგრამ მოწინააღმდეგის დევნა შეაჩერეს და ამით ფრიდრიხს საქმის გამობრუნების საშვალეობა მისცეს. მაგრამ ყველაფერზე უფრო მნიშვნელოვანი ის იყო, რომ რუსეთში ფრიდრიხს მე-II თაყვანისმცემელი პეტრე მე-III გამეფდა. მან არამც თუ უარი სთქვა ყველა დაკავებულ ადგილებზე, არამედ პრუსიის მეფის დანმარების შესახებაც კი დაიწყო ზრუნვა. ფრიდრიხ მე-II ძალა მოიკრიბა და ავსტრიელები რამდენჯერმე დაამარცხა. ბოლოს, 1763წ. **გუბერტსბურგში** შერიგება მოხდა და ამით **შვიდი წლის ომს** (1756-1763) ბოლო მოეღო. პრუსიამ სილეზია შეინარჩუნა, და ამას გარდა ომის შედეგი ისიც იყო, რომ ავსტრია დასუსტდა და მან შუა ევროპაში უძლიერესი სახელმწიფოს ადგილი პრუსიას დაუცალა. ფრიდრიხის არაჩვეულებრივმა ბრძოლამ კოალიციის წინააღმდეგ გერმანელების მიძინებული ეროვნული გრძნობა გამოაღვიძა, და პრუსიის მეფე მთელს გერმანიაში უპოპულიაჩეს კაცად შეიქმნა.

#### 4. პოლონეთის პირველი დანაწილება და პრუსიის გაერთიანება.

პოლონეთში გამეფებულმა ანარქიამ ფრიდრიხ მე-II საშუალება მისცა, ამ დაავადებული სახელმწიფოს ხარჯზე ახალი სიმდიდრე შეეძინა. შვიდი წლის ომის დროს პოლონეთის დაქვეითება საბოლოოდ გამოძეულა. უვრცელესი და ოდესღაც ულიერესი სახელმწიფო ამ ბრძოლას უბრალო მოწმეთ დარჩა, თუმცა იგი მის საზღვრებში ხდებოდა: რუსები დაუბრკოლებლივ სარგებლობდნ პოლონეთის ტერიტორიით ჯარების გადასაყვან-გადმოსაყვანად, პრუსია კი პოლონელებით თავის ჯარს ავსებდა. ეკატერინე მე-II ტახტზე ასვლის შემდეგ პოლონეთი რუსეთის ხელქვეით სახელმწიფოდ გარდაიქცა. პოლონეთის მამულიშვილებმა, ბოლოსაც იქნა, შეიგნეს, თუ საუ იყო ბოროტება დამარხული, და სახელმწიფო წყობილების გარდაქმნა განიზრახეს. მაგრამ ისინი ერთსულოვნებით ვერ მოქმედობდნ, ხოლო მაგნატებისა და შლიახტის უპრავლესობა დროს უდარდელად ვართობასა და ინტრიგებს ანდოვებდა.

ავგუსტ მე-III სკვდილის შემდეგ ჩარტორისკის პარტიამ რუსეთას დახმარებით კონფედერაცია შეადგინა და სახელმწიფოებრივ ცხოვრებაში ბევრი გაუმჯობესება შეიტანა: liberum veto მხოლოდ კანონების გარჩევის დროს იყო ნებადართული, ხოლო საკითხები ფინანსების შესახებ ხმის უპრავლესობით წყდებოდა; მცირე სეიმებს თავისი წარმომადგენლებისადმი სავალდებულო ინსტრუქციების მიცემის უფლება წაერთვათ; სამხედრო და საფინანსო საქმეების გასაძღოლად ორი მუდმივი კომისია ინიშნებოდა. მეფედ არჩეულ იქმნა ეკატერინესთან დაახლოვებული კაცი—სტანისლავ პონიატოვსკი. მაგრამ როდესაც რუსეთის ელჩმა, თავადმა რეპნინმა ჩარტორისკებს კომპენსაციად რუსეთთან თავდაცვითი და შეტევითი კავშირის შეკვრა და მის ხელში დიპლომატიურ ურთიერთობათა საქმეების გადაცემა მოითხოვა, მან უარი მიიღო. ეს პოლონეთისთვის ნამდვილი თვითმკვლელობის აქტი იყო.



რუსეთმა ადვილად ჩაშალა მომხდარი რეფორმები და კათო-  
ლიკების ძალმომრეობის საწინააღმდეგოდ მართლმადიდებლე-  
ბის და პროტესტანტებისაგან ახალი კონფედერაცია დააარსა.  
კათოლიკებმა თავის მხრივ ბარში (პოდოლში) საწინააღმდეგო  
კონფედერაცია შეჰკრეს, რაც უმთავრესად რუსეთის წინააღ-  
მდეგ იყო მიმართული. ფრიდრიხ მე-II ხელოვნურად ისარ-  
გებლა ამ არევ-დარევით და პოლონეთის დანაწილების გეგმა  
წარმოადგინა. ეკატერინე თავდაპირველად ამის წინააღმდეგი  
იყო, რადგან მისი გავლენა მთელ პოლონეთზე ვრცელდებო-  
და, და არ იყო სასურველი, რომ ეს გავლენა პრუსი-  
ისა და ავსტრიისათვის გაენაწილებია. მაგრამ სწორედ ამ  
დროს ოსმალეთთან ომი ჰქონდა და რომ საქმე არ გართუ-  
ლებოდა, თანხმობა გამოაცხადა. ამგვარად 1772 წელს პო-  
ლონეთის პირველი დანაწილება მოხდა: რუსეთს ერგო ბელო-  
რუსია, ავსტრიას მცირე პოლონეთი (კრაკოვის და სანდო-  
მირის ოლქები) და ჩერვონია რუსი (გალიციაში), ხოლო  
პრუსიამ დასავლეთი პრუსია შეიერთა (დანციგისა და ტო-  
რნის გამოკლებით). ფრიდრიხ მე-II ყველაზე უფრო მოგებუ-  
ლი დარჩა, რადგანაც ახალი ტერიტორია იმ შუა ხაზს სპობდა,  
რომელიც „აღმოსავლეთ“ პრუსიას მონარქიისაგან ჰყოფდა:  
პოლონეთის პირველმა განაწილებამ აღმოსავლეთი და დასავ-  
ლეთი პრუსია შეაერთა.



## II. პარლამენტარული ოლიგარქია ინგლანში.

### 1. პარლამენტარიზმის განმტკიცება.

1688 წელს ინგლისში პოლანდიის შტატჰალტერი ვი-  
ლჰელმ ორანელი გამეფდა. ინგლისის სამეფო გვირგვინის  
ხელში ჩაგდება მით უფრო საინტერესო იყო მისთვის, რომ  
მას საშვალეობა მიეცა, ინგლისი ლიუდოვიკ მე-XIV საწინააღ-



მდგომარეობაში ჩაეთრია, და მართლაც ინგლისის კოალიციისადმი შეერთებამ ძალთა განწყობილება ვილჰელმის სასარგებლოდ გადახარა. საზოგადოდ კი ვილჰელმ მე-III-ს ინგლისის საქმეები იმდენად არ აინტერესებდა, და მათი გაძლოლა თვით ინგლისელებს მიანდო; მინისტრთა საბჭოს, რომლის ხელშიაც შთელი მართვაგამგეობა იყო, ვილჰელმი პარლამენტის უმრავლესობის პარტიისაგან ნიშნავდა. ეს ჩვეულება ინგლისში თანდათანობით დამკვიდრდა და შემდეგში ევროპაშიც გავრცელდა. რაკი ხალხის წარმომადგენლები თემთა პალატას შეადგენდნენ, სახელმწიფო საქმეების გაძლოლაც მათ ხელში გადავიდა. ლორდების პალატას მხოლოდ ბილგების მიღების, ან მათი უარყოფის უფლება ჰქონდა. ვილჰელმ მე-III გამეფების შემდეგ პირველად დისენტერებს მიეცათ სარწმუნოების თავისუფლება; ეს იმით აიხსნება, რომ იგინი, იმის მიუხედავად რომ იაკობ მე-II მათ მრავალ დაპირებას აძლევდა, მას მაინც არ მიემხრენ. სამაგიეროდ კათოლიკეები ძველ მდგომარეობაში დარჩენ, ხოლო როდესაც მათმა აჯანყებამ ისლანდიაში იაკობის სასარგებლოდ მიზანს ვერ მიაღწია, მათი მდგომარეობა კიდევ უფრო გაუარესდა.


## 2. მემკვიდრეობის აქტი და ანას მართველობა.

ვილჰელმი და მარიამი უშვილონი იყვნენ. მემკვიდრეთ იაკობ მე-II-ის მეორე ქალი ანა ითვლებოდა. სტუარტების დაბრუნებისათვის რომ ხელი შეეშალა, პარლამენტმა 1701 წელს აქტი შეადგინა, რომლის ძალითაც ანას შემდეგ ტახტი იაკობ I ნათესავს ჰანოვერის კურფიურსტებზე უნდა გადასულიყო. მაგრამ ტახტის მათ ხელში გადასვლა უნდა მოხმდარიყო მხოლოდ განსაზღვრული პირობებით: ინგლისის მეფე ანგლიკანური ეკლესიის მიმდევარი უნდა ყოფილიყო; უცხოელებს ნება არ უნდა ჰქონოდათ მინისტრებად ან საიდუმლო საბჭოს წევრებად ყოფილიყვნენ, სასამართლოების თავისუფლებისა და დამოუკიდებლობის განსამ.



ტკიცებლად მსაჯულთა გადაუყენებლობა უნდა შენოელოთ; პარლამენტის წევრებს ნება არ უნდა ჰქონოდათ რაიმე თანამდებობა მიელოთ და იმავე დროს წევრობის უფლებებიც შეენარჩუნებიათ. უკანასკნელი დადგენილება შემდეგში შეიცვალა: მინისტრები პარლამენტის წევრებიდან ინიშნებოდნენ, მაგრამ თუ ისინი თემთა პალატას ეკუთვნოდნენ, დეპუტატობაზე უარი უნდა განეცხადებიათ. თუ მათ ხელოხლად დეპუტატად აირჩევდნენ, მაშინ უფლება ეძლეოდათ მინისტრობა და დეპუტატობა შეეთავსებიათ. ამგვარად, მინისტრებს მუდმივი ურთიერთობა ჰქონდათ პარლამენტთან, ხოლო დანარჩენი თანამდებობის პირები მოშორებული იყვნენ პარლამენტს, რათა მათ დეპუტატებზე გავლენა არ მოეხდინათ.

ანას მეფობის მთავარი ყურადღება იქპანის მემკვიდრეობისათვის ომისკენ იყო მიპყრობილი. ერთხანს ეს ხანგრძლივი და მძიმე ომი საზოგადოებას რტაცებდა, მაგრამ შემდეგ მისდამი ინტერესი თანდათან მინეღდა, რადგანაც პირდაპირი სარგებლობა არაფერი სჩანდა, ფიზიკური და ქონებრივი ზარალი კი ბევრი იყო. მეფემ ამით ისარგებლა და ვიგების სამინისტრო რომელიც ომს უჭერდა მხარს, და აგრედვე მალბოროც, რომელმაც მას თავისი უფლებამოყვარებითა და ანგარებით თავი მოაბეზრა, თავიდან მოიცილა. ომის პირდაპირი შედეგი ინგლისისათვის არ იყო სახარბიელო, სამაგიეროდ არა პირდაპირი დიდი იყო, რადგანაც ამ ომმა პოლანდია დაასუსტა, ხოლო საფრანგეთის ფლოტმა კატასტროფა განიცადა. ამას გარდა საშინაო პოლიტიკაში თვალსაჩინო ცვლილება მოხდა: შოტლანდია, რომელსაც ინგლისთან საერთო მხოლოდ მონარქი ჰყავდა, ეხლა ინგლისს უფრო მჭიდროდ დაუკავშირდა და მასთან ერთი მთლიანი სახელმწიფო შექქმნა. შოტლანდიელებს ინგლისის თემთა პალატაში 45 ადგილი დაეთმოთ, ხოლო ლორდებისაში 16 ადგილი. სასამართლო და სახელმწიფო ეკლესია ორივე მხარეს საკუთარი დარჩათ; სამაგიეროდ შოტლანდიელებმა „ერთობის აქტის“ თანახმად ედინბურგის პარლამენტზე უარი განაცხადეს (1707).





### 3. ჰანოვერის დინასტია და პარლამენტარული სისტემის განმტკიცება.

1714 წელს ანა გადაიკავდა და ტახტზე ჰანოვერის კურფ-ჟურისტი გეორგ I ავიდა, რომელმაც ინგლისურად ლაპარაკიც კი არ იცოდა და თავისი გერმანული სამთავროს ბედით უფრო იყო დაინტერესებული, ვიდრე ინგლისის მონარქიის საქმეებით. გეორგ I და მისი შვილი გეორგ მე-II ისევე უცხო იყვნენ ინგლისისათვის, როგორც ვილჰელმ მე-III. ამ გარემოებამ დიდად შეუწყო ხელი პარლამენტის უაღრეს უფლებიანობის განმტკიცების და კაბინეტის მართველობის განვითარებას, ე. ი. იმგვარ წყობილებას, როდესაც მთავრობა თვითა პალატის უმრავლესობისაგან სდგება და თავისი ბედით ამ უმრავლესობასთან არის მჭიდროდ დაკავშირებული. როდესაც პარლამენტში ძალთა განწყობილება იცვლებოდა, და არსებული მთავრობა რომელიმე საკითხის შესახებ ხმის უმრავლესობას ვერ მიიღებდა, ეს იმას ნიშნავდა, რომ მას უნდობლობას უცხადებენ, და ამიტომ იგი ადგილიდან უნდა გადამდგარიყო. ჰანოვერის სახლობის გამეფების დროს ინგლისში, როგორც პარლამენტში, ისე საზოგადოებაშიც უმრავლესობა მხარს ვიგებს უჭერდა, რომლებიც 1688 წლის რევოლუციით დამყარებული პოლიტიკური წყობილების და პროტესტანტიზმის მომხრედ გამოდიოდნენ და ჰანოვერის დინასტიას იკავდნენ, რადგანაც იგი პარლამენტის უზენაესობას და პროტესტანტიზმის ბატონობას უზრუნველყოფდა. ამას გარდა ვიგები ცდილობდნენ ვაჭართა კლასთან კარგი განწყობილება დამყარებით, რომელიც თან და თან მდიდრდებოდა და ძლიერდებოდა. ტორებს მხარს უჭერდა მრავალრიცხოვანი მემამულეთა კლასი. მაგრამ რაკი იგინი დისენტერებს სდევნიდნენ და განდევნილ სტურტებთან ურთიერთობას განაგრძობდნენ, მათ ხალხი ფარულ იაკობიტებად სთვლიდა და აღმაცერად უყურებდა.

### 4. მოსყიდვის სისტემა და ვალპოლი.

მაგრამ ვიგები მარტო საზოგადოებრივ აზრზე არ იყვნენ დაყრდნობილნი. მართველობის შესანარჩუნებლად ისინი



ხშირად არაკეთილშობილოური საშუალებებითაც სარგებლობდნენ. ვილჰელმ მე-III გამოცემული კანონის ძალით თემთა პალატის კომპენტენცია სამ წელს გრძელდებოდა, რის შემდეგაც ახალი არჩევნები უნდა მომხდარიყო. ვიგებმა ეს ვადა შვიდ წლამდე აიყვანეს. ხაზინის პირველ ლორდათ **რობერტი უალპოლი** შეიქმნა; ის კარგი ფინანსისტი იყო, მაგრამ ადამიანის ღირსებას ზიზღით უცქეროდა და მიზნის მისაღწევად არავითარ საშუალებას არ ერიდებოდა; მან **მექრთამეობის სისტემა** შემოიღო, რამაც ვიგების ბატონობა დიდი ხნით უხრუნველყო პარლამენტში. საქმე ის არის, რომ ვიგების პარტიაში ბევრი შეძლებული ინგლისელი არისტოკრატი ირიცხებოდა, და ისინი სისტემატიურად სარგებლობდნენ თავისი გავლენითა და ფულით, რათა მოსყიდვით ან ძალდატანებით ხმა ვიგების კანდიდატებისათვის ეშოვნათ. არჩევნები რომ საყოველთაო ყოფილიყო ან და ხალხის უმრავლესობას მაინც ჰქონოდა არჩევნების უფლებები, მაშინ ეს, რა თქმა უნდა, შეუძლებელი იქნებოდა. მაგრამ ინგლისში არჩევნების სხვაგვარი წესი იყო: საგრაფოებში არჩევნების უფლება მემამულეებსა და მსხვილ ფერმერებს ჰქონდათ (წვრილი მესაკუთრეები, ჩვენებურად, მიწის მუშა გლეხები, ინგლასში იმ დროს თათქის სრულად აღარ იყვნენ, ხოლო სოფლის მუშები, როგორც საკუთრებას მოკლებულნი, ხმის უფლებით ვერ სარგებლობდნენ). ასე რომ არჩევნებში მარტო ეს ორი ძალა გამოდიოდა. მაგრამ მსხვილ მემამულეებს საშუალება ჰქონდათ ძალა დაეტანებიათ ფერმერებისათვის და ამ გვარად არჩევნებზე გავლენა მოეხდინათ.

მაგრამ საგრაფოებში საშუალო და ზოგი წვრილი მემამულე მაინც იყო, და ესენი თითქმის ყველანი ტორების პარტიას თანაუგრძნობდნენ. ასე რომ აქ ვიგებს მაინც საკმაო ბრძოლა უხდებოდათ. საზავიეროდ ივინი მთელს თავის იმედებს ე. წ. „დაბალ დაბებზე“ ამყარებდნენ. ეს ის ადგილები იყვნენ, რომელნიც ოდესღაც მნიშვნელოვან პუნქტებს წარმოადგენდნენ და ამის გამო პარლამენტში დეპუტატების გაგზავნის უფლებით სარ-



გებლობდენ; ახლა ამ დაბათა უმრავლესობა სრულიად ჩამოქვეითებული იყო, ასე რომ ზოგ მათგანს სულ რამდენიმე ათეული მცხოვრები თუ ჰყავდა. ამის მიუხედავად ძველი ამომრჩეველობითი უფლებები მათ მაინც შერჩათ და, რადგანაც იგინი ან რომელ იმე ნემამულის საკუთრებას შეადგენდნენ ან და თავის მცხოვრებთა მცირე რიცხოვანობის გამო ადვილი მოსასყიდელი იყვნენ, ვიგები თავის დეპუტატებს მათ არჩევივბდენ, და აი სწორედ ეს დეპუტატები ლონდონის წარმომადგენლებთან ერთად პარლამენტში წარბშეუხბრელად „მოღვაწეობდენ“.

მოსყიდვა, მექრთამეობა თვით პარლამენტშიაც კი გამეფდა; გაბატონებული პარტიის მიმზიდველი ძალა მით უფრო ძლიერი შეიქმნა, რომ მინისტრი თანამდებობებს, პენსიებსა და პირდაპირ საჩუქრებსაც (ფულად) არიგებდა. უაღბოლი გასაკუთრებით მოუხრიდებლი იყო ამ მხრივ, და ამასთანავე თუ კი ვისმე მოისყიდდა, აუცილებელ მორჩილებსაც მოსთხოვდა მას. მაგრამ პარლამენტარული ბოროტ მოქმედებით სარგებლობა მხოლოდ მშვიდობიან დროს შეიძლებოდა, როდესაც ქვეყანა დაწყობილი იყო და მას საქირბოროტო საკითხები არ აღელვებდა. ხოლო როდესაც რომელიმე ძლიერი საზოგადოებრივი მიმდინარეობა იჩენდა თავს, მაშინ მისი შეჩერება არაფითარ მოსყიდვასა და მახინაციებს არ შეეძლო, თუნდ იგი ისეთს დახელოვნებულ პირსაც კი ეწარმოებინა, როგორიც უაღბოლი იყო. უაღბოლმა ეს ძალიან კარგად იცოდა, და ამიტომ იყო, რომ იგი მთელი 20 წლის განმავლობაში მშვიდობიანი ცხოვრების დაცვას ცდილობდა; იგი ყოველგვარ გართულებას გაუბრბოდა და განსაკუთრებით ომს უფრთხილდებოდა, მაგრამ დაიწყო თუ არა ომი ისპანიასთან, ვალბოლის ექვები გამართლდა და იგი სამინისტროდან იძულებული შეიქნა გამოსულიყო. მართალია ვიგები ჯერ კიდევ სახელმწიფოს სათავეში დარჩენ, მაგრამ ცხადად სჩანდა, რომ ეს მდგომარეობა დიდხანს არ გასტანდა.



### ნ სტუარტების უკანასკნელი ცდა.

მე-XVIII საუკუნის ნახევარში სტუარტებმა უკანასკნელად სცადეს ინგლისის გვირგვინის დაბრუნება. იაკობ III-ს შვილი **კარლოს ედუარდი** მთიან შოტლანდიაში გადავიდა და მთიულებისაგან შემდგარი მცირე ჯარით სამხრეთისაკენ გაეშურა. მისი მეომრების თავდასხმა ისეთი შეუპოვარი იყო, რომ ინგლისის ორი რაზმი დამარცხებულ იქმნა, ხოლო ტახტის მამიებელი ინგლისში შეიჭრა. მაგრამ (კიულოდენტან) კარლოსის რაზმები, რომლებიც ორღესილი მახვილებით იყვნენ შეიარაღებულნი, მთავრობის ჯარმა (ტყვიისმსროლელ იარაღით აღჭურვილმა) დაამარცხა, და კარლოს ედუარდმა მხოლოდ გაქცევით უშველა თავს. ამას შემდეგ იგი აჯანყების მოწყობას აღარ ცდილა.

## 3. ინგლისის კოლონიალური პოლიტიკა.

### 1. ინდოეთი და ამერიკა.

1756 წელს ინგლისი შვიდი წლის ომში იღებდა მონაწილეობას; ამან საზოგადოებრივი ინტერესები გააცხოველა და პარლამენტის ჩვეულებრივი წესრიგი შესცვალა. სახელმწიფოს სათავეში ჯერ კიდევ ვალბოლი იდგა, როდესაც თემთა პალატის წევრებისაგან ერთი ჯგუფი შესდგა, რომელიც მოსყიდვის სისტემას გმობდა და კეთილშობილურისა და ძლიერის ეროვნული პოლიტიკის წარმოებას მოითხოვდა. ამ იდეალისტებს ჯგუფის მთავარი წარმომადგენელი გამოჩენილი ორატორი **უილიამ პიტ** იყო. პიტ თავისი ლამაზი და მომხიბვლელი სიტყვით მსმენელთ აჯადოება. შვიდი წლის ომის დროს იგი სამხედრო მინისტრად იქმნა დანიშნული, და მანაც მალე დაამტკიცა, რომ მას არა მარტო ლაპარაკი, არამედ მოქმედებაც შეეძლო. პიტ ენერგიულ დახმარებას უწე-



ვდა ფრიდრიხ მე-II როგორც ფულით ისე ჯარითაც, და ფრანგებს მათს ახალშენებში საგრძნობ ზიანს აყენებდა. გენერალმა ულფმა მთელი კანადა დაიკავა. ჯერ კიდევ ელისაბედის დროს დაარსებული აღმოსავლეთ-ინდოეთის სავაჭრო ამხანაგობა ინდოეთში ნელ-ნელა ნავთსადგურებს იძენდა; მან მადრასი და კალკუტა დააარსა, ხოლო პორტუგალიისაგან ბომბეა მიიღო. მე-XVIII საუკუნის დასაწყისში „დიდი მოგოლის“, თემურ ლენგის მემკვიდრის სამეფო, რომელიც ნახევარკუნძულზე წესრიგს იცავდა, საბოლოოდ დაინგრა. დაიწყო უთანხმოება იმ თემთა შორის, რომლებსაც ევროპიდან გადმოსახლებულებთან ურთიერთობის მოწყობა უხდებოდათ. უკანასკნელნი თვითონ იყვნენ ორ ბანაკად გაყოფილნი—ინგლისელები ემყარებოდნენ მადრასს, კალკუტას და ბომბეას, ფრანგები კი—პონდიშერის. 50-ან წლებში კლ აივმა, აღმოსავლეთ-ინდოეთის ამხანაგობის ყოფილმა უბრალო ნოქარმა და ახლა გუბერნატორმა, ფრანგები და ადგილობრივი მცხოვრებლები დაამარცხა. პიტმა მთავრობის ჯარით ამ მოძრაობას ზურგი გაუმაგრა: ინგლისელებმა პონდიშერი აიღეს და ამით ნახევარკუნძულზე უპირატესობა მოიპოვეს. პარიზში დადებულის საზავო ხელშეკრულების ძალით (1763) ფრანგებმა კანადა დასთმეს, ხოლო პონდიშერი უკანვე დაიბრუნეს, მაგრამ მათი გავლენა ინდოეთში მაინც საბოლოოდ იყო დაკარგული.

## 2. პარლამენტის ოლიგარქია.

იმ დროს, როდესაც ინგლისი თავისს კოლონიალურ პოლიტიკას წარმატებით აწარმოებდა, ამერიკაში ახალშენს ახალშენზე იძენდა და ამით ინგლისის ვაჭრობა-მრეწველობას განვითარების გზას უკაფავდა, თვით ინგლისში ფრიად საინტერესო მოვლენას ჰქონდა ადგილი. მეფე გეორგ მე-II 1760 წელს გარდაიცვალა, ხოლო მასი ადგილი უფლებამოყვარულმა გეორგ მე-III დაიკავა. მან ზედმეტი გავლენის მოპოვება გადაწყვიტა და სამინისტროს შედგენა „მეფის შეგობრებისა-

გან“ სკადა. მაგრამ აღმოჩნდა, რომ ვიგები უფრო ძლიერნი ყოფილიყვნენ, ვიდრე მეფეს ეგონა, და იგიც იძულებული შეიქმნა, ისევ მათ დაყრდნობოდა.

მეორე მხრივ, პარლამენტმა ხალხის უზენაესუფლებიანობის წინააღმდეგაც გაილაშქრა: პარლამენტის წევრმა უილკსმა გაზეთში მეფის სიტყვის კრიტიკა მოათავსა. მეფის მოთხოვნით თემთა პალატამ იგი თავის წევრთა სიიდან ამოარიცხა, ხოლო სასამართლომ დაპატიმრება გადაუწყვიტა. უილკსი საფრანგეთს გაიქცა. ხალხმა ის მაინც რამდენჯერმე აირჩია დეპუტატად, მაგრამ პალატა ყოველთვის რიცხავდა მას, ხოლო მის მაგიერ მის მოწინააღმდეგეს ამტკიცებდა. ეს უკვე ამომრჩევლების უფლების დარღვევა იყო; ლონდონში აღელვებული ხალხი პარლამენტის წევრებს შეურაცყოფას აყენებდა. ამ შემთხვევამ ნათელი მოჰქინა პარლამენტისა და ქვეყნის ანორმალურ მდგომარეობას, და მოწინავე ელემენტებიც რეფორმების ნიადაგის მომზადებას შეუდგენ. უცნობმა ავტორმა, იუნიუსის ფსევდონიმით წერილების მთელი რიგი დაბეჭდა, სადაც იგი მეფის მოქმედებასა და პარლამენტის ოლიგარქიას კრიტიკის ქარცეცხლში ატარებდა.

#### IV. ამერიკის განთავისუფლება.

##### 1. ამერიკის ახალშენები.

შვიდი წლის ომმა ინგლისს ფრიად საყურადღებო სარგებლობა მოუტანა: საფრანგეთის კანადა ინგლისელების ახალშენებთან იქმნა შეერთებული. პირველი ახალშენი—ვირჯინია ელისაბედის მეკობრეებმა მოაწყვეს მე-XVI საუკუნის ბოლოს; იქ ჩასახლებული ინგლისელები ისპანელებმა და ინდიელებმა გაჟლიტეს; მაგრამ მათ მაგიერ ამ ქვეყანაში სხვა ახალშენელები ჩასახლდნენ და გამაგრდნენ. ვირჯინიას წარმატებას თუთუნის პლანტაციების აყვავებამ შეუწყო ხელი, სადაც მსხვილი მესაკუთრეების მონა ნეგრები მუშაობდნენ. სამხრეთის ამ ახალშენებში მცხოვრებნი ანგლიკანიზმს აღიარებდნენ.

სულ სხვა ტიპის იყვნენ ჩრდილოეთის ახალშენები, ვერედ წოდებულის ახალი ინგლისის მცხოვრებნი მათ შორის პირველი ადგილი მასსაჩუხსეტის ახალშენს ეჭირა. ეს ახალშენი იმ პურიტან ინდეპენდენტებმა დააპარეს, რომლებიც იაკობ I მიერ მოწყობილი დევნის დროს ჰოლანდიაში გადაიხიზნენ და შემდეგ ამერიკაში გადასახლდნენ. აქ წვრილი მეურნეობა იყო გაბატონებული. ახალშენელები მიწის დამუშავებას, ნადირობასა და ადგილობრივ ხალხთან ვაჭრობას მისდევდნენ. მტკიცემ, ღვთისმოსავე და თავისუფლების მოყვარე პურიტანებმა ბოლოსაც იქნა თავისი საკუთარი საერო და საეკლესიო წყობილების მოწყობა შესძლეს და პატარა დემოკრატიული რესპუბლიკები დაიარსეს.

შედარებით სხვაგვარი იყო პენსილვანია. იქ კვაკერები იყვნენ გაბატონებულნი (ესე იგი ის სექტა, რომლის მიმდევრებიც სარწმუნოებრივ ხელმძღვანელობას წინასწარმეტყველურ ზეშთავაგონებაში ეძიებდნენ). ივინი ისეთივე მხნე, შრომის მოყვარე და ღვთის მოშიში ხალხი იყვნენ, როგორც პურიტანები, მაგრამ ამათგან იმით განსხვავდებოდნენ, რომ პოლიტიკურ თავსუფლებას გულგრილად ეპყრობოდნენ და ომიანობას გაუბოდნენ. ახალშენის ნიუ-იორკის მოსახლეობაში დიდ ელემენტს ჰოლანდიელები შეადგენდნენ; მართვაგამკეობის მხრივ თითქმის სრულიად დამოუკიდებელნი იყვნენ: გენერალ-გუბერნატორი, საბჭო და ხალხს წარმომადგენლთა კრება (ახალ-ინგლისში ზოგჯერ მთელი ხალხის ყრილობა სწყვეტდა მნიშვნელოვან საკითხებს), — აი ის ორგანოები, რომელნიც კოლონიების სახელმწიფოებრივ ცხოვრებას განაგებდნენ. მარტო ომიანობის დროს ხდებოდა საგრძნობი მეტროპოლიისაგან პოლიტიკური დამოკიდებულება: ინგლისელები აქ გემებს აგზავნიდნენ და ნავთსადგურებით სარგებლობდნენ. სამავიროდ ვაჭრობა-მრეწველობის დარგში ინგლისის ბატონობას ყველა მწკავველ გრძნობდა: ახალშენებს მარტო ინგლისელებისათვის უნდა გადაეცათ ნედლი მასალა. ახალშენების მნიშვნელობა

დღითი დღე იზრდებოდა, მაგრამ არა მარტო იმიტომ რომ მათ ხელში დიდი ნივთიერი სიმდიდრე იყო, არამედ მიტომატ, რომ იქ თავშესაფარს საზოგადოების ყველა უკმაყოფილო და დევნილი ელემენტი პოულობდა. ამასთანავე ამერიკის ახალშენები თავისუფალი იყვნენ იმ ფანანსიური ტვირთისაგან, რომელიც გადასახადების სახით დიდ ბრიტანიას აწვა კისერზე და ყოველი ომის ან სახელმწიფოებრივი მექანიზმის გართულების შემდეგ იზრდებოდა. ეს უპარატესობა ამერიკელი ახალშენებისა ინგლისელებს უსაპართლოებად მიჩნდათ, რადგანაც მათ დასაცავად ხშირად დიდ ხარჯებს ეწეოდნენ. ეს საკითხი განსაკუთრებული სიმწვავეთ შვიდი წლის ომმა წამოაყენა; და ეს ასეც უნდა მომხდარიყო, ვინაიდან სამართლიანობა მოითხოვს ითქვას, რომ ეს ომი ნამდვილად ინგლისისათვის ამერიკის ომს წარმოადგენდა. ახალშენთა დაბეკრვის პრინციპის შემოსაღებად პარლამენტმა ამერიკაში სავაჭრო და სასამართლო ქაღალდებზე საგერბო გადასახადების დაწესება გადასწყვიტა. ახალშენებმა ამაზე მტკიცე პროტესტი განაცხადეს; მათმა წარმომადგენელმა ლონდონში—**ფრანკლინმა** მინისტრებს აცნობა: ამერიკელები გადასახადებს გადაიხდიან, მაგრამ მხოლოდ ისეთ გადასახადებს, რომლის შემოდებაშიც თვითონ მიიღებენ მონაწილეობას. ამით მას გმის თქმა უნდოდა, რომ ლონდონის პარლამენტში ამერიკელთა დეპუტატებიც უნდა შედიოდნენ. ამ განცხადებას თვითა პალატაში დეპუტატმა პატმაც დაუჭირა მხარი: თუ მოვალეობას აღსრულებს ამერიკელებს, მათ ისეთივე უფლებებიც უნდა მინიჭდეთ, როგორც ინგლისელებს აქვთ. შემდეგი ყველა ამისა ის იყო, რომ საგერბო გადასახადი გააუქმეს; მაგრამ მთავრობამ სხვა მხრივ შემოუარა საქმეს: მან განკარგულება მოახდინა ყველა იმ საქონელზე, რომელიც ამერიკის ნევთსადგურებში შეჰქონდათ, განსაზღვრული ბაჟი დაედვათ. ამის საპასუხოდ ახალშენებმა ფილადელფიაში კონგრესი მოიწვიეს, ხოლო ბოსტონში გადაცმულ ახალგაზრ-



დათა ჯგუფმა აღმოსავლეთი ინდოეთიდან მოტანილი ჩაი ზღვაში გადაჰყარა. მთავრობამ ჯარები გაგზავნა, მაგრამ ამან საქმე კიდევ უფრო გაამწვავა. ამერიკის საქმის მოსაგვარებლად გეორგ მე-III პირველ მინისტრად „მეფის მეგობრების“ წარმომადგენელი, ლორდი ნორსი (North) დანიშნა, რომელმაც ტორჯის ახალი კაბინეტი შექმნა და ვიგემის 70 წლის ბატონობას ბოლო მოუღო.

## 2. ამბოხება ამერიკაში.

სამხედრო მოქმედება 1775 წელს დაიწყო. ამერიკელმა მოხალისეებმა ინგლისის რაზმს გზა გადაუჭრეს და აიძულეს, უკან დაეხია; ცოტახნის შემდეგ ინგლისელებმა ბოსტონთან ამერიკელთა პოზიციები იერიშით აიღეს, მაგრამ ბრძოლის დროს შემართა მთელი რიცხვის ნახევარი დაჰკარგეს.

1776 წლის 4 ივლისს ამერიკელებმა „დამოუკიდებლობის დეკლარაცია“ გამოსცეს, რომლითაც ინგლისთან ყოველივე კავშირი სწყდებოდა, როგორც იმ ქვეყანასთან, რომლის მთავრობამაც ადამიანის უფლებები დაარღვია.

„ყოველი კაცი თანასწორად არის შექმნილი და შემოქმედმა მას ზოგიერთი ხელ-უხლებელი უფლება, სხვათა შორის, სიცოცხლე, თავისუფლება და ბედნიერებისაკენ მისწრაფება მიანიჭაო. მთავრობები ამ უფლებათა დასაცავად არიან მოწოდებულნი, ხოლო როდესაც მთავრობა მათ არღვევს, ხალხს მისი მოსპობა ან გამოცვლა შეუძლიაო“, იყო ნათქვამი დეკლარაციაში. ამერიკელები მიხვდნენ, რომ ინგლისის მთავრობას მათი სრული დამონაგება ჰქონდა განზრახული, და ამიტომ ახალშენები „ჩრდილოეთი ამერიკის დამოუკიდებელ შეერთებულ შტატებად“ გამოაცხადეს.

ამერიკის არმიის მთავარსარდლად კონგრესმა მამაცი და მტკიცე პატრიოტი გეორგ ვაშინგტონი დანიშნა. მისი მდგომარეობა ძალიან მძიმე იყო, ის ხელმძღვანელობდა მოხალისეებს, რომლებსაც არც სათანადო გაწვრთნა ჰქონდათ და არც

დისციპლინა; ისინი კარგად ისროდენ და მამაცად იცავდენ თავიანთ პოზიციებს, მაგრამ მანევრების არა ესმოდათ რა, და ხშირად მთელი რაზმებით ბანაკიდან თავ-თავის სახლში ბრუნდებოდენ. სამხედრო მეურნეობა არ იყო მოწესრიგებული, და ამიტომ ჯარს არც საკმაო ტანთსაცმელი ჰქონდა და არც პროვიანტი. მაგრამ არც ინგლისელები იყვნენ უკეთეს მდგომარეობაში. მთავრობის დაუდევრობისა გამო მათი ხმელეთის ჯარი ძალიან დაქვეითებული იყო; ჯარისკაცები კარგი იყვნენ, მაგრამ ისე მცირე რიცხვოვანი, რომ მთელი ინგლისში ომის დაწყებისას მთელი ჯარი სულ ოციათასამდე კაცს ძლივს შეიცავდა. **ნორსმა** არაჩვეულებრივ საშალებას მიმართა. მან გერმანიის სხვადასხვა მთავრობის ჯარები დაიქირავა და სხვადასხვა დროს დაახლოებით 3000 გერმანელი ამერიკაში გადასხა (ბრაუნშვეიგის ჰერცოგმა თითოეულ მოკლულ მეომარში 50 ტალერი მიიღო, ხოლო დაქრილში — 16<sup>2</sup>/<sub>3</sub>). მაგრამ არც ეს იყო საკმარისი ამერიკის უზარმაზარი ტერიტორიის დასაპყრობად, რომელიც მტრულად განწყობილი მოსახლეობით იყო დაკავებული. ამას გარდა რაკი ყოველგვარი სურსათი ზღვით მოსდიოდათ, შეუძლებელი იყო ატლანტიკის ნაპირებს დიდ მანძილზე დაშორებოდენ.

მაგრამ ამის მიუხედავად ინგლისელები და მათი დაქირავებული რაზმები ამერიკელებს მაინც ხშირად ამარცხებდენ. ხოლო ამას არავითარი შედეგი არ მოჰქონდა მათთვის, რადგანაც დაპყრობილ ტერიტორიას ისევ მტრულად განწყობილი მოსახლეობის ხელში სტოვებდენ. ინგლისელების ენერგიული მოქმედება ხანდისხან დამარცხებითაც თავდებოდა. გენერალი ბიორგონი ნიუ-იორკიდან მომავალი რაზმის შესახვედრად წავიდა, მაგრამ გზაში ამერიკელებისაგან ვარსშემორტყმულ იქმნა და მტერს დანებდა. ამავე დროს ევროპის საზოგადოების თანაგრძნობა თანდათან ამერიკელების სასარგებლოდ იცვლებოდა: საფრანგეთი, რომელმაც ინგლისთან ომის დროს ძალიან ბევრი ახალშენი დაჰკარგა, პირდაპირ ამერიკას მიე-

მხრო და ვაშინგტონს დიდი სასახური გაუწია; საფრანგეთს მიჰკვა ისპანიაც. ხოლო დანარჩენმა სახელმწიფოებმა რუსეთის მეთაურობით „შეიარაღებული ნეიტრალიტეტი“ გამოაცხადეს, რათა თავისი გემები ინგლისელებისაგან დაეფარათ, რომელნიც ყველა გემზე კონტრაბანდას ეძემდნენ. ზღვაზე გამარჯვება მაინც ინგლისის მხარეზე იყო; სამაგიეროდ თვით ამერიკაში საქმე თანდათან უარესდებოდა. მოხალისეები თანდათან იწვრთნებოდნენ და რეგულიარულ ჯარს აღარაფრით ჩამოუვარდებოდნენ: ლორდი კორნუოლისი ბიორგონივით მომწყვდეულ იქმნა და მოწინააღმდეგეს დანებდა. ეს დამარცხება იყო რომ ომის ბედი გადასწყვიტა. 1783 წელს პარიზში საზავო ხელშეკრულება იქმნა დადებული, რომლის ძალითაც ინგლისმა უპირველესად ყოკლისა შეერთებული შტატების დამოუკიდებლობა სცნო, ხოლო ამის შემდეგ შეთანხმება საფრანგეთთან და ისპანიასთანაც მოახდინა, რომლის მიხედვითაც იძულებული შეიქმნა, მათთვის ბევრი რამ დაეთმო.

### 3. შეერთებული შტატების კონსტიტუცია

შეერთებულ შტატებს მუდმივი პოლიტიკური ორგანიზაცია უნდა შეეუშავებიათ, რადგანაც ინგლისელების საწინააღმდეგოდ შემდგარი კავშირი წესიერი სახელმწიფოებრივი ცხოვრებისათვის უვარჯისი იყო. 1787 წ. 13 შტატიდან დებუტატების „კონვენცია“ შესდგა და მან ფედერალური კონსტიტუცია შეიმუშავა. თითოეული შტატი განკერძოებულ სახელმწიფოდ იქნა ცნობილი და მას თავისი შინაური საქმეების მოწყობა სა და გაძლოლაში სრული დამოუკიდებლობა მიენიჭა; საერთო დიპლომატიური ურთიერთობის მოსაწყობად, სამედრო თავდაცვისათვის, ვაჭრობის საერთო საქმეების, გზებისა და ფოსტის მოსაწყობისათვის და გასაძლოლად და დასასრულ შტატებს შორის მოსალოდნელი გაუგებრობისა და უთანხმოების გასარჩევად საერთო კავშირი შეიქმნა. აღმასრულებელი უფლება კავშირში პრეზიდენტს მიენდო, რომ



მელსაც საყოველთაო ხმის მიცემით 4 წლის ვადით ირჩევენ; საკონონმდებლო უფლება—**სენატისა** და **დეპუტატთა პალატის** ხელში გადავიდა. სენატში შტატების წარმომადგენლები შედიოდნენ. წონასწორობის დასაცავად თითოეულ შტატს წარმომადგენლების თანასწორი რიცხვი ჰყავდა (ორ-ორი, ექვსი წლის ვადით). სამაგიეროდ დეპუტატთა პალატაში შტატებს თავისი მოსახლეობის შესაფერისი რიცხვი ჰყავდათ დეპუტატებისა (ორი წლის ვადით). კონსტიტუციის გამოცვლა განსაკუთრებული კონვენციის უფლებას შეადგენდა, რომელიც სპეციალურად ამ მიზნისათვის უნდა ყოფილიყო მოწვეული. ასეთად ჩრდილო ამერიკის ფედერაციის კონსტიტუციის ძირითადი დებულებანი.

### ძველი წესწყობილება (ancien régime)

მეთასე წლებში დასავლეთი ევროპის მცხოვრებნი დაახლოვებით ერთსა და იმავე პირობებში ცხოვრობდნენ. ეს მით უფრო საყურადღებოა, რომ იგინი მრავალ სენიორიად იყვნენ დაყოფილნი. სახელმწიფოებრივი უფლება ყველგან მსხვილი მემამულეების ხელში იყო, ყველგან უბრალო, ნატურალურ მეურნეობას მისდევდნენ; საზოგადოება ყველგან სამს, ერთმანეთისაგან უფსკრულით დაშორებულს ჯგუფად იყო გაყოფილი: რაინდებისა, სამღვდელოებისა და ვილანების წოდებად; სარწმუნოება და განათლება კათოლიკური ეკლესიის ხელმძღვანელობის ქვეშ იმყოფებოდა. 1700 წლებში ევროპას სულ სხვა გამომეტყველება ჰქონდა: აღმოცენდა მრავალი ძლიერი სახელმწიფო, რომელმაც სენიორიების უმეტესი ნაწილი ჩაჰყლაპა; განვითარდა ვაჭრობა-მრეწველობა, გამდიდრდა ქალაქები, გაჩნდა და გაიზარდა ძლიერი საშუალო კლასი, **ბურჟუაზია**. სარწმუნოების მხრივ საზოგადოება რამდენიმე ეკლესიად დაიყო; მეცნიერება, ლიტერატურა და ხელოვნება საერო პირების ხელში გადავიდა და საერო ელფერი მიიღო. ფეოდალუ-



ჩი ხანის ერთფეროვანი წყობილება მრავალფეროვანი ერთობით შეიცვალა.

## 1 გერმანია.

### ა. გლეხოზა.

გერმანია თავის დასავლეთ მეზობლებთან შედარებით ჩამორჩენილი ქვეყანა იყო. გლეხოზის უმეტესი ნაწილი ბატონყმობის უღელქვეშ დრტვინავდა. იგი თაობიდან თაობამდე იძულებული იყო მემამულეების მიწაზე ეცხოვრა და მათთვის ემსახურა; მემამულეების მიწა-წყალი ყმებით დასახლებული სოფლებით იყო გარსშემორტყმული, და მემამულეთა ადგილმამულს ყმები ამუშავებდნენ: ყოველი უბანი ვალდებული იყო განსაზღვრული მუშა ხელი გამოეყვანა, რომელსაც მებატონის მამული უნდა დაემუშავებია, გადაეზიდ-გადმოეზიდა ტვირთი და სხვადასხვა დავალება შეესრულებია. ამას გარდა გლეხები ბეგარასაც იხდიდნენ: მიჰქონდათ ბატონისთვის ტილო, ქათმები, ზეთი და სხვა. მიწის დამუშავება და პურის მოყვანა ზანტად მიმდინარეობდა და ჯობ ქვეშ სწარმოებდა; გლეხები ლატაკნი, გაუნათლებელნი და უხეშნი იყვნენ.

### ბ. ქალაქები: ამქროზა.

ქალაქი გერმანიაში ძალიან ბევრი იყო, თუმცა XVPI საუკუნეში ისინი ისე მდიდარნი და გავლენიანნი არ ყოფილან, როგორც მე-XIV და მე-XV საუკუნეში. ამერიკისა და კეთილი იმედის კონცხის გარშემო გზის აღმოჩენის შემდეგ, მსოფლიო ვაჭრობა ჰოლანდიელებისა და ინგლისელების ხელში გადავიდა. გერმანიის ქალაქებს უფრო მცირე როლით დაკმაყოფილება უხდებოდათ: ყოველი მათგანი თითოეულ ოლქში განათლებისა და მრეწველობის ცენტრობას ეწეოდა; ამ ქალაქების შრომისმოყვარე ბურგერები სივიწროვეს ეჩვეოდნენ. ქალაქის მრეწველობა კერძო ინიციატივას როდი ეყრდნობოდა: მისი ყოველი დარგი, მაგ. მეფეხსაცმეობა და სხვა, კერ-



ძო, ვიწრო ხელოსანთა ამხანაგობას (ამქარს) შეადგენდა. დამოუკიდებელი ხელოსნის ხარისხის მისაღებად ხანგრძლივი გამოცდა, მოწაფეთა და ხელოსნის თანაშემწეთ ყოფნა იყო საჭირო; ამას შემდეგ ახალგაზრდა ხელოსანი ჩვეულებრივ სამოგზაუროდ მიდიოდა, უცხო ქვეყნებში მუშაობდა, უცხოელის საწარმოვო საშვალებათ და სამუშაო ხერხებს ეცნობოდა და მოგზაურობიდან დაბრუნების შემდეგ თავისი ამქარის ხელოსნების სამსჯავროს წინაშე თავისი ნამუშევრის ნიმუშს ადგენდა; ამას შემდეგ მისი ზედი ხელოსანთა საერთო კრებაზე კენჭის ყრით სწყდებოდა. როგორც კერძო ამქრები, ისე კავშირიც დაუღალავ თვალ-ყურს ადევნებდა, რომ საქონელი განსაზღვრული წესით და განსაზღვრული ხარისხის დაემზადებიათ; ფასების დაწესება, მუშებსა და უფროსებს შორის ურთიერთობის მოწესრიგება, ამქრის წევრების ზნეობასა და აღზრდაზე ზრუნვა — ყველაფერი ეს ამქრის მოვალეობასა და უფლებას შეადგენდა. მაგრამ მალე გამოიჩინა, რომ ამგვარი წესრიგი უკვე დროის შესაფერი აღარ იყო: როდესაც ვაჭრობა გაიზარდა, მცხოვრებთ ახალი მოთხოვნები გაუჩნდათ და, ამისდა მიხედვით, წარმოების ახალი საშუალებები იქმნა შემოღებული, ყველამ ცხადად იგრძნო, რომ ამქრული წესწყობილება უნდა შეცალილიყო. მისი გადაჭარბებული და წვრილმანი რეგლამენტაცია სწორედ იმას ებრძოდა, რაც ახალი დროისათვის იყო აუცილებელი: წინსვლას, კერძო ინიციატივას და წარმოების ახალ საშვალებათა ძიებას.

### გ. თავადაზნაურობა.

გერმანელი აზნაურობა ძალიან ძლიერი და ამაყი იყო; ბურგერებისაგან განცალკევებით ცხოვრობდა, ასე რომ მაგ. ბურგერთან დამოყვრება სამარცხვინო საქმედ ითვლებოდა. მიწა აზნაურების ხელში იმყოფებოდა; მემამულეებმა გარდა დაბეგვრის უფლებისა თავის გლეხებზე ფეოდალური ხანიდან სასამართლო და პოლიციური უფლებებიც შეინარჩუნეს. სამხედ-

რო სამსახური მხოლოდ აზნაურს შეეძლო; ეს საშუალებს აძლევდა აზნაურთა უზრუნველყოფას და წვრილ მემამულეთ თავისი მდგომარეობა გაეუმჯობესებიათ; სამაგიეროდ სასამართლოებსა და სამოქალაქო დაწესებულებებში უმეტეს ნაწილად ბურჟუაზია მსახურობდენ.

### დ. სამღვდლოება.

სამღვდლოების მდგომარეობა კათოლიკურსა და პროტესტანტულ ქვეყნებში სხვადასხვა ნაირი იყო. კათოლიკურ ქვეყნებში სამღვდლოება უამრავ ადგილ-მამულს ფლობდა და დიდი გავლენით სარგებლობდა. იგი ორი ჯგუფისაგან შესდგებოდა: უმაღლესი სამღვდლოება (პრელატები) აზნაურობის წრიდან გამოსული პირები იყვნენ და მის შეხედულებებსა და ინტერესებს იზიარებდენ; ხოლო დაბალი სამღვდლოება (სამრევლო) ბურჟუაზიასა და გლეხებს უახლოვდებოდა და მათთან ერთად სიღარიბეს განიცდიდა. მონასტრებში, რომელთა რიცხვიც ძლიერ დიდი იყო, ორივე ჯგუფი ერთდებოდა: უბრალო ბერები საზოგადოების ყოველი წრიდან გამოდიოდენ. ხოლო აბბატები და სხვა მოთავე პირები თავად აზნაურობიდან იყვნენ და ამიტომ არისტოკრატიობდენ. პროტესტანტების ქვეყნებში ეკლესიამ, რეფორმაციის მეოხებით, თავისი პოლიტიკური მნიშვნელობისა და სიმდიდრის ნაწილი დაჰკარგა. პასტორები მთავრობის ძლიერ გავლენის ქვეშ იმყოფებოდენ; იგინი ბურჟუაზიის წოდებას ემხრობოდენ, და ამიტომ არისტოკრატიის ეს მთავარი ბურჟუა პროტესტანტთა ქვეყნებში არ არსებობდა. ფეოდალური ხანის ნაშთი ჯერ კიდევ მრავალი იყო გერმანიაში, და მისი სრული ლიკვიდაციისათვის ბევრი მუშაობა იყო საჭირო. ეს საქმე, რა თქმა უნდა, მთავრობას უნდა აეღო თავის თავზე. მაგრამ უბედურებაც სწორედ იმაში იყო, რომ გერმანია სწორედ თავის სახელმწიფოებრივ წესწყობილებებში ატარებდა მრავალს ძველს ფეოდალურ ელემენტს: ვესტფალის ზავის პირობებმა გერმანიის პოლიტიკური მთლიანობა მოსპო და ძველს ფეოდალურ დაქსაქსულობას დაუბრუნა. „იმპერია“ არსებობდა,



მაგრამ მთელი მისი შემოსავალი სულ 8000 ტალერით განი-  
ზომებოდა. რეიხსტაგი სამ კურიად (კურფურტები, მთავ-  
რები და ქალაქები) და ორ სარწმუნოებად (corpus catholi-  
corum და corpus evangelicorum) იყო გაყოფილი. ეს გა-  
რემოება მის დადებრთს ზუშაობას ყოველთვის აფერხებდა.  
მე-XVIII საუკუნის გერმანია 300-ზე მეტ სახელმწიფოდ იყო  
დაყოფილი და ყველა მათგანი დამოუკიდებლობით სარგებ-  
ლობდა (300-დან ოცდაათი სახელმწიფოს ტერიტორიის სივ-  
რცე ორ კვადრატ მილზე ნაკლები იყო; 10-ს ეკავა  $\frac{1}{4}$ -დან  
ერთ მილამდე. ზოგიერთი მთავრის მიწა-წყლის სივრცე ისეთი  
იყო, რომ ზარბაზნის გასროლაც არ შეეძლო, რადგან ყუ-  
მბარა მეზობლის ადგილს მისწვდებოდა). ის სახელმწიფონი,  
რომლებიც ცოტად თუ ბევრად თვალსაჩინონი იყვნენ, სხვა  
სახელმწიფოებთან შეკავშირების უფლებითაც კი სარგებლობ-  
დენ; ხოლო მცირე მნიშვნელობისანი თავიანთ ქვეშევრდომე-  
ბზე მაინც იჩენდენ თავის უალრესუფლებიანობას. ავსტრია და  
პრუსია სხვებზე ძლიერი იყვნენ, მაგრამ უნდობლობას და  
მტრობას მეზობლებში სწორედ ეს გარემოება იწვევდა.

## 2. საფრანგეთი.

### ა. გლახობა.

საზოგადოებრივი ცხოვრება საფრანგეთში უფრო განვი-  
თარებული იყო, ვიდრე გერმანიაში. ფრანგი გლახები პირა-  
დად თითქმის ყველა თავისუფალი იყო. იყვნენ უბნები, სა-  
დაც ბატონყმური განწყობილება კიდევ იყო დარჩენილი, მაგ-  
რამ თანდათანობით ესენიც განთავისუფლდენ და გლახებმა  
მიწები კერძო საკუთრებად შეიძინეს, მაგრამ ფეოდალური  
უფლის სრულებით მოცილება მაინც ვერ შეიძლეს: ისინი  
განაგრძობდენ მიწაზე გადასახადის გაღებას, და ამას გარდა  
ბევრს სხვა ვალდებულებასაც ასრულებდენ სენიორების სა-



სარგებლოდ, მაგ. თავისი ურმით უზიდავდენ პურს, ფქვავდენ ხორბალს მათ წისკვილში, უცხოებდენ პურს, ღვინოს ჰყიდდენ რამდენიმე ღლით გვიან, ვიდრე სენიორები და სხვა. საერთოდ საფრანგეთის გლეხოზა შრომის სიყვარულითა და საქმიანობით განირჩეოდა; მიწას ჩვეულებრივ წვრილი მესაკუთრეები, ან მოიჯარადრენი ამუშავებდენ, და რაკი ბატონუშობის ნაშთები ჯერ კიდევ მოსპობილი არ იყვნენ, გლეხები არისტოკრატის სიძულვილით იყვნენ გაყდენთილნი და თავისი სრული განთავისუფლებისთვის საბრძოლველად მუდამ მზად იყვნენ.

### ბ. მოქალაქენი.

მოქალაქეთა კლასი, რომელსაც საფრანგეთში ბურჟუაზიას ან მესამე წოდებას უწოდებდენ, გერმანელების ბიურგერებს ზოგ რაშიმე ძლიერ წააგავდა. მრეწველობის დარგებში აქაც ისეთივე ბრძოლა სწარმოებდა ამქარსა და კერძო ინიციატივას შორის, როგორც გერმანიაში; მცირე გამოკლებით საფრანგეთის ქალაქებიც ისევე, როგორც გერმანიისა, უფრო ადვილობრივი ცხოვრების ცენტრები იყვნენ, ვიდრე მსოფლიო ვაჭრობისა; მაგრამ იყო თვალსაჩინო განსხვავებაც: საფრანგეთის ქალაქები უფრო მეტად იზიდავდენ მცხოვრებთ, ვიდრე გერმანიისა; საფრანგეთის ბურჟუაზიის საუკეთესო ძალები პარიზში იყრიდენ თავს, რომელიც ისეთ როლს თამაშობდა, რომლის მსგავსზე გერმანიის სატახტო ქალაქებსაც კი არ შეეძლოთ ოცნება: პარიზში სწყდებოდა პოლიტიკისა და მართველობის უმთავრესი საკითხები; აქ იყრიდა თავს სავაჭრო ოპერაციების ქსელი; პარიზში ხდებოდა მოწინავე ელემენტების აზრთა გაცვლა-გამოკვლა და მუშავდებოდა საზოგადოებრივი აზრი. პარიზის წყალობით საფრანგეთის ბურჟუაზია შეკავშირდა და თავისი თავი და თავისი ძალა შეიგნო. მისი წარმომადგენლები — მწერლები და მოღვაწეები თავის თავს არისტოკრატიაზე დაბლა არ აყენებდენ; პირიქით, არისტოკრატია

მათ გავლენას ემორჩილებოდა, როგორც საზოგადოებრივი აზრის მეთაურებისას.

### ც თავად-აზნაურობა.

თავად-აზნაურობა რაღაც გამოუტყვეველ მდგომარეობაში იმყოფებოდა. მართველობის ყოველ-გვარი უფლება: სენიორების სასამართლო, პოლიცია და ადგილობრივი მართველობა — ყველაფერი ეს სახელმწიფოს ხელში გადავიდა; ყველა პროვინციალურ საქმეებს **ინტენდანტები** განაგებდენ; მეფე შეუზღუდველად მართავდა სახელმწიფოს. ამის მიუხედავად არისტოკრატთა შოგი პრივილეგია მაინც შეინარჩუნა: თავად-აზნაურობა არა მარტო სასახლეში და არმიაში იყო დაწინაურებული, არამედ იგი სრულებით განთავისუფლებული იყო მრავალგვარი გადასახადებისაგანაც და მიწის ბაჟსაც ძლიერ მცირეს იხდიდა. სასახლესთან დაახლოვება მას საშუალებას აძლევდა, თავისთვის უხვი წყალობა, პენსიები და ათასგვარი შეოვათი გამოეთხოვა; რამდენადაც ნაკლები სარგებლობა მოჰქონდა აზნაურობას სახელმწიფოსათვის, იქდენად უფრო ბოროტად იყენებდა იგი სასახლას განწყობილებას.

სხვა აზნაურთა შორის სრულიად განსაკუთრებული ალავი სასამართლოს წოდებას, ეგრედ წოდებულს „**მანტიის დილკაობას**“ (noblesse de robe) ეჭირა. მსაჯულთა თანამდებობას ფულით იძენდენ, და მომავალ თაობას მემკვიდრეობით გადასცემდენ. თუმცა თავისთავად ეს წესი უკუღმართობას წარმოადგენდა, მაგრამ იგი მსაჯულთა კორპორაციებს თვალსაჩინო დამოუკიდებლობას ანიჭებდა, და ეს კორპორაციები თავისი დამოუკიდებელი მდგომარეობით ხშირად მთავრობის მოქმედების გასაკრიტიკებლად სარგებლობდენ.

### დ. სამღვდელთაობა.

როგორც აზნაურობა, ისე სამღვდელთაობაც სხვადასხვაგვარი უპირატესობით სარგებლობდა. მიუხედავად იმისა, რომ ის უძრავ მამულებს ფლობდა, საზოგადო გადასახადებისაგან

მინც განთავისუფლებული იყო, ან და მხოლოდ ძლიერ ცოტას იხდიდა და იმასაც ხშირად მთავრობასთან შეთანხმებით. მაგრამ თვით სამღვდელოებაც, გერმანიის არ იყო, ორს უთანასწორო წრედ იყოფოდა: მდიდარი პრელატები, რომელნიც მთელს საეკლესიო სიმდიდრეს ფლობდნენ, და ღარიბი სამრევლო სამღვდელთება, რომელსაც სიღარიბით თითქმის სული ძვრებოდა.

#### e. თავად-აზნაურობის სოციალური პრივილეგიები და მთავრობა.

როგორ ანგარიშს უწევდა მთავრობა საზოგადოებრივი ცხოვრების ანორმალურ პირობებს? მეფის მთავრობა ისე ძლიერი იყო და ისეთი უფლებებით სარგებლობდა, რომ რაც კი უნდა მომხდარიყო საფრანგეთში, ყველაფრის პასუხისმგებლად მას სთვლიდნენ და ყოველივე საქმეში მისგან მოელოდნენ შევლას და მფარველობას; მას აბრალებდნენ არსებული წეს-წყობილების ყოველგვარ უსამართლობას. მეფემ არისტოკრატის პოლიტიკური უფლებები ჩამოართო და შეუბრალებლად ჩაახშო მისი ცდა, რომელიც დამოუკიდებლობის მოსაპოვებლად იყო მიმართული. სამაგიეროდ სხვა მხრივ მონარქია მკიდროდ დაუკავშირდა არისტოკრატულ საზოგადოებას და არც სურვილი ადევრია მასთან კავშირის გაწყვეტისა. მეფე თავის თავს „პირველ აზნაურად“ სთვლიდა და თავად-აზნაურობის სოციალურ პრივილეგიებს უზრუნველ ჰყოფდა. ამ მხრივ ძველი ტრადიციული უპირატესობანი თავად-აზნაურობისა ხელუხლებლნი დარჩნენ.

#### f. საბაჟოები.

მაგრამ ტრადიციამ არა მარტო თავად-აზნაურობის მიმართ გამოიჩინა სიცოცხლის უნარი, არამედ იგი ბევრს სხვა სფეროშიც ხელუხლებელი დარჩა. წინად, როდესაც საფრანგეთი მრავალს სახელმწიფოებრივ ერთეულად იყო გაყოფილი, ბუნებრივი იყო, რომ ყოველი ასეთი ერთეულის საზღვარზე



საბაჟოები იყვნენ მოწყობილნი. ხოლო, როდესაც ამ პოლიტიკურ დაქსაქსულობას ბოლო მოეღო, და საფრანგეთი ერთს სახელმწიფოებრივ სხეულში გაერთიანდა, ასეთ საბაჟოებს ადგილი აღარ უნდა ჰქონოდა. ეს ქვეყნის მრეწველობასა და ვაჭრობას ზიანის მეტს არაფერს მიაყენებდა, ხოლო თვითონ ხალხს აუტანელ სიმძიმეთ უნდა დასწოლოდა. ამის მიუხედავად ძველი საბაჟო წესები მაინც დარჩა და ვისაც მაგ. მდინარე ლუარით საქონლის გადატანა უხდებოდა, მას 27 ადგილას ცალკე ბაჟი უნდა გადაეხადა. ხალხი ამ უაზრო წესების გამო ღრტვინავდა, და ისტორიაში ცნობილია ის აღშფოთება, რომელსაც საფრანგეთში ე. წ. მარტილის ბაჟი იწვევდა.

## კ. ინგლისი.

### ა. გლეხობა.

ინგლისმა უმეტეს ნაწილად უკვე დააღწია თავი იმ დაბრკოლებებს, რომელიც საზოგადოებრივ ცხოვრებას საფრანგეთსა და გერმანიაში ახასიათებდა. ინგლისის გლეხობამ ჯერ კიდევ საშუალო საუკუნეების დასასრულს მოიშორა თავიდან ბატონყმობა. მან თავი დაიხსნა მემამულეთაგან, და უკვე მე-XV საუკუნეში გლეხები იმ მიწების მესაკუთრეებად სცვენეს, რომელსაც ისინი დიდი ხანი იყო ფლობდენ; ამგვარად განსხვავება თავისუფალ მცხოვრებლებსა და ვილლანებს შორის ჯერ კიდევ მე-XV საუკუნ. მოისპო. ინგლისი წვრილი მეურნეობის ქვეყნად გადაიქცა, და საშუალო საუკუნეების მონობის ნაშთი მხოლოდ მცირე მნიშვნელოვან ადგილობრივ ჩვეულებებში და დარჩა. მაგრამ მე-XV საუკუნის ბოლოს ინგლისში ახალმა პროცესმა იჩინა თავი, რომელიც წვრილი მეურნეობისთვის დამლუპველი აღმოჩნდა. საქმე ის არის, რომ ახალი გზებისა და ბაზრის აღმოჩენის ზეგავლენით საჭირო შეიქმნა მრეწველობაში მსხვილი მეურნეობა ჩასახულიყო და გაძლიერებულიყო; ეს კი მიწის დიდი ნაქრების დამუშავებას,



მრავალრიცხოვანი მუშების შეერთებულ მოქმედებას, კაპიტალის დაბანდვასა და წარმოების გაუმჯობესებულ საშუალებათა გამოყენებას მოითხოვდა. წვრილი მესაკუთრებისათვის ამგვარი მეურნეობისათვის მეტოქეობის გაწევა საძნელო იყო. ამიტომ გლეხებმა უმეტეს ნაწილად თავისი მამულები მეზობელ მემამულეებს მიჰყიდეს; თვითონ კი, რადგანაც მათთვის ეს უფრო ხელსაყრელი იყო, ან ფერმერობას (მოიჯარადრეობას) ჰკიდებდნენ ხელს, ან სოფლადვე ქირავდებოდნენ, ან ვაჭრობა-მრეწველობის დარგში სამოღვაწეოდ ქალაქში მიდიოდნენ ან და ხშირად სულ სტოვებდნენ სამშობლოს და ინგლისის ახალშენებში სახლდებოდნენ. ნელ-ნელა მესაკუთრე გლეხების კლასი ისპობოდა, და მეჯოგეობა და მიწის დამუშავება მემამულეების და მოიჯარადრეების ხელში გადადიოდა.

## ბ. ქალაქი.

ამ მოვლენასთან მჭიდროდ იყო დაკავშირებული ქალაქების მცხოვრებთა რიცხვის გაზრდა და მრეწველობის განვითარება. ინგლისის მრეწველობა მარტო ადგილობრივი ბაზრით არ კმაყოფილდებოდა: ის თავის ნაწარმოებს ახალშენებსა და უცხო სახელმწიფოებში აგზავნიდა და იქ ასაღებდა; მსოფლიო ვაჭრობაში ინგლისელებმა პირველი ადგილი დაიკავეს. ამ პირობებში ამქრობის არსებობა შეუძლებელი გახდა, და მანაც თავისი ადგილი თავისუფალ კონკურენციასა და კერძო ინიციატივას დაუთმო. მე-XVIII საუკუნეში მრავალი ახალა ტექნიკური საშეღალეა იქნა შემოღებული; ამას ის მოჰყვა, რომ მუშა ხელის ადგილი მანქანამ დაიკავა. **გარგრევისმა** ძაფის სართავი მანქანა გამოიგონა, ხოლო **კარტრაიტმა** საფეიქროდ ღზავა; **უატტმა** ორთქლით მამოძრავებელი მანქანა გააუმჯობესა; ლითონისა და მინანქარის წარმოებაში არსებითი გაუმჯობესება იქმნა შეტანილი. გაბოროტებული მუშები ხშირად აფუჭებდნენ მანქანებს, რომელიც ადამიანის შრომას უსულყო



მექანიზმის მუშაობით სცვლიდა. მაგრამ საბოლოოდ მუშებიც მოგეზულნი დარჩნენ, რადგანაც წარმოება ძალიან გაიზარდა და იქ, სადაც წინად ათიათასობით მუშაობდნენ, მილიონები შეიქმნენ საქირონი; განსაკუთრებით ინგლისის ჩრდილოეთი დარჩა მოგებულნი: მანჩესტერი, ბირმინგემი, ლიდსი და შეფფილდი მრავალრიცხოვან მცხოვრებთა ქალაქებად გარდაიქცენ; ქვანახშირის სიუხვე კიდევ მეტ წარმატებას უქადდა ინგლისის მრეწველობას.

### ც. თავდაზნაურობა.

არისტოკრატია ინგლისში, მართალია, არ მოსპობილა, მაგრამ კანონის წინაშე მაინც ყველანი თანასწორნი იყვნენ, და მოქალაქეობრიობის მხრივ არაფერი არსებითი უთანასწორობა არ არსებობდა. მართალია, წარჩინებულთა მცირე რიცხვი კიდევ იყო, მაგრამ იგი კარჩაკეტილ კასტად არ გადაქცეულა. ლორდის ტიტული და საგვარეულო მამული მხოლოდ უფროს შვილზე გადადიოდა, ხოლო უმცროსი შვილი იმგვარივე უბრალო მომაკვდავი იყო, როგორც ყველა დანარჩენი ინგლისელი. საშუალო და წვრილი აზნაურობა ქალაქის კლასებში შეუმჩნეველად ითქვიფებოდა. თუმცა თურიდიულად ყველა ინგლისელი გათანასწორებული იყო, მაგრამ ფაქტიურად არისტოკრატამ მეურნეობასა და პოლიტიკურ ცხოვრებაში თავისი განსაკუთრებული მნიშვნელობა მაინც შეინარჩუნა. მისი ზურგის გამამაგრებელი მემამულეთა კლასი იყო. მისი წრედან ინიშნებოდნენ მომრიგებელი მოსამართლეები, რომლებიც არა მარტო მეორე ხარისხიდან საქმეებს არჩევდნენ, არამედ ადგილობრივი მართველობისა და პოლიციის საქმეებსაც განაგებდნენ. იმავე მემამულეთა კლასზე იყო უმთავრესად დამოკიდებული სახელმწიფოს მართვის საქმეც, რადგანაც დახვედებული არჩევნების სისტემის წყალობით მისი წარმომადგენლები თემთა პალატაში უმრავლესობას შეადგენდნენ.



ლორდების პალატაში კი იმავე კლასის უმაღლესი წარმომადგენლები ისხდნენ; ვაჟარ-მრეწველთა კლასს არ ჰქონდა იმდენი პოლიტიკური უფლებები, რაჰდენიც მათ რიცხვის, სიმდიდრისა და მნიშვნელობის მიხედვით შეეფერებოდათ. ქალაქებს, მართალია, ადგილობრივი წარმომადგენლობითი მართველობა ჰქონდათ, მაგრამ პარლამენტში დეპუტატებს არა ძალთა განწყობილების, არამედ ძველი ჩვეულებების მიხედვით აგზავნიდნენ. ამიტომაც უმნიშვნელოვანესი ცენტრები, რომელთაც თავისი მნიშვნელობა უკანასკნელ ხანებში მოიპოვეს, მანჩესტერი, ბირმინგამი, ლიდსი—თემთა პალატაში სრულიად უდებუტატოდ იყვნენ დატოვებულნი. არსებული ცენზის წყალობით საზოგადოების უღარიბესი ნაწილი ჩამოშორებული იყო არჩევნებს.

### ბ. სამღვდლოება.

სარწმუნოების მხრივ ინგლისი მრავალ მიმართულებად დაიყო, და თითოეულს მათგანს განსხვავებული საზოგადოებრივი ელფერი მიეცა. მემამულეთა კლასი ეპისკოპალურ ეკლესიას მისდევდა, ხოლო ქალაქებში სხვადასხვაგვარი დისენტერები სქარბობდნენ. ყოველ შემთხვევაში ყველა უპირატესობა, რომლის მიცემაც მთავრობის მფარველობას შეეძლო ეკლესიისათვის, მდიდარსა და გავლენიანს ეპისკოპალურ ეკლესიას ხვდა წილად.

ამგვარად, ინგლისის საზოგადოებრივმა წესწყობილებამ მაინც არისტოკრატიული ხასიათი შეინარჩუნა; ამიტომაც ბუნებრივი იყო, რომ ინგლისელების უმრავლესობა რეფორმებს მოითხოვდა. მაგრამ ხალხი გაბოროტებული არ ყოფილა და რევოლიუციასზე არ ფიქრობდა. ამის მიზეზი ბევრი იყო: ქონებრივი კეთილდღეობა, არისტოკრატის დამსახურება სახელმწიფოებრივისა და ადგილობრივი მართველობის წინაშე, კანონისადმი ღრმა პატივისცემა, რომლის ხელშეუხებლობაც ინგლისელებმა მეფისაგანაც კი დაიცვეს, და, დასასრულ, იმის ღრმა



რწმენა, რომ აღრე თუ გვიან საზოგადოებრივი აზრი დაინტეგრირდება და უმცირესობის ანგარება აილაგმებოდა.

ყველგან, ყველასთვის და ყველაფერში ნათლად სჩანდა, რომ ფეოდალური წყობილების წიაღთაგან წარმოშობილი „ძველი წესწყობილება“ უვარგისი იყო: გერმანიაში ის ხელს უშლიდა ქონებრივსა და სულიერ განვითარებას, საფრანგეთში მისი საფუძველი უკვე შეირყა, მაგრამ მთავრობა და უმაღლესი კლასები მაინც პრივილეგიებს უჭერდნენ მხარს; ინგლისში იურიდიული გათანასწორება უკვე ფაქტი იყო, მაგრამ პოლიტიკური ბატონობა მაინც მემამულეთა კლასის ხელში დარჩა. ამგვარად ფართო მასის ინტერესები ახალ წყობილებას მოითხოვდნენ, მაგრამ არა მარტო ინტერესები, ამასვე მოითხოვდა ადამიანის გონებაც, რომელმაც თავისი გამოხატულება იმდროინდელ მწერლობაში იპოვა.

## ლიტერატურა და მისი გავლენა.

### 1. ინგლისი.

მე-XVII საუკუნის ლიტერატურაში ჯერ კიდევ ძლიერი იყო ინტერესი რეფორმაციის ხანის დროს წამოჭრილი საკითხებისადმი, და ეს მიტომ რომ მაოლოდ მე-XVII საუკუნეში დასრულდა ბრძოლა რელიგიურ პარტიათა შორის. ეს ყველაზე უფრო ინგლისის ლიტერატურას ეტყობოდა. გამოჩენილი მგოსანი მილტონი (1608—1674), ინგლისის პირველი რევოლუციის ერთი მოღვაწეთაგანი, რწმენით ინდებენდენტი და რესპუბლიკანელი, —სარწმუნოებას და მტკიცე ზნეობას ურწმუნოების, ფუქსავატობისა და ძალადობისაგან იცავდა. მისი „დაკარგული სამოთხე“ სატანასა და ცბიერ ძალთა შორის წარმოებული ბრძოლის სურათს, შეცოდებასა და პირველი ადამიანების დასჯას გვიხატავს. თუმცა პოემაში ბევრი რამ არის მოსაწყენი და ნაძალადევი, მაგრამ მილტონის პოეტურმა შემოქმედებით



ძალამ, რაც მრისხანისა და დიდებული ნაკვთების გამოხატვაში გამოისახა, ზნეობრივი გრძნობის სიღრმემა და ენის სილამაზემ თავისი გაიტანა და პოემას ლიტერატურის ისტორიაში საუკეთესო ადგილი მიაკუთვნა. მილტონი პოლიტიკური მწერალიც იყო; სტუარტების მომხრეებთან წარმოებულ პოლემიკაში იგი იმ შეხედულების წინააღმდეგ გამოვიდა, რომელსაც მეფის უფლება ღვთისგან ბოძებულად მიაჩნდა; სამაგიეროდ „არეოპაგიტიკაში“ პოეტი ბექდვის თავისუფლების დამცველად გამოდიოდა. პურიტანიზმის მეორე წარმომადგენელი ლიტერატურაში ბიონიანი იყო. მისი უმთავრესი ნაწარმოები „პილიგრიის მოგზაურობა“ ალევგორიული მოთხრობაა იმის შესახებ, თუ რამდენ განსაცდელსა და ხიფათს ხვდება ქრისტიანი ჭეშმარიტების ძიების დროს.

## 2. საფრანგეთი.

### 1. იანსენიზმი და პასკალი.

კიდევ უფრო თვალსაჩინოდ რელიგიური მოტივები საფრანგეთის ლიტერატურაში გამოსკვივის. მაგრამ აქაც ორს მთავარ მოვლენას ჰქონდა ადგილი. სერიოზულსა და მორწმუნე კათოლიკეთა შორის „იანსენიზმი“ ვრცელდებოდა; ეს მიმართულება ხელუხლებლად სტოვებდა ტრიდენტის კრების მიერ დამტკიცებულ დოგმებს, მაგრამ მეტ გულწრფელობასა და სარწმუნოებრივი გრძნობით ღრმად გამსჭვალვას სთვლიდა საჭიროდ; კაცის ცხოვრებისათვის ღვთის მადლის აუცილებლობას აღიარებდა და „კეთილი საქმეების“ განსაზღვრული რიცხვითა და ეკლესიის გამოქონებებით არ კმაყოფილდებოდა. მოწინააღმდეგენი იანსენიტებს კალვინიზმისადმი მიდრეკილებას უკიჟინებდენ; თვითონ იანსენიტები კი იესუიტების მუხანათურს სარწმუნოებრივ პოლიტიკასა და მათ მიერ ცოდვებისა და ცუდი ზნეობის ხელის დაფარებას შეუპოვრად გამობ-



დენ. პასკალის (1623—1662) „პროვინციალური ბარათები“ იეზუიტების მხილებას წარმოადგენს; მისი „აზრები“—ეს იმ ადამიანის აღსარებაა, რომელიც ყოველი შემთხვევით სარგებლობს, რათა მულამ უმთავრეს საკითხებს დაუბრუნდეს, საკითხებს ღვთისა და სულის შესახებ. თუ პასკალის ნაწერებს სარწმუნოებრივი გრძნობის სიღრმის მხრივ ეკლესიის ოფიციალური წარმომადგენლების ნაწარმოებთ შევადარებთ, იძულებული ვიქნებით აღვიაროთ, რომ უკანასკნელნი პირველზე გაცილებით დაბლა დგანან.

### ე ბ ო ს ა უ ე .

საფრანგეთის ერთმა უშესანიშნავეს მქადაგებელთაგანმა **ბოსაჟემ** (1627—1704) დასწერა „მსჯელობა მსოფლიო ისტორიის“ შესახებ, სადაც ის ამტკიცებს, რომ ისტორიული მოვლენები შემთხვევითი ხასიათის კი არ არიან, არამედ ერთი განსაზღვრულ გეგმის შესრულებას ემსახურებიან, და ეს გეგმა იმაში მდგომარეობს, რომ ღვთის განგება **ქრისტიანობისა და კათოლიკური ეკლესიის გამარჯვებას** ისტორიულ პროცესში თანდათან ნიადაგს უმზადებს. თავის მეორე თხზულებაში („პოლიტიკა“) ბოსაჟე მეფის უფლების განმარტებას იძლევა; მისი აზრით ეს უფლება ღვთაებრივი შთამომავლობის არის, და ამიტომ მისი მორჩილება ყოველ ადამიანს თვით განგებისაგან აქვს დაკისრებული.

### მ. სახელმწიფოს ზრუნვა ხელოვნებისა და მეცნიერების შესახებ.

მე-XVII საუკუნეში საფრანგეთის მონარქიას დიდი გავლენა ჰქონდა არა მარტო სახელმწიფო წეს-წყობილებაზე, არამედ თვით სულიერ ცხოვრებაზედაც. 1636 წელს რიშულიემ „საფრანგეთის აკადემია“ დააარსა, რომლის დანიშნულებასაც ენისა და წერის საკითხში განათლებული საზოგადოების ხელმძღვანელობა შეადგენდა: ამით ლიტერატურა ოფიციალურად მეფის მფარველობის ქვეშ მოექცა. ლიუდოვიკ მე-XIV დროს

დაარსებულ იქმნა აგრედვე „წარწერების აკადემია“, რომელსაც პირველხანებში მედლებსა და ძეგლებზე წარწერების გაკეთება ჰქონდა დავალებული; შემდეგში ეს საზოგადოება თანდათან მეცნიერთა და ფილოსოფოსთა საზოგადოებად გადაკეთდა. ცოტა უფრო გვიან „ხელოვნების აკადემია“ და „მეცნიერების აკადემია“ აღმოცენდა. პარიზი და სასახლე საფრანგეთის საუკეთესო ძალებს იზიდავდა.

### ე. სალონები.

ბუნებით საზოგადოებრივობისა და შვენიერებისადმი განწყობილი ფრანგები ლიუდომიკ მე-XIV<sup>ე</sup> დროს ერთ განათლებულ საზოგადოებად შეკავშირდნენ, რომლის მსგავსიც მთელ ევროპაში არ მოიძებნებოდა, და რომელიც ყველასათვის მისაბამ მაგალითად გარდაიქცა. ამ საზოგადოებაში თვალსაჩინო ადგილი ქალებს ეჭირათ; მათგან ყველაზე უფრო მიმზიდველნი და ჰკუამახვილნი თავის გარშემო გამოჩენილ პოლიტიკოსებს, მეცნიერებსა და ხელოვანთ იკრებდნენ, „სალონებში“ მუსაიფობდნენ, ოხუნჯობდნენ და მსჯელობდნენ ყოველდღიურ შემთხვევებსა და ინტერესებზე და გაცხოველებულ ლაპარაკში გემოვნებას იმუშავებდნენ. შემდეგ ეს გავლენას ახდენდა ლიტერატურასა და ხელოვნებაზე. სასახლის გავლენა თავის მხრივ იმდროინდელ არქიტექტურაზე სიფაქიზისა და პატავმოყვარეობის ბეჭედს ასვამდა. ვერსალის სასახლე თავისი უზარმაზარი დარბაზებით, ალეგორიული და სამხედრო სურათებით, მორთული კარნიზებით, ძვირფასი ავეჯით, თვალწარმტაცი შადრევანებით და ხელოვნური ხეივნებით საუკეთესო გამოძახტველი იყო ლიუდომიკ მე-XIV ხანის გემოვნებისა.

### ტრაგედია და ფსევდოკლასიციზმი.

ტრაგედიის განვითარებისათვის განსაკუთრებული პირობები არის საჭირო. ის ნიადაგს ვერ იპოვის იმ საზოგადოებაში, რომელიც წვრილმანი ინტერესებით არის გატაცებული;

თვალსაჩინო განვითარებას იგი ვერც ისეთ დროს მიაღწევს, როდესაც ხალხის მსოფლმხედველობა ჯერ კიდევ ჩამოყალიბებული არ არის; მაგრამ მე-XVII საუკუნის საფრანგეთის საზოგადოებამ უკვე დააღწია თავი სამოქალაქო ომებს, მონარქიის ხელმძღვანელობის როლი სრულიად გამოირკვა. კათოლიკური ეკლესიის ბატონობა საეკვეო აღარ იყო, საზოგადო მსოფლმხედველობა აზროვნების სიმტკიცითა და სიცხადით იყო გამსჭვალული, ფრანგულმა ენამ და ფრანგულმა გემოვნებამ სრულ სიმწიფეს მიაღწია. ამავე დროს ჯერ კიდევ ცხოველი იყო მებხიერებაში ენერგიული და გაათრებული სამოქალაქო ომები; საზოგადოება იცნობდა როგორც გამარჯვების სიამაყეს, ისე დამარცხებულთა ჭმუნვითი გულის ტკივილს, მტრებიც კი შერიგდნენ, რომ ხელი ხელს ჩაკიდებულნი ევროპის ბრძოლის ასპარეზზე მეფისა და საფრანგეთის დიდების შესაქმნელად გამოსულიყვნენ. ამგვარ პირობებში შესაძლო და აუცილებელიც იყო ტრაგედიის აღმოცენება. კორნელი და რასინი მე-XVII საუკუნის საუკეთესო ტრაგიკოსები იყვნენ. კორნელის დრამებში გამოხატულ ნაკვთებს ძლიერების, ენერჯისა და სიმკვეთრის ბეჭედი აზის. კორნელი თავისი გმირებს ბედს საზოგადოებრივ ბრძოლას და ისტორიულ შემთხვევებს უქვემდებარებს; ერთს მის საუკეთესო პიესაში („ცინნა“) გამოხატულია, მაგ. ავგუსტუსის დროის რომაელი, რომელიც რესპუბლიკანური იდეებით არის გამსჭვალული; მის გვერდით მისი სატრფო სდგას, რომელმაც ნათქავეების დაღუპვისათვის იმპერატორის წინააღმდეგ შური უნდა იძიოს; შეთქმულება ეწყობა, მაგრამ იმპერატორი იმარჯვებს და ამას იგი არა მარტო თავისი ძლიერამოსილებით ახერხებს, არამედ სულგრძელობითაც. რასინი დაკვირვებული ანალიზატორია, მას უყვარს ყოველი ცალკე ადამიანის სულში გულისთქმისა და წადილების ბრძოლის გადაშლა. მსგავსად ევრიპიდესი მან „ფედრში“ ქალის სახე შექმნა, რომელიც გიჟური და ბოროტი სიყვარულით არის გატაცებული; „გოფოლიას“

სუჟეტი ძველი აღთქმიდან არის ამოღებული; აქ პირისპირ არიან დაყენებულნი უფლება მოყვარე მეფე ქალი და ყმაწვილი, რომელსაც რელიგიური აღზრდა მიუღია და სარწმუნოებასა და საეკლესიო გადმოცემას მოწიწებით ეპყრობა.

საზოგადო იდეები, რომელიც ამ პიესებს აქვს სარჩულად დადებული, შეუდარებელის ძალითა და თანდათანობით არის გატარებული; მოქმედებისა და ლაპარაკის წვრილმანები ამ საზოგადო იდეების ყოველ მხრივ გასაშუქებლად და იმ ეფექტების გამოსაყენებლად არის ნაფარაუდები, რომელიც თავთ მდგომარეობიდან გამომდინარეობს; მოქმედი პირების სიტყვა ლამაზი და ძლიერია. ყველა ამის მიუხედავად ტრაგედიებს ნაკლიც აქვს, რამაც მათ მომავალი თაობის თანაგრძნობა დაუყარვა. პირველ ყოვლისა მათში არ არის თავისუფლება: ყველასთვის სავალდებულოდ აღსარებული წესების მოჩილება ავტორებს საჭიროდ მიაჩნდათ; გარდა ამისა მგისნების შემოქმედება სასახლის ეტიკეტსა და უმაღლესი საზოგადოების დესპოტიურ გემოვნებას უწევს ანგარიშს; მგოსანს არ შეუძლია აირჩიოს სიუჟეტი და მოქმედი პირები, საიდანაც უნდა: ის ვალდებულია სცენაზე მეფეები და წარჩინებულები გამოიყვანოს; მას არ აქვს მოქმედების დანაწილების ნება თავისი შეხედულების მიხედვით: მან ტრაგედიაში „სამი ერთობა“ უნდა დაიცვას: ერთობა ადგილისა, დროისა და მოქმედებისა ე. ი. მისი ტრაგედია ადგილის გამოუცვლელად, დროის შეუწყვეტლად და ერთი მოქმედების სხვა მოქმედებებით გაურთულებლად დასრულდეს. მოქმედ პირთა სიტყვები უეჭველად „მაღალი სტილის“ უნდა იყოს, სიდიდითა და მშვენიერებით შემკობილი. უწესრიგობასა და სიტლანქეს დიდის გულმოდგინებით სდევნიდენ. საფრანგეთის მწერლები თითქოს ნიმუშად კლასიკურ ნაწარმოებს იღებდენ, მაგრამ ნამდვილად კი ფსევდოკლასიკურ ტრაგედიებს ჰქმნიდენ: ისინი ხატავდენ არა ძველ გმირებსა და ადამიანებს, არამედ ლიუდოვიკ მე-XIV კარისკაცებს, და იმავე დროს ძველი ხელოვნების წესებს ვერ სცილდებოდენ.



ამ ნაკლთან მეორე ნაკლიც იყო დაკავშირებული, მელიც მწერლობაში რეზონანსის სახელით არის ცნობილი. საქმე ის არის, რომ ტრაგედიაში ჩვენს წინაშე ცხოვრების ნამდვილი სურათები უნდა იშლებოდნენ, ერთი მთლიანი იდეის გამოხატულებას უნდა შეადგენდნენ. ეს იდეა ნაწარმოების განცდის დროს თვით შინაარსიდან უნდა გამომდინარეობდეს. ფსევდოკლასიკურ ტრაგედიაში კი ეს ასე არ ხდებოდა. პირიქით, იქ ეს ზოგადი იდეა თვით მომკმედ პირთა ლაპარაკიდან სჩანდა და თვით მომკმედნი პირნიც ამის მიხედვით ნამდვილსა და სრულს ადამიანს კი არა, განსაზღვრული იდეის გამოხატულებას წარმოადგენდნენ; ამიტომ ფსევდოკლასიკურ ნაწარმოებში მოკმედებს ლაპარაკი სჭარბობდა და ნამდვილ ადამიანებს უსულო სქემები.

**კ. კომედია.**

სულ სხვაა კომედია; იგი ცხოვრებას თავისი ბუნებით უფრო ახლო უნდა უდგეს, და ამიტომაც იმდროინდელმა კომედიების მწერალმა მოლიერმა უფრო მტკიცე სახელი მოიპოვა, ვიდრე მისმა თანამედროვე ტრაგიკოსებმა. მოლიერის ჭკუამახვილობა და დაკვირვება არ არის შებოჭვილი ლიტერატურული ეტიკეტის ულმობელი მოთხოვნილებებით; მან მართო თანამედროვე საზოგადოების მოარული ნაკლი: ცრუმეცნიერობა და ექიმების ოინბაზობა კი არ დაჰგმო, არამედ თვის საუკეთესო ნაწარმოებში ისეთი სახეებიც მოგვცა, რომელთაც ადამიანის ცხოვრების ყოველ ხანაში შევხვდებით. ტარტიუჟის მაგალითიც საკმაო ნათქვამის დასამტკიცებლად; ტარტიუჟი ფარსეველის ტიპია, რომელიც მორწმუნის მანტიაში ეხვევა, რომ ამით თავის არაკეთილშობილურ მიზნებს უფრო ადვილად მიაღწიოს.

**2. ფილოსოფია და მეცნიერება.**

**რაციონალიზმი**

მე-XVII საუკუნის მთელი მსოფლმხედველობა რაციონალიზმით იყო გაჟღენთილი, ე. ი. ისეთი მსოფლმხედველო-



ბით, რომლის მიხედვითაც ბუნებისა და ცხოვრების ყოველგვარი მოვლენის ახსნა მხოლოდ ადამიანის გონების (ratio) ძალთ არის შესაძლებელი. საშუალო საუკუნეებში დარიგებისათვის ეკლესიას მიმართავენ ხოლმე და მას განუსაზღვრელი რწმენით ეპყრობოდნენ. რეფორმაციამ ეკვლის თვალთ შეხედა ამას და საღვთო წერილის ქეშმარიტ გაგებას მარტო გონებისაგან მოელოდა.

მე XVII საუკუნეში გონებას მეტი ასპარეზი გაეშალა: იგი მარტო საღვთო წერილის გასაგებ საშუალებად კი აღარ ითვლებოდა, არამედ მასში საზოგადოდ ყოველგვარი ქეშმარიტების შესამცნებელ საშუალებას სჭვრეტდნენ; მე-XVII საუკუნის ფილოსოფოსები რელიგიას არ უარყოფდნენ, მაგრამ თავისი დასკვნების გამოყვანის დროს მას აღარ ემყარებოდნენ. იგინი ცდილობდნენ სინამდვილის გასაშუქებლად მარტო გონების მუშაობისათვის მიემართათ, რადგანაც ამ მიზნის შესაფერის იარაღს მარტო მასში სჭვრეტდნენ. როგორც ვიცით, მეცნიერებათა შორის ყველაზე უფრო რაციონალური—მათემატიკაა, რადგანაც მთელი მისი შინაარსი რამდენიმე უბრალო, უდავო დებულებიდან გამოჰყავს ადამიანის გონებას. ამიტომ მე-XVII საუკუნის ხელმძღვანელი მოაზროვნენი, როგორც უაღრესი რაციონალისტები, უდიდესი მათემატიკოსებიც იყვნენ; მათემატიკა ქეშმარიტი შემეცნების ნიმუშად მიაჩნდათ და ამიტომ მთელს თავის მსოფლმხედველობას მათემატიკური აზროვნების საფუძველზე აგებდნენ.

### დეკარტი.

დეკარტმა (1596—1650), რომელიც ანალიტიკური გეომეტრიის ერთი დამაარსებელთაგანი იყო, განსაკუთრებული სიცხადით რაციონალიზმი ფილოსოფიაში გადაიტანა. იგი ჯერ იმგვარი დებულების გამონახვას შეეცადა, რომელიც მათემატიკური აქსიომის არ იყოს, უდავო ქეშმარიტება უნდა ყოფილიყო, და შემდეგ ეს დებულებაც ყველა დანარჩენ მსჯელობას



საფუძვლად უნდა დადებოდა. მან ყველა არსებული აზრები გადასინჯა და ნახა, რომ ისინი ერთნაირად საექვონი იყვნენ. უექველი მხოლოდ ერთი რამ აღმოჩნდა, ეს ის გარემოება, რომ ყოველი დებულების განხილვის დროს ადამიანი **მსჯელობს** და მაშასადამე **არსებობს** კიდევ. cogito, ergo sum (მე ვაზროვნებ, სჩანს, მე ვარსებობო), განაცხადა დეკარტმა. ამ ქეშმარიტებით აღჭურვილმა მან საფუძველი გამოიწახა, რომელზეც შემდეგ თავისი მწყობრი ფილოსოფიური სისტემა ააგო

### სპინოზა.

ჰოლანდიელი ებრაელი **სპინოზა** ღრმად შეესო ღმერთის მსოფლიოსადმი დამოკიდებულების საკითხს და ეგრედ წოდებულ პანთეიზმის აღსარებამდე მივიდა, ე. ი. ისეთ შეხედულებამდე, რომლის მიხედვითაც ღმერთი მსოფლიოსაგან განყენებული არსება კი არა, არამედ—არსი ანუ სულია მსოფლიოსი, მასთან განუყრელად დაკავშირებული. თავისი მოძღვრება სპინოზამ გეომეტრიული საშუალებით, აქსიომებისა და თეორემების მთელ რიგში გადმოგვცა.

### ლეიბნიცი.

XVII საუკუნის მეორე ნახევარში თვალსაჩინო ფილოსოფოსი **ლეიბნიცი** იყო (1646—1717); იგი დიფფერენციალური აღრიცხვის დამაარსებლად ითვლება და ამას გარდა თითქმის ყოველი მეცნიერების დარგში მან თავისი წვლილი შეიტანა: ფიზიკაში, ქიმიაში, ვარსკვლავთმრიცხველობაში, გეოლოგიაში, ენათმეცნიერებაში, უფლების მეტყველებასა და ისტორიაში ლეიბნიცმა ყველგან თავისი ძლიერი აზროვნების კვალი დასტოვა. დეკარტის მექანიური ფილოსოფია მას ცალმხრედ და უსრულოდ მიაჩნდა, ვინაიდან მას ფსიქიური ცხოვრების მოვლენების ახსნა არ შეეძლო. ლეიბნიცი თვით ნივთიერებაში ხედავდა სულიერი ფაქტორის არსებობას— ე. ი. ძალას, რომელიც არაორგანიულ საგნებში ორგანიულის სულისა და ნების მაგივ-





რობას ეწევა. ამგვარად მსოფლიო, მისი აზრით, დაუნაწილებელია და ჩვენი გრძნობებისთვის ძნელად განსაცდელი ნაწილების — ან მონადებისაგან შესდგება.

### ნიუტონი.

ინგლისელმა ფილოსოფოსებმა ევროპის სულიერი ცხოვრება უფრო მტკიცე ნიადაგზე დააყენეს. 1687 წელს გამოვიდა ნიუტონის თხზულება, „ბუნების ფილოსოფიის მათემატიკური საფუძვლები“, რომელმაც მთელი ხანა შეჰქმნა არა მარტო მეცნიერებაში, არამედ საზოგადოების მსოფლმხედველობაშიაც. ნიუტონი არ შეხებია მეტაფიზიკურ საკითხებს, ე. ი. მას, რაც ჩვენი გრძნობებისა და მეცნიერული, კვლევადიების გარეშე სდგას. „ბუნების ფილოსოფიას“ იგი იმ მნიშვნელობით ხმარობდა, რომლითაც ბერძნები „ფიზიკას“ აღნიშნავდნენ ე. ი. ბუნებისმეტყველებას, ამ სიტყვის ფართო მნიშვნელობით. მათემატიკური გენიოსობის წყალობით ნიუტონმა წმინდა მათემატიკაში ბევრი რამ ახალი აღმოაჩინა; მაგრამ ამით არ დაკმაყოფილდა და მთავარი ყურადღება მათემატიკური დებულებების გამოყენებას მიაქცია სამყაროს წარმოშობის საკითხის გამოსაკვლევად. „გრავეტაციის კანონის“ (ЗАКОНЪ ТЯГОТѢНІЯ) აღმოჩენით მან შექანიკის დებულებანი მსოფლიოს დაუკავშირა, აღნიშნა ნივთიერების ზოგადი და უბრალო თვისება და ამ თვისებათაგან შესაფერი მეცნიერული დასკვნები გამოიყვანა. ნიუტონის აღმოჩენამ სხვა მეცნიერებსაც გზა გაუხსნა; ბუნების მთლიანობა და მისი კანონების სიმტკიცე დაინახვა. ნიუტონმა თავისი მათემატიკური მეთოდი ფილოსოფიის სისტემის ასაგებად კი არა, მეცნიერული კვლევადიების საშუალებად გამოიყენა. როდესაც მან საზოგადო დებულება შეიმუშავა, რომლის მიხედვითაც საგანთა ურთიერთ მიზიდულობის ძალა მათი მასისადმი (ნივთიერი შემადგენლობის) პროპორციულად იცვლება, ხოლო მათ შორის მდებარე მანძილის კვადრატისადმი უკუღმა პროპორციულად, მაშინვე ამ საზოგადო დებუ-

ლებს მიხედვით მიწის გარშემო მთვარის მიმოქცევის გამოანგარიშებას შეუდგა და, როდესაც ორივე მნათობის ნივთიერების გამოკვლევით დარწმუნდა, რომ მისი გამოანგარიშება მართლდება, დაწყებული მუშაობა განაგრძო.

### ჯონ ლოკი.

გონიერი და პრაქტიკული აზრი ნებას არ აძლევდა ინგლისელებს რაციონალური ფილოსოფიის მსჯელობა ისეთი გაბედული თანდათანობით გაეტარებიათ და იმგვარ უკიდურესობამდე მისულიყვნენ, როგორც ამას ფრანგები სჩადიდენ, ან და გერმანელების მსგავსად, ღრმა აზროვნით, მაგრამ უნიადაგო ოკნებებთ გატაცებულიყვნენ. **ჯონ ლოკმა** საუცხოვოდ გამოხატა, თუ როგორი იყო ფილოსოფიური აზროვნება ინგლისელებისა, და ევროპის აზრის განვითარებაზე დიდი გავლენა მოახდინა. ლოკის მთავარი თხზულება „ადამიანის გონებისათვის“ დეკარტის სისტემისა და საზოგადოდ მეტაფიზიკური ფილოსოფიის წინააღმდეგ არის მიმართული. ის ამტკიცებს, რომ ყველა ჩვენი ცოდნა და იდეები ბოლოს და ბოლოს ადამიანის ხუთი გრძნობის განცდისაგან გამომდინარეობს, რომ სული თავის თავად *tabula rasa*-ს წარმოადგენს, რომელზეც მხოლოდ გამოკდილება აკეთებს წარწერებს. სული, მისი აზრით, გარედგან ისეთივე სანაქდვით იღებს განცდათ, როგორც სარკე მის წინ მდგომ საგნებს, და ჩვენი გონების დამოუკიდებელი მუშაობა მხოლოდ იმაში გამოიხატება, რომ იგი პირველყოფილ შეგრძნებათ ლოდიკური აზროვნების საშუალებით (რეფლექსია) ამუშავებს.

რაკი ეს ასეა, მაშ მეცნიერული გამოკვლევისა და ფილოსოფიური მსჯელობას ერთად ერთ მაჩთალ გზად ის გზა უნდა დაისახოს, რომელიც დაკვირვებითა და ცდით იწყება, და არა ის, რომელიც საზოგადო მოსაზრებათა და რწმენის საშუალებით მიღებულ დებულებათაგან გამომდინარეობს. ამგვარად, ლოკმა ერთხელ კიდევ ის ბრძოლა განაახლა, რომელსაც მისი თა-



ნამემამულე ბეკონი სქოლასტების წინააღმდეგ აწარმოებდა და მსგავსად ბეკონისა, ადამიანის შეფეცნებას ემპირიული საფუძველი მოუპოვა. ლოკმა თავისი თეორია პედეგოგიკაში, ღვთისმეტყველებასა და პოლიტიკაში გაატარა. პედეგოგიკაში იგი დიალექტიკის ბოროტად გამოყენებასა და ძველი ენების გაბატონებას ებრძოდა და ყოველმხრივის ენციკლოპედიური ცოდნისა და დაკვირვების ზნარის განვითარებას მოითხოვდა. დოგმატიურ კამათში ის მონაწილეობას არ იღებდა, მაგრამ სინდისის თავისუფლებას გადაჭრით მხარს უჭერდა, ქრისტიანობის უცილობელ ქეშპარიტებას ლოკი მამა ღმერთისა და მაცხოვრის რწმენაში ხედავდა, ხოლო სარწმუნოების მნიშვნელობას მის ზნეობრივ გავლენაში სჯერებდა. ამიტომ იგი სინდისის თავისუფლებას ებრაელებისა და წარმართებრსათვისაც კი მოითხოვდა, ხოლო ათვისებებსა და კათოლიკეებზე მისი გავრცელების წინააღმდეგი იყო, რადგანაც მათს მოძღვრებას სახელმწიფოსათვის სახიფათოდ სთვლიდა.

დასასრულ, კაპიტალური მნიშვნელობა აქვს ლოკის წიგნს „მთავრობისათვის“, რომელშიც 1688 წლის რევოლუციის ყველა პოლიტიკური მონაპოვარი ფილოსოფიურად არის დასაბუთებული. ლოკი სახელმწიფოს საფუძვლად მოქალაქეთა შორის დადებულ ხელშეკრულებას სთვლის. მისი აზრით. ბუნებით ყველა თავისუფალია. მაგრამ საზოგადო ცხოვრების ინტერესი ამ პირადი თავისუფლების შეზღუდვას მოითხოვს. წინააღმდეგ შემთხვევაში შესაძლებელია განხორციელდეს ისეთი მდგომარეობა, რომელშიც ყოველი ადამიანის თავისუფლება მეორეს მხრივ მუდმივი ხიფათის მოლოდინში იქნება. ამის თავიდან ასაცილებლად ხელშეკრულება იდება, რომლის მიხედვითაც ერთმანეთის სასარგებლოდ ადამიანები თავის პირად თავისუფლებას საზღვრავენ. ამ ხელშეკრულების ძალით და მის ცხოვრებაში გასატარებლად ხალხი მთავრობას ირჩევს, რომელსაც ვალდებულია მანამ დაემორჩილოს, სანამ იგი თავის დავალებას ასრულებს, და თუ ეს არ ხდება, მაშინ

ხალხს მთავრობის გამოცვლის ნება ეძლევა. მუდმივი რევოლუციის თავიდან ასაცილებლად საუკეთესო იქნება, თუ მთავრობას მხოლოდ აღმასრულებელი ძალა ექნება, ხოლო კანონმდებლობა ხალხის ხელში დარჩება.

### გოლტერი.

მე-XVIII საუკუნის რაციონალიზმმა გააღვივა კრიტიკული აზრი, და მისი გავლენის ქვეშ ყველა არსებული რწმენის, ცნებების, დაწესებულებების, უფლებისა და კანონების გადასასინჯავად გაცხარებული მუშაობა დაიწყო. ყველგან ბოროტმოქმედებასა და უთავბოლოებას მიუთითებდნენ, და ეს აღვილი იყო, ვინაიდან ყველა ამით ძველი წეს-წყობილება მართლაც მდიდარი იყო. გაჩაღდა ძლიერი განმანათლებელი მოძრაობა, რომელმაც ევროპის საზოგადოების ყოველს ბნელ კუნჭულში სინათლის შეტანა, ცრუმორწმუნეობის გაფანტვა, ძალმომრეობის გაკიცხვა და კაცობრიობისათვის უკეთესი მომავლის მოპოვება დაისახა მიზნად. მაგრამ განათლების მოძრაობის მოღვაწეები ხშირად ცრუმორწმუნეობას ღრმა რწმენისაგან ვერ არჩევდნენ და გონების ძალას გადამეტებულ ავტორიტეტს ანიჭებდნენ; მათ არ ესმოდათ ისტორიაში ფესვგადგმული შეხედულებებისა და ფაქტების ძლიერება; ისინი მეტის მეტად გაბედული და თავის მოიმედე იყვნენ; მაგრამ ყველა მათი უკიდურესობა გასაგები იქნება, თუ გავითვალისწინებთ, რომ თავის საქმის სიმართლესა და ძველი წესების გარდაქმნის აუცილებლობაში ღრმად იყვნენ დარწმუნებულნი.

განათლების ხანის მოძრაობის თვალსაჩინო წარმომადგენლად ყოველ მხრივ გოლტერი უნდა ჩაითვალოს. ის არ ყოფილა არც ორიგინალური მოაზროვნე და არც დიდი სწავლული; თავისი მთავარი შეხედულებები მან ლოკისაგან, ნიუტონისაგან და სხვა ინგლისელი მწერლებისაგან ისესხა. მაგრამ პრაქტიკული ბრძოლის დროს ის საუცხოოდ სარგებლობდა ფილოსოფიისა და მეცნიერების შედეგებით, და

ამას გარდა ის დაჯილდოვებული იყო მხვილი სიტყვით და დაუღალავი ენერგიით. რაგინდ ძლიერი არ უნდა ყოფილიყო მისი მოწინააღმდეგე, ვოლტერი მაინც ისეთ ნაირად ახერხებდა მის დაცინვას, რომ ბრძოლაში ყოველთვის გამარჯვებული რჩებოდა. •

ჯერ კიდევ 23 წლის ახალგაზრდა იყო ვოლტერი, როდესაც იგი ბასტილიაში ჩასვეს; მას მეფის საწინააღმდეგო პამფლეტის ავტორობას აბრალებდნენ. ეს მხოლოდ ექვები იყო, ფაქტის დამტკიცება კი ვერაფერს შესძლო. ერთი წლის შემდეგ ვოლტერი ციხიდან გამოუშვეს, მაგრამ ესლათ ერთი წარჩინებული პირის შეურაცხყოფის გამო სამშობლოდან გააძევეს. უსამართლობითა და შეურაცხყოფით მისი დამორჩილება შეუძლებელი იყო, იგი ინგლისს გაემგზავრა და აქაური ცხოვრებისა და ფილოსოფიის გაცნობის ზეგავლენით არსებული წესწყობილების საწინააღმდეგოდ ახალი იარაღი შეიძინა. თითოეული მისი თხზულება მას პოპულარობას უმატებდა და სულ მალე ისეთს შესანიშნავადა და სახელოვან წყვრლად გადაიქცა, რომ მის წინაშე არა მარტო ხალხი, არამედ მეფეებიც ქედს იხრიდნენ: ჭრიდრიხ მეორე და ეკატერინე მეორე მისი თავფანისმცემლები იყვნენ, და შასთან პირად ნაცნობობას დიდ ბედნიერებად სთვლიდნენ. ვოლტერის პირადი ცხოვრება არ განირჩეოდა სიფაქიზით — ის წვრილმანი თავოყვარე, გაუმაძლარი და ცრუ კაცი იყო, მაგრამ ამავე დროს არსებულ ბოროტებასთან ბრძოლაში იგი მუდამ შეუდრეკელი და შეუპოვარი იყო.

პოპულარიულ-ფილოსოფიურ სტატიებსა და ტრაგედიებში, სატირიკულ ზღაპრებსა და ისტორიულ თხზულებებში, პოემებში, წვრილმან ლექსებსა და ბარათებში, ერთი სიტყვით, ვოლტერი წვრილი სიტყვის ყოველ დარგში მუშაობდა და ყველგან ცრუმორწმუნოებისა და ძალმომრეობის წინააღმდეგ იბრძოდა. კათოლიკური ეკლესიის ფანატიზმმა, იეზუიტების ინტრიგებმა და უმეცარი ხალხის ეკლესიის მიერ ექსპლოა-

ტაცამ ვოლტერი ქრისტიანობას ჩამოაშორა; მას არ ესმოდა ქრისტიანობის ჭეშმარიტი საფუძველი და რელიგიების ისტორია წარმოდგენილი ჰქონდა, როგორც თვითმოტყუებისა და რევენობის უწყვეტი ჯაჭვი. მაგრამ ამავე დროს ვოლტერი არც ათეისტი ყოფილა; მას სწამდა ღვთის არსებობა, ის დეისტი იყო; საერთოდ სარწმუნოებას სავალდებულოდ არა სთვლიდა, და ფიქრობდა, რომ მისი ადგილის დაქერა გონიერზნეობასაც თამამად შეეძლო.

მაგრამ ვოლტერის ბრძოლა ეკლესიის წინააღმდეგ, გაკიცხვა სხვა სარწმუნოებისადმი მოუთმენლობისა და ცრუმორწმუნეობისა ურწმუნოების განსამტკიცებლად როდი იყო მიმართული. ვოლტერს სულ სხვა რამ აზოძრავებდა. მის დასახასიათებლად შეგვიძლია შემდეგი ეპიზოდი მოვყვანოთ: სამხრეთ საფრანგეთში ცხოვრობდა ვინმე პროტესტანტის კალასის ოჯახი, რომელიც შესდგებოდა მოხუცი მამისა, ცოლისა და მისი შვილებისაგან. ერთმა უკანასკნელთაგანმა ქეიფს მიჰყო ხელი, დავალიანდა და თავი ჩამოიხრჩო. იმ ადგილის ფანატიკურ მცხოვრებთა შორის ხმა გავრცელდა, თითქოს მოხუც მამას თავის ხელით მოეკლას შვილი, რადგანაც უკანასკნელს კათოლიკობის მიღება ეწადაო. ადგილობრივმა სამღვდელოებამ ეს ხმები ხელზე დაიხვია და მთელი აურ-ზაური ასტეხა: კალასი და მისი ოჯახი შეიპყრეს და პასუხისგებაში მისცეს; საქმე იმით გათავდა, რომ წმ წლის მოხუცი, დანაშაულის დაუმტკიცებლობის მიუხედავად, სიკვდილით დასაჯეს: ურმის თვალზე დააკრეს და ისე აწამეს. ვოლტერი ძალზე გააბრაზა ამ აღმაშფოთებელმა საქმემ; დიდი მეცადინეობის შემდეგ მან ხელმეორედ გადაასინჯვია განაჩენი და მისი უკანონობაც ნათელ ჰყო. ვოლტერი არა ერთხელ ჩარეულა ამგვარ საქმეებში შევიწროვებულთა დასაცავად.

მაგრამ ვოლტერს მარტო რელიგიურ ფანატიზმთან არ უხდებოდა შეტაკება. ის ებრძოდა აგრეთვე ბარბაროსულ სამართლის წარმოებასა და უფლებამოსილთა თვითნებობასაც.

იგი მუდამ რეფორმების აუცილებლობას ქადაგებდა და საზოგადოებრივ ურთიერთობათა გარდაქმნას მოითხოვდა. გონებისა და ჰუმანობის თვალსაზრისით ის, მაგალითად, საფრანგეთის ზოგიერთ ადგილებში დარჩენილი ბატონ-ყმობის მოსპობის საჭიროებას ქადაგებდა. მაგრამ დამახასიათებელი ვოლტერისთვის ის იყო, რომ იგი თვითონ ხალხს ბრძივად, მოუძმადებლად და საშიშოთ სთვლიდა. ამიტომ მისი თვითმოქმედების იმედი არ ჰქონდა და არსებული წესწყობილების გარდაქმნისაკენ მას კი არა, მთავრობას მოუწოდებდა, რომელსაც, განსაკუთრებით კი **განათლებულ მონარქებს**, არსებულ უკუღმართობის აღსაკვეთად, მისი აზრით, ყველაზე მეტი საშვალეობა ჰქონდათ: მეცნიერების უკანასკნელი სიტყვით მათზე უკეთ არავის არ შეეძლო სარგებლობა და ამის მიხედვით მიზანშეწონილად, თანდათანობით და ენერგიულად მათზე უკეთ ვერაფერს იმოქმედებდა. ვოლტერის ამ იდეებზე ევროპის სახელმწიფოთა პოლიტიკაში მეთვრამეტე საუკუნის მეორე ნახევარში მთელი ახალი მიმართულება აშენდა. რომელიც **განათლებული აბსოლუტიზმის** სახელით არის ცნობილი. პრუსიაში ფრიდრიხ II, ავსტრიაში—იოსებ II და რუსეთში ეკატერინე II ამ მიმართულების ტიპიურ წარმომადგენლებად არიან ცნობილნი.

### სენსუალიზმი და მატერიალიზმი.

ვოლტერი თავის მსოფლმხედველობაში ხშირად მერყეობას იჩენდა: იგი ხშირად იცვლიდა აზრსა და შეხედულებას ღვთაებასა და სამყაროზე, საზოგადოებრივ ურთიერთობასა და მთავრობაზე. მაგრამ თავისუფალ მოაზროვნეთა შორის ისეთებიც იყვნენ, რომელნიც ერთხელ მიღებულ აზრს მტკიცედ ადგენ და მისგან უკიდურესი შედეგები გამოჰყავდათ. ასეთ უკიდურესობად იმდროინდელი სენსუალიზმი და მატერიალიზმი ითვლება.



### ა. კონდილიაკი

სენსუალიზმის ტიპიურ წარმომადგენლად კონდილიაკი უნდა ჩითვალოს. ლოკს ადამიანის იდეების შინაარსი გრძნობების განცდათაგან გამოჰყავდა, მაგრამ ამ განცდათა (воспріятіе) რეფლექსით დამოუკიდებელ გადამუშავებას ადამიანის სულს აკუთვნებდა. კონდილიაკი ლოკსზე უფრო შორს წავიდა და სულის დამოუკიდებლობა ყოველმხრივ უარჰყო: ერთად ერთი, რაც ადამიანის სულის შინაარსს წარმოადგენს — ეს მხოლოდ შეგრძნებაა (ощущеніе), რომელიც ლოდიკურ პროცესში მარტო სახეს იცვლისო. ამიტომ ადამიანი შეიძლება ქანდაკებას შევადაროთ, რომელშიც სულსა და ცნობიერებას მხოლოდ გრძნობათა ორგანოების აღძვრით გამოწვეული შეგრძნებანი ჰქმნიანო. ცხადია, რაკი კონდილიაკის რწმენით მთელი ჩვენი ცნობიერების შინაარსი გრძნობათა მოქმედებით (sensus) ამოიწურება, იგი ტიპიურ სენსუალისტად უნდა იქნეს მიჩნეული.

### ბ. ჰოლბახი.

ბარონ ჰოლბახის წიგნი „ბუნების სისტემა“ მატერიალიზმის საბოლოო ჩამოყალიბებას ემსახურება. ამ წიგნმა დიდი მიხლა-მოხლა გამოიწვია; მან თავისუფალი მოაზროვნეებიც კი შეაშფოთა. ჰოლბახი ამტკიცებს, თითქოს ბუნება მარტო ნივთიერების მუდმივ მოძრაობას წარმოადგენს („არ არის ძალა ნივთიერების გარეშე, და ნივთიერება ძალის გარეშე“). იგი უარჰყოფს ღმერთს, როგორც სამყაროს შემქმნელს და მის მმართველს, ადამიანში იმავე ნივთიერების თავისებურ კომპლექსს ჰხედავს და კაცის ზნეობრივ ცხოვრებას მისი თვითდაცვისადმი მისწრაფებით, ე. ი. ეგოიზმით ხსნის.

### ც. ენციკლოპედია.

მატერიალისტმა დიდრომ მეცნიერების პოპულარიზაცია დაისახა მიზნად, რათა იგი განათლებული საზოგადოებისთვის ხელმისაწვდენი გამხდარიყო. მრავალი დაბრკოლების





მიუხედავად, მან ბევრი ნიქიერი თანამშრომლის ერთად შეკრება მოახერხა და თავისი ინციატივითა და ხელმძღვანელობით ცნობილი „მეცნიერებათა, ხელოვნებათა და ხელობათა ენციკლოპედია“ გამოსცა. თუმცა საცენზურო დაბრკოლებები დიდი იყო, მაგრამ ენციკლოპედია მინც სრულს, განაწლების ხანის მსოფლმხედველობის მიხედვით, გადამუშავებულ შეხედულებათა და ცოდნათა კრებულს წარმოადგენდა. ენციკლოპედიის გავლენა განუსაზღვრელი იყო. იგი ყოველი პროფესიის ადამიანს უდგებოდა, აძლევდა მას მთავარი კითხვების ახსნას და მთელ მასალას განსაზღვრული თვალსაზრისით აშუქებდა. იგი იმ დროინდელი განათლებული ხალხისათვის ნამდვილს „დაბადებად“ გარდაიქცა.

#### დ. პოლიტიკური ეკონომია.

განათლების ხანის მოძრაობის ადრინდელი წარმომადგენლები ფილოსოფიური და სარწმუნოებრივი საკითხებით უკურო იყვნენ დაინტერესებულნი, ხოლო პოლიტიკურსა და საზოგადოებრივ საკითხებს შედარებით ნაკლებ ყურადღებას აქცევდენ. მაგრამ უკანასკნელის მნიშვნელობა თანდათან აშკარა ხდებოდა. ძლიერ მალე, სრულიად დამოუკიდებლად ახალი მიმართულება წარმოიშვა, რომელმაც მიზნად სახალხო მეურნეობის შესწავლა დაისახა. ინგლისში მერკანტილიზმისა და პროტექციონიზმის ბატონობას არას დროს არა ჰქონდა ისე ფართო სარბიელი, როგორც ეს კონტინენტალური ევროპის სახელმწიფოებში იყო; კერძო წარმოება და თავისუფალი მეტოქეობა ინგლისში იმ თავითვე ჩაისახა, და ეს იყო მიზეზი, რომ თავისუფალი ვაჭრობის იდეოლოგიები პირველად სწორედ იქ გაჩნდენ. მეთვრამეტე საუკუნეში მათ მოძღვრებას საფრანგეთშიაც დიდი თანაგრძნობით შეხვდენ. გადამეტებულმა კოლბერტიზმმა ამას ნიადაგი მოუმზადა, და მალე მის საწინააღმდეგოდ ე. წ. ფიზიოკრატიზმი განვითარდა. მისი შეხედულებით, ნამდვილ სიმდიდრეს მხო-



ლოდ ნედლი მასალის დამამუშავებელი შრომა და განსაკუთრებით მეურნეობა ჰქმნის. ამიტომ ძველი მონოპოლიები, პრივილეგიები და სხვა ხელოვნური დაბრკოლებები, რომელნიც წინანდელი საფინანსო ფოლიტიკის მიერ იყვნენ შექმნილნი, უნდა მოსპობილიყვნენ; და ფიზიოკრატები ამას ენერგიულად მოითხოვდნენ. ინგლისელმა მეცნიერმა ადამ სმიტმა თავი მოუყარა გაბნეულ ცნობებსა და მოძღვრებას ხალხის მეურნეობითი შემოქმედების შესახებ და მას მეცნიერული ხასიათი მისცა (მისი წიგნი: „ხალხის სიმდიდრე“ გამოვიდა 1776 წ.). პოლიტიკურ ეკონომიას მან საფუძვლად ის შეხედულება დაუდვა, რომ ყოველი კაცი თავის სამეურნეო მოღვაწეობაში შეძენის სურვილით ხელმძღვანელობს. ამასთანავე მან თვალსაჩინოდ დაამტკიცა, რომ წარმოების ძირითადი თვისებების ერთგვარობის გამო, განაწილება და ღირებულების გაცვლა-გამოცვლა საზოგადო კანონების მიხედვით ხდება. ამიტომ რამდენადაც ნაკლებ ჭაერევა მთავრობა სამეურნეო ცხოვრების მიმდინარეობაში, რამდენადაც უფრო მეტ თავისუფლებას მისცემს მას, მით უკეთესიაო, ამბობდა სმიტი.

### e. მონტესკიე.

ბორდოს პარლამენტის ერთმა მოსამართლეთაგანმა — მონტესკიემ განიზრახა, სოციალური მეცნიერებისათვის იგივე გაეკეთებია, რაც სმიტმა ადამიანის მოქმედების უბრალო დარგისთვის, მეურნეობისათვის გააკეთა. თხზულებაში, „სული კანონებისა“ მონტესკიე ცდილობს დაამტკიცოს, რომ ერების ცხოვრება არ არის დამოკიდებული შემთხვევების უბრალო შეჯგუფებაზე, რომ, პირიქით, იგი მუდმივი კანონების ზეგავლენას ემორჩილება. მონტესკიე მოკლებული იყო შესაძლებლობას, თავის თხზულებაში საკმაოდ მდიდარი მასალით ესარგებლებია. მას ერთი მხრით მხედველობაში კლასიკური ხალხების ისტორია ჰქონდა, ხოლო მეორე მხრივ — ინგლისისა და საფრანგეთის უკანასკნელი საუკუნეების მოვლენები. სახელმწიფოებრივი მარ-



თველობის ფორმა მონტესკიემ ამგვარად დაჰყო: რესპუბლიკა, დესპოტია და მონარქია, ე. ი., ისეთი ფორმა მეფის ძალაუფლებისა, რომელიც კანონებითა და არისტოკრატის მონაწილეობით არის შეზღუდული. თითოეული ფორმა სახელმწიფოებრივი მართვაგამგეობისა ხალხის ზნეობრივ მდგომარეობაზე არის დამოკიდებული. თუ ხალხში ძლიერია მოქალაქეობრივი სიმხნევე, მაშინ მას მართველობის რესპუბლიკანური ფორმა შეჰფერის; თუ ხალხის თავდაქერისათვის შიშია საჭირო, მისთვის დესპოტიაა აუცილებელი, ხოლო თუ მოქალაქეთა თვალში პირველი ადგილი პატივსა და წარჩინებას აქვს მიკუთვნილი, მას არისტოკრატული მონარქია უნდა ჰქონდეს. მართალია, მონტესკიე მართველობის ფორმას ერის შეგნებას უკავშირებს, მაგრამ მისი აზრით, სახელმწიფოებრივი მართვაგამგეობის საუკეთესო ფორმად მაინც ისეთი ფორმა უნდა ჩაითვალოს, სადაც თავმოყრილი იქნება როგორც მონარქიის, ისე რესპუბლიკის საუკეთესო თვისებები. ამგვარ მართველობა, მონტესკიეს აზრით, ინგლისში არსებობს, და უმთავრეს მის თვისებას **ძალაუფლების განაწილება შეადგენს**. ხალხს კანონმდებლობითი უფლება ეკუთვნის; მეფეს აღმასრულებელი; ხოლო დამოუკიდებელ მსაჯულთა წოდებას სამართლის უფლება აქვს დათმობილი. ძალაუფლების ასეთი განაწილების უპირატესობას მონტესკიე იმაში ხედავს, რომ იგი საშვალებას უკარგავს ყველას, ვინც ძალაუფლებით არის მოსილი, ხელში იმდენი ძალა მოიკრიბოს, რომ მოქალაქისათვის საშიში შეიქმნეს.

f. რუსო.

განათლების ხანის მწერლები უკმაყოფილონი იყვნენ არსებული წესწყობილებით და მისს სრულ აღკვეთას მოითხოვდნენ. ამიტომ, სხვათაშორის, იგინი ანგარიშს ვერ უწევდნენ ისტორიულ მოტივებს, რომელნიც არსებულ წესწყობილებას ამართლებდნენ. მონტესკიე კი თავის თეორიას ისტორიული და-



კვირვებაზე ამყარებდა და ეს იყო მიზეზი, რომ მას მდენი გავლენა არ მოუპოვებია, რამდენიც გაბედულმა და უკიდურესმა ჟან ჟაკ რუსომ მოიპოვა (1712 — 1778). უბრალო მესაათის შვილი, ღარიბი, ავადმყოფური თავმოყვარეობის პატრონი, ექვიანი და შურიანი ჟენეველი, რუსო ბრწყინვალე ლიტერატურული ნიჭით იყო დაჯილდოვებული. მეთვრამეტე საუკუნის მეორე ნახევარში ხალხმა კვლავ სარწმუნოებისა და ეკლესიისაკენ ჰქმნა პირი, და ამ მხრივ რუსო თავისი დროის სრულ განსახიერებას წარმოადგენდა: მართალია იგი გაბატონებულ ეკლესიასა და წესწყობილებას სხვაზე ნაკლებ არ ებრძოდა, მაგრამ ეს მიტომ ხდებოდა, რომ იგი სარწმუნოებას გულწრფელობაზე ამყარებდა, ხოლო პოლიტიკაში ბოროტების მოსპობას რეფორმების საშუალებით მოითხოვდა. მეცნიერების ძლევამოსილების წინ ქედის მოხრა, განმანათლებელი მისიის სიღაღის ამაყი შეგნება, მტკიცე რწმენა იმისა, რომ გამარჯვება ბოლოს და ბოლოს მაინც სიბათლესა და სიკეთეს ხვდებოდა წილად — ყველაფერი ეს, თითქოს რევოლუციის მოახლოების წინადგრძნობის გამო, რუსოს დროს თეორეტიული აზრისადმი ზიზღსა და არსებული წესების სიძულვილს უთმობდა ადგილს. თავისი პირველი თხზულება, რომელმაც რუსოს სახელი შესძინა, მან იმის დამტკიცებას უძღვნა, რომ მეცნიერებამა და ხელოვნებამ, მთელმა ცივილიზაციამ ხალხი გარყვნა, და რომ კაცობრიობის გარდასაქმნელად უბრალო, პირველყოფილი ზნე-ჩვეულებებისადმი დაბრუნებაა საჭირო. მეორე თხზულებაში რუსომ განათლებული საზოგადოების საზოგადოებრივი წყობილება გააჩნია, რომელშიც ქონებრივი უთანასწორობაა გაბატონებული, სადაც წოდებრივი დანაწილება და სახელმწიფოებრივი ცხოვრების ხელოვნური ფორმები არსებობს, და მთელი ეს წეს-წყობილება დაჭმო.

თავისი ნაწერების პირველ რიგში რუსო ცდილობდა დაენგრია ის, რაც მისი აზრით უსარგებლო და მავნე იყო; ბო-



ლო ნაწერების მეორე რიგში იგი დანგრეულის ადგილზე ახალი შენობის აგებას ცდილობდა. „ემილში“ მან თავისი პედაგოგიური თეორია გამოაქვეყნა. ამ თხზულების დედა-აზრის არის, რომ მოწაფემ ყოველგვარი აუცილებელი ცოდნა და ზნეობრივი ჩვეულებები თვითმოქმედებითა და დამოუკიდებელი მუშაობით უნდა შეიძინოს; აღმზრდელის როლი, ამისდამიხედვით, მარტო იმაში უნდა მდგომარეობდეს რომ მან თავისი შეგირდის თვითმოქმედების განვითარებას ხელი შეუწყოს, ჩააყენოს იგი ისეთ მდგომარეობაში, რომ მან თვითონვე გადასწყვიტოს, თუ რა უნდა ისწავლოს, რა ცოდნა შეიძინოს და ან როგორ მოიქცეს. ამ აზრის განხორციელება, რუსოს აზრით, მიტომ არის შესაძლო, რომ ადამიანი ბუნების მიერ ცოცხალი აზრითა და ცოცხალი ლტოლვით არის დაჯილდოებული, და მხოლოდ საზოგადოებრივი ცხოვრების ხელოვნური პირობების ზეგავლენა რყვნის მას და უჩლუნგებს გონებას; საჭირო ცოდნის რაოდენობა არ იქნება ძალიან დიდი, თუ მას იმ ზედმეტ ნაწილს ჩამოვაშორებთ, რომელიც ცხოვრებაში გამოუსადეგარია; უმთავრესი მნიშვნელობა აქვს არა გონების გაწვრთნას, არამედ ხასიათის აღზრდას. იმის მიხედვით, თუ როგორ მნიშვნელობას აძლევდა რუსსო გრძნობას, ის მოუბრძობლად აღნიშნავდა სარწმუნოების კეთილ გავლენას. თუმცა ეს თავისებურად ესმოდა მას. ის სწერდა: „მე მრწამსს ღმერთი, და ღმერთი უსამართლო იქნებოდა, რომ მას ჩემი სული უკვდავ არ ეყო; ჩემი წარმოდგენით ეს არის არსებობათი, დანარჩენზე იკამათონ კამათის მოყვარულებმა“.

რუსოს პოლიტიკური მრწამსი მთელის სისრულბით მისს „საზოგადოებრივ ხელშეკრულებაშია“ გატარებული. ავტორი, ლოკის არ იყო, ფიქრობს, რომ ადამიანთა საზოგადოება მათ შორის დადებული ხელშეკრულების ძალით წარმოიშვა, ხოლო მანამდე ხალხი სრულიად თავისუფალი იყო. მაგრამ აქედან რუსოს სხვაგვარი დასკვნა გამოჰყავს, ვიდრე ლოკს: ადამიანი, რომელიც საზოგადოებაში შედის, უარს

ამბობს თავის პირად თავისუფალ ნებაზე, რათა მიიღოს ნაწილი იმ საზოგადო თავისუფლებისა, რომელსაც კავშირი ჰქმნის. ვინც პიროვნების დამოუკიდებლობას ჰკარგავს, ის თვითმპყრობელ ხალხის ნაწილად იქცევა.

ხალხის უაღრეს უფლებიანობას რუსსო ისეთს უცილობელ ჭეშმარიტებად სთვლის, რომ გაგონებაც არა სურს წარმომადგენლობითი სისტემისა და ძალაუფლების დანაწილების შესახებ. ყოველგვარი განკარგულება სახელმწიფოში სახალხო კრებისაგან უნდა გამოდიოდეს, რომელშიც ყოველი მოქალაქე იღებს მონაწილეობას. მეორე მხრით, პიროვნება სრულებით უარს ამბობს თავის ნებაზე საერთო ნების სასარგებლოდ: ხალხის უფლებამოსილების წინაშე პირად თავისუფლებაზე ლაპარაკიც კი არ შეიძლება. თვითონ ხალხი ჰქმნის მოქალაქეთა-თვის კანონებს, ზნე-ჩვეულებებს, სარწმუნოებრივ შეხედულებებს.

რუსოს პოლიტიკური მოძღვრება ერთნაირად იყო მიმართული როგორც ყოველგვარი სახელმწიფოებრივი ფორმის, ისე თვით სახელმწიფოს ცნების წინააღმდეგაც, ვინაიდან სახელმწიფო ისტორიისა და ცივილიზაციის ნაყოფს შეადგენს. მისი მთავარი ინტერესი ადამიანთა თანასწორობის იდეის განხორციელებაში მდგომარეობს და ამისთვის იგი არაფერს არ იშურებს.

### 3. გერმანია.

რუსსოს მთელი მოღვაწეობა ახალი ხანის დასაწყისის წინამორბედი იყო. განათლების ხანის ფილოსოფია მშრალი-გონებრივი და ცალმხრივი აღმოჩნდა; ახალი თაობა კი ადამიანის სულის ყოველმხრივსა და სრულ განვითარებას და უწინარეს ყოვლისა ცხოველ გოძნობას მოითხოვდა. და რუსსოც სწორედ ამას აქცევდა დიდ ყურადღებას. საზოგადოების ინტერესს პირველყოფილი ხანა და ნახევრად ველური ხალხები იზიდავდნენ. ბუნებრივობასა და გოძნობის სიძლიერეს მათში ეძიებდნენ. ამ ახალმა მომართულებამ გერმანიაში უფრო ნათელი



გამოხატულება ჰპოვა. ოცდაათი წლის ომმა და პოლიტიკური ცხოვრების სივალახემ გერმანელების კულტურული განვითარება დიდი ხნით შეაჩერა; მის მაგიერ, რომ ევროპის ხალხების პირველ რიგში ჩამოგარიყვნენ, როგორც ეს რეფორმაციის ხანაში მოხდა, გერმანელები ინგლისელებსა და ფრანგებს უკან ჩამორჩნენ და მათს ხელმძღვანელობას დაემორჩილენ. ლეიბნიცისთანა პირები მხოლოდ გამონაკლისს შეადგენდნენ. მოწინავე ელემენტები, რამდენადაც შესაძლო იყო, პარიზელებს გადავდნენ; ფრიდრიხ მე-III-მ მაგალითად, ფრანგული ენა უკედ იცოდა, ვიდრე გერმანული, და გერმანულ ლიტერატურას ზიზღით ეპყრობოდა.

### ლესინგი.

ლიტერატურაში ამ მიმართულებას ვოლფგანგ ლესინგმა მოუღო ბოლო. იგი განათლების ხანის ფილოსოფიის ჰუმანიურ იდეებს იზიარებდა; ამ მხრივ დამახასიათებელია ერთი მისი საუკეთესო ნაწარმოებთაგანი, „ნატან ბრძენი“, რომელიც სინდისის თავისუფლების კეთილშობილურსა და ხელოვნურ დაცვას წარმოადგენს. როგორც განმანათლებელი, ლესინგი ბევრით არაფრით განსხვავდებოდა ფრანგ ფილოსოფოსთაგან. მაგრამ იგი აღშფოთებული იყო თავისი ერის გონებრივი დამონავეებით და ფრანგული ლიტერატურული ნიმუშების წინაშე ქედის მოხრით. რა თქმა უნდა ეს მარტო მიტომკი არ ხდებოდა, რომ ლესინგს ძლიერი მამულიშვილური გრძნობები ჰქონდა; იგი ფრანგების ლიტერატურის მიმართულების ცალმხრივობას გრძნობდა, მისს არაბუნებრივობას და ნაძალადევობას კარგათ იცნობდა და არ შეეძლო, ყველა ამის წინააღმდეგ არ გალაშქრებულიყო. „ჰამბურგის დრამატურგიაში“ მან ფსევდოკლასიკური დრამის თაყვანისმცემლები სასტიკად დაამარცხა და სანიმუშოდ მკითხველს ინგლისურისა და კლასიკური მწერლობისაკენ მიუთითა, სადაც სინამდვილის აღღო და მისი გამოსახვის უნარი მეტი



სჩანდა, ვიდრე ფრანგების უსიკოცხლო სქემატიზმის ნიადაგზე აგებულს ფსევდო-კლასიკურ თხზულებებში. შექსპირი უდიდესი დრამატურგი იყო ლესინგისათვის, და იგივე ყოველი შემთხვევით სარგებლობდა, რათა მისი უპირატესობა ყველასათვის თვალსაჩინოდ დაემტკიცებია. ამისთანავე ლესინგი ფსევდოკლასიციზმის კრიტიკით როდი კმაყოფილდებოდა. მან თავის თავზე აიღო ვალი ახალი დრამის ნიმუშების შექმნისა, რომელიც ფრანგების სქემატიზმისაგან თავისუფალი უნდა ყოფილიყო, და გერმანული დრამის პირველი ნიმუშები შეჰქმნა.

### ჰერდერი.

ჰერდერი კიდევ უფრო შორს წავიდა. იგი განათლების ხანის ფილოსოფოსთა შეებრძოლა და კერძოდ საზოგადოების ან ხალხის გენეზისის საკითხის გადასინჯვა დაისახა მიზნად. თუ განათლების ფილოსოფოსნი საზოგადოების გენეზისს აღამიანთა შეთანხმებითა და მათ შორის დიდებული ხელშეკრულებით ხსნიდენ, თუ საზოგადოებაში იგინი პიროვნებათა მექანიკურ კრებულს სქვრეტდენ, ჰერდერმა, პირიქით, საზოგადოება და ხალხი **ორგანიულ მთლიანად** დასახა და მისი წარმოშობისა და დამახასიათებელი თვისებების ძებნა ხალხის ბუნებრივის, და არა კულტურული ცხოვრების წიადში დაიწყო. ამგარად იგი **სახალხო პოეზიას** წააწყდა, და მითები, თქმულებანი, ხალხური მოთხრობანი და ზღაპრები კვლევადიების ცენტრში მოაქცია. თუ განათლების ფილოსოფოსნი ყოელა ამაში უგუნურებასა და უსუსურებას სქვრეტდენ, ჰერდერი პირიქით უშუაველო სიბრძნისა და მშვენიერების ნიმუშს სწორედ აქ ხედავდა. თავის მთავარ თხზულებას (**„აზრები კაცობრიობის ისტორიაზე“**) ჰერდერმა საფუძვლად სახალხო ცხოვრების გაგება დაუდო, მაგრამ ამავე დროს მთელ ნაშრომში კაცობრიობის კულტურული განვითარების, განათლებისა და ბედნიერებისადმი პროგრესიული სვლის იდეა გაატარა. ხოლო პროგრესი, მისი აზრით, მარტო გონების შენაძენ-





ში კი არ გამოიხატება, არამედ ადამიანის ზნეობრივი ადორაციების თანდათანობით გაუმჯობესებაში. ჰერდერის იდეებმა მიმდევრები იპოვა, და გერმანიაში ახალი ხანა დაიწყო. „შეტვისა და ქარიშხლის“ ეპოქა (Sturm—und Drangperiode) გერმანიის სულიერი ცხოვრების განთავისუფლების პირველი საფეხური იყო, და როგორც ყველგან ასეთ შემთხვევებში, იტაკ მწერლობის ყველა დარგში მრავალი ახალგაზრდა, ნიჭიერი მოღვაწე გაჩნდა. ყველაფერი კრიტიკის ქარცეხლში ტარდებოდა; ზეცამდე აჭყავდათ უშუაგლო გრძობა და ძალა; აზრისა და გამოთქმის თავისუფლება, ბუნებასთან სიახლოვე. გაოტემ და შილერმა სწორედ ამ მოუსვენარ დროს დაიწყეს თავისი მოღვაწეობა.

**გ ა ო ტ ე .**

**გაოტეს** (1750 — 1832) სახით სინამდვილეში განხორციელდა ძლიერი პიროვნების ის იდეალი, რომელზედაც იმ დროინდელი მწერლები ოცნებობდნენ. მისი გრძობიარე ბუნება მათ მისწრაფებათა უტყუარ სარკეთ გადაიქცა. თავის „ვერტერში“ გაოტემ იმ ტანჯვის სამწვავე დაგვიხატა, რომელსაც არსებული საზოგადოებრივი პირობების სიდუხჭარე და არარაობა ჰქმნის და ჰყვებავს, და რომელიც თავის გაზოგადოებული ფორმით „მსოფლიო სევდის“ წყაროთ იქცევა. ეს ის გრძობაა, რომელიც თავის დაკმაყოფილებას საზოგადოებაში კი არა, **ბუნებაში** პოულობს. აქ რუსოს ზავაღვლენას გარდა განსაკუთრებით ჰერდერის აზრების ზედმოქმედებასაც ჰქონდა ადგილი: „ფაუსტის“ პირველი ნაწილისათვის გიოტემ ერთი ძველი გადმოცემით ისარგებლა, რომლის მიხედვითაც ერთმა მეცნიერმა ძლიერების მოსაპოვებლად თავისი სული ეშმაკს მიჰყიდა. ეს მოთხრობა ახალი დროის უდიადეს პოემად გარდაიქცა: მეფისტოფელის დაცინვაში და ფაუსტის ანიხედრებაში მეცნიერებისა და საზოგადო წეს-წყობილების წინააღმდეგ გადმოხეთქა ძლიერმა უკმაყოფილების გრძობამ, მისწრაფებამ მიუწოდამელ იდეალისაკენ, რომლის წინაშეც ცოდნა და სიყვარული ორივე ქედს იხრის.



## შილერი

გერმანიის მეორე დიდი მგოსანი, შილერი (1759—1805) გენიოსობის მხრივ გამოტეხე დაბლა იდგა, მაგრამ თავისი დროის პოლიტიკური ცხოვრების ნაკლს ის უფრო მძაფრად გრძნობდა. მის ადრინდელ პიესებში რევოლუციონური სულისკვეთება გამოსჭვივის. „ყაჩაღებში“ გამოხატულია გმირი, რომელიც ომს უცხადებს უვარგის საზოგადოებას, ადგენს ავაზაკების ბრბოს, რომელსაც ვერ მოუთმენია გამეფებული უსამართლობა და შეურაცხყოფა. „ცბიერება და სიყვარული“ სამარცხვინო ბოძზე აკრავს სასახლის საზოგადოების წარმომადგენლებს, უსულო, ცრუ, პატივმოყვარე და უბადრუკ ადამიანებს. „ღონ-კარლოსში“ დესპოტიზმისა და ფანატიზმის განხორციელების, ფილიპე მე-II წინააღმდეგ ჰუმანობისა და თავისუფლების ქომაგი მარკიზი პოზა არის დახასიათებული.

### 4. ძველრობის გაუჯენა სინამდვილეზე.

#### ფილანთროპია.

თუ აქამდე ლაპარაკი მხოლოდ მე-XVIII საუკუნის გონებრივ მოძრაობაზე იყო, რამდენადაც ეს უკანასკნელი იმდროინდელის, თვალსაჩინო და ცნობილი მწერლების ნაწარმოებებში გამოიხატა, ეხლა საჭიროა განვიხილოთ, თუ რამდენად ეგუებოდა ყველა ეს არსებულ სინამდვილეს. ძველი წესწყობილების სინამდვილესა და ფილოსოფოს-ლიტერატორთა მოთხოვნილებებს შორის დიდი უფსკრული არსებობდა, მაგრამ სწორედ ეს წინააღმდეგობა, იყო რომ ხალხს სამოქმედოდ იწვევდა. აზრთა სერიოზული სხვადასხვაობის მიუხედავად, მე-XVIII საუკუნის ყველა მოღვაწენი უმთავრეს საკითხებში ერთსულოვნებას იჩენდნენ. ისინი ქაღაგებდნენ „ადამიანობას“, კაცის პიროვნების ღირსებისა და მოთხოვნილებისადმი პატივისცემას, ფილანთროპიას, ხალხისადმი სიყვარულით მოპყრობას, და ყველაფერს ამას, შეძლებისადაგვარად პრაქტიკულ სინამდვილეშიც ატარებდნენ.

## მასონები და ილუმინატები

ახალი მიმართულების მიმდევარნი ცოცხლად გრძნობდენ თავის ნათესავობას გარშემორტყმულს, მტრულად განწყობილ ძალთა წინაშე, და მათაც შეკავშირებისა და წესიერი ურთიერთობის მოწყობის სურვილი აღეძრათ. 1717 წელს ინგლისელმა განმანათლებლებმა ასეთი კავშირის შესაქმნელად საშუალო საუკუნეთა კალატოზების ამქრის ნახევრად მივიწყებული ჩვეულებებით ისარგებლეს და კავშირი შექმნეს, რომლის დანიშნულებასაც, როგორც თვითონ ამბობდენ, ადამიანის მომხადება შეადგენდა სულიერი აღმშენებლობისათვის. თავისუფალი კალატოზების, ან **მასონების** ორდენი სწრაფად გაიზარდა და მისი „ლოჟებით“ მთელი ევროპა და თითქმის მთელი ქვეყანაც კი დაიფარა. ორდენს საიდუმლო ჩვეულებები და წესდება ჰქონდა; იგი აშკარა ბრძოლას არ უცხადებდა სახელმწიფო მთავრობებსა და ეკლესიებს, მაგრამ თვითონ მაინც მათი გავლენის გარეშე იღვა: სარწმუნოების სფეროში დეიზმს აღიარებდა, საზოგადოებრივში კი—მთელი კაცობრიობის ძმობასა და თანასწორობას. მთავრობა ორდენს ღმობიერად ეპყრობოდა; სამაგიეროდ კათოლიკურმა ეკლესიამ მას შეურიგებელი ომი გამოუცხადა. მასონებს დიდი გავლენა ჰქონდათ საზოგადოებაზე, მაგრამ ისინი ფრთხილად იქცეოდნენ და მწვავე საკითხებს ყოველთვის გაურბოდნენ. სულ სხვა იყო „ილუმინატების“ ორდენი, რომელიც XVIII საუკუნის დასასრულს ბავარიაში დაარსდა: იგი პირდაპირ რევოლიუციონურ მოძღვრებას ავრცელებდა, და ბავარიის მთავრობაც იძულებული შეიქმნა, ორდენი პასუხისგებაში მიეტა.

აზრთა ასეთს ძირითადად და საყოველთაოდ მიღებულ ცვლილებებს შეუძლებელია, თავისი გავლენა მართველ წრეებზეც არ მოეხდინა. ეს იყო მიზეზი, რომ არსებულ წესწყობილებაში ბევრი რამ ისეთი შეიცვალა, რასაც ათასი წლის ისტორია ჰქონდა, და ეს გარემოება არსად საწინააღმდეგო



მოძრაობას არ იწვევდა. გერმანელმა რაციონალისტებმა ჯერ კიდევ მე-XVI საუკუნეში გაილაშქრეს ჯადოსნობისათვის დევნის წინააღმდეგ, და თანდათან მოახერხეს იმ შეხედულებების გატარება, რომ მოყვასისათვის ვნების მისაყენებლად შეუძლებელია კაცმა უშუამავლო დამოკიდებულება დაიკავოს ბოროტ სულებთან. დაიწყო ბრძოლა წამების, როგორც გამოძიების საშუალების, წინააღმდეგაც; განათლების ხანის ლიტერატურამ აქაც მოახერხა მთავრობის დარწმუნება ამ ჩვეულების სივერაგეში, რომელმაც თავის დროზე უამრავი უდანაშაულო სხვერპლი შეიწირა. იტალიელმა ბეკკარჩამ სისხლის სამართლის უფლების არა ადამიანური სიმკაცრე გამოაშკარავა („დანაშაულებებზე და სასჯელებზე“, 1764), სიმკაცრე, რომელმაც სასჯელის გადაწყვეტის დროს არავითარი საზომი არ იცოდა. ინგლისელმა გაუარდმა მთელი თავისი სიცოცხლე პატიმართა ცხოვრების პირობების გაუმჯობესებას შესწირა. ეს ყველაფერი ისეთი რამ იყო, რაც არსებული სინამდვილის ევოლიუციის უტყუარ ნიშნებად უნდა ჩაითვალოს.

### 5. განათლებული აბსოლუტიზმი.

#### განათლებული აბსოლუტიზმის მოღვაწენი.

განათლების ხანის მოძრაობას მარტო კერძო საკითხებზე და უფლების დარგზე როდი ჰქონია გავლენა; არა, მან თავისებური მიმართულება მისცა თვით ძალაუფლების მატარებელთა საზოგადო პოლიტიკასაც. ბევრი იმ რეფორმათაგანი, რომელსაც განათლების ხანის ლიტერატურის წარმომადგენლები მოითხოვდნენ, სახელმწიფოს ინტერესების თვალსაზრისითაც სასურველი იყო, და მე-XVIII საუკუნის სიხელმწიფოებრივ მოღვაწეთა მთელმა რიგმა იმდენი გამბედაობა და ენერჯია გამოიჩინეს, რომ მომენტის მიერ წამოყენებულ მოთხოვნებთან ცხოვრებაში გატარება იღვეს თავს. მაგრამ მათი დამახასიათებელი თვისება ის იყო, რომ ამ რეფორმებს ხალხის სა-

შვალებით როდი ატარებდენ; პირიქით, იგინი უნდობლობით ეპყრობოდენ მას და თვითონ იტოვებდენ მთელ ძალაუფლებას, რათა იგი ხალხის საკეთილდღეოდ მოეხმარათ. „ყველაფერი ხალხისათვის, მაგრამ არა ხალხის საშვალებით!“ აი რა იყო მათი დევიზი. **არანდა** — ისპანიაში, **პომპალი** — პორტუგალიაში, **ტანაუჩჩი** — ნეაპოლში, **ეკატერინე მე-II** — რუსეთში, **გუსტავ მე-III** — შვეციაში — აი ტიპიური წარმომადგენლები იმ პოლიტიკისა, რომელიც ე. წ. განათლებულ აბსოლუტიზმს ახასიათებდა. კათოლიკურ ქვეყნებში განათლების ხანის აბსოლუტიზმის ერთს მთავარ მიზანთაგანს ეკლესიის პოლიტიკურისა და საზოგადოებრივი გავლენის შეზღუდვა შეადგენდა. ცხადი იყო, განათლების ხანის აბსოლუტიზმის წარმომადგენლები ამ ნიდაგზე უეჭველად იეზუიტების ორდენს უნდა დაპირდაპირებოდენ, ორდენს, რომელიც ახალი დროის კათოლიციზმის საქმიანობის მთავარ იარაღად ითვლებოდა. პორტუგალიისა და ისპანიის მთავრობებმა იეზუიტები ყველა თავის სამფლობელოდან განდევნეს; ბოლოს, თვით ეკლესიაც იძულებული შეიქმნა ამ საერთო ტენდენციას დაქვემდებარებოდა, და საქმე იქამდე მივიდა, რომ თვით პაპა კლიმენტ XVI-მ ორდენი სრულიად დაშალა; მართალია, იგი შემდეგში ისევ აღდგენილი იქნა, მაგრამ ეს მისთვის იმდენად დიდი უბედურება იყო, რომ კარგა ხნით წელში ვერ გაინართა.

განათლების ხანის აბსოლუტიზმის საუკეთესო დახასიათებას დასაყლეთი ევროპის ორი მეფის მოღვაწეობა წარმოადგენს: **ფრიდრიხ მე-II** ს, პრუსიაში და **იოსებ მე-II**-სი ავსტრიაში.

### ფრიდრიხ II დიდი.

ფრიდრიხ მე-II-ს „დიდი“-ს სახელწოდება მარტო სამხედრო და დიპლომატიური წარმატებით როდი დაუმსახურებია. სახელმწიფოს მართვაგამგეობაში მან პირველმა განახორციელა „განათლების ხანის აბსოლუტიზმის“ იდეები აღზრდილი თა-

ნამედროვე პოპულიარულ ფილოსოფიაზე, იგი შეგნებულად ეპყრობოდა თავის მდგომარეობას და მმართველის ვალდებულებანი ადამიანთა საზოგადოების თვისებებიდან გამოჰყავდა.

მისთვის მეფე „სახელმწიფოს პირველი ნსახური“ იყო, რომლის ძალაუფლებასაც ქვეშევრდომნი მიტომ ემორჩილებიან, რომ შინაგანი არევე-დარევისა და უცხოელების ძალადობის თავიდან აშორება სურთ. მაგრამ ხელმწიფის ყოველგვარ მოქმედებას მიზნად უნდა ჰქონდეს ქვეშევრდომების კეთილდღეობა, მათი ყოფა-ცხოვრების გონიერად მოწყობა, ღარიბთა და მდიდართა შორის განსხვავების შემცირება, უბედურთა და ჩაგრულთა დახმარება, ხელმწიფის ძალა-უფლება უცილობელია, მიტომ რომ ის მთლიანი ორგანიზმის წარმომადგენელია. ფრიდრიხ მე-II არა თუ არ ცნობდა მეფის უფლების შეზღუდვას, არამედ თავის აღმასრულებლებსაც არ უნაწილებდა უფლებას და მართვა-გამგეობის ცალ-ცალკე დარგების ხელმძღვანელი მინისტრებიც კი არ ჰყავდა. ყოველს ცალკე დარგს რამდენიმე პირისაგან შემდგარი კოლეგია განაგებდა, ხოლო საქმეების მოსახსენებლად მეფე საიდუმლო მრჩევლებს ნიშნავდა, მეტ წილად უბრალო შთამომავლობისას და ხშირად ისეთებს, რომელთაც უმაღლესი სწავლაც კი არ ჰქონდათ მიღებული. მეფე ყველაფერს თვითონ ადევნებდა თვალ-ყურს: მისი მიზანი მართველობის მთელი შემადგენლობის მორჩილ მანქანად გარდაქცევა იყო, რომელსაც დაუყოვნებლივ მისი განკარგულებანი უნდა შეესრულებია.

დიდ ყურადღებას მოითხოვდა, რასაკვირველია, არმია, სადაც 200.000 მეომარი ითვლებოდა, მაშინ როდესაც მთელ სახელმწიფოში მცხოვრებთა საერთო რიცხვი მხოლოდ 5 მილიონს უდრიდა; მაგრამ მეომრების მთელი რიცხვის ნახევარზე მეტს უცხოელები შეადგენდნენ; მათ მოსაკრებად მთავრობის აგენტები ათასგვარ ხერხს მიმართავდნენ: რეკრუტების მოსაგროვებლად ჩვეულებრივ საშუალებას ახალგაზრდების დათრობა და სიმთვრალის დროს მათი დაბევება შეადგენდა. ამგვარად მოკრე-



ბილი მეომრები ბრბოს წარმოადგენდენ; მათ გასაწვრთნელად და მწყობრ რაზმებად გარდასამქნელად რკინის დისციპლინა იყო საჭირო; ოფიცრობას აზნაურობა იძლეოდა, და ყველა თანამდებობაზე განწესება დანიშვნის სისტემით ხთებოდა; უცხო არმიებში კი ამ დროს, მაგ. საფრანგეთისა და ინგლისისაში თანამდებობათა ყიდვა-გაყიდვის სისტემა იყო გაბატონებული.

არმიასთან მჭიდროდ იყო დაკავშირებული ფინანსები. შემოსავლის გასადიდებლად ფრიდრიხ მე-II არცერთ საშუალებას არ ერიდებოდა; სხვათა შორის, ზოგიერთი გადასახადის მოსაკრებლად ფრანგი მოხელეები ინიშნებოდნენ, რომლებიც სახლებს და ღუქნებს ჩხრეკდნენ და ამით მცხოვრებთ თავს აბეზრებდნენ და აძულებდნენ. მაგრამ ფრიდრიხ მე II კარგად ესმოდა, რომ სახელმწიფოს სიმდიდრისათვის მრეწველობის განვითარება იყო საჭირო, და ამ მიზნის განხორციელებას იგი მთავრობის ენერგიული დახმარებისაგან ელოდა. მიწადმოქმედებას ჭაობების ამოშრობით, წყლის განაწილებით, კოლონიისტების მიზიდვით და მემამულეთათვის იაფი კრედიტის გახსნით ეხმარებოდა. მაგრამ ყველაზე უფრო ფრიდრიხი საფაბრიკო მრეწველობის განვითარებაზე ზრუნავდა; ამ მხრივ იგი კოლბერს ჰბაძავდა, თუმცა აღსანიშნავია, რომ ამ დარგში მის ცდას დიდი ნაყოფი არ გამოუღია.

„განათლების ხანის აბსოლუტიზმის“ განსაკუთრებული თვისებები ფრიდრიხ მე-II-ს მართლმსაჯულებისა და სასამართლოს მოწყობის შესახებ მზრუნველობაში გამოიხატა, იმ მზრუნველობაში, რომელშიც იგი მოვალეობის შეგნებითა და მმართველის უმაღლესი დანიშნულების იდეით ხელმძღვანელობდა. იგი ხშირად ამბობდა, ხელმწიფე პირველ ყოვლისა თავის ქვეშევრდომთა მსაჯული არისო. ფრიდრიხი სასტიკად ადევნებდა თვალ-ყურს, რათა პრუსიის სასამართლოებში საქმე დაუყოვნებლივ და მიუდგომლად გარჩეულიყო. სასამართლოს წინაშე იგი მდიდარსა და ღარიბს შორის, წარჩინებულსა და არა წარჩინებულს შორის არავითარ განსხვავებას არ სცნობდა. დიდი შთაბე-



კლილება მოახდინა საზოგადოებაზე მეწისქვილე არნოლდის საქმემ, რომელმაც მეფეს საჭირო გადასახადი არ მისცა, ვინაიდან ლანდრატმა მას წყალი წაართვა. მეწისქვილე დასაჯეს, მაგრამ მეფე დაწმუნდა, რომ ეს ლანდრატის გულის მოსაგებად იყო ჩადენილი, და კანცლერი და რამდენიმე მსაჯული გადააყენა; სასამართლოს დამოუკიდებლობის უზრუნველსაყოფად იგი არავის ნებას არ აძლევდა, საქმეში ჩარეულიყო, თუნდ ეს თვითონაც ყოფილიყო. ამ მხრივ იგი თავისი ნების შეზღუდვის შესაძლებლობას სცნობდა და, რადაც არ უნდა დაჯდომოდა, კანონის შესრულებას მოითხოვდა. კანცლერის კოკცეის თავმჯდომარეობით მან კომისია შეადგინა, რომელსაც პრუსიის კანონების კოდიფიკაცია დააკისრა. შედეგი კომისიის მუშაობისა Codex juris Fridericiani-ს (ფრიდრიხის უფლების კრებული) შედგენა იყო; ამ შესანიშნავ იურიდიულ ძეგლს საფუძვლად გერმანული უფლებრივი ჩვეულებები და პრუსიის კანონები დაედვა, მაგრამ მასალა გადამუშავებულ იქმნა რომის უფლებისა და მე-XVIII საუკუნის ფილოსოფიური იდეების გავლენის ქვეშ. მეფე თავის სამფლობელოში სრულს სინდისის თავისუფლებას იცავდა; მისი აფორიზმი: „ყველას აქვს უფლება, თავისებურად ცხოვრდეს“-ო (es mag ein jeder selig werden nach seiner Façon)—თითქმის დევიზი შეიქმნა ჰოჭენცოლერნების სარწმუნოებრივი პოლიტიკისა.

ფრიდრიხ მე-II მარტო ერთში ვერ გაჰბედა ძველი წესწყობილების შეცვლა: წოდებრივი წყობილება მან ხელუხლებელი დატოვა. აზნაურობა მეფეს სახელმწიფოს დამცველ აუცილებელ ძალად მიაჩნდა. მისი ოფიცრები ძალიან მცირე ჯამაგირს იღებდენ, ხოლო პენსიას სრულებით არა, მათ თვითონ უნდა ერჩინათ თავი. აზნაური-მემამულეები კიდევ მიტომ იყვნენ ჯარისათვის საჭირონი, რომ წოდებრივი პატივის გრძნობას უნდა აეწია მისი მხნეობა, რისთვისაც ჯოხის დისციპლინა არ კმაროდა. მეფე დიდად ენდობოდა ოფიცრებს; ამიტომ მათ, მოხელეებთან შედარებით, უპირატესო-



ბას აძლევდა და მათი სამსახურით ხშირად სამოქალაქო უწყებაშიაც სარგებლობდა. ამიტომაც იყო, რომ მეფე აზნაურ-მემამულეებს ყველას მოსამსახურეთ თვლიდა, ითხოვდა მათგან ანგარიშს, თუ დიდ ხანს დარჩებოდნენ თავიანთ მამულებში, უკრძალავდა საზღვარ გარეშად წასვლას, თუ განსაკუთრებულ ნებართვას არ აიღებდნენ და სხვა. რაკი აზნაურებს ამგვარი როლი ჰქონდა სახელმწიფოში, დანარჩენ წოდებათა მდგომარეობის გაუმჯობესება უკვე შეუძლებელი შეიქმნა. მართალია მეფეს ძალიან სურდა გლეხებსაც დახმარებოდა, მაგრამ ამ მხრივ ძალიან ცოტა გააკეთა, და ამის მიზეზი ისევ აზნაურ-მემამულეთა დანიშნულება იყო. სახელმწიფო მამულების მოურავთა უფლებების შეზღუდვა, რამდენიმე მემამულის დასჯა, რომლებიც თავიანთ უფლებას ძალიან ბოროტად იყენებდნენ, გლეხების მიწიდან აყრის აღკრძალვა—აი ყველაფერი ის, რისი გაკეთებაც მოახერხა ფრიდრიხმა; მაგრამ დასჯისა და თვითნებური ბრძანების უფლება მებატონეებს მან მაინც ვერ მოუსპო, და გლეხებიც ძველებურად იხდიდნენ გადასახადებს და ასრულებდნენ ვალდებულებებს მემამულეთა სასარგებლოდ.

განათლებული მეფე მუდამ ცდილობდა, ფრანგ ფილოსოფოსებთან პირადი დამოკიდებულება ჰქონოდა (ვოლტერი ერთხანს მის სასახლეში ცხოვრობდა) და სწერდა პოლიტიკურ ტრაქტატებს; ცოტა რამ მან გიმნაზიებისა და უნივერსიტეტებისათვისაც გააკეთა; გადააკეთა მეცნიერების აკადემია და განაცხადა, სწავლა ყველასთვის სავალდებულო უნდა იყოსო, მაგრამ ამის მიუხედავად სახალხო სკოლებზე მაინც ძალიან მცირე მზრუნველობა გამოიჩინა.

## იოსებ II და მისი რეფორმები.

ფრიდრიხ მე-II-ზე უფრო გაბედულად განათლების ხანის აბსოლუტიზმის მეორე წარმომადგენელი—იმპერატორი იოსებ მე-II მოქმედობდა. ჯერ კიდევ მარიამ ტერეზიამ შეიტანა თვალსაჩინო გაუმჯობესება საფინანსო მართველობაში, გლე

ხების მდგომარეობასა და საეკლესიო წეს-წყობილებაში. მაგრამ ეს ფრთხილი რეფორმები არ აკმაყოფილებდა იოსებ მე-II, და იგიც იმთავითვე სახელმწიფო ცხოვრების ყველა დარგის საფუძვლიანად გარდაქმნას შეუდგა: მან მოსპო აზნაურების უპირატესობა სასამართლოს წინაშე, ყველა წოდებათა წარმომადგენლებს გაუხსნა გზა თანამდებობისაკენ, მემამულეებს გლეხებზე სასამართლო და საპოლიციო უფლებები ჩამოართვა, თავისი სამფლებელოების უმეტეს ნაწილში ბატონყმობა გააუქმა და მიწები გლეხებს საკუთრებად მისცა; სადაც ბატონყმობა კიდევ დარჩა, ყმების ვალდებულებანი ძალიან შეამსუბუქა. ამავე დროს იმპერატორი თავგამოდებით ზრუნავდა სახალხო სკოლებზე, შემოიღო იქ უფასო სწავლა და დააარსა სამასწავლებლო სემინარიები. რელიგიაში სინდისის თავისუფლება გამოაცხადა და გაათანასწორა უფლების მხრივ პროტესტანტები და კათოლიკები. შემდეგ, დახურა ყველა ის მონასტერი, რომელსაც განმანათლებელი და ფილანთროპიული ფუნქციები არ ჰქონდა, და მათი ქონება საირევლო ეკლესიების მოწყობას მოახმარა. როდესაც იმპერატორი იოსებ მე-II დახავსებულ დაწესებულებებს აუქმებდა და მოქალაქეობრივი თანასწორობა შემოჰქონდა, იგი სცდილობდა, ნახევრად ფეოდალური ავსტრიის მიწა-წყალი ერთფეროვან ბიუროკრატიულ სახელმწიფოდ გარდაექმნა, რომელიც სავსებით მისი ძალაუფლების მორჩილი უნდა ყოფილიყო; მან ანგარიში არ გაუწია ისტორიულად შექმნილ პროვინციებს და სახელმწიფოს ახალი დანაწილება შემოიღო: ამ დანაწილებას საფუძვლად მან არა ისტორიული, არამედ მათემატიკური პრინციპი (თანასწორ-ზომიანობა) დაუდვა. ყოველგვარს ისტორიულ განსხვავებას ის ცრუმორწმუნეობად სთვლდა და, მაგალითად, განკარგულება მოახდინა, რომ ყველა ოფიციალურ დაწესებულებაში მხოლოდ გერმანული ენა ყოფილიყო ხმარებული, თუმც უნგრები, სლავები და ბელგიელები ღრმად შეურაცყოფილნი დარჩენ მათი ეროვნული ენის წინააღმდეგ გალაშქრებით.

არ არის გასაკვირველი, რომ მისმა რეფორმებმა მრავალ-ერიან სახელმწიფოში უკმაყოფილება და ზოგიერთ ადგილს აჯანყებაც კი გამოიწვია. უმაღლესი კლასები არ სთმობდენ თავის უპირატესობათ, მდაბიო ხალხი არ თანაუგრძნობდა სარწმუნოებრივ რეფორმებს, ყველა სჩიოდა ადმინისტრაციის თვითნებობას და თავხედობას, და ყველა უკმაყოფილო დარჩა ნაციონალური განსხვავებების დარღვევით.

უნგრეთში ხალხის აჯანყებას მხოლოდ ავსტრიის ჯარები აჩერებდნენ, ნიდერლანდების პროვინციებში კი ნამდვილმა რევოლუციამ იფეთქა, რომლის დაწყებამაც იმპერატორმა ვერ მოახერხა. მას გულს უკლავდა, რომ ხალხმა ვერ გაიგო და ვერ დააფასა მისი კეთილშობილური გეგმები და შრომა და სახელმწიფო დამღუპველ ანარქიამდე მიიყვანა, და ეს მწარე ტკივილი მან საფლავში ჩაიტანა (1790).

---

## II. რევოლუცია.

### 1. მონარქიის დამსხვრევა საფრანგეთში.

ძველი წეს-წყობილების სიმწვავე საფრანგეთში.

ძველი წეს-წყობილება ყველაზე უფრო გაათრებულ თავდასხმას საფრანგეთის ლიტერატურაში განიცდიდა; ეს, რასაკვირველია, მარტო ეროვნული განსხვავებული თვისებით არ იხსნება: არსებული წესწყობილების წინააღმდეგ მიმართული გადაჭარბებული ოპოზიცია საფრანგეთის სახელმწიფოსა და საზოგადოების ცხოვრების განსხვავებული პირობებისაგანაც გამომდინარეობდა; ჩვენ ვიცით, რომ ფრანგები გაცილებით უფრო უკმაყოფილონი იყვნენ ძველი წესების, ვიდრე გერმანელები ან ინგლისელები, რადგანაც იგინი ინგლისელებს უკან ჩამორჩენ, ხოლო გერმანელებს წინ გაუსწრეს: მათთვის ძველი წეს-წყობილება არ წარმოადგენდა არც



რეალურ ძალას, როგორც ეს გერმანიაში იყო, და არც მის მოგონებას, ინგლისის მსგავსად; მათ ამ წესწყობილების ნაშთები უფრო აბრაზებდნენ, რომელნიც ათასგვარ პრივილეგიებში გამოიხატებოდნენ; მთავრობა კი, მის მაგიერ რომ განათლების ხანის აბსოლუტიზმის ნიადაგზე დამდგარიყო და ეს პრივილეგიები მოესპო, პირიქით, მათ დამცველად გამოდიოდა.

### ჯონ ლოუ.

ლიუდოვიკ მე-XIV პოლიტიკის დამსხვრევის შემდეგ, საფრანგეთის მართვაგამგეობის საქმე კიდევ უფრო გართულდა. „დიდმა მეფემ“ თავის მცირეწლოვან მემკვიდრეს სამ ნახევარი მილიარდი ვალი და 800 მილიონი ლივრის ყოველ წლიური დეფიციტი დაუტოვა. საფრანგეთის ხალხი ნივთიერად განადგურებული იყო და ამავე დროს მას უპირატესობა საგარეო პოლიტიკაშიც დაკარგული ჰქონდა. ახალგაზრდა ლიუდოვიკ მე-XV ოპეკუნის, **ორლენელი ჰერცოგის** რეგენტობის დროს გაჭირვებული ფინანსიური მდგომარეობის გამობრუნება ფინანსიური სპეკულიაციით სცადეს; ვინმე შოტლანდიელმა **ლოუმ**, რომელიც სავაჭრო და საბანკო საქმეებს კარგად იცნობდა, დაარწმუნა რეგენტი, რომ კრედიტის, ე. ი. საზოგადოების ნდობის წყალობით, ქალაქის ფულის ნიშნების გაცილებით მეტი რიცხვის გამოშვება შეიძლებოდა, ვიდრე ეს სახელმწიფოს ლითონის სიმდიდრეს შეეფერებოდა; ქალაქის ნიშნების რიცხვის გაზრდა ხელს შეუწყობდა ვაჭრობის გაფართოვებას, რადგანაც ხალხი მეტს იყიდდა და მეტს გაყიდდა, ამით ქვეყანაც გამდიდრდებოდა და მთავრობაც მოგებულნი დარჩებოდა. ლოუს შეხედულებებში ძალიან ბევრი სიმართლე იყო: ესლანდელი ვაჭრობა ფართოდ სარგებლობს კრედიტით და დღევანდელ პირობებში უიმისობა შეუძლებელიცაა; მაგრამ კრედიტი ძლიერ სახელმწიფოშიც განსაზღვრულია, საკრედიტო ქალაქის გამოშვების დროს ანგარიში უნდა გაეწიოს იმ შესაძლებლობას, რომ მის მიმღებს ქალაქის ფულის ნიშნების



მაგიერ ლითონის ფულის ან სხვა რეალური ღირებულების მოთხოვნა შეუძლია. მაგრამ ლოუმ ამას უურადღება არ მიაქცია, და უბედურებაც სწორედ ამან გამოიწვია.

პირველ ხანებში ლოუ ძალიან ფრთხილად იქცეოდა, და მის მიერ დაწყებული საქმე დიდის წარმატებით ვითარდებოდა. ლოუს პირველი ნაბიჯი იმაში გამოიხატა, რომ მან სააქციონერო ბანკი დააარსა, რომელიც სესხს ხელსაყრელ პირობებში იძლეოდა და რომლის ქალაქის ნიშნებსაც სახელმწიფო ფულის მაგიერ ღებულობდა. ორი-სამი წლის განმავლობაში ბანკმა ხელში ჩაიგდო ყველა უმთავრესი კომერციული საქმე—ფულის მოკრა, კოლონიებთან ვაჭრობა, გადასახადების მოკრება. ის აქციები, რომლებიც ნომინალურად 500 ლივრად ღირდა, 20.000-ად იყიდებოდა. მთელი საზოგადოება საბირჟო ცხელებამ შეიპყრო, ყიდულობდნენ და ჰყიდდნენ აქციებს, რის გამოც მრავალი უეცრად მდიდრდებოდა და ბევრი ღარიბდებოდა. რეგენტი ყოველ მხრივ ეხმარებოდა ლოუს და 1718 წელს მისი ბანკი სახელმწიფო ბანკად გამოაცხადა, რომელსაც მრავალი მონობოლური უფლება მიანიჭა. აქციების პატრონნი დიდ მოგებას ელოდნენ, და მათი ფასი კიდევ უფრო იწეოდა. მაგრამ ბანკის ზოგიერთი საქმე ცუდად წავიდა, და ამას გარდა ლოუმ ქალაქის ნიშნების შეუსაბამო რიცხვი გამოუშვა (სამი მილიარდი). შეშინებულიმა საზოგადოებამ ლითონის ფული მოითხოვა, რაც ძალიან მცირე აღმოჩნდა; მაშინ ლოუ რეპრესიული ზომების მიღება განიზრახა, რათა ამით ლითონის მოთხოვნა შეეჩერებია. მთავრობამ, მისი შთაგონებით, აკრძალა 50 ლივრზე მეტის ოქროს ფულის სახლში შენახვა; სჩხრეკდნენ სახლებს, რათა იქ შენახული ოქრო აღმოეჩინათ. მაგრამ ამ საშუალებამ კიდევ უფრო შეაშინა საზოგადოება: აქციებმა ყოველივე ღირებულება დაჰკარგა, აღარავინ აღარ იღებდა საკრედიტო ბილეთებს, და საქმე გაკოტრებით გათავდა. ბანკის გაკოტრება სახელმწიფოს არაპირდაპირი გაკოტრებაც იყო, რადგანაც იგი



მხარს უჭერდა ლოუს ოპერაციებს და მისა ბალეთებით სა-  
კუთარი ვალების თვალსაჩინო ნაწილი გამოიყიდა. კერძო პი-  
რების უამრავი რიცხვი, რომელთაც აქციებისა და ლოუს ბი-  
ლეთების გასაღება ვერ მოასწრეს, სრულიად გალატაკდნ.

### ლიუდოვიკ XV.

ასე იყო თუ ისე, ის ტვირთი, რომელიც ლიუდოვიკ მე-  
XIV საფრანგეთს დააკისრა, თუმცა არაკეთილშობილური გზით,  
მაგრამ მაინც შემსუბუქებულ იქმნა; ახლა საჭირო იყო თადა-  
რიგის დაქერა, რათა სახელმწიფო კვლავ იმ მდგომარეობაში  
არ ჩავარდნილიყო, როგორშიაც იგი 1715 წელს იმყოფებო-  
და. მაგრამ ლიუდოვიკ მე-XV განათლების ხანის მონარქების  
რიცხვს არ ეკუთვნოდა, რომლებიც, ფრიდრიხ მე-II და იო-  
სებ მე-II მსგავსად, მთელ თავის ძალ-ღონეს სახელმწიფოს ინ-  
ტერესების სამსახურს ანდომებდნ. იგი პირადი სიამოვნებისა-  
თვის ცხოვრობდა, განცხრომას ყველაფერზე მალა აყენებდა  
და თავისი პოლიტიკის შედეგებს, რამდენადაც ეს პირადად  
მას არ ეხებოდა, ძალიან გულგრილად უყურებდა: „ჩემს შემ-  
დეგ თუნდ წარღვნაც მოხდესო“!. ამბობდა იგი.

სახელმწიფოში მთავარ როლს ისევ ის ძალები ასრულებ-  
დნ, რომლებიც მეფის ყურადღებით სარგებლობდნ. ლიუდო-  
ვიკ მე-XV კარგი მინისტრებიც ჰყავდა, მაგრამ სახელმწიფოში სა-  
ჭირო გაუმჯობესების შეტანა მათაც ვერ შესძლეს. სახელმწიფო  
მოვალეობათა უთანასწორო განაწილება, პრივილეგიებით მო-  
სილი პირების მიერ საზოგადო ქონების ფლანგვა, საფინანსო  
მართველობის საქმის არევა-დარევა—ყველაფერი ეს კვლავ გრ-  
ძელდებოდა. საგარეო პოლიტიკა სამარცხვინოდ მიდიოდა,  
სამხედრო და დიპლომატიური დამარცხებები თავმოყვარე ფრანგ-  
თათვის ძლიერ ძნელი ასატანი იყო: პოლონეთის მემკვიდ-  
რეობისათვის ომის დროს ფრანგების კანდიდატი დამარცხდა;  
ავსტრიის მემკვიდრეობისათვის ატეხილი ომით პრუსიამ ისარ-  
გებლა, საფრანგეთი კი იძულებული შეიქმნა თავის გეგმებზე



უარი განეცხადებია; შვიდი წლის ომის დროს ფრანგებმა რამდენიმე სამარცხვინო დამარცხება იგემეს; მთელი მეფობის განმავლობაში ინგლისელები ფრანგების ახალშენებს იკავებდნენ და მათ ფლოტს ამარცხებდნენ.

გენერალური კონტროლიორი, მაშო შეეცადა საფუძვლიანად შეეცვალა საფინანსო მართველობა: მან შეზღუდა სამღვდლოების უფლება უძრავი ქონების შექმნის საქმეში, რადგანაც ის მიწები, რომელნიც სამღვდლოების ხელში იმყოფებოდნენ, მიწის ბაჟისაგან განთავისუფლებულნი იყვნენ. მანვე შემოიღო გადასახადი შემოსავლის კვალობაზე, რაც ყველა წოდებაზე ვრცელდებოდა და იმ ტვირთს ამცირებდა, მდაბიო ხალხს რომ კისერზე აწვა. მაგრამ მაშოს რეფორმებმა უკმაყოფილება გამოიწვიეს როგორც სასახლეში, ისე სამღვდლოებაშიც, და მეფემაც ყველაფერი ეს დაუყოვნებლივ გააუქმა და გაბედული რეფორმატორი სამსახურიდან დაითხოვა.

### ბრძოლა პარლამენტებთან.

საზოგადოება, რომელიც რეფორმებს მეფისაგან მოელოდა, იმ დასკვნამდე მივიდა, რომ მისგან იგი არაფერს არ უნდა გამოელოდეს, და მთავრობის ყოველ მოქმედებას უნდობლობის თვალით დაუწყო ცქერა. საზოგადოებრივი აზრის ასეთ განწყობილებას სხვათა შორის სასამართლო წოდებამ მისცა გამოხატულობა. უმაღლესი სასჯავროები, ეგრედ წოდებული პარლამენტები, თვითონ მთლად ძველ წესწყობილებას ეკუთვნოდნენ, და სასამართლოს არისტოკრატიის აზრები ხშირად სახელმწიფოს ნამდვილ ინტერესებსა და განათლებული პოლიტიკური მოღვაწეების შეხედულებებს ეწინააღმდეგებოდნენ. მაგრამ სასამართლოს წოდებას თავი დამოუკიდებლად ექირა, მას გამბედაობა შესწევდა მთავრობას შეცოლებოდა, და ამიტომ საზოგადოების თანაგრძობა მის მხარეზე იყო.

პროტესტის უფლება პარლამენტებმა რამდენჯერმე გამოიყენეს; ლიუდოვიკ მე XV მეფობის დროს პირველი გააფთრებული



შეტაკება იმის გამო მოხდა, რომ ბრეტანის პარლამენტის პრეზიუმის კურორმა პროვინციის გუბერნატორი უფლების ბოროტად სარგებლობისათვის პასუხისგებაში მისცა. სასახლე გუბერნატორს გამოესარჩლა, და პარიზის პარლამენტმა, სადაც საქმე იჩნეოდა, მისი შეჩერების შესახებ ბრძანება მიიღო. მაშინ მთელი საფრანგეთის პარლამენტები შეთანხმდნენ და განაცხადეს, რომ ისინი აღარ გაარჩევდნენ საქმეებს, თუ თავისუფლად მოქმედებას იქნებოდნენ მოკლებულნი. კანკლურ მოპუხს (იუსტიციის მინისტრის) შუამდგომლობის თანახმად გამოიცა ბრძანება გაჯიუტებული მოსამართლეების გადასახლებისა და პარლამენტების ახალი სასამართლოებით შეცვლის შესახებ. სასამართლო დაწესებულებაში შეტანილ იქმნა არსებითი გაუმჯობესება: მოსპვეს თანამდებობის ყიდვა-გაყიდვა და სამართლის წარმოება გამარტივეს. ამის მიუხედავად საზოგადოებმა პარლამენტების წხარვებე იყო, და ვეჭილებმა საქმეების დაცვაზე უარი განაცხადეს.

**ლუდოვიკ XVI.**

ეს ბრძოლა დასრულებული არ იყო, რომ ლიუდოვიკ მე-XV გარდაიცვალა. ტახტზე მისი შვილის შვილი, კეთილი სურვილებით აღვსილი, მაგრამ სუსტი ხასიათის ლუდოვიკ XVI ავიდა. პარლამენტთან ბრძოლა მან იმით დაასრულა, რომ ძველი მდგომარეობა აღადგინა.

**ტიურგო და მისი პლანები.**

მისი საუკეთესო მინისტრი, ტიურგო წინააღმდეგი იყო ამ ნაბიჯისა, მიტომ კი არა მხოლოდ, რომ ეს მეფის ავტორიტეტის დაცემას მოასწავებდა, არამედ მიტომაც, რომ მას წინდაწინვე გათვალისწინებული ჰქონდა ის წინააღმდეგობა, რომელსაც მას შემდეგში, სერიოზული რეფორმების განხორციელების დროს გაუწევდნენ პარლამენტები. ტიურგო გამოცდილი ეკონომისტი და ადმინისტრატორი იყო, მხურვალე პატრიოტი და ფართო, ორიგინალური გონების ადამიანი. მას ესმოდა, რომ





საფრ. ნგეთს არა მარტო ფინანსების გაუმჯობესება, არამედ ცხოვრების ყოველი დარგის ფართო და რადიკალური გარდაქმნა ესაჭიროებოდა. მისი განზრახვები ყველანი აქეთ იყვნენ მიპყრობილნი, და მეფეც თანაუგრძნობდა მას.

ტიურგო გადასახადების უთანასწოროდ განაწილების მოსპობასა და მიწის გადასახადის ყველა წოდებაზე გავრცელებას აპირობდა, ფეოდალური ბეგარა დროის შეუფერებლად მიაჩნდა, ხოლო სავაჭრო მონოპოლიების მოსპობას აუცილებელ საჭიროებად სთვლიდა, ამქრული წესწყობილება და შინაური საბაჟოები, მისი აზრით, უნდა გაუქმებული ყოფილიყვნენ. აღმინისტრაციაში ის საჭიროდ სთვლიდა თვითმართველობის განვითარებას და ამ მიზნისათვის სახეში ჰქონდა, ადგილობრივი საქმეებ ს წარმოება მუნიციპალიტეტების ხელში გადაეცა; პროვინციალური საქმეებისათვის პროვინციალური მუნიციპალიტეტები უნდა შეექმნა და, დასასრულ, ზოგიერთი სახელმწიფო საქმის გასარჩევად, მისი პროექტით, „ნაციონალური მუნიციპალიტეტი“ უნდა დაარსებულყო, რომლის წევრებიც პროვინციალური კრებების მიერ უნდა ყოფილიყვნენ არჩეულნი. სააწმუნოების საკითხში ტიურგო სინდისის თავისუფლებისა და პროტესტანტების კათოლიკებთან გათანასწოების მომხრე იყო. ყველა ასეთი რეფორმის სიმტკიცისა და სარგებლიანობის უზუნველსაყოფად მას ფართო სახალხო განათლების საფუძველი მიაჩნდა აუცილებლად, და ამ მხრივ ზომების მიღებას აპირობდა.

არა თუ ყველა ჩამოთვრილი რეფორმების, არამედ მკორე ნაწილის განხორციელებაც ძალიან ძნელი გამოდგა: სასახლე, პარლამენტები და საზღვდელიება ყველა მის წინააღმდეგ ამხედრდა. არც ხალხს ესმოდა რეფორმების მნიშვნელობა, და ხშირად მის ცხოვრებაში გატარებას აპზობებით უპასუხებდა. ტიურგომ მაინც გამოაცხადა პურიით ვაჭრობის თავისუფლება, ამქრების გაუქება და შინაური საბაჟოების მოსპობა. მაგრამ ანისთვის პარლამენტებზე ძალდატანება და შდაბიო ხალხის აჯანყების იარაღით ჩაქრობა შეიქმნა საქარო



ტიურგო ყველაფრისთვის მზად იყო, ოღონდ მიზანს მიეღწია, მაგრამ ამგვარი ბრძოლისათვის თვით მეფე გამოუსადეგარი აღმოჩნდა და დედოფლისა და დაახლოვებული პირების გავლენის გამო მალე დიდი მინისტრი გადააყენა.

მაგრამ ტიურგოს გადაყენება სრულიად არ იყო იმის მომსწავებელი, რომ მთავრობა სამუდამოდ იღებდა ხელს რეფორმებზე: ფინანსების არე-დარევა ერთის მხრივ, და საზოგადოებაში გამეფებული იდეების გავლენა მეორეს მხრივ, იმდენად ძლიერი იყო, რომ რეფორმების პროექტებს ტიურგოს მოადგილეების დროსაც ქონდათ ადგილი (ნეკერი, კოლონნი, ბრენნი). მაგრამ მტკიცე პოლიტიკისა და გარკვეული გეგმის გაყოლს მაკიერ ტიურგოს მოადგილეები მუდამ რყეას განიცდიდნენ, ერთ ნაბიჯს წინ გადადგამდნენ, მეორეს უკან: ხან მუქარას უცხადებდნენ პრივილეგიებით მოსილებს და განათლების ხანის პროგრამის სამარ ლიანობას სცნობდნენ, ხან კიდევ დათმობის გზას ადგებოდნენ და ლიუდოვიკ მე-XIV ენით ლაპარაკს ცდილობდნენ.

საგარეო პოლიტიკაში საფრანგეთმა მნიშვნელოვან წარმატებას მიაღწია: მთელი მე-XVIII საუკუნის განმავლობაში ინგლისი დამცირებას აყენებდა მას, მაგრამ როდესაც ჩრდილო-ამერიკის ახალშენები ინგლისს აუჯანყდნენ, საფრანგეთმა მათ მხარი დაუჭირა და ამით რამდენადმე თავის მოწინააღმდეგეს სამაგიერო უზღო. მაგრამ მეორეს მხრივ, ჩრდილო-ამერიკის ომში, მონაწილეობის მიღება საფრანგეთის მთავრობისათვის სრულიად არ გამოდგა ხელსაყრელი, რადგანაც ამან ხელი შეუწყო პოლიტიკურ თავისუფლებისადმი მსწრაფების გავლევას თვით საფრანგეთში.

შინაურ მართველობაში კიდევ გაქონდათ თავი ახალ-ახალი ვალის აღებით, მაგრამ დეფიციტი თანდათან იზრდებოდა და ბოლოს წლათურად 198 მილიონ ლივრს მიაღწია. ცხადზე უცხადესი შეიქმნა ერთის მხრივ ფინანსიური სისტემის გარდაქმნის აუცილებლობა, ხოლო მეორეს მხრივ ის, რომ მთავ-

რობა თავისი ძალით თავს ვერ გაართმევდა ამ რთულ საქმეს, და ამიტომ საზოგადოების დახმარება იყო საჭირო. თუმცა დამახინჯებული სახით, მაგრამ ტიურგოს გეგმამ ისევ წამპოყო თავი. საქმე საოლქო და ადგილობრივი რეფორმიდან დაიწყო. ინტენდანტების საადმინისტრაციო ფუნქციები თითქმის სავსებით პროვინციალურ სასოფლო კრებებს გადაეცა; მაგრამ ამ რეფორმით არავინ არ დარჩა კმაყოფილი: ზოგი იმით იყო უკმაყოფილო, რომ დაბალ კლასებთან თანასწორად უხდებოდათ მუშაობა, ზოგი კიდევ მეტ უფლებას მოითხოვდა. როდესაც მთავრობამ გადასახადების რეფორმის მოჰკიდა ხელი, მას გაათვრებული წინააღმდეგობა გაუწიეს. პარიზის პარლამენტი უარი სთქვა ბრძანების რეგისტრაციაზე, პროტესტი განაცხადა მეფის სახელით განკარგულების გაცემის წინააღმდეგ და გამოაცხადა, რომ მთავრობას არა აქვს უფლება დააპატიმროს მისთვის არასასიამოვნო პირები თვითნებურად და ბრალდების წაუყენებლად, და ბოლოს მან გენერალური შტატების მოწვევა მოითხოვა. თუმცა პარლამენტი რეაქციონურ მიზნებს ისახავდა, მაგრამ საზოგადოება მინც მას თანაუგრძნობდა. სასამართლოს გარდაქმნის ცდამ მეფეს ისევე უნაყოფოდ ჩაუთარა, როგორც ერთ დროს მოპუს რეფორმამ დალია ჩაილულის წყალი: ბრძანება რეფორმის შესახებ უკანვე იქმნა წაღებული.

### გენერალური შტატები 1789 წ.

საზოგადო არევ-დარევისაგან თავის დასაღწევად ერთი გამოსავალი ლა იყო დარჩენილი: მთელი ერის წარმომადგენლების მოწვევა და მათთვის საქმის მოგვარების მიზნობა; ლიულოვიკ მე XVI ეც იძულებული შეიქმნა ამ გზას დადგომოდა და ბრძანება გასცა, გენერალურ შტატებში გასაგზავნი დეპუტატების არჩევნები მოეხდინათ (გენერალური შტატები 1614 წ. შ. პირველად ახლა უნდა შეკრებილიყო); არჩევნები წო-

დებების მიხედვით ხდებოდა; დებუტატებს თან უნდა ჰქონო-  
დათ მცხოვრებლებისაგან მიცემული „რეგულები“ (cahiers),  
სადაც ამომრჩეველთა სურვილები უნდა ყოფილიყო აღნუ-  
სხული. რაკი დებუტატების არჩევის უფლება სამივე წოდებას  
(სამღვდელოებას, თავადაზნაურობას და მესამე წოდებას)  
ჰქონდა, ამ „რეგულების“ საშუალებით ნათლად შეგვიძლია  
გავითვალისწინოთ, თუ რა ეწადა და რას მოითხოვდა თი-  
თოეული წოდება ამ ღირსშესანიშნავ დროს, ან როგორი იყო  
საზოგადოდ სულიერი განწყობილება ერის უმრავლესობისა.  
ცხადად სჩანდა, რომ დიდი უმრავლესობა ხალხისა მუდმივს სა-  
ხალხო წარმომადგენლობასა და რადიკალურ რეფორმებს უჭერ-  
და მხარს. რეფორმები პოლიტიკურ წესწყობილებასაც უნდა  
შეხებოდნენ, და იკი უფრო მარტივ ფორმებში უნდა ჩამოყა-  
ლიბებულყო.

გენერალური შტატების მოწვევა ფრანკთა მინისტრის,  
ნეკერის საქმე იყო. მაგრამ მას მთავრობისათვის სამოქმედო  
გეგმა არ შეუმუშავებია. მას ისიც კი არ გაურკვევია, შტატე-  
ბი ცალ-ცალკე გამართავდნენ ბჭობას, თუ ერთ კრებას შეად-  
გენდნენ; ეს საკითხი კი ფრჩხად საყურადღებო იყო, რადგანაც  
მასზე იყო დამოკიდებული როგორც ნაყოფიერება, ისე თვით  
ხასიათი სახალხო წარმომადგენლების კრების მუშაობისა. მე-  
სამე წოდებას, არჩევნების შესახებ გაცემული ბრძანების ძალით,  
იმდენი დებუტატის არჩევის ნება ეძლეოდა, რამდენიც ორს  
დანარჩენ წოდებას ერთად (აზნაურობიდან არჩეულ იქმნა 270,  
სამღვდელოებიდან 291, მესამე წოდებიდან 557). იმ შემთხვე-  
ვაში, თუ თითოეული წოდება ცალკე გამართავდა კრებებს, მე-  
სამე წოდება, იმის მიუხედავად, რომ დებუტატების მთელი რი-  
ცხვის ნახევარი მას ეკუთვნოდა, მაინც უპაციროსობაში დარჩე-  
ბოდა, რადგანაც ხმის მიცემის დროს მას მხოლოდ ერთი ხმა  
ექნებოდა (უეჭვილი იყო, რომ სამღვდელოება და აზნაურობა  
ერთი შეორეს დაუჭერდა მხარს პროგრესიულ მესამე წოდების  
წინააღმდეგ). ამიტომ მესამე წოდებისათვის საერთო სხდომები



იყო სასურველი, რადგანაც ამ შემთხვევაში ის უმრავლესობას შეჰქმნიდა სხვა წოდებათა დეპუტატებთან ერთად, რომელნიც მის შეხედულებებს იზიარებდნენ და უეჭვოა ელია მას შეუერთდებოდნენ. მთავრობასაც ეს სურდა, რამდენადაც მას გადასახადების რეფორმების შემოღება აინტერესებდა, მაგრამ მეორე მხრივ კიდევაც ეშინოდა მესამე წოდების, როგორც გარკვეული პოლიტიკური მრწამსის მატარებლის. ბოლოს ამ საკითხის გადაწყვეტა ბუნებრივ მიმდინარეობას მიენდო.

**ნაციონალური კრება.**

როდესაც 1789 წლის 5 მაისს დეპუტატები ვერსალში შეიკრიბნენ, აზნაურობამ და სამღვდლოებამ ცალკე შტატები მოაწყვეს, მაგრამ მესამე წოდების დეპუტატებმა უარი სთქვეს ცალკე ბქობის გამართვაზე და საერთო კრების შექმნის შესახებ თავისი სურვილი გამოსთქვეს. დაიწყეს მოლაპარაკება, რამაც ერთ თვეზე მეტს გასტანა; ბოლოს მესამე წოდებამ, როგორც მცხოვრებთა უმრავლესობის წარმომადგენელმა, თავისი თავი „ნაციონალურ კრებად“ გამოაცხადა და დანარჩენ წოდებათა დეპუტატებს მასთან შეერთების ნება მისცა. ამ არაჩვეულებრივმა ნაბიჯმა მთავრობა უმოქმედობის მდგომარეობიდან გამოიყვანა. მეფის ბრძანებით, ვერსალის ზალა დახურეს, სადაც კრებები ემართებოდა, მაგრამ დეპუტატები მანეჟში (jeu de paume) შეიკრიბნენ და ფიცი დასდვეს, რომ არ დაიშლებოდნენ, სანამ ახალ სახელმწიფო წესწყობილებას არ შეიმუშაებდნენ. 23 ივნისს ისინი, სამღვდლოებასა და აზნაურობასთან ერთად, სადღესასწაულო სხდომაზე მიიწვიეს, სადაც მეფემ ბრძანება გასცა—ყოველი შტატი ცალცალკე შედგომოდა საქმეს და უმაღლეს წოდებათა უპირატესობებისათვის ხელი არავის ეხლო. მაგრამ მეფის ბრძანებამ და მუქარამ შესაფერი შთაბეჭდილება მაინც ვერ მოახდინეს; მესამე წოდება მაინც „ნაციონალურ კრებად“ სთვლიდა თავს და სხდომებს განაგრძობდა; ხოლო დანარჩენ წოდებათა დეპუტატები დღითიდღე მის მხარეზე გადადიოდნენ.

### ფეოდალიზმის ნაშთების ლიკვიდაცია.

მეფემ კრების დაუყოვნებლივი დათხოვა ვერ გაბედა, მაგრამ პარიზის გარშემო ჯარის მოკროვება დაიწყო და ნეკყერი სამსახურიდან გადააყენა. ამ გარემოებამ დიდი აღელვება გამოიწვია სატახტო ქალაქში; ქუჩაში მშვიერი ხალხის ბრბო გამოვიდა, რომელიც ნაციონალური კრებისაგან თავისი მდგომარეობის გაუმჯობესებას მოელოდა, ხოლო ბრწყინვალე წოდებას ზიზლით უყურებდა. ბრბოს საწინააღმდეგოდ სამხედრო ძალას მიმართეს. მაგრამ ზოგიერთ რაზმს მცხოვრებლებისადმი თანაგრძნობა ეტყობოდა. 14 ივლისს ხალხის უზარმაზარი მასა **ბასტილიისაკენ** გაეშურა, რათა იქ დაგროვილი იარაღი ხელში ჩაეგდო. ციხის მცირერიცხოვანმა გარნიზონმა სროლა აუტეხა ხალხს, რომლისაგანაც რამდენიმე ათეული იქმნა მოკლული, მაგრამ ამან მომხდურები უფრო გააბრაზა: ისინი ციხეში შეიჭრენ; გარნიზონმა იარაღი დაჰყარა, მაგრამ რამდენიმე ჯარისკაცი და უფროსი მაინც მოჰკლეს. ჯარის თავდასხმის მოლოდინში მყოფი პარიზის ქუჩები ბარიკადებით მოიფინა, ბურჟუაზია შეიარაღდა და წითელი გვარდია შეადგინა, რომლის სათავეშიც ჩრდილოეთ-ამერიკის ომის გმირი, მარკიზი **ლათაიეტი** ჩადგა. ლიუდოვიკ მე-XVI ვერ გაბედა სამოქალაქო ომის დაწყება. იგი ხალხს დაპირდა ჯარის დაშლას, დაამტკიცა აჯანყებულთა მოთხოვნები და ნაციონალურ კრებას შეუბრუნდა.

ამბავი ბასტილიის დაცემის შესახებ მთელს საფრანგეთს ელვის სისწრაფით მოელო. მართალია, ამ ციხის აღებას იმდენი რეალური მნიშვნელობა არ ჰქონია, როგორც აქამდე ფიქრობდენ, მაგრამ მისი ზნეობრივი გავლენა მაინც განუსაზღვრელი იყო, რადგანაც ბასტილია ძველი წესწყობილების ერთგვარ განსახიერებას წარმოადგენდა, და მისი დაცემა საზოგადოდ ძველი მართველობის დამხობის მომასწავებელი იყო. მოძრაობა ყველგან დაიწყო, და განსაკუთრებით სოფლებში მიიღო მან მრისხანე ხასიათი: გლეხები არბევდენ და სწვავდენ კოშკებს, ზოგიერთ შემთხვევაში ქლევტდენ მემამულეებს და მათ მოურა-



კებს. ამ საზოგადო აჯანყებამ თვით ნაციონალურ კრებაზეც დიდი გავლენა იქონია. 4 აგვისტოს რამდენიმე ახალგაზრდა აზნაურმა განაცხადა, რომ ივინი იმ უპირატესობებზე, რომლითაც დიდი ხანია სარგებლობდენ, უარს აცხადებენ. მაშინ ყოველი მხრიდან წამოიჭრენ წარჩინებულ წოდებათა დეპუტატები და თავის უპირატესობებზეც უარი სთქვეს. 4 აგვისტოს, ხალამოს სხდომაზე, გაუქმებულ იქმნა გამოუსყიდველად ყოველგვარი ფეოდალური ვალდებულება, უპირატესობა, პრივილეგია, მონოპოლიები, რითაც ასე მდიდარი იყო ძველი წესწყობილება.

4 აგვისტოს ღამეს ნაციონალური კრების მიერ მიღებული დადგენილება ძირიან-ფესვიანად სცვლიდა ძველ წესწყობილებას; ამას, რასაკვირველია, სასახლე ვერ შეურიგდებოდა, და ამიტომ მისგან მოსალოდნელი შიში ნორჩი მოძრაობის წინაშე კვლავ აღიმართა. მუდამ რყევაში მყოფი ლიუდოვიკ მე-XVI კვლავ დაემორჩილა დედოფლის გავლენას და ვერსალში ჯარს თავი მოუყარა; ერთს სამხედრო დღესასწაულზე, სადაც მეფე და მისი ოჯახობაც იღებდენ მონაწილეობას, ოფიცრებმა ჩამოიხიეს და ფეხით გასთელეს სამფერიანი ღენტები, რომელიც ბასტილიის აღების შემდეგ იქმნა შემოღებული ერთფერიანი (თეთრი) ღენტის მაგიერ. პარიზის მცხოვრებლებმა კვლავ მიმართეს იარაღს; აჯანყებულებმა, რომელთა შორისაც ქალებიც ბევრი იყო, აღარ დაუცადეს მოწინააღმდეგის გამოსვლას და თვითონ გაემურენ ვერსალისაკენ, შეიჭრენ სასახლეში და მოითხოვეს მეფის პარიზში გადმოსახლება. მეფემ კვლავ დაუთმო, რათა სისხლის ღვრა თავიდან აეშორებია (5-6 ოქტომბერს). იგი პარიზში გადასახლდა და ამით თავისი თავი სატანტო ქალაქის მოუსვენარი მცხოვრებლების ნებას დაუქვემდებარა. ნაციონალური კრებაც მას გაჰყვა თან.

**დამფუძნებელი კრება და დეკლარაცია „ადამიანისა და მოქალაქის უფლებათა შესახებ“.**

რა ჯგანაც ნაციონალური კრების მთავარ დანიშნულებას ახალი კონსტიტუციის შექმნა, ახალი წესწყობილების დამყა-

რება შეადგენდა, ამიტომ ის იმავე დროს **დამფუძნებელი კრებაც** იყო (*assemblée constituante*). უკანასკნელის საქმიანობა არაჩვეულებრივ პირობებში მიმდინარეობდა. დებუტატებმა, რომლებიც საშუალო საუკუნეების წოდებრივ შტატებში ძლიერი მეფისათვის თხოვნის მისართმევად იყვნენ მიწვეულნი, მოულოდნელად თავისი თავი მთელი ერის უფლებამოსილ წარმომადგენლებად გამოაცხადეს, ყველა ისტორიული დაწესებულებები უარჰყვეს და სახელმწიფოებრივი წესწყობილების ახლად შექმნას მიჰყვეს ხელი. თავისი შემოქმედების სახელმძღვანელოდ დებუტატებმა საზოგადო მოსაზრებანი განხადეს ადამიანისა და მოქალაქის უფლებათა, სახელმწიფოს დანიშნულებასა და მთავრობის მისდამი დამოკიდებულების შესახებ. თუ მონარქიული მთავრობა საფრანგეთში შეუზღუდველად და უკონტროლოდ დიდხანს მოქმედობდა, სამაგიეროდ ეხლა მთავრობას გავლენის ძლიერ მცირე ნაწილს უთმობდენ და არ შიშობდენ, რომ ეს უწესრიგობასა და ძალადობას გამოიწვევდა. საზოგადოდ უნდა ითქვას რომ დამფუძნებელი კრების მუშაობა პარიზის დემოკრატიის გავლენას ექვემდებარებოდა.

დემოკრატია მთავისი ძალა განსაკუთრებით მას შექმნევ იგრძნო, რაც მან მრისხანე ბასტილია დაამბო და მეფის მიერ შერყობილი ჯარი გაფანტა. დემოკრატია თავისს ახლად დაარსებულ კლუბებში მოურიდებლად არჩევდა იმავე საკითხებს, რასაც დამფუძნებელი კრება, და ამ უკანასკნელზე უფრო გაბედულსა და რადიკალურ აზრებს გამოსთქვამდა. ერთმა ამგვარმა კლუბმა, ეგრედ წოდებულმა **იაკობინელების კლუბმა**, თავისი განყოფილებები საფრანგეთის ყოველ კუნძულში მოაწყო და მათთან დამოკიდებულებას ერთი წუთითაც არ სწყვეტდა.

დამფუძნებელმა კრებამ აღარა, პირველ რიგშივე აუცილებლად დასმულიყო საკითხი **რიგიანად მოწყობილის პოლიტიკური ცვლილების ძირითადი პირობების აღნუხზვის შესახებ** და კერძო ზომების შემუშავებაზე მხოლოდ ამის შემდეგ გადასულიყო. ხანგრძლივი კამათის შემდეგ შედგენილ



იქმნა „დეკლარაცია ადამიანისა და მოქალაქის უფლებათა შესახებ“, სადაც აღიარებული იყო, რომ ყოველი ადამიანი თანასწორ-უფლებიანი და პირადად თავისუფალია, რომ მოქალაქეთა კრებულს, ე. ი. ხალხს სახელმწიფოში უაღრეს-უფლებიანობა ეკუთვნის, და თუ ხალხი მთავრობის მხრივ შევიწროებას განიცდის, მას უფლება ენიჭება ამ უკანასკნელს წინააღმდეგობა გაუწიოს.

მაგრამ, როდესაც საქმე ამ განყენებულ დებულებათა განხორციელებაზე მიდგა, მრავალმა დაბრკოლებამ წამოჰყო თავი. თანასწორობა საკმაოდ ფართოდ იქმნა გატარებული; 4 აგვისტოს ღამეს ერთბაშად იქმნენ მოსპობილნი უპირატესობანი და პრივილეგიები; შემდეგში აზნაურებს ტიტულები, ღებები და სხვა გარეგნული წარჩინების ნიშნები ჩამოერთვათ. მაგრამ პოლიტიკურის მხრივ თანასწორობა ძალიან შეზღუდული დარჩა. არჩევნებში მონაწილეობის მიღების უფლება მხოლოდ იმ მოქალაქეთ მიეცათ, რომელნიც სახელმწიფოს სასარგებლოდ არა ნაკლებ სამი სამუშაო დღის ქირის რაოდენობის პირდაპირ გადასახადს იხდიდნენ. ესენი აქტიურ მოქალაქეებად ითვლებოდნენ. მათი წრიდან გამოსული პირებიდან სდგებოდა ნაციონალური გვარდიაც, რომლის დანიშნულებასაც მთელ სახელმწიფოში რევოლიუციით მოპოვებული თავისუფლებისა და წესრიგის დაცვა შეადგენდა. ამგვარად არჩევნების უფლებას არა მარტო ქალები და ბავშვები იყვნენ მოკლებულნი, არამედ სრულწლოვან მამაკაცთა უმრავლესობაც.

### კონსტიტუცია 1791 წლ.

ხალხის უაღრეს უფლებიანობის განხორციელების დროს ნაციონალურ კრებას მონტესკიეს იდეები ჰქონდა სახეში. არჩევნების სისტემა თითქმის ყველა დაწესებულებაში იქმნა შემოღებული; ამასთანავე, ძალაუფლების განაწილების თეორიის მიხედვით, ყველა დაწესებულება სამ ჯგუფად იქმნა გაყოფილი: **საკანონმდებლო უფლება** და ამავე დროს სახელმწიფო

საქმეების ხელმძღვანელობა მინდობილი ჰქონდა სახალხო კრებას, რომელიც ერთი პალატისაგან (და არა ორისაგან, როგორც ეს ინგლისში და ამერიკაში იყო შემოღებული) შესდგებოდა, რომლის წევრებსაც ორი წლით ირჩევდნენ. აღმასრულებელი უფლების სათავეში მეფე უნდა მდგარიყო, მას ენდობოდა ჯარის, ფლოტისა და პოლიციის უფროსობა და აგრედვე დიპლომატიური მიწერ-მოწერის წარმოებაც. მას ახალი კანონების შემოღების შეჩერების უფლებაც ჰქონდა მინიჭებული, რითაც მას მხოლოდ იმ შემთხვევაში შეეძლო ესარგებლებია, თუ კანონპროექტი სახელმწიფოსათვის მავნებლად მოეჩვენებოდა; მაგრამ, თუ კრება ერთსა და იმავე კანონს სამჯერ გაიყვანდა, მაშინ მეფის veto მნიშვნელობას ჰკარგავდა. მეფეს უნდა ჰყოლოდა მინისტრები, რომელნიც თავისი მოქმედებისთვის საკანონმდებლო კრების წინაშე პასუხისმგებელნი უნდა ყოფილიყვნენ. საკანონმდებლო კრებიდან მინისტრების დანიშვნა აკრძალული იყო, რაც ერთ-უფროსობისადმი უნდობლობიდან და აღმასრულებელი და კანონმდებლობითი უფლების მკაცრი განაწილების სურვილიდან გამომდინარეობდა. სამართლის უფლება ტრიბუნალებს ეკუთვნოდათ, რომელთა წევრებსაც ადგილობრივ კრებებზე ექვსი წლის ვადით ირჩევდნენ.

ადგილობრივი და საოლქო მმართველობა ნომინალურად მეფისა და ხინაგან საქმეთა მინისტრის ზედამხედველობას ემორჩილებოდა, ხოლო ფაქტიურად იგი ადგილობრივი სახალხო კრებების ხელში იყო, რომლის წევრებსაც აქტიური მოქალაქენი ირჩევდნენ. საერთოდ კი უფლების განაწილება უფრო ქალაქულად აჩვენებოდა, ვიდრე სინამდვილეში: სასამართლოსა და აღმასრულებელი უფლების წარმომადგენლები ფაქტიურად დამოუკიდებლობით ვერ სარგებლობდნენ, რადგან სავსებით პარტიების ზეგავლენას ემორჩილებოდნენ. ერთად ერთ უფროსად მეფე დარჩა, რომელსაც ძალა-უფლება ტრადიციის ძალით შეერჩა.



კონსტიტუციაში დაწვრილებით იმის აღნუსხვა, თუ რა უფლებებით უნდა ესარგებლებიათ მოქალაქეთ მთავრობის წინააღმდეგ გამოსვლის შემთხვევის დროს, ძალიან ძნელი იყო, მაგრამ უფლებათა დეკლარაციაში მისი ფორმალურად ცნობა მაინც არ იყო მნიშვნელობას მოკლებული, თუ მხედველობაში მივიღებთ იმ რევოლუციონურ განწყობილებას, რომელიც იმ დროინდელ საზოგადოებრივ აზროვნებას ახასიათებდა.

წესწყობილების აგების დროს ნაციონალურ კრებას უთუოდ ანგარიში უნდა გაეწია ერთი დაწესებულებებისათვის, რომელიც თავის თავს მარადიულ დაწესებულებად სთვლიდა; ეს დაწესებულება ეკლესია იყო. დეპუტატების უმრავლესობას განათლების ხანის ფილოსოფიის სკოლა ჰქონდა განვლილი, და ამიტომ მათ ეკლესიის ზესთაბუნებრივი წარმოშობის საბუთი სრულიად არ აღშფოთებდათ. კრებამ განათლების ხანის დესპოტებს მიჰბაძა და სასულიერო კორპორაციების უზარმაზარი უძრავი ქონება, დაახლოვებით სამ მილიარდ ფრანკად ღირებული, სახელმწიფოს საკუთრებად გამოაცხადა. რადგანაც ეს ერთად ერთი საშუალება იყო ფინანსიური კრიზისიდან თავის დასაღწევად, ამიტომ ასე თუ ისე სამღვდლოებაც შეურიგდა ამ ზომას. მაგრამ, რადგანაც ეკლესიამ თავისი ქონება დაჰკარგა, საჭირო შეიქმნა მისი ჯამაგირით უზრუნველყოფა. ამ საკითხის განხილვის დროს კრება იმგვარ კითხვებს შეეხო, რომელიც, საეკლესიო კანონით, საერო უფლების კომპეტენციას აღემატებოდა. კრებამ დახურა ძველი ეპარქიები და დაადგინა, ეპისკოპოსებს სადებარტამენტო საბჭოები, ხოლო მღვდლებს უფლებიან მოქალაქეთა სათემო კრებები უნდა ირჩევდნო. მორწმუნე კათოლიკეებისათვის ეს განკარგულება თავისუფლად მოაზროვნეთა თავხედი გამოლაშქრება იყო საეკლესიო ცხოვრების წინააღმდეგ. პაპმა დაჰგმო ეს ე. წ. „ეკლესიის სამოქალაქო წყობილება“; სასულიერო პირთა უმრავლესობამ უარი განაცხადა მის დამორჩილებაზე; მხოლოდ ეპისკოპოსებისა და მღვდლების ერთი ჯგუფი დანარჩენებს გამოე-



თიშა და ამით კათოლიკური ეკლესიის თვალსაზრისით  
ლებელთა რიცხვს შეუერთდა.

### გარფი მირაბო.

ყველა დებუტატი როდი თანაუგრძნობ და იმ მიმართულე-  
ბას, რომელიც დამფუძნებელი კრების საქმიანობამ მიიღო: იყ-  
ვნენ ძველი წესწყობილების მომხრენიც, რომელთაც რევოლიუ-  
ცია სძაგდათ; იყო მცირე უკიდურეს მემარცხენეა ა ჯგუფიც,  
და მას რევოლიუციის გაგრძელება და გაღრმავება ეწადა;  
თვით უმრავლესობაშიც იყვნენ ისეთი პირები, რომელთა აზ-  
რითაც ნაციონალური კრება კეთილშობილური ვანზრახვებით  
და განყენებული მსჯელობით მეტის-მეტად გატაცებული იყო.  
საქმის მდგომარეობა ნათლად მარტო ერთს სახელმწიფოებრი-  
ვად განწყობილ პირს ჰქონდა წარმოდგენილი. ეს სამხრეთე-  
ლი დებუტატი გრაფი შირაბო იყო. მან ძველი წესწყობილე-  
ბას დანობაში თვალსაჩინო მონაწილეობა მიიღო და პოლიტი-  
კურ თავისუფლებასა და საზოგადოებრივ რეფორმებს მხურვა-  
ლედ თანაუგრძნობდა, მაგრამ დარწმუნებული იყო, რომ თარ-  
თო რეფორმების განხორციელება მხოლოდ ძლიერს ნაციო-  
ნალურ მთავრობას შეეძლო და ამგვარ მთავრობის საფუძველს  
იგი საფრანგეთის ძველ ნაციონალურ მონარქიაში ჰპოვებდა.

მირაბოს არა მარტო გარკვეული პროგრამა ჰქონდა, მას მისი  
შესრულების საშუალებაც მოეპოვებოდა: როგორც გამოჩენილი  
ორატორი, იგი კრებაზე დიდი გავლენით სარგებლობდა, ხოლო  
სასახლესთან მან საიდუმლო დახლოება მოახერხა და მეფის  
ერთერთ მრჩევლად შეიქმნა მაგრამ საქმის სათანადო გზაზე და-  
ყენება მან მაინც ვერ შესძლო. კრება ეჭვის თვალით უცქე-  
როდა მის პატივმოყვარეობას და გამჭრიახობას; მეფის შინა-  
კაცებს კი ვერ ეპატიებინათ მირაბოსათვის მისი რევოლიუ-  
ციონური წარსული, ავანტიურისტად სთვლიდნენ მას, და რაც  
უმთავრესია, ვერ შეეგნათ ის იდეა, რომელსაც მირაბო ემ-  
სახურებოდა. ეს იყო მიზეზი, რომ ამ არაჩვეულებრივი მო-



ღვაწის მთელი საქმიანობა მარტო პლანების შედგენით და განხორციელებით და ლამაზი სიტყვებით განისაზღვრებოდა. იგი 1791 წელს მოულოდნელის და მოკლე ხნის ავადმყოფობის შემდეგ გარდაიცვალა, სწორედ იმ დროს, როდესაც საფრანგეთს არეგ დარევა და ომები ეწეუქრებოდა.

**ევროპა რევოლუციის დროს.**

სამოღვლელოება და გულმოდგინე კათოლიკები გაბრაზებული იყვნენ ეკლესიის სამოქალაქო წყობილების შემოდების გამო. ბევრი აზნაურთაგანი საზღვარ-გარედ გაიქცა და უცხოეთის მთავრობებს ემუდარებოდა, საფრანგეთის „ამბოხების“ ჩასაქრობად ჯარი გაეგზავნათ; თვითონ კი საფრანგეთის საზღვარზე ტრირის საარქიებისკოპოში მცირე რიცხოვანი ჯარი შეადგინეს. მეორე მხრივ, რევოლუციამ ხელი შეუწყო საფრანგეთსა და მის მეზობლებს შორის სადავო საკითხების წამოყენებას: ფეოდალური უფლებების მოსპობა სახელმწიფოს აღმოსავლეთ ნაწილში (ალზასი, ლორენი, ფრანშ-კონტე) მცხოვრებ გერმანელი შეპამულე თავადების ინტერესებსაც ეხებოდა; ავინიონიდან, რომელიც კვლავ პაპს ეკუთვნოდა, მცხოვრებლებმა პაპის მოხელეები განდევნეს, და ქალაქი საფრანგეთს შეუერთდა; ნაციონალური კრება ბელგიაში ხელს უწყობდა აჯანყებას ავსტრიის მთავრობის წინააღმდეგ. ამ დროს ძალიან ბევრ სხვა საკითხსაც ჰქონდა თავი მოუხრილი, და ყველაფერი ეს ევროპის დიპლომატებისაგან გაძვირებულ ყურადღებას მოითხოვდა. იოსებ მე II სიკვდილის შემდეგ ავსტრიის მიწა-წყლის საქმეები აწეწილ-დაწეწილი დარჩა; და მისი ძმისა და მემკვიდრის, ლეოპოლდის მავარს საზრუნავ საქმეს შეადგენდა, მისი შეცდომებიც გაეწორებია და არც მთავარი რეფორმები, სინდისის თავისუფლება და ბტონწყობის მოსპობა, დაეთმო. მან შესძლო მცხოვრებთა უმეტესი ნაწილის დაკმაყოფილება ეროვნულ ჩვეულებათა დაამტკიცებით, ხოლო ბელგია მისმა ჯარმა ხელახლა დაიკავა. მეორე არა სასიამოვნო სამკვიდრო, რომელიც



მას ძმამ გადასცა, ოსმალეთთან ომი იყო, რასაც ის არ უგრძნობდა, ვინაიდან ეს ომი ოსმალეთის ხარჯზე რუსეთის გაძლიერებას უწყობდა ხელს. ამიტომ იგი ოსმალეთს ძალიან საპატიო პირობით შეეკრა. საზოგადოდ ლეოპოლდმა ხელოვნური დიპლომატობა გამოიჩინა და ავსტრიის მნიშვნელობა ევროპაში მალე ამაღლა.

ვენის გვერდით ევროპის პოლიტიკის დიდ ცენტრად პეტერბურგი ითვლებოდა. თუმცა ეკატერინე მე-II საფრანგეთის რევოლუციის წინააღმდეგი იყო, მაგრამ მისი ყურადღება განსაკუთრებით სამი საკითხით იყო დაინტერესებული, რომელიც პირდაპირ რუსეთს შეეხებოდა: მას უხდებოდა ერთსა და იმავე დროს ამის წარმოება შვედებისა და ოსმალების წინააღმდეგ, და ამას გარდა, საჭირო იყო პოლონეთის საქმეების ყურისგდებაც. გუსტავ მე-III-თან ომი ვერელის ზავით დამთავრდა, ოსმალეთში კი სუვოროვი და რეპნინი ბრწყინვალეთ იმარჯვებდნენ, იმის მიუხედავად, რომ რუსები მოკავშირე ავსტრიელებისაგან მიტოვებულ იქნენ. სამაგიეროდ პოლონეთში ცუდად მიდიოდა იმ სახელმწიფოთა საქმე, რომლებმაც პირველი განაწილება მიახინეს და თავისი გავლენის გასაგრძელებლად რესპუბლიკის (ეფი პოსპოლიტა) საქმეების არეულობით სარგებლობას მიეჩვენ. ბოლოს და ბოლოს პოლონელები დარწმუნდნენ, რომ მათთვის გაერთიანება და მტკიცე სახელმწიფოებრივი ძალა-უფლებების შექმნა იყო საჭირო, და აი, 1791 წლის 3 მაისს ვარშავაში სეიმმა ძველი ანარქული წესწყობილება გამოსცვალა. ე. წ. 3 მაისის კონსტიტუციით, გამოცხადებულ იქნა გერმანიის მემკვიდრეობა, liberum veto მოიხსო, საშლიახტო სეიმი დეპუტატების პალატიტ შეცვალა, ხოლო ჩეფისა და მინისტრების უფლებანი საგრძნობლად გაფართოვდნენ.

ამგვარად, უცხო სახელმწიფოთ ისედაც მრავალი საზრუნავი ჰქონდათ და საფრანგეთის საქმეებში ჩარევისთვის აღარ ჰცალათ. ამის მიუხედავად არა მარტო ემიგრანტები, თვით



ლიუდოვიკ მე XVI-ც კი ამ ჩარევებზე ამყარებდა მთელს თავის იმედებს.

### ლტოლვა მეფისა.

იმ წერილობით მოხსენებებში, რომლებსაც მირაბო მეფეს აწვდიდა, იგი ხშირად ეხებოდა საკითხს მეფის პარიზიდან გაქცევისა და სამხედრო ძალით კრების წინააღმდეგ ბრძოლის შესახებ: ერთიცა და მეორეც მას შესაძლოდაც და სასურველადაც მიაჩნდა, რადგანაც მხოლოდ ამ გზით შეიძლებოდა მეფის უფლების გადარჩენა, რომელიც სრული მოსპობისაკენ მიექანებოდა. მაგრამ ამის მიუხედავად მირაბო უცხოელების საქმეში ჩარევის წინააღმდეგ მაინც ენერგიულად ილაშქრებდა; ის დარწმუნებული იყო, რომ ეს პატრიოტული გრძნობის აფეთქებას გამოიწვევდა და ყველა იმას, ვინც უცხოელებს მიმართავდა, მოლაღატის მდგომარეობაში ჩააყენებდა. მაგრამ მეფისთვის ყველაფერი ეს გაუგებარი რჩებოდა.

1791 წლის ზაფხულზე მეფე და დედოფალი პარიზიდან გაქცევას შეეცადენ; მათ იმედი ჰქონდათ, ლორენში მდგომ ჯარს შეფარებოდენ, შემდეგ დედოფლის ძმის, იმპერატორის ლეოპოლდისაგან დახმარების გარანტია მიეღოთ და დამფუძნებელი კრების საწინააღმდეგო მოქმედება დაეწყათ. მაგრამ ვეტი, რომლითაც ისინი მიდიოდენ, ვარენნაში დააკავეს და გაპარული მეფე-დედოფალიც მცველების თანხლებით სასირცხოდ პარიზში დააბრუნეს. ამას შემდეგ მდგომარეობა კიდევ უფრო გამწვავდა. თუმცა გვირგვინის შესარჩენად ლიუდოვიკ მე-XVI კონსტიტუცია დაამტკიცა, მაგრამ ყველასათვის ცხადი იყო, რომ მას ეს კონსტიტუცია მთელის არსებით ეზიზღებოდა. დამფუძნებელი კრების მემარჯვენე ფრთა გაურკვეველ მდგომარეობაში ჩავარდა: ერთი მხრით მეფის ლტოლვის და ხალხის აბოზოქრებული სარევოლიუციო განწყობილების გამო შეუძლებელი იყო ძველს ზომიერების ნიდაგზე დადგომა, მაგრამ მეორე მხრით მისი აღრინდელი მოღვაწეობა მას საშუალებას არ აძლევდა, უფრო მარცხნივ გადახრილიყო.



რაც დრო გადიოდა, იმდენად უფრო აშკარა ხდებოდა ის წინააღმდეგობა, რომელიც ბურჟუაზიასა და მუშა ხალხს ერთმანეთს აშორებდა; უკანასკნელი მოუთმენლად მოელოდა საქმის მოგვარებას და უფლების ხელში ჩაგდებას, რადგანაც სიძვირისა და ცხოვრების არევ-დარევის შედეგებს მასზე უფრო მწვავედ არავინ არ გრძნობდა იაკობინელები აშკარად მოითხოვდნენ მეფის ტახტიდან ჩამოგდებას და მის პასუხისგებაში მიცემას, მაგრამ კრების უმრავლესობა ამის წინააღმდეგი იყო და მხოლოდ იმაზე ფიქრობდა, რომ როგორმე საშუალება გამოენახა, რათა შემდეგში მეფე კონსტიტუციის ერთგული ყოფილიყო. ამ გადაწყვეტილებას კრება მტკიცედ იცავდა; ამიტომ, როდესაც მარსის ველზე ხალხი შეიკრიბა და რესპუბლიკის გამოცხადებას აპირებდა, კრების მიერ გზავნილმა გვარდიამ იგი ტყვიით გაჰყანტა. კრება მინც ანგარიშს უწყევდა მოწინააღმდეგე ძალას, და მისი გავლენით კონსტიტუციაში ორი თვალსაჩინო ცვლილება იქმნა შეტანილი: გაუქმებულ იქნა სადეპუტატო ცნხი, და კონსტიტუც ახალი მუხლი დაემატა, რომლის მიხედვითაც კონსტიტუციის დალატსათვის ან რაიმე ბიუროკრატიკულ ებისათვის მეფე ტახტიდან უნდა გადაყენებულიყო და უხარლო მოქალაქესაკით სამართალში მიცემულიყო.

**საკანონმდებლო კრება.**

დამფუძნებელმა კრებამ ამგვარად შესწორებული კონსტიტუცია საბოლოოდ მიიღო, თავისი მისია დამთავრებულად სცნო და დაიშალა. მაგრამ, სანამ თავის თავს დაშლილად გამოაცხადებდა, კრებ მერთი დადგენილება გამოიტანა, რომ ღითაც მომავალს საკანონმდებლო კრებას დიდი ხანი მიაყენა: დემოკრატიული თახასწორობის მცდარი გაგების გავლენის ქვეშ კრებამ იაკობინელების ერთის ხელმძღვანელთაგანის რაობესპიერს წინააღმდეგ მიიღო, რომლის ძალითაც დამფუძნებელი კრების წევრების ხელმეორედ დეპუტატებად არჩევა მხოლოდ მკორე საკანონმდებლო კრებაში შეიძლებოდა, რადგანაც დე-





პუტატების უფლების დიდი ხნით შენარჩუნება მათ სხვა მოქალაქეებზე მაღლა დააყენებდა და ამით დემოკრატიზმის იდეა დაირღვევოდა.

აქ დადგენილებას ის შედეგი მოჰყვა, რომ საკანონმდებლო კრებაში ახალგაზრდა და გამოუცდელი დეპუტატები იქმნენ არჩეულნი, და იქ უპრავლესობა იმ ჯგუფმა შეადგინა, რომელსაც ჟირონდისტები ეძღვნა, მიტომ რომ სათავეში რამდენიმე გაშონილი ორატორი უდგათ, რომელნიც დეპარტამენტ ჟირონდაში იყვნენ არჩეულნი (სამხრეთ-დასავლეთ საფრანგეთში) იკინი კეთილშობილი ხასიათის, მაგრამ მცირე გამოცდილების ხალხი იყვნენ, რომლებიც არამარტო რესპუბლიკანური წესების შესწოდებაზე ოცნებობდნენ, არამედ ძველი ბეძენისა და რომაელების ხასიათის განახლებაზეც ფიქრობდნენ. მაგრამ ჟირონდისტების გავლენას ცხად საფრთხეს უმზადებდნენ ე. წ. იაკობინელები კლუბები, რომე თაკ მაცრი, ფანატიკ სირობესპირი და ნიჭიერი, მაგრამ უზნეო დანტონი ხელმძღვანელობდნენ.

საკანონმდებლო კრების უმთავრეს საქმეს იმ ბრძოლის ასე თუ ისე დათავრება შეადგენდა, რომელაც სამღვდლოებისა და ემიგრანტების წინააღმდეგ დამფუძნებელმა კრებამ დაიწყო. დამთბახე ლაპარაკი კი არ შეძლებოდა; პირიქით, კრებამ უკიდურეს საშუალებებს მიმართა. მან კონფესიისა და უყო ემიგრანტების ქონებას და საფრანგეთიდან ყველა იმ სამღვდლო პირების გაძევება დაადგინა, რომელთაც ეკლესიის სამოქალაქო წყობილების დაცვაზე ჯერ კიდევ არ ჰქონდათ ფიცი დადებული, ოღონდ ამისათვის საჭირო იყო ოც მოქალაქეს მაინც შემოეჩანა შ საფერი განცხადება. ამავ დროს დადგენილი იქნა, დაბეჯითებით მოეჩხოვათ, რომ გერმანიის სახელმწიფოებს ემიგრანტებსათვის მხარი არ დაეჭირათ. ძვით საფრანგეთში ამასობაში საქმე იმგვარ ხასიათს იღებდა, რომ უცხო სახელმწიფოები უფრო და უფრო ბრახდებოდნენ, და ამპერატორმა ლეოპოლდმაც ფრანგებაზე ზეგავლენის მოსახლე-



ნ. დ. დრო შესაფერად ჩასთვალა და რამდენიმე მუქარის მან-  
ფრეტი გამოსცა. მან ამავე დროს საკითხი აღძრა ევროპის სა-  
ხელმწიფოთა კონგრესს მოწვევის შესახებ, რომელსაც საკი-  
თხი უნდა გაერჩია საფრანგეთის შინაურ მდგომარეობაზე. მა-  
გრამ სხვა იხრივ დახელოვნებული დიპლომატი ამ შემთხვევაში  
მოსტყუვდა: მუქარამ არა თუ შეაშინა ფრანგებ, პარიკით,  
ხასტიკა წინააღმდეგობაც გამოაწვია. საქმე ომამდელ კი  
მივრდა, რაც ლეოპოლდისათვის საურველი არ იყო. ომის  
გამოცხადებამდე სულ რამდენიმე კვირა იყო დარჩენილი, რომ  
ლეოპოლდი გარდაიცვალა, და საფრანგეთის წინააღმდეგ გა-  
ლაშქრება მის ახალგაზრდა მემკვიდრეს ფრანც მე-II-ს და  
პრუსიის მეფეს ფრიდრიხ ვილჰელმს ხელათ წილდ.

გერმანიის ჯარს თავდასხმამ შვედის მაკიერ ლიუდოვიკ  
მე XVI სულ დაოუჭა. მას ეჭვი აუღღეს, თითქოს იგი მთავა-  
ვარი უფროსი საფრანგეთის ჯარები და მტერთან მიწერ-მო-  
წერას აწარმოებდა და მათ გამაჯჯვებას შეჰხაროდა. ომის  
დწყებისთანავე გამოძვლადნდა, რომ საფრანგეთის ჯარს სრუ-  
ლიად გამოუსადეგარი იყო ომსთვის. ამას ნამდვილი მიზეზი  
ეს იყო, რომ ჯარს, რევოლუციის ზეგავლენით, ძველი არი-  
სტოკრატული ხასიათი აღარ ჰქონდა, ხოლო დემოკრატიული  
ჯარს კიდევ ვერ მიეღო. ამის მიუხედავად, სპოგაოვებრივი აზრი  
ყველაფერში მეფეს სდებდა ბრალს. მან სრულიად ვერ აუღო  
აღლო მდგომარეობის სერიოზულობას და განსაკუთრებულ  
წინააღმდეგობას საქმედგლოები და ევფრანტების საქმეში  
საკანონმდებლო კრებას სწორედ ახლა უწევდა. ეს, რა თქმა  
უნდა, კიდევ უფრო აბრაზებდა ხალხს, და საკმარისი იყო  
პრუსიის მთავარსარდლის შრისხანებითა და მუქარით აღსა-  
ვსე მნიფესტი გამოქვეყნებულიყო, რომ ხალხს აჯანყების  
დროშა აეფრიალებია. 1792 წ. 10 აგვისტოს პარიზის გარე  
უბნებიდან შეიარაღებული მუშები ტიულიერის სასახლეაკენ  
დაიბრუნ. მცირე შეტაკების შემდეგ, რომელშიც მონაწილე  
ობას შვეიცარიელთა გვარდია იღებდა, მეფემ წონასწორობა



დაქარგა და თავისი ცოლშვილით საკანონმდებლო კრებას შე-  
აფარა თავი. საკანონმდებლო კრებამ თავის მხრივ ანგარიში  
გაუწია მომხდარ ფაქტს და საფრანგეთი რესპუბლიკად გამოა-  
ცხადა, ხოლო ლიუდოვიკი თავის ცყვედ.

## 2. საფრანგეთის რესპუბლიკა.

### ომი კოალიციისთან.

როდესაც მოკავშირეთა ჯარი საფრანგეთს შეესია, იქ-  
ისეთი არევ-დარევა და ალიაქოთი მეფოქდა, რომ მოკავში-  
რეთა პარიზში შესვლასა და რევოლიუციონერთა დასჯას ხელს  
არაფერი არ უშლიდა. ავსტრია-პრუსიის წინააღმდეგ გამოყუ-  
ნილ ჯარში არც დისციპლინა იყო და არც ნდობა უფროსე-  
ბისადმი: ერთმა უფროსთაგანმა 10 აგვისტოს ამხეხი რომ გაი-  
გო, პარიზის წინააღმდეგ ჯარის წაყვანა სცადა, მაგრამ, რო-  
დესაც ჯარისკაცებმა ამაზე უარი განაცხადეს, გერმანიაში გაქ-  
ცა. 1791 წელს დამყარებული წესწყობილება დაირღვა, მე-  
ფე დაპატიმრებული იყო; მინისტრებს აწავითარი ძალა არ  
გააჩნდათ; პარიზი შეიარაღებულ ბრბოსა და კომუნ ლური  
საბჭოს ხელში იმყოფებოდა; საფრანგეთში თითქმის აღარა-  
ვინ აღარ იყო შექმნილი მდგომარეობით კმაყოფილი.

ამ გაჭირვების დროს გამოძვლანდა კაცის ბუნების რო-  
გორც უკეთილშობილესი, ისე უმდაბლესი მხარეებიც: მამულიშვი-  
ლურმა გრძნობამ ფრანგებს ძალა მისცა მთელი ევროპის წინაა-  
ღმდეგ საბრძოლველად, ხოლო ბრძოლ ისათვის საქირო ორგანი-  
ზაცია ტერორით იქმნა შექმნილი და საზოგადოების არასამე-  
ლო ელემენტების თავიდან მოშორებთ. ორივე მხრივ დანტო-  
ნი იყო გზის მაჩვენებელი. იგი სათავეში ჩაუდგა შეიარაღების  
საქმეს და გაცხარებული ენერგიით მუშაობდა; ქალაქის მცხო-  
ვრები და გლეხი — ყველა ერთნაირად იყო დაინტერესებულთ  
სამშობლოს დაცვისა და რევოლიუციით მონაპოვარი თავისუ-  
ფლების შენარჩუნების საქმეში; მოხალისეთა რაზმები სასწრა-



ფოდ სდგებოდა და ჯარის მისაშველებლად იგზავნებოდა. საფრანგეთი ხალხის აღფრთოვანებამ, ცოცხალი ძალების ამოძრავებამ და აგრეთვე მოკავშირეთა უთავბოლო მოქმედებამაც იხსნა. მას შემდეგ რაც პრუსიელები ვალშიდან უკუგდებულ იქნენ, ხოლო ავსტრიელები შემაპასთან დამარცხდნენ, საფრანგეთის რაზმებმა საზღვრები გადალახეს და ბელგია და შუარეინის ქალაქები დაიკავეს.

### სექტემბრის დღეები.

მამულიშვილური გრძნობით გატაცების გვერდით სხვა გრძნობებმაც იჩინეს თავი: ექვეპმა რევოლუციისაგან დაზარალებულთა წინააღმდეგ, დაბალი კლასების სიძულვილთა მალაღობისა და შურისძიებისა და გამდიდრების სურვილმა. **დანტონი** საჭიროდ სთვლიდა ყველა ამგვარი გრძნობის გაღვივებას. როგორც იუსტიციის მინისტრმა, მან საკანონმდებლო კრებისაგან პარიზელთა გაჩხრეკის ნებართვა გამოითხოვა, რათა ამით ფიცშიულებელი სამღვდელი პირების, ემიგრანტების ნათესავებისა და საზოგადოდ ყველა საექვო პირის დატუსაღების საშუალება ჭისცემოდა. საპატიშროებნი ისეთი პირებით აივსო, რომელთა დანაშაულიც მხოლოდ იმაში მდგომარეობდა, რომ იგინი ან მათი ახლობლები რევოლუციისაგან იყვნენ დაზარალებულნი. 2 სექტემბერს საპატიშროების გაწმენდას მიჰყვეს ხელი: საზოგადოების ნაძირალებისაგან შემდგარმა ყაჩაღთა ბრბომ, სულ რაღაც 200 კაცმა, სატუსაღოებში შესვლა მოახერხა და „მოღალატეებისა“ და „არისტოკრატების“ ელფეტა დაიწყო, რომლის დროსაც არც წლოვანებას (ერთ საპატიშროში გაელეტილ იქმნა 43 ბავშვამდე) და არც სქესს არ არჩევდნენ, და ცნოდნენ თავის სხვერპლებს და შესვენების დროს ლოთობდნენ. ელფეტა მთელს სამ დღეს გაგრძელდა (2, 3 და 4 სექტ.); მთავრობისა და წითელი გვარდიის თვალის წინ 1500-დე პარიზელი გასწყვრტეს და ამის შემდეგ თავისი ასპარეზი პროვინციებში გადაიტანეს. თუმცა

ხალხი აქ არაფერ შუაში იყო, მაგრამ მკვლევები დანტონმა შემდეგი სიტყვებით გაამართლა: „ხალხი შერს იძიებსო“.

### კონვენტი.

„სექტემბრის დღეების“ შემდეგ არ გასულა დიდი ხანი, რომ კონვენტი შეიკრიბა. ჟირონდისტებმა, საკანონმდებლო კრების მარცხენა ფრთამ, კონვენტში მარჯვენა ადგილი დაიკავეს; პიროვნების სრული თავისუფლებისა და ხალხის სუვერენობის იდეას იგინი ახლაც აღიარებდნენ, მაგრამ ძარცვა-გლეჯასა და ჭლეტას თანაგრძნობით ვერ უყურებდნენ და ამიტომ ჭლაქის საბჭოს, იაკობინელების კლუბსა და დანტონს იმ თავითვე ბრძოლა გამოუცხადეს.

მარცხენა მხარეზე, მალეობ ადგილზე, დანტონისა და რობესპიერის გარშემო „მონტანიარები“ ისხდნენ, იგვთივე უკიდურესი მიმართულებისანი, როგორისაც ჟირონდისტები იყვნენ. მაგრამ ამ ორ ჯგუფს შორის ის შთავარი განსხვავება არსებობდა, რომ მონტანიარები ცენტრალისტები იყვნენ და ამას გარდა რევოლუციონურ პრაქტიკას, მოწინააღმდეგეზე ძალადობას და საზოგადოების დაშინების საჭიროებას აღიარებდნენ. ცენტრი „ჭობის“, ან „ბარის“ დეპუტატებს ეჭიანთ, რომლებიც სწორედ იმ მერყევ საზოგადოებრივ წრეებს ეკუთვნოდნენ, რომლის დაშინებაც მონტანიარებს საჭიროდ მიაჩნდათ.

### მეფის გასამართლება.

მიმართულებისა და ძალთა განწყობილების გამოსაცდელად საუკეთესო შემთხვევას მეფის ბედის გადაწყვეტის საკითხი იძლეოდა. ჟირონდისტებმა წინდაუხედავობა გამოიჩინეს და კონვენტს წინადადება მისცეს—მეფე გაესამართლებიათ; მაგრამ 1791 წლის კონსტიტუციის ძალით მეფე თავის მოქმედებაზე პასუხს არ აგებდა, და მაშასადამე მისი გასამართლებაც ყოველს იურიდიულ საბუთს მოკლებული იყო. ამიტომ

პროცესი მას უდანაშაულო სხვერპლის მდგომარეობაში აყენებდა და შემთხვევას აძლევდა მას — ნების სიმტკიცე და სულის კეთილშობილება გამოეჩინა, რითაც იგი საკმაოდ დაჯილდოვებული იყო. პოლიტიკური თვალსაზრისით მეფის გასამართლება მონტანიარებისათვის სასარგებლო იყო, რადგანაც იგი საშვალებას აძლევდა მათ, თავისი შეურიგებელი მტრობა ძველი საფრანგეთის მიმართ თვალსაჩინოდ დაემტკიცებიათ.

ლიუდოვიკ მე-XVI-ს მთელი პროცესის დროს თავი მშვიდადა და ღირსეულად ეჭირა. მას აღმოუჩნდნენ თავდადებული დამცველები, რომლებიც ხელოვნურად და მხურვალედ იცავდნენ მას. ჟირონდისტების ყალბი მდგომარეობა სავსებით გამოაშკარავდა, როდესაც საქმე განაჩენის გამოტანაზე მიდგა: მათ არ სურდათ მეფის დასჯა, მაგრამ ვერც აშკარად გამოეჩინებნენ მას. მეფე თითქმის ერთხმად იქმნა ცნობილი დამნაშავედ, მაგრამ სიკვდილათ დასჯა მხოლოდ უმნიშვნელო უმრავლესობით იქმნა მიღებული. ლიუდოვიკ XVI დასჯილ იქმნა 1793 წლის 21 იანვარს. მისი უკანასკნელი სიტყვები იყო: „ღმერთმა ქმნას, რომ ჩემი სისხლი საფრანგეთის საკეთილდღეოდ იქმნას დაღვრილი“-ო!

### ბრძოლა ჟირონდისტებსა და მონტანიარებს შორის.

მეფის დასჯის შემდეგ ბრძოლა ჟირონდისტებსა და მონტანიარებს შორის კიდევ უფრო გამძვინვარდა. ჟირონდა ცდილობდა, რათაც უნდა დაჯდომოდა, ძალეომრეობა შეეჩერებია და დამნაშავენი დაესაჯა. მონტანიართა შორის განხეთქილება იჩინა თავი. დანტონი არ იყო ჟირონდისტებთან დაახლოვების წინააღმდეგი, მაგრამ სექტემბრის ელექტამ მათ შორის უფსკრული გასთხარა. და ჟირონდამაც ზიზღით უყუაჯდო შეთანხმების შესაღებლობა.

მონტანიარების უმრავლესობამ რობესპიერის გარშემო მოიყარა თავი და ტერორისტული ზომების განვითარებას მოითხოვდა მის განკარგულებაში პარიზის სანკიულოტები და იაკო-



ბინელები კლუბები იყვნენ. ჟრონდისტებიც იძულებული შე-  
იქმნენ საბრძოლველ იარაღზე ეფუძრათ და დახმარებას პრო-  
ვინციალურ საზოგადოებაში ეძიებდნენ. მაგრამ პარიზში პარი-  
ზის წინააღმდეგ ბრძოლა ძალიან ძნელი იყო: რაკი ჟრონ-  
დისტები მომხრეებს პროვინციაში ეძებდნენ, მონტანიარებმა მათ  
ბრალდება წამოუყენეს, საფრანგეთს მთლიანობის დარღვევა  
გწადიათ და ამიტომ სამშობლოს მტრებად უნდა ჩაითვალოთ.

ჟრონდის უებს სასიკვდილო ლახვარი იმავე საგარეო პო-  
ლიტიკამ დასცა, რომელმაც წინედ მეფის უფლება ისხვერ-  
პლა. რესპუბლიკანური ჯარების წარმატება ხანგრძლივი ვერ  
აღმოჩნდა. რაზმებში დისციპლინა ჯერ კიდევ არ იყო სავსე-  
ბით დამკვიდრებული, მათ არც საკმაო სამხედრო გაწვრთნა  
ჰქონდათ. ამავე დროს ავსტრიისა და პრუსიის მაგიერ საფრან-  
გეთს თითქმის მთელი ევროპის წინააღმდეგ უხდებოდა ბრძოლა.

საქმე ის არის, რომ კონვენტმა ჯერ კიდევ 1792 წ. განაცხა-  
და: რესპუბლიკა ერების განსათავისუფლებლად აწარმოებს ომსო,  
და ამით მან ევროპის ყველა სახელმწიფო გადაიმტერა; ლიუდოვიკ  
მე-XVI დასჯა მუქარა იყო არა მარტო მათ წინააღმდეგ, ვი-  
საც საფრანგეთში ძველი წესწყობილების განახლება ეწადა,  
არამედ ყველა დანარჩენ სახელმწიფოთა წინააღმდეგაც. გერმა-  
ნიის წვრილმა სახელმწიფოებმა—ე. წ. იმპერიამ, იტალიის სა-  
ხელმწიფოებმა, ისპანიამ, ინგლისმა—ყველამ საფრანგეთის წი-  
ნააღმდეგ გაილაშქრა. რესპუბლიკას ჯარები იძულებულნი  
შეიქმნენ, ყველგან დაეხიათ უკან; მთავარი არმია, რომელიც  
ბელგიაში იდგა, ავსტრიელების მიერ იქმნა დამარცხებული.  
ამ დროს თითქმის კვლავ განმეორდა ის, რაც 1792 წლის  
შემოდგომაზე მოხდა. კონვენტმა განკარგულება მოახდინა,  
სამშობლოს დასაცავად 300,000 ჯარსკაცი მოევროვებიათ,  
ხოლო შინაურ პოლიტიკაში უკიდურესი რევოლუციონერე-  
ბის დიკტატურას დაემორჩილა, რომელიც ტერორს ეყრდნობოდა.

1793 წ. ივნისის თვის დასაწყისში პარიზის ნაციონალური  
ჯვარდია, რომელიც იმ დროს განსაკუთრებით სანკიულოტებისა-



გან შესდგებოდა, ბრბოსთან ერთად რამდენჯერმე შეიჭრა კონვენტში და ყირონდისტების იქედან გაძევება და გასამართლება მოითხოვა. კრებას მეტი ძალა არ ჰქონდა, უნდა დაეთმო; 34 გამოჩენილი ყირონდისტი კონვენტიდან გამოირიცხეს და შემდეგ ყველა, ვინც გაქცევა ვერ მოასწრო, პასუხისგებაში მისცეს. ახალგაზრდა ქალმა შარლოტა კორდემ, რომელიც ყირონდისტების იდეალების აღფრთოვანებული თაყვანისმცემელი იყო, მარატის მოკვლა მოახერხა, იმ მარატის, რომელიც თავის ჟურნალში („ხალხის მეგობარი“) განსაკუთრებული ენერგიით ძარცვა-გლეჯისა და ძალადობის პოლიტიკას იცავდა.

ნორმანდიაში, ბორდოში, ლიონში, მარსელში, ტულონში პარიზელი ტირანების წინააღმდეგ აჯანყება დაიწყო. ვანდების (ვანდუა დასავლეთი პროვინციაა, მისი მთავარი ქალაქი ნანტია) მცხოვრებნი კიდევ უფრო ადრე აჯანყდნენ, მათ სათავეში თავად-აზნაურობა და სამღვდლოება უდგა. იყო მომენტი, როდესაც აჯანყების დროშის ქვეშ სამოცამდე დეპარტამენტი იდგა. მაგრამ ყველა ამგვარი მოვლენა რევოლიუციონერებს კიდევ უფრო აბრაზებდა და შეუბრალებლად ხდიდა.

**ტერორი.**

რაკი მეფე გადაყენებული იყო, საჭირო შეიქმნა მთავრობის ახალი ორგანოს შექმნა, თანდათანობით ასეთ ორგანოდ ე. წ. „საზოგადოებრივი ხსნას კომიტეტი“ გადაიქცა, რომელიც კონვენტის დეპუტატებისაგან შემდგარ კომისიას წარმოადგენდა. ყირონდისტების გაძევების შემდეგ კომიტეტი ხელახლა იქმნა მოწყობილი (1793 წლის ივლისში კომიტეტში 9 წევრი აირჩიეს; შემდეგ წევრთა რიცხვი 12 იქმნა აყვანილი); დანტონი კომიტეტში არ შესულა; არჩეულ იქმნა რამდენიმე ხაქმის მცოდნე პირი; მათ შორის ყველაზე უფრო გამოჩენილი კარნო იყო, საფრანგეთის ჯარების დაუღალავი ორგანიზატორი; ცენტრიდან კომიტეტში ორი-სამი წევრი შედიოდა, რომლებიც გამარჯვებულ პარტიას მორჩილებით ეპყრობოდნენ,



და დასასრულ აქვე იყო რობესპიერიც თავისი მთავარი თანამოაზრეებით. რობესპიერი, გაბატონებული მიმართულების უმთავრესი წარმომადგენელი, შშრალი, სისტემატიური გონებისა და ვიწრო სოფლმხედველობის კაცი იყო, მედიდური პედანტი, რომელიც თავისი გეგმის მიხედვით მთელი საფრანგეთის საქმეების მოწყობას ლამობდა და ყველას, ვინც მის აზრებს არ იზიარებდა, გულწრფელად კაცობრიობის მტრად თვლიდა. რობესპიერთან ყველაზე უფრო ახლო იდგა ხან ჟიუისტი, რომლის მიზანსაც საფრანგეთში იმგვარი წესწყობილების შემოღება შეადგენდა, რომელსაც სპარტასა და რუსოს სახელმწიფოს შორის საშუალო ადგილი უნდა დაეჭირა. ტერორის მთავარი ორგანიზატორი და კომიტეტის მოქმედების ხელმძღვანელი ბილლოვარენი იყო; დიდი თეორიებით იგი თავს არ იწუხებდა, მაგრამ ტერორის უაღრესობაში მტკიცედ იყო დარწმუნებული და მას ცხოვრებაში შეურყეველად ატარებდა.

„საზოგადოებრივ ხსნის კომიტეტთან“ ძალიან ახლოს იყო დაკავშირებული ე. წ. „საზოგადოებრივი თავდაცვის კომიტეტი“-ც, რომელსაც სახელმწიფო პოლიცია ექვემდებარებოდა. პროვინციაში და არმიაში კონვენტმა თავისი განუსაზღვრელი უფლებებით აღჭურვილი კომისრები დაგზავნა. რევოლუციონური კომიტეტები მთელ საფრანგეთს მოედინა: განსაზღვრულ ადგილას კომიტეტი თვალ-ყურს ადევნებდა მოქალაქეთა ყოფა-ქცევას, იღებდა საიდუმლო დაბეზრებას, ახდენდა დაპატიმრებებს; პროვინციის კომიტეტების წევრებს კონვენტის კომისრები ნიშნავდნენ; ვინც ზომიერებას გამოიჩინდა, მას დაუყოვნებლივ ითხოვდნენ. ტერორის ორგანიზაცია იმგვარად მთელ ქსელს წარმოადგენდა, რომლითაც მთელი საფრანგეთი იყო დაფარული. მონტანიარების მიერ 1793 წელს ნაჩქარევად შედგენილ კონსტიტუციაში პიროვნების და კავშირების თავისუფლებაზე ბევრი იყონალაპარაკევი, მაგრამ ეს კონსტიტუცია მხოლოდ ქალაქებში დარჩა, სინამდვილეში კი კვლავ ცენტრალიზაცია და მთავრო-

ბის თვითნებობა ბატონობდა; განსხვავება მხოლოდ იმაში იყო, რომ წინედ ასეთს შემთხვევებში თავის გასამართლებლად „ძალაუფლების ღვთაებრიობას“ იმოწმებდნენ, ახლა კი „ხალხის უპირატესობას“.

რაც შეეხება მთავრობის საქმიანობას, ეს უკანასკნელი უმთავრესად და განსაკუთრებით ყველა იმათ წინააღმდეგ იყო მიმართული, ვისგანაც ძველი რეჟიმის მომხრეობას მოელოდნენ: მონტანიარების წინადადებით, კონვენტმა კანონი მიიღო „საეკვოთა“ წინააღმდეგ, რომლის ძალითაც ყველა იმ პირებს, რომელიც რევოლუციისაგან იყვნენ ასე თუ ისე დაზარალებულნი, დაპატიმრება და გასამართლება მოელოდათ. პოლიტიკური ბრალდებების გასარჩევად დაარსებულ იქნა „რევოლუციონური ტრიბუნალი“, რომელიც ჩვეულებრივი იურიდიული პროცედურისაგან განთავისუფლებული იყო. პარიზელი მუშების დასაკმაყოფილებლად სურსათზე მაქსიმალური ფასები იქმნა შენობებულის, და ყოველგვარი ცდა ზედმეტ ფასად გაყიდვისა ან გაძვირების მოლოდინში თაღარიგის დაქვრისა სახეობიწიფო ღალატად ითვლებოდა. საეკვო პირებთან და დამნაშავეებთან ანგარიშს თითქმის ყოველთვის ერთი და იმავე სახით ასწორებდნენ: მათ თავს სჯრიდნენ გილიოტინაზე, რომლის მსხვერპლიც სხვათა შორის მარია ანტუანეტა (დედოფალი), ჟირონდისტები და ჰერცოგი ორლენანელი შეიქმნენ, თუმცა აღსანიშნავია, რომ ამ უკანასკნელმა თავის ტიტულზე უარს განაცხადა და კონვენტში ლიუდოვიკ მე-XVI სიკვდილით დასჯას მისცა ხმა.

ასე ილუპებოდა ხალხი ათასობით (რევოლიუციონური ტრიბუნალი გილიოტინაზე კვირაში ჯერ 30—40 კაცს აგზავნიდა. მაგრამ 1794 წლის ზაფხულზე კვირაში 200 კაცზე მეტს და უწყო ეშაფოტზე გზავნა); დანაშაულის გარჩევა არ ჰქონდა. საკმაო იყო უბრალო დაბეზლება, რომ მსხვერპლი უღმობელი მანქანისაკენ გაეგზავნათ. ზოგიერთი კომისრის აზრით, გილიოტინა ძალიან ნელა მოქმედობდა: ნანტში მთელ ჯგუფებს აღრჩობდნენ წყალში, ხოლო ლიონში ზარბაზნით ანადგურებდნენ.



მალე განხეთქილებამ თვით მონტნიართა წრეში იიზნა თავი. პარიზის ქალაქის საბჭო ჭირონდიტების დამარცხებას თავის დამსახურებად სთვლიდა, და, დამორჩილების მაგიერ, კონვენტს თავის განკარგულებებს უგზავნდა; მისი წევრები იმის ცდაში იყვნენ, რომ სახელმწიფო და მდიდრები ბრბოს დასაკმაყოფილებლად გაეძარცვათ: სდევნიდენ არა მარტო ფიციმიულებელ სამღვდლო პირებს, არამედ საერთოდ ყველას, ვინც ქრისტეს სარწმუნოებას აღიარებდა. მათ „გონების“ კულტი შემოიღეს და მისი სახელით პარიზის ღვთისმშობლის საკრებულო ტაძარში ორგეებს მართავდენ. ჭეორე მბრიე, დანტონი და მისი მეგობრები კომიტეტს გადაქარბებულ სისხლის მსმელობასა და უფლებამოყვარებაში სდებდენ ბრალს. მაგრამ რობესპიერისა და მისი ამხანაგების ჩამოვდება არც ისე ადვილი საქმე იყო: ქალაქის საბჭოს დასაუძღურებლად სანტიუტმა წინადადება მისცა კონვენტს, ღარიბ მოქალაქეთათვის ნაციონალური ქონება გაეყოთ, და, როდესაც კომიტეტმა საბჭოს ბელადებზე შეიპყრო, პარიზის მცხოვრებლებმა მათ დასაცავად თავი აღარ შეიწუხეს, და იგინიც დაიღუპენ. არ გასულა დიდი ხანი, რომ დანტონსაც იგივე ბედი ეწვია.

ამგვარად, რობესპიერს თითქმის არცერთი სერიოზული მოწინააღმდეგე აღარ ჰყავდა. რობესპიერმა თავისი მოღვაწეობის ახალი ხანა იმით დაიწყო, რომ ქრისტიანობის მაგიერ ახალი სარწმუნოება შემოიღო. დეიზმის ზეგავლენით, ერთადერთ ღვთაებად „უშაღლესი ძალა“ იქმნა აღიარებული, რომლის კურთხევის დღეც დიდის ზეიმით იღლესასწაულეს. რობესპიერის აზრით ახალი სარწმუნოება და ზნეობა ტერორის საშუალებათ უნდა განმტკიცებულაყო. ამიტომ ტერორი კიდევ უფრო გააძლიერეს. რობესპიერის ზეგავლენით კონვენტმა კანონი გამოსცა, რომლის ძალითაც რევოლიუციონურ ტრიბუნალს მოქალაქეთა სიცოცხლისა და თავისუფლების საკითხში კიდევ უფრო მეტი უფლება ენიჭებოდა, ვიდრე წინად (მაგ. მას უფლება ჰქონდა კონვენტის წევრების შეპყრობისა და გასამართლების თვით ამ



დაწესებულების ნება დაურთველად); რა თქმა უნდა, ტერიტორიულ ნაღმა თავისი ახალი უფლებით ფართოდ ისარგებლა. ახლა კი თვით ტერორისტების გულსაც შიში შეეპარა: კომიტეტის წევრებმა ხედავდნენ, რომ არც მათი სიცოცხლე იყო უზრუნველყოფილი, სანამ საფრანგეთის სათავეში რომბესპიერი იდგა, ამიტომ მათ ამ საშინელი კაცის თავიდან მოცილება სცადეს, მაგრამ რომბესპიერი განზრახვას მიუხედა და დაასწრო. თვითონ მან იაკობინელთა კლუბში გაილხაშკრა ორივე კომიტეტის წინააღმდეგ, ხოლო სანჟაუსტმა კონვენტში (1794 წ.) შედგვი ის იყო, რომ ორივე დაკავებულ იქმნენ, მაგრამ ქალაქის საბჭოს განკარგულებით, რომელიც რომბესპიერის მომხრეთაგან შესივებოდა, იგინი ძალით იქმნენ განთავისუფლებულნი. კონვენტმა და კომიტეტმა კარგად იცნა, რომ საქმე სიკვდილ სიცოცხლეს ეხებოდა. მათი ბრძანების თანახმად ჯარი და ნაციონალური გვარდია საბჭოს დარბაზში შეიქრა და რომბესპიერი დაატყვევა. ის და მისი მომხრეები მეორე დღესვე იქმნენ დასჯილნი.

### 1793 — 94 წლ. ომები.

მართალია, ტერორის ხანა ყოველმხრივ აღმაშფოთებელი იყო, მაგრამ ერთი მხრივ მან მანც დიდი სამსახური გაუწია საფრანგეთს. ასე თუ ისე მან ხელი შეუწყო მტკიცე მთავრობის შექმნას, და ამან საფრანგეთს საშუალება მისცა, შინაუბრის და გარეშე მტრების წინააღმდეგ ბრძოლა წარმატებით ეწარმოებოდა.

საფრანგეთის საუკეთესო ძალები ამ ბრძოლას ხმარდებოდა; მარტო არმიაში შეიძლებოდა რევოლუციონური ინკვიზიტორებისაგან თავის დახწევა, თავისუფლად ამოსუნთქვა და კეთილშობილური და მამულიშვილური საქმეებისთვის თავის დადება. სამხედრო დისციპლინა და ორგანიზაცია, თუმცა ნელი ნაპოჯით, მაგრამ მაინც აღდგენილ იქმნა; დემოკრატიული ცვლილებების წყალობით ყველა კლასსა და მდგომარეობას



რეობის ხალხისათვის გაიხსნა გზა უმაღლეს თანამდებობათა შინალებად. სულ უბრალო შთამომავლობის პირნი სწრაფად წინაურდებოდნენ, და ზოგიერთი მათგანი საუკეთესო მხედართ მთავრებადაც კი დარჩნენ (მაგ. გოში მეჯინ ბე იყო). რევოლუციონურ (არმიაში განსაკუთრებული სტრატეგია შემუშავდა: იგი დიდს მასიურ მოქმედებასა და სწრაფ გადასვლად მოსვლას ემყარებოდა.

შეუბოვარი ბრძოლის შემდეგ აჯანყება ყველგან ჩაქრეს; განსაკუთრებით გააფთრებული წინააღმდეგობა მთავრობას ვანდემ გაუწია. მთავრობის ჯარებმა ბრწყინვალე გამარჯვებას შიადწიეს: ინგლისელებს, ავსტრიელებს, პრუსიელებს, იტალიელებსა და ისპანელებს ყველას სასტიკად ამარცხებდნენ. ამ დროს განსაკუთრებით ისახელეს თავი გოშის, მორომ და პიშეგრიუმ. უკანასკნელმა ჰ-ლანდია დაიკავა და იქ „ბატაჯის რესპუბლიკა“ დააარსა, რომელიც საფრანკეთს შეუკავშირდა, უნდა აღინიშნოს, რომ ჯარის კაცებს მამაცობსა და მარდლების ხელოვნებას გარდა, საფრანგეთის გამარჯვებას არა ნაკლებ შეუწყო ხელი იმ გარემოებამაც, რომ პრუსიისა და ავსტრიის მთავარი ძალები პოლონეთის საკითხით ყვნენ შეზოქვილნი.

მ მათის კონსტიტუციას არ შეეძლო ერთბაშად გარდაექმნა პოლონეთი: პოლონეთის არისტოკრატიაში ძველი, ანარქიული წესწობილების მომხრე კადეც მრავალი მოიპოვებოდა. მათ ტარგოვიცაში კონფედერაცია შეადგინეს იმ პარტიის წინააღმდეგ საბრძოლველად, რომელსაც სახელწოდებრივი ძალაუფლების განმტკიცება ჰქონდა მიზნად დასახული, და ამას გარდა რუსეთსაც მიმართეს დახმარებისათვის. რუსის ჯარები პოლონეთში შევიდნენ; თავის მხრივ პრუსიამაც დასძრა ჯარები პოლონეთის მიდამოებისაკენ; პოლონელების წინააღმდეგობა დაძლეულ იქმნა, და მოხდა პოლონეთის მეორე განაწილება: პრუსიამ წაიღო დანციგი, ტორნი და პოზნანის ნაწილი, ხოლო რუსეთმა მიწაკი, ვოლინი და



პოლოლია დაიკავა. პოლონელი პატრიოტები ვერ შეურყვინდნენ სამშობლოს ამგვარ დამკირებას და კოსტიუშკოს მეთაურობით საქმის გამოკეთებას შეეცადნენ, მაგრამ ეს მათი თავსუბელაღებული ცდა დამარცხებითა და პოლონეთის მესამე განაწილებით დამთავრდა, რომელშიც ავსტრიაშიც მონაწილეობა მიიღო. ამ უკანასკნელმა კრაკოვი წაიღო, პრუსიამ — ვარშავა, ხოლო რუსეთმა — ვილნო.

აღმოსავლეთი ევროპის საქმეებში გერმანელი ჯარები რასაველიის ფრონტზე შეასუსტა და ამან ფრანგების გამარჯვებას ხარგობად შეუწყო ხელი. პრუსიამ საჭიროდ დაინახა, სრულგზით ჩამოშორებოდა კოალიციას; 1795 წელს იგი ზავით შეკრა ბაზელში საფრანგეთს. სწავს რომ თავი დავანებოთ, აქ ყველაზე უფრო საინტერესო ის იყო, რომ პრუსია ამით საფრანგეთის პოლიტიკურ ცვლილებებსა და იქ დამყარებულს ახალ წესწყობილებას სცნობდა.

**ტერორის დასახრული.**

რომესპიერის დაცემა მარტო ტერორისტების წრეში ატეხილი უთანხმოებით როდი იყო გამოწვეული; თვით საზოგადოებაშიც მათა შეურთიგებელი მტრობა ჩაისახა: ტერორისტებისადმი სიძლიერი განსაკუთრებით ახალგაზრდობას ეტყობოდა, რომელსაც იმდენად თავისუფლებსა და ხალხის სუვერენობის იდეალები აღარ იტაცებდა, რამდენადაც სამხედრო ძალისა და მონარქიული ტრადიციების ს. მპატიები. მდიდართა წრეებიდან ვამოსული ახალგაზრდობა აშკარა სიძულვილს იჩენდა სანკიულოტებისადმი, და „ოქროს ახალგაზრდობის“ რაზმები ყოველი შემთხვევით სარგებლობდნენ, რათა სანკიულოტებისათვის სამეკიერო ეზღოთ.

საზოგადოებრივი აზრის ამგვარი შეტრიალება მთავრობის წრეებსაც დაეტყო; ძალა-უფლება თანდათანობით ცენტრისა და მარჯვენა ფრთის ხელში გადავიდა; 1794 წლის ბოლოს დაკობინებლების კლუბიც კი დახურეს. ქალაქის გარე უბნებში



1765 წელს კონვენტის დამოარჩილება და ტერორის ძველებზედ განცხობველება ერთხელ კიდევ სცადეს, მაგრამ მათი გამო სვლა მოგერებულ იქმნა, და საქმე მხოლოდ იმით დამთავრდა, რომ რამდენიმე გამოჩენილი ტერორისტი დასაჯეს და ზოგი გადაასახლეს, სხვათა შორის გადასახლებულ იქმნა ბილლოვარენნიც. მას შემდეგ რაც კონვენტმა განკარგულება მოახდინა, რომ ყირონდისტები და მათი თანაგრძნობისათვის გაძევებული დეპუტატები კვლავ კონვენტში დაებრუნებიათ, რეაქცია კიდევ უფრო გაძლიერდა.

### 3 დირექტორ ა.

#### III წლის კონსტიტუცია.

ამგვარ პირობებში კონვენტმა ე. წ. მე-III წლის კონსტიტუცია შეიმუშავა, რომელიც ახლს სახელმწიფოებრივ წესწყობილებას საფუძვლად უნდა დადებოდა.

ამ კონსტიტუციის ავტორები აღმასრულებელი უფლების ზედმეტ შეყვაცას საჭიროდ აღარ თვლიდენ: ისინი ცდილობდენ, თანაწირობა დაეცვათ აღმასრულებელსა და საკანონმდებლო უფლებათა შორის. კანონების შედგენა და გადასახადების განსახდერა ორ პალატას—უხუცესთა და ხუთასისა საქმის ჰქონდა მინდობილი; მთელი მართველობა ხუთი დირექტორისა და მათ მიერ დანიშნული მინისტრების ხელში უნდა ყოფილიყო. საზოგადოებრივი აზრის ცვლილება იმე არაფერში არ გამოხატულა, როგორც საოლქო მართველობის სისტემაში: არჩეული პროკურორები დირექტორებია მიერ დანიშნული აგენტებით იქმნენ შეცვლილნი.

მაგრამ კონსტიტუციის განხორციელება ძალიან ძნელი აღმოჩნდა, რადგანაც პალატებსა და დირექტორებს შორის იმ თავითვე მეტოქეობამ იჩინა თავი. რევოლიციის დროს შეთვისებული ჩვეულების მიხედვით, ყველა დამოუკიდებლად მოქმედებას



ცდილობდა, თუ კი იმდენად ძლიერად გრძნობდა თავს, რომ კანონის დარღვევას არ მოერიდებოდა. ამის მაგალითი ხალხს ყველაზე ადრე თვით კონვენტმა მისცა: თუმცა, კონსტიტუციით, ორივე საბჭოს შემადგენლობა ხალხის მიერ არჩეული წევრებით უნდა შეესებულებოდა, მაგრამ ამის მიუხედავად კონვენტმა მთელი შემადგენლობის ორ მესამედს თავისი წრიდან დანიშნა, ხოლო დანარჩენი ერთი მესამედის არჩევა ხალხს მიანდო. თავს იმით იმართლებდნენ, თითქოს წინააღმდეგ შემთხვევაში საბჭოს წევრთა უმრავლესობას როიალისტები შეადგენდნენ და რესპუბლიკას დაამხობდნენ. როიალისტებმა ეს რომ გაიგეს, პარიზში აჯანყება მოახდინეს, რომელიც ახალგაზრდა გენერლის, ბონაპარტეს თაოსნობით იქმნა ჩაქრობილი. (ბონაპარტე კორსიკიდან იყო შთამომავლობით; ის 1769 წელს დაიბადა ერთი ღარიბი ვეჭილის ოჯახში, სწავლობდა ბრიუნის სკოლაში, სადაც მათემატიკურ ნიჭსა და ისტორიისადმი ინტერესს იჩენდა, არტილერიის ოფიცრობა მიიღო და რევოლუციის დროს რობესპიერის პარტიას მიემხრო). ღირექტორის შემდეგი მოქმედება დასაწყისის გაგრძელება იყო: 1797 წელს სამმა ღირექტორმა ჯარის დახმარებით ნაღებუტატი დააბატონეს და ორი თავისი ამხანაგიც განდევნეს, რათა ამთ რესპუბლიკის საწინააღმდეგო აგიტაცია მოეპოოთ; სამაგიეროდ 1799 წელს, თავის მხრივ, ორივე პალატამ ძალა დაატანა დანარჩენ სამ ღირექტორს, თანამდებობიდან გადამდგარიყვნენ, ვინაიდან იგინი თავისი რესპუბლიკანური სულისკვეთებით იყვნენ ცნობილნი.

ამ ვარი მთავრობა ვერც თავის წინაშე გამოიწვევდა პატივისცემას და ვერც კანონის წინაშე, რომელსაც თვითონვე არღვევდა. რევოლუციონური იდეალების ათვაფუნება თანდათან აშკარა ჰხდებოდა, ხოლო მის ადგილს ზნეობისა და რწმენის საზოგადო ჩამოკვეითება; საზოგადოებრივ მოღვაწეობისადმი და იდეურ მოთხოვნისადმი ცინიკური მოპყრობა, ნივთიერი კეთილდღეობისა და განცხრომის მოპოვების სურ





ვილი იკავებდა. ამ დროს საზოგადოება მხოლოდ ორ იდეა-  
 ლურ ძალას ცნობდა: ტერორისაგან დაშინებული საზოგადოება  
 წყნარ ნავთსაყუდელს ეძებდა, და ამგვარ ნავთსაყუდლად ეკ-  
 ლესია იქმნა მიჩნეული; განმტკიცდა აზრი, რომ სარწმუნო-  
 ება საზოგადოების მშვიდობიანობისათვის საუკეთესო საფუძვე-  
 ლია. გაღვივდა პატრიოტული გრძობაც, რომელიც ბრძო-  
 ლისა და გამარჯვების სურვილში გამოიხატებოდა. იმდროინ-  
 დელი საფრანგეთისათვის ომი თითქმის ყველაფერზე უფრო  
 საჭირო იყო: ერთი მხრით, საზოგადოების ყურადღება სასირ-  
 ცხო საშინაო პოლიტიკიდან საგარეოზე გადადიოდა, ხოლო მე-  
 ორე მხრით ომს სახელმწიფოსთვის ფინანსიური სარგებლობაც  
 დიდი მოჰქონდა: უამრავი რევოლიუციონური კონფისკაციე-  
 ბითაც ძნელი იყო იმის ანაზღაურება, რაც მრეწველობის მო-  
 შლითა და რევოლიუციონური მთავრობის უნაყოფო ხარჯე-  
 ბით დაიკარგა; 1790 წელს მომხდარი საეკლესიო კონების  
 სეკულიარიზაციის შემდეგ გამოშვებულმა ქალაქის ფულმა  
 სრულებით დაჰკარგა ყოველივე ღირებულება: საქმე იქამდის  
 მივიდა, რომ ერთ რწყვილ ფესხაცმელში ქალაქის ფულით  
 10.000 ფრანკს აძლევდნენ; 1793 და 1796 წელში საქმე თი-  
 თქმის სრულ გაკოტრებამდე მივიდა. ღირეკტორიის შემოსავ-  
 ლის ერთს მთავარ წყაროს დაკავებული ქვეყნებიდან აღებუ-  
 ლი კონტრიბუციები შეადგენდნენ: საფრანგეთის დატარიელე-  
 ბული კასის შეესება ჰოლანდიას, გერმანიასა და იტალიას უხ-  
 დებოდათ.

### 1796 — 99 წლ. ომები.

მთავარი სამხედრო ოპერაციები ამ დროს იტალიაში სწრ-  
 მოვბდა. როიალისტების აჯანყების ჩაქრობისათვ ს ბონაპარტეს  
 სამაგიერო მით გადაუხადეს, რომ მათ მოავალრიცხოვანი, თუმ-  
 ცა ცუხად შეიარაღებული ჯარი მიანდევს (1796). ჩრდი-  
 ლოეთ იტალიაში ფრანგებს სარდინიის მეფისა და ავტრიე-  
 ლების წინააღმდეგ უხდებოდათ ბრძოლის წარმოება; პირკელს



პიემონტი ეკუთვნოდა, ხოლო მეორეს — ლომბარდია. ბონაპარტემ მოწინააღმდეგეო შეერთება არ აცალა: პირველად რამდენიმე ბრძოლაში სარდინიის შეფე დაამარცხა და ზავი მოახოვნია, ამის შემდეგ ავსტრიელებისაკენ იბრუნა პირი, ლომბარდია დაიკავა და მტერი ტიროლისკენ განდევნა. სამჯერ კიდევ შეეცადნენ ავსტრიის სარდლები საქმის გამოსწორებას, მაგრამ სამიჯჯერ დამარცხდნენ. 1797 წელს ავსტრიამ ბონაპარტეს წინააღმდეგ თავისი საუკეთესო სარდალი ერცჰერცოგი კარლოსი გაგზავნა; მაგრამ ისიც ძლიერი იქმნა, და ავსტრია იძულებული შეიქმნა, თავი დამარცხებულად ეცნო. **კამპოფორმიოში** შეკრული ზავით ავსტრიამ უარი სთქვა **ლომბარდიაზე**. ლომბარდია და მის ახლოს მდებარე ადგილები გამოცხადებულ იქმნენა **ციზალპინის რესპუბლიკად**, გენუია კი — **ლიგურიის რესპუბლიკად**. ავსტრია და პრუსია, ეს ორი უმთავრესი სახელმწიფო, რომელიც საფრანგეთს ებრძოდა, იძულებულნი შეიქმნენ, მას შერიგებოდნენ.

დარჩა კიდევ იგლისი, რომელიც ფლოტის დახმარებით მოკავშირეებზე უკეთესად იბრძოდა. ინგლისმა ჰოლანდიისა და ისპანიის ფლოტი დაამარცხა, რომელიც საფრანგეთის ესკადრასთან ერთად იბრძოდა, და შემდეგ ფრანგების, ისპანელებისა და ჰოლანდელების ახალშენების მეტი ნაწილი დაიკავა. გოში ირლანდიაში გადასასვლელად ეზადებოდა, მაგრამ მისი გემები ქარიშხალმა დაამსხვრია. ბონაპარტემ ვერ გაბედა ამ ცდის განმეორება, მაგრამ ეგვიპტიდან ინგლისელებზე თავდასხმის გეგმა გამოიმუშავა, დაჯერა მთავრობა თავისი გეგმის მიზანშეწონილობაში, და თვითონ აღნიშნული ადგილისაკენ გაილაშქრა.

მას თვალწინ ეხატებოდა ხელთა შუა ზღვის აღმოსავლეთ წყლებში ინგლისის თავისუფალი ვაჭრობის მოსპობის შესაძლებლობა და შემდეგ ივით ინგლისზე გალაშქრება. დირექტორია მოხარული იყო გამოჩენილი და საშიში გენერლის თავიდან მოშორებით, მისცა მას კარვად გამოწყობილი ჯარი, და ბონა-



პარტემაც საფრანგეთის სანაპიროები დასტოვა (1798). მართალია, მან ინგლისის ესკადრის გვერდის ავლა მოახერხა, მაგრამ აღმირალი ნელსონი ფრანგების ესკადრას მაინც უკან დაედევნა და აბუჯირთან სრულებით გაანადგურა იგი. ხმელეთის ჯარმა ნაპირზე გადასვლა მოასწო. ბონაპარტემ სწრაფად დაიკავა ეგვიპტე მაგრამ, რადგან ჯარი მოწყვეტილი იყო საფრანგეთს, მისი მდგომარეობა აუტანელი შეიქმნა. ოსმალოები ახალ ჯარებს გზავნიდნენ. ბონაპარტემ დასწრება არჩია და თვითონ გაილაშქრა სირიაზე. მან ალყა შემოარტყა აკრას, ძაგრამ ქალაქის აღება ვერ მოასწო, რადგანაც ევროპიდან მოსულმა ცნობებმა აიძულეს იგი, აღმოსავლეთის საქმეებისათვის თავი შეინებებია და საფრანგეთს გაშურებოდა. (ბონაპარტეს წასვლის შემდეგ ფრანგების საქმე ეგვიპტეში ცუდად წავიდა და ბოლოს იძულებული შეიქმნენ ეს ქვეყანა სრულიად გაეწმინდათ.)

იმ დროს, როდესაც ბონაპარტე აღმოსავლეთში იმყოფებოდა, ევროპაში კვლავ ომი დაიწყო. საფრანგეთის ჯარები შვეიცარიასა და სამხრეთ იტალიაში შეიჭრენ და აქ ორი ახალი რესპუბლიკა დააარსეს—რომიხა და პარტენოპეასი (ნეაპოლი), ხოლო შვეიცარიაში პიემონტი და ტოსკანა საფრანგეთს შეუერთეს. ამ ახალი ნაბიჯების გამო ავსტრიამ კამპოფორმიოს ზავი დაარღვია და ძლიერი რუსეთის დახმარებით ისევ ომი დაიწყო. იმპერატორმა პავლემ იტალიაში სუფოროვი გაგზავნა და სულ რამდენიმე თვეში ფრანგების წინანდელ გამარჯვებათა შედეგები მოსპო. მან ზედი-ზედ დაამარცხა მორო, მაკდონალდი და ჟუბერი. გენუას გარდა, შემოდგომისათვის მთელი იტალია გაწმინდილი იყო ფრანგებისაგან. ამის შემდეგ ავსტრიელებმა იმპერატორი პავლე შევიცარიაში ჯარების გადაგზავნაზე დაითანხმეს, თვითონ კი ისეთი სიჩქარით გაიყვანეს იქიდან თავისი სამხედრო ძალები, რომ ფრანგების გენერალმა მასსენამ, სუფოროვის მოსვლამდე, სრულებით გაანადგურა ციურხის ახლოს რიმსკი-კორსაკოვის რაზმები. სუფოროვის მდგომარეობა, რომელმაც შემოდგომაზე



სან-გოტარდი გადალახა, საშინელი იყო. იგი ბრძოლით იკავა ფავდა გზას მთის ბილიკებზე ბავარიისაკენ. ავსტრიელებთან მოკავშირეობის ცდა რუსეთისათვის იმდენად ჭკუის მასწავლებელი გამოდგა, რომ იმპერატორმა პავლემ მათ თავი მიანება და საფრანგეთს დაუახლოვდა.

1799 წლის ბოლოში ბონაპარტემ ეგვიპტის რაზმი მიატოვა და თვითონ სამხრეთ საფრანგეთში გადასვლა მოახერხა. იტალიის კომპანიის დაწყების პირველ წლიდანვე იგი მთელ საფრანგეთში ყველაზე უფრო პოპულარულ პიროვნებად შეიქმნა: მის დაბრუნებას ისე შეხვდნენ, როგორც მხსნელისას. ყველა დარწმუნებული იყო, რომ იგი რევოლიუციით მონაპოვარის დაცვასა და ძველი ძლიერებისა და დიდების აღდგენას მოახერხებდა.

ღირექტორია და პალატები წინადაც ვერ სარგებლობდნენ ავტორიტეტით, ეხლა კი სრულიად დაჰკარგეს ნდობა. დიდი ხანი არ გასულა მას შემდეგ, რაც პალატებმა მათთვის არასასიამოვნო ღირექტორები გააძევეს, და ეხლაც ბევრი იყო დეპუტატებს შორის ისეთები, რომლებიც მზად იყვნენ რესპუბლიკანური ფორმები დაეთმოთ, ოღონდ ძლიერსა და სახელოვან მთავრობას ღირსებოდნენ. ბონაპარტემ აღარ დააყოვნა: 1799 წლის 18 ბრიუმერს (10 ნოემბერს) მან უბუცესთა საბჭო დაითხოვა და ჯარის კაცების დახმარებით 500-ის საბჭო გაჰყანტა; ხოლო თვითონ ღირექტორებს წინააღმდეგობა არ გაუწევიათ. სადამოხე რამდენიმე დეპუტატი შეეკრიბა, რომელნიც, გენერლის გეგმას თანაუგრძნობდნენ, და ბონაპარტე და კიდევ ორი, ნაკლებ მნიშვნელოვანი პირი საფრანგეთის რესპუბლიკის კონსულებად გამოაცხადეს.

#### 4. ნაპოლეონი.

##### VIII წლის კონსტიტუცია.

ნაქარვეაო შედგენილის „VIII წლის კონსტიტუციის“ ძალით ნომინალურად საფრანგეთში ისევ რესპუბლიკანური



მართველობა რჩებოდა, ნამდვილად კი ერთუფლებიანობა მყარდებოდა. 1791 წელს აღმასრულებელი უფლება საკანონმდებლო უფლებას დაუქვემდებარეს, 1795 წელს ორივე უფლების გათანასწორება სცადეს, ხოლო 1799 წელს საკანონმდებლო უფლება აღმასრულებელ უფლებას დაუმორჩილეს. კანონპროექტებს **სახელმწიფო საბჭო** იმუშავებდა, შემდეგ მათ **ტრიბუნატი** იხილავდა და ტრიბუნების შენიშვნებით **საკანონმდებლო კორპუსის** ხელში გადადიოდა, რომელიც მათ არსებითად როდი იხილავდა, არამედ მხოლოდ კენჭს უყრიდა. მაგრამ ამით საქმე არ თავდებოდა: იყო კიდევ ერთი დაწესებულება, **სენატი**, რომელსაც უფლება ჰქონდა კანონპროექტი უარეყო, თუ იგი, მისი შეხედულებით, კონსტიტუციას არ ეთანხმებოდა.

**ამგვარი დანაწილება საკანონმდებლო უფლებისა** მის თვალსაჩინო დასუსტებას მოასწავებდა: მაგრამ ეს კიდევ არაფერი; **სახელმწიფო საბჭოსა** და **სენატის** წევრებს პირდაპირ კონსულები ნიშნავდნენ, **ტრიბუნატისა** და **საკანონმდებლო კრებისას** კი—**სენატი** იმ სიიდან, რომელსაც ადგილობრივსა და საოლქო კრებებზე ადგენდნენ. ამ პირობებში მთავარი მნიშვნელობა **სახელმწიფო საბჭოს** ჰქონდა, რომელიც, კანონპროექტების შედგენის გარდა, სადაო ადმინისტრაციულ საქმეებსაც სჯიდა; იგი უმალლეს მოხელეთაგან შესდგებოდა და სავსებით კონსულებს ემორჩილებოდა. თვით კონსულებს 10 წლის ვადით ირჩევდნენ; თუმცა სულ სამი კონსული იყო, მაგრამ უკანასკნელი ორი პირველის ხელში უბრალო იარაღს წარმოადგენდნენ.

საფრანგეთში ყველა გრძნობდა, რომ იქ ხელმწიფე გამოჩნდა, გენერალი ბონაპარტე, და რომ რესპუბლიკანური წყობილების მოსპობა მის სურვილზეა დამოკიდებული. მცხოვრებთა დიდი უმრავლესობა თანაგრძნობით ეპყრობოდა ახალ მდგომარეობას, ვინაიდან იგი თავდები იყო ძლიერი სახელმწიფოებრივი ძალაუფლების, წესრიგის, ეროვნული ძლიერების, ნივ-



თიერი შენაძენისა და რევოლიუციით გამოწვეულის სამოქალაქო რეფორმების დაცვისა. იყვნენ, რასაკვირველია, მოწინააღმდეგენიც — როგორც ძველი მონარქიის მომხრენი, ისე რესპუბლიკანური წესწყობილების თაყვანისმცემლებიც, მაგრამ ესენი შეშინებულნი იყვნენ და აშკარა ბრძოლისათვის უძლურნი აღმოჩნდნენ. ბონაპარტეს ექვიც არ ეპარებოდა ხალხის თანავრძნობაში, და ამიტომ თავისი უფლების განსამტკიცებლად მან ხალხსავე მიმართა, რომელმაც 3,500,000 ხმით წინააღმდეგ 1500-ისა ახალ კონსტიტუციას ნდობა გამოუცხადა.

### ბიუროკრატიული სისტემა.

ძველმა წესწყობილებამ საფრანგეთი ადმინისტრაციულ ცენტრალიზაციას მიაჩვია, დამფუძნებელი კრების ცდა, რომ საფრანგეთი სხვა გზაზე დაეყენებია, დამარცხებით დამთავრდა; ტერორისტებმა ადმინისტრაციული ცენტრალიზაცია აღადგინეს, და დირექტორიაც ამ შემთხვევაში ტერორისტების გზას დაადგა. პირველ კონსულს მით უფრო ადვილად შეეძლო ფრანგების ამგვარი მიდრეკილებით ესარგებლებია, რომ იგი სწორედ იმდროს გაძლიერდა, რი დესაც მცხოვრებთ პოლიტიკური ბრძოლა და სახელმწიფოს საქმეები აღარ აინტერესებდათ. ის ბიუროკრატიული სისტემა, რომელიც, ზოგიერთი ცვლილებით უკანასკნელ ხანამდეა დაცული, სწორედ მაშინ იქმნა შექმნავებული. მართველობის მთავარ ორგანოდ დებარტამენტში პრეფექტი ითვლებოდა; ოლქში — სუბპრეფექტი, ხოლო თემში სოფლის და ქალაქის მერი, და ყველა ეს თანამდებობის პირნი მთავრობისაგან იყვნენ დანიშნულნი. მართალია ამ მოხელეებთან საბჭოებიც არსებობდნენ, მაგრამ მათ მხოლოდ სათათბირო ხმა ჰქონდათ; ამასთანავე ამ საბჭოების წევრები არჩეულნი კი არა, სხვა მოხელეებივით დანიშნულნი იყვნენ.

ამ მარტივი ორგანიზაციის წყალობით ყოველგვარი საზოგადოებრივი საქმე ცენტრალური მთავრობის გავლენას ექვემდებარებოდა: პირველი კონსულისა და მისი თანაშემწეების



ჯანკარგულეები მთელ საფრანგეთში დაუყოვნებლივ და უსიტყვოდ სრულდებოდნენ. მოქალაქენი ისევ ქვეშევრდომებად გარდაიქცენ, თავიანთ კერძო საქმეებს დაუბრუნდნენ და იმ მორჩილ მასალად შეიქმნენ, რომელსაც მთავრობა თავისი შეხედულების მიხედვით საზოგადო საქმეებისათვის იყენებდა. გენერალ ბონაპარტეს იდეალს ის შეადგენდა, რომ სამოქალაქო ორგანიზაცია სრულიად სამხედრო ორგანიზაციისათვის დაემსგავსებია: მოხელეები მისთვის ოფიცრები იყვნენ, ქვეშევრდომნი კი — სამოქალაქო წყობის ჯარის კაცები.

**სამოქალაქო რეფორმები და ნაპოლეონის კოდექსი.**

მაგრამ პირველმა კონსულმა მისთვის კი არ ჩაიგდო ხელში ძალა-უფლება და დაამყარა დისციპლინა, რომ მოსვენებრთა და უსაქმოდ მჯდარიყო და გამარჯვების ნაყოფით დამტკბარიყო.

პოლიტიკური მხრივ იგი, მართალია, მტერი იყო რეოლუციისა, მაგრამ ამ უკანასკნელის სამოქალაქო პროგრამა მას მინც საფეხებით ჰქონდა შეთვისებული; სძაგდა თავისუფლება და ძირშივე ახშობდა მის ნაპერწკლებს, მაგრამ ის მთელი რესებით ახალი წესწყობილების კაცი და რეფორმატორი იყო, რომელიც ყველათფერში და ყველგან გონიერების დებულებებისა და სისტემატიზაციის გატარებას ცდილობდა. ფინანსიურ გაჭირვებას მან მით სძლია, რომ შემოსავლის კვალობაზე ყველასათვის სავალდებულო გადასახადი შემოიღო (25<sup>0</sup>/<sub>10</sub>). გარდა ამისა ბონაპარტეს ცდით დასრულებულ იქმნა ის დიდი იურიდიული რეფორმები, რომელნიც ეროვნული კრებისა და კონვენტის დროს დაიწყეს: ძველი წესყობილების დამხობა უფლების ყოველივე დარგის ძირითად ცვლილებებს მოითხოვდა; რთული, არეც-დარეული და ხშირად ერთი მეორის მოწინააღმდეგე დადგენილებების მაგიერ, რომლითაც სასამართლოში მონარქიის დროს ხელმძღვანელობდნენ, აღმოცენდა არაჩვეულებრივად ნათელი და ჩამოყალიბებული იურიდიული სისტემა, რომელიც რომის უფლებაზე იყო დამყარებული და ახალი ცხოვრების პირობათა მიხედვით გადამუშავებული. ე. წ. ნაპოლეონის კოდექსში

სანოქალაქო უფლება ორ საფუძველზე იყო აშენებული — **კანონის** წინაშე მოქალაქეთა თანასწორობაზე და ინდივიდუალიზმზე.

ამას თან მოჰყვა სისხლის სამართლის კოდექსი, და შემდეგ სისხლის სამართლის სამოქალაქო და კომერციული სამართლის წარმოების კოდექსები. ამ კაპიტალური იურიდიული ნაშრომით სამოქალაქო წყობილებაში საბოლოოდ დაკანონდა ყველაფერი ის, რაც რევოლუციით იყო მოპოებული. მართალია, მის შედგენაში უმთავრესი როლი სპეციალისტებს ეკუთვნოდათ, მაგრამ მთავარი საკითხების გადაწყვეტაში პირველი კონსულიც ხშირად იღებდა მონაწილეობას, და ამიტომ მისი ღვაწლი ამ მხრივ დაუფასებელია.

### სწავლა-განათლების საქმე.

განათლების საქმესაც ახალი სისტემა დაედო საფუძვლად. ძველი წესწყობილების დროს განათლების საქმე განსაკუთრებით ეკლესიის ხელში იმყოფებოდა. კონსულმა ამას დიდი ყურადღება მიაქცია და ახლა იგი სახელმწიფოს მზრუნველობის საგნად გახადა. მართალია, ნივთიერის მხრივ სკოლები ისევ ადგილობრივ მცხოვრებთა ქონებასა და სურვილზე იყვნენ დამოკიდებულნი, მაგრამ სახელმწიფო მათს უზენაეს მეთვალყურეობას თავის მოვალეობად სთვლიდა: კონსულმა დაბალი სკოლის ინსპექციები დააარსა. რაც შეეხება საშვალოს, სპეციალურსა და უმაღლეს სასწავლებელთ — ესენი ყველანი სახელმწიფოს ხარჯზე ინახებოდნენ (და რასაკვირველია სავსებით სახელმწიფოს კონტროლს ექვემდებარებოდნენ. ეს საქმიანობა იმით დასრულდა, რომ 1811 წელს ე. წ. **ფრანგული უნივერსიტეტი**, ე. ი. სახელმწიფო სასწავლებელთა პროფესორებისა და მასწავლებლების კორპორაცია იქმნა დაარსებული.

### კონკორდატი.

მარტო სარწმუნოების საქმეში ვერ მოახერხა პირველმა კონსულმა სახელმწიფოს გაბატონება და ერთგვარობის მიღ-





წევა. იგი იძულებული შეიქმნა რელიგიის დამოუკიდებელი ძალა ეცნო. პირადად თუმცა სრულებით მოკლებული იყო სარწმუნოებრივ გრძნობას, მაგრამ ხალხის უმრავლესობა სხვაგვარად გრძნობდა, და ამიტომ კონსულმა გადასწყვიტა, რელიგიური რწმენა თავისი უფლების განსამტკიცებლად გამოეყენებია. რევოლუციის ზღვა რელიგიური ტოლერანტობისა მან საფუძვლად მიიღო და ყველა სარწმუნოებას თავისუფალი არსებობის უფლება მიანიჭა სახელმწიფოში, მაგრამ საფრანგეთის მთავარ სარწმუნოებრივ დაწესებულებად მაინც კათოლიკური ეკლესია სცნო და, რამდენადაც ეს შესაძლო იყო, მისი ორგანიზაციის სახელმწიფოს ორგანიზაციასთან შეგუებას შეეცადა. 1802 წ. პაპი პიუს VII-თან დადებულ იქმნა კონკორდატი. კათოლიკურ ეკლესიას ნივთიერი დახმარება აღეოქვა; სამაგიეროდ იგი ფორმალურად იმ საეკლესიო ქონებაზე უარს აცხადებდა, რომელსაც რევოლიუციის დროს კონფისკაცია უყვეს. ეპარქიები განაწილებულ იქმნენ პაპსა და მთავრობას შორის. მომხდარი შეთანხმების თანახმად ეპისკოპოსები მთავრობას უნდა დაენიშნა, პაპი კი კანონიურად დაამტკიცებდა მათ. კონკორდატის წყალობით შეწყვეტილ იქმნა ეკლესიისა და ქრისტიანობის დევნა, რომელიც დამფუძნებელი კრების დროს დაიწყო.

**ე მ ი გ რ ა ნ ტ ე ბ ი .**

რაც შეეხება ემიგრანტებს, თუმცა ჩამორთმეული ქონება მათ აღარ დაუბრუნეს, მაგრამ შეწყვეტილ იქმნა მათი დევნა, და მსურველებმა საფრანგეთში დაბრუნების ნებართვა მიიღეს. მრავალი ლტოლვილი დაუბრუნდა სამშობლოს იმ იმედით, რომ იქ ისევ შესძლებდნენ თავისი მდგომარეობის გამოკეთებას; და მართლაც, თუმცა მამულები ვეღარ დაიბრუნეს, მაგრამ სამხედრო და სამოქალაქო ასპარეზზე ბევრმა მათგანმა კვლავ კეთილდღეობასა და მნიშვნელობას მიაღწია.

**ომი ავსტრიის წინააღმდეგ.**

ბონაპარტემ სწრაფად აღადგინა საფრანგეთის სამხედრო ძლიერება, რომელიც სუვოროვის გამარჯვებებმა შეარყია.



1800 წ. ის პირადად ჩაუდგა სათავეში არმიას, რომელსაც იტალიაში უნდა ემოქმედნა, გადალახა ალპები და მორენგოსთან სასტიკად დაამარცხა ავსტრიელები. ამავე დროს ავსტრიის არმია გერმანიაშიც დამარცხდა (ჰოჰენლინდენთან); იმპერატორი ფრანცი იძულებული შეიქმნა, ზავი ეთხოვა (ლიუნევილის ზავი), რომლის ძალითაც რეინის მარცხენა ნაპირი საბოლოოდ იქმნა ცნობილი საფრანგეთის საკუთრებად, ხოლო იტალიაშიც ის მდგომარეობა იქმნა აღდგენილი, რომელიც იქ სუვოროვის ლაშქრობამდე არსებობდა. ამ ზავმა არაპირდაპირი გავლენა იქონია გერმანიის შინაურ ცხოვრებაზედაც: მთელი რიგი წვრილი სამთავროებისა და თავისუფალი ქალაქებისა, რომელნიც წინად სუვერენული უფლებით სარგებლობდნენ, უფრო მსხვილ სახელმწიფოებს დაემქვემდებარნენ, რომელთაგანაც ნაპოლეონმა ე. წ. რეინის კავშირი შექმნა. ფეოდალური ხანიდან ნაანდერძევი „რომის საღვთო იმპერია გერმანიის ერისა“ დაიშალა, და იმპერატორმა ფრანცმა თავისი თავი ავსტრიის იმპერატორად გამოაცხადა (1804). ამგვარად, ნაპოლეონის ზეგავლენით ისპობოდა ის უკანასკნელი ნაშთი, რომელიც ფეოდალიზმს გერმანიის პოლიტიკურ ცხოვრებაში ჰქონდა დაცული.

### იმპერიის დაარსება.

აღსანიშნავია, რომ ამავე დროს ბონაპარტემ ახალი ტიტული მიიღო, რომელიც მისს ნამდვილ მდგომარეობას სავსებით შეეფერებოდა. 1802 წელს, თანახმად 3,500,000 მოქალაქის თანხმობისა, მან თავი იმპერატორ ნაპოლეონ პირველად გამოაცხადა. ახალი იმპერატორი თვით პაპიმ პიუს VII აკურთხა. ამით, რა თქმა უნდა, საფრანგეთში არაფერი არ შეცვლილა: მოისპო მხოლოდ ტრიბუნატი, რომელმაც თავისი კრიტიკით ნაპოლეონს თავი მოაბეზრა.

ახალი მხოლოდ ის იყო, რომ იმპერატორმა საიმპერატორო ტრადიციული კარი შექმნა, შემოიღო ამა თუ იმ დარგ-



ში წარჩინებისათვის საპატო ლეგიონის ორდენი; გრაფობა, ბარონობა, ჰერცოგობა და თავადობა დაურიგა ყველას, ვინც ჯარში და ადმინისტრაციაში განსაკუთრებულ წარმატებას იჩენდა, აღადგინა მარშლობა, და ამ სახით ახალი არისტოკრატია შეიქმნა, რომლის დამახასიათებელი თვისება ის იყო, რომ იგი შთამომავლობას კი არა, პირად წარმატებასა და იმპერატორის მოწყალებას ემყარებოდა. ყველა ხედავდა, რომ წარჩინების კარები ყველასათვის ღია იყო, ვინც საკმაოდ ნიჭსა და ენერჯიას გამოიჩენდა. რა თქმა უნდა, ასეთი მდგომარეობა ხალხს აკტივობას უღვიძებდა და ენერჯიას უსაყვეცებდა.

### 1805 — 09 წლ. ომები.

რაკი ავსტრიასთან ლაუნფეილის ზავით საქმე გათავებულად მიაჩნდა, ნაპოლეონმა ეხლა ზრუნვა დაიწყო, რათა ინგლისს გასწორებოდა. ნაპოლეონის „დიდი არმია“ უკვე ინგლისში გადასასვლელად ემზადებოდა, რომ პიტმა მის წინააღმდეგ ხელახლა კოალიციის მოწყობა მოახერხა, რომელსაც კვლავ ავსტრია და რუსეთი მიეკედლონ (1805). იმპერატორი იძულებული შეიქმნა თავისი ჯარები აღმოსავლეთისაკენ გაეგზავნა. სწორედ ამ დროს მას დიდი უბედურება ეწვია: მისი ფლოტი, რომლის შექმნაზეც ფრანგებმა დიდი შრომა გასწიეს, ტრაფალგერთან ინგლისელმა ადმირალმა ნელსონმა გაანადგურა.

ამ გარემოებას ორი დიდი შედეგი მოჰყვა თან: პირველი ინგლისელთა ზღვაზე გაბატონების უზრუნველყოფა იყო, ხოლო მეორე — განთავისუფლება ინგლისისა ფრანგთა დესანტის საშიშროებისაგან. სამაგიეროდ მატერიკზე კოალიციის საქმე ცუდად წავიდა. ნაპოლეონმა ავსტრიის ჯარს შემოუარა, რომელმაც წინდაუხედავობა გამოიჩინა და ბავარიაში შორს შეიჭრა, და აიძულა იგი, დანებებულყოფიყო, ხოლო მოკავშირეთა მთავარ ძალებს, რომელთაც ორივე იმპერატორი, ალექსანდრე და ფრანცი ახლდენ თან, აუსტერლიცთან შეხვდა და ენერჯიული



იერი მის შემდეგ სასტიკად დაამარცხა. ავსტრიამ კვლავ ქედი მოიხარა და ნაპოლეონს ზავით შეეკრა. მაგრამ კოალიციაში მის მაგიერ პრუსია შევიდა, რომელიც მანამდე განზე იდგა, და ნაპოლეონს ომი გამოუცხადა (1806). პრუსიის არმიის ამაყმა ბელადებმა რუსების მოსვლას არ დაუცადეს და ფრანგებს ისე დაუწყეს ბრძოლა. მაგრამ იენასთან პრუსიელებმა ისეთი სასტიკი დამარცხება იგემეს, რომ ნაპოლეონი ბერლინში შევიდა, ხოლო პრუსიის მეფემ ფრიდრიხ ვილჰელმ მე-III თავისი არმიის მცირე ნაშთებით რუსეთის ჯარის მფარველობას შეათარა თავი. ბრძოლა რუსის ჯართან პირველად პრეისიშვილაუსთან მოხდა; ხოლო მეორედ ფრიდლანდთან. შედეგის იყო, რომ ნაპოლეონმა ალექსანდრე I აიძულა, ზავზე დათანხმებულიყო. საზავო ტელშეკრულება ტილზიტში დაიდო. საფრანგეთის იმპერატორი არაჩვეულებრივის თავაზიანობით და სიფრთხილით მოეპყრა რუსეთის მეფეს, შესთავაზა მეგობრობა და დახმარება, თვალ წინ გადაუშალა გეგმა ევროპის საქმეებზე რუსეთისა და საფრანგეთის გავლენის შესახებ, რაც რომის იმპერიის აღმოსავლეთისა და დასავლეთის ნაწილების ურთიერთ დამოკიდებულებას მოგვაგონებდა, და ცდილობდა დაეთანხმებია იგი, შვეციისა და ოსმალეთის წინააღმდეგ საერთო ძალეობით მოქმედება დაეწყათ. სამაგიეროდ ზავის პირობები ზოგი მხრივ მაინც საზიანო იყო რუსეთისათვის: ჯერ ერთი, პოლონეთის იმ მიწა-წყალზე, რომელიც პირველისა და მეორე განაწილების შემდეგ პრუსიას ეკუთვნოდა, ახალი სახელმწიფო, გარშავის დიდი სიჭერცოვო უნდა შექმნილიყო: ეს კი რუსეთის პოლონელებისათვის მუდამ საბოლოო განთავისუფლების შესაძლებლობის იმედის აღმქრელი იქნებოდა და იმავე დროს რუსეთის წინააღმდეგ მომართულს ფრანგების ავანპოსტს შეადგენდა. ამას გარდა პრუსიის მიწები რენსა და ელზასს შორის ვესტფალიის სამეფოში უნდა შესულიყვნენ, რომელიც ნაპოლეონის გავლენას ემორჩილებოდა.

ამ ზავის შემდეგ ნაპოლეონის სრულ ბატონობას დასავლეთ ევროპაში ხელს აღარაფერი აღარ უშლიდა. გარდა ცენ-



ტრალური ევროპისა ისეთი ქვეყნებიც ნაპოლეონის გავლენის სფეროში მოექცენ. როგორც შვეცია, დანია, ისპანია, პორტუგალია და ხმელთა შუა ზღვის დასავლეთი კუნძულები. ავსტრიამ კიდევ ერთხელ სცადა ნაპოლეონის ძლიერების დამხობა, მაგრამ ამაოდ. 1890 წელს ვაგრაშთან დამარცხებამ საბოლოოდ აიძულა იგი, ნაპოლეონის წინაშე კვლავ ქედი მოეხარა.

ფრანგებს სიამაყოთ შეეძლოთ ეთქვათ, რომ იმდენი გამარჯვება, რამდენიც მათს რესპუბლიკანურსა და საიმპერატორო არმიებს ჰხვდათ წილად, კეისრის შემდეგ ისტორიას არ ახსოვდა. ევროპის ძველ სახელ მწიფოებთან შეტაკებების დროს საფრანგეთი სრულიად ახალ ძალას ეყრდნობოდა; ეს იყო ძლიევამოსილი სული დარაჯმული დემოკრატიისა: თავისი შემადგენლობით საფრანგეთის ჯარებს ძველი წესწყობილების არისტოკრატიულ არმიებთან, რომლის იდეალსაც ფრიდრიხ დიდის არმია შეადგენდა, საერთო არაფერი არა ჰქონიათ; ამ უკანასკნელის შემადგენლობას ავსებდენ ყმები, სამოქალაქო ცხოვრებისათვის გამოუსადეგარი ხალხი, უცხოელები და სხვა ამგვარი, და მათგან სასტიკი დისციპლინის წყალობით სდგებოდა განსაკუთრებული ჯარის კაცთა კლასი, რომელსაც აზნაური ოფიცრები მართავდენ. საფრანგეთის რევოლუციამ, პირიქით, საუკეთესო ძალებს მოუყარა თავი არმიაში, და უფროსობისაკენ ყველა მდგომარეობის ხალხს გაუხსნა გზა. უბრალო მიკიტნების, მეწვრილმანეებისა და ლაქიების შვილები მარშლობას, ჰერცოგობას და ზოგჯერ მეფობასაც კი აღწევდენ; უმნიშვნელო კორსიკანელი ვეჩილის შვილი იმპერატორადა და მეფეთა მბრძანებლად შეიქმნა. პირველი რესპუბლიკანური ჯარების ნაკლი, უწესრიგობა და დისციპლინის სისუსტე, ჩქარა გასწორდა, მაგრამ მოძრაობა და აღფრთოვანება ისევ ძველებური დარჩა. საფრანგეთის სამხედრო ძალის ძირითა დიხასიათის თანახმად მისი თავისებური ტაქტიკაც მოეწყო, რომელიც დიდი ძალების შეთანამებულსა და სწრაფ მოქმედებაზე იყო დამყა-



**რეზული.** ნაპოლეონი ასეთი ჯარებისათვის სწორედ შესაფერისი სარდალი იყო: დიდი ძალებით მასზე უკეთ არავის არ შეეძლო სარგებლობა.

### ომების შედეგი.

1805—1809 წლის ომების წყალობით ევროპის რუკა ერთიანად გამოიცვალა. თვით საფრანგეთი შორს გასცილდა თავის ბუნებრივ საზღვრებს, რომლებდაც რეინი და ალპები ითვლებოდენ. ბელგიისა და რეინის მარცხენა ნაპირის გერმანულ ადგილებს გარდა, მას ზედიზედ სავოია და პიემონტი, ტოსკანა და პაპის ოლქი, ჰოლანდია და ზღვის ნაპირის გერმანია ელბამდე შეუერთდენ, და 1790 წ. დაარსებული 83 დეპარტამენტის მაგიერ, საფრანგეთი ეხლა 130-საგან შესდგებოდა.

მართალია, ლომბარდიისა და მის ახლო-მახლო მდებარე ადგილებიდან შექმნილ იქმნა ცალკე იტალიის სამეფო, მაგრამ მის მეფედ ნაპოლეონმა თავისი თავი გამოაცხადა, ხოლო მმართველად თავისი გერი, ეფგენი ბოგარნე დანიშნა. სამხრეთი იტალია, სიცილიის გარდა, სადაც ინგლისელების დახმარებით ბურბონებმა მოახერხეს დარჩენა, ნეაპოლიტანის სამეფოს შემადგენლობაში შევიდა, მის მეფედ ჯერ ნაპოლეონის ძმა, იოსებ ბონაპარტე იყო, შემდეგ კი მარშალი მაჟურატი. შვეიცარია ვასალურ რესპუბლიკად დარჩა. ილირიის პროვინციები (ისტრია და დალმაცია) მარშალ მაჟონის მმართველობაში იყო. გერმანიაში ნაპოლეონის ძმის, იერონიმისათვის ვესტფალიის სამეფო იქმნა გამოჭრილი; მასში ჰანოვერის, ელბის იქითა მხარისა და რეინის მხრის პრუსიის სამფლობელოების ნაწილი შედიოდა. გერმანული სახელმწიფოების რიცხვი შემცირდა, და მათი შემადგენლობა გამარტივდა. ნაპოლეონი განსაკუთრებულ მფარველობას ბავარიას, ვიურტემბერგსა და საქსონიას უწევდა და მათს მმართველებს მეფის ღირსება უბოძა; მათ გარდა ნაპოლეონმა გერმანელ მთავართა შორის სხვა მომხრეებიც იშოვნა და ყველა ისინი რეინის კავში-

რის სახით შეაერთა და ამგვარად ავსტრიისა და პრუსიის დაუპირისპირა. აღმოსავლეთში ფრანგების ფორპოსტად ვარშავის დიდი საჰეცოგო იყო, რომლის გვირგვინიც საქსონიის მეფეს მიეცა. დასასრულ, მარშლებს პორტუგალიისა და ისპანიის დაკავება ებრძანათ, იმის მიუხედავად, რომ უკანასკნელი 1795 წლიდან საფრანგეთის ერთგულ მოკავშირეებად ითვლებოდა იოსებ ბონაპარტე ნეპოლიტანის სამეფო ტახტიდან ისპანიისაზე იქმნა გადაყვანილი, ნეპოლიტანის მეფედ კი ნაპოლეონმა მჯურატი განაწესა.

საფრანგეთის ევროპაში გაბატონებას ერთი კარგი მხარე ჰქონდა: რევოლუციით შექმნილი სამოქალაქო წყობილება თითქმის მთელ ევროპაში გავრცელდა. სადაც კი გაჩნდებოდნენ საფრანგეთის ჯარები, ბატონყმობა, ფეოდალური პრივილეგიები და დახავსებული ძველი კანონები ყველგან ისპობოდა, და მის მაგიერ სინდისის თავისუფლება, ნაპოლეონის კოდექსი და ფრანგული ბიუროკრატიული სისტემა მყარდებოდა. ამგვარი ძირითადი გადატრიალება მარტო ისეთ ქვეყნებში კი არ ხდებოდა, რომელნიც პირდაპირ საფრანგეთთან იყვნენ შეერთდნენ, არამედ იქაც, სადაც, თუმცა პოლიტიკური დამოუკიდებლობა არსებობდა, მაგრამ საფრანგეთის გავლენა მინც დიდი იყო, როგორც მაგალ. ბავარიაში ან საქსონიაში.

### რეფორმები პრუსიაში.

პრუსიაში, რომელიც ნაპოლეონმა ერთის ხელის დაკვრით დაანგრია, თავისებური რეფორმები განხორციელდა. იმ დროს, როდესაც ქვეყანა უდიდეს ნაციონალურ უბედურებას და სირცხვილს განიცდიდა, საზოგადოებაში აღმოჩნდნენ ძალები, რომლებმაც სამშობლოს ზნეობრივსა და პოლიტიკურ აღორძინებას ნიადაგი მოუმზადეს. სამოქალაქო რეფორმატორად პრუსიას მ. ნისტრი, შტეინი მოეწოდინა, ორიგინალური გონებისა და შეუდრეკელი ენერჯის ადამიანი, რომელიც საფრანგეთის წესწყობილების უპირატესობას ნათლად ხედავდა, მაგრამ ამავე



დროს მის ნაკლსაც ამჩნევდა. მან თავის საქმობლოში ბატონ-  
ყობა გააუქმა და აზნაურებს უმართებულოდ მისაკუთრებული  
პრივილეგიები ჩამოართვა, მაგრამ მათი საზოგადოებრივი მდგო-  
მარეობა მაინც ხელუხლებელი დასტოვა. მისი შეხედულებით,  
საზოგადოებისათვის მარტო დემოკრატიული გათანასწორება  
როდი იყო საკმარისი; აუცილებელი იყო აგრედვე საზოგადო-  
ებაში დამოუკიდებლობის შეგნების შეტანა და საზოგადოებრივ  
საქმეებში აქტიური მონაწილეობის მიღების შეჩვევა; წმინდა  
ბიუროკრატიული მართველობა მას ყოველთვის მანებლად მია-  
ჩნდა, რადგანაც ეს უკანასკნელი ხალხს უბრალო მექანიურ მო-  
რჩილებას აჩვენებდა და თვითმოქმედების განვითარებას ხელს უშ-  
ლიდა. შტეინს ფართო თვითმართველობის განვითარების პრო-  
გრამა ჰქონდა მიზნად დასახული, მაგრამ მან მხოლოდ სამო-  
ქალაქო კანონების გამოცემა მოასწრო და ამით საფუძველი  
მაინც ჩაუყარა იმ საქმეს, რომლის განხორციელებასაც იგი  
ესწრაფოდა. ნაპოლეონმა შეამჩნია, რომ პრუსიაში ახალი და-  
მოუკიდებელი ცხოვრება იწყებოდა, და შტეინის გადაყენება  
მოითხოვა. შემდეგმა მინისტრმა ჰარდენბერგმა დემოკრატიუ-  
ლი თანასწორობისა და ინდივიდუალიზმისაკენ მიმართული რე-  
ფორმების განხორციელება განაგრძო: გააუქმა ამქრები, სა-  
შუალება მისცა გლეხებს, მორიგებოდენ შეზღუდვებს და მიწის  
ერთი მესამედის დათმობით ორი მესამედი მაინც თავის საკუ-  
თრებად ექციათ.

შტეინისა და ჰარდენბერგის გვერდით სამხედრო ორგანი-  
ზაციის შექმნაზე შარნშორსტი ზრუნავდა. ტილზიტის ხელშე-  
კრულობით პრუსიას თოფ ქვეშ მხოლოდ 42.000 ჯარისკაცის  
ყოლა შეეძლო. ახალი სამხედრო სისტემის შესაქმნელად  
მან სწორედ ამ გარემოებით ისარგებლა. ამ სისტემას მან სა-  
ფუძვლად ორი პრინციპი დაუდვა: საყოველთაო სამხედრო  
ბეგარა და სათადარიგო ნაწილების შექმნა. პრუსიის მთელს  
ჯანმრთელ ახალგაზრდობას სამხედრო ბეგარა უნდა მოეხადა,  
მაგრამ, რადგანაც რეგულიარულ არმიაში მხოლოდ 42.000





ჯარისკაცი უნდა ყოფილიყო, ამიტომ ეს არმია ხალხის სამხედრო გაწროვნის სკოლად უფრო გამოდგებოდა, ვიდრე ნამდვილ ჯარად: მოკლე ვადის სამსახურის შემდეგ ჯარისკაცი ისევ სამოქალაქო ცხოვრებას უბრუნდებოდა, მაგრამ სათადარიგოდ ითვლებოდა და ომის დროს ისევ იარაღისთვის უნდა მოეკიდა ხელი. უფროსი ჰასაკისანი **ლანდვერში** ე. ი. სათადარიგო ჯარში, და **ლანდშტურმში**, ე. ი. მილიციაში ირიცხებოდნენ. ამით ფაქტიურად პრუსიის ჯარი გაცილებით უფრო მრავალრიცხოვანი გამოდიოდა, ვიდრე ამას ტილზიტის საზავო პირობები გულისხმობდნენ.

ადმინისტრაციის, უფლებისა და ჯარის გარდაქმნის დროს არც სახალხო განათლების საქმე დავიწყებიათ. ვილჰელმ ჰუმბოლტმა **ბერლინში** უნივერსიტეტი დააარსა, რომელმაც იმ თავითვე გერმანიის ყველა საუკეთესო საქეცნიერო ძალა მიიზიდა.

### დამორჩილებული ქვეყნების მდგომარეობა.

იმ ქვეყნებში, სადაც ფრანგები ბატონობდნენ, ცხოველ-მყოფელ რეფორმებს იმის ანაზღაურება მაინც არ შეეძლოთ, რაც დაუსრულებელ ომებს მოჰყვა შედეგად: კონტრიბუციებს, ზედმეტ გადასახადებს, დამცირებასა და ძალდატანებას, უფლებისა და ეროვნული დამოუკიდებლობის შეურაცხყოფას, რომელსაც დამარცხებულები გამარჯვებულთაგან ითმენდნენ, ამას ნაპოლეონი ვერცერთი რეფორმით ვერ გამოისყიდდა.

თუ როგორი სული ტრიალებდა დამორჩილებულ ქვეყნებში, ამას ნათლად ვესტვალის მფევის, იერონიმ ს მოხსენებიდან ვტყუაპილობთ; აი რას სწერდა იგი თავის ძმას გერმანიის მდგომარეობის შესახებ: „ომი რომ დაიწყოს, რენსა და ოდერს შუა მდებარე ადგილებს მყის აჯანყება მოიცავს. ამ საშიში შოძრაობის მიზეზი მარტო ფრანგებისა და უცხოელების ბატონობისადმი სიძულვილით როდი აიხსნება; კიდევ უფრო მეტი მნიშვნელობა საზოგადოების ყველა კლასის გალატაკებას აქვს



ვადასახადების აუტანელი სიმძიმის, სამხედრო კონტრიბუციების, ჯარის შენახვის, მეომრების ჩაყენებისა და ყოველგვარი შევიწროვების გამო, რაც აქ ჩვეულებრივ მოვლენად გამხდარა. ჩემი სამეფოს უმთავრეს ქალაქებში სახლის პატრონები თავიანთ სახლებს სტოვებენ... სილატაკე ყველგან სტანჯავს ოჯახებს: აზნაური, გლეხი, მოქალაქე გაქყლეთილია ვალებით და გაჭირვებით. უნდა გვეშინოდეს ხალხის სასოწარკვეთილების, რომელსაც დასაკარგი აღარაფერი აქვს, ვინაიდან მას ყველაფერი წაართვის.“

ნაპოლეონს ვერ შეეგნო მდგომარეობის სერიოზულობა. ის დაჯილდოვებული იყო გონების არაჩვეულებრივად ძალით: მისი აზრი ერთი წუთითაც არ სწყვეტდა მუშაობას და მაშინაც კი სიმტკიცესა და გარკვეულობას ინარჩუნებდა, როდესაც მისი თანაშემწენი დაღალულობისაგან სულს დაფავდენ: მისი მსჯელობა არას დროს არ იყო დამოკიდებული უფერულ ფაზებსა და განყენებულ ცნებებზე, მას ყოველთვის სინამდვილის აღლოს აღება ეხერხებოდა. მაგრამ ამ არაჩვეულებრივ კაცს ერთი დიდი ნაკლი მაინც ჰქონდა: დაუდგრომელი ფანტაზია, რომელსაც იგი ხშირად შეცდომაში შეჰყავდა, და ამას გარდა სრული უყურადღებობა იდეალური მოტივების სიძლიერისადმი, რომლისაც მას არაფერი არ სწამდა. ვინც ამ მის შეხედულებას არ იზიარებდა, მას იგი „იდეოლოგად“ და „ფაზაზორად“ ნათლავდა და დასცინოდა. ის ოდესღაც თვითონ იყო რევოლუციონერი, მაგრამ არ სჯეროდა, რომ რევოლიუციონერები როდისმე მართლა თავისუფლების იდეით ყოფილიყვნენ გატაცებულნი. „თქვენ თვითონ არ გესმოდათ თქვენი წადილები“-ო, ეუბნებოდა იგი ერთს მათგანს: „თქვენც ხომ იმგვარადვე ხართ შექმნილნი, როგორც სხვები, პირადი ინტერესი თავს ყველგან იჩენს“-ო. ასევე გაუგებარი იყო მისთვის სარწმუნოებრივი გატაცებაც და პატრიოტიზმიც. როგორც უკიდურესი ეგოიზმის წარმომადგენელს, მსოფლიოს ცხოვრება მას საყოველთაო ბრძოლის ასპარეზად ჰქონდა წარმოდგენილი, და ამიტომ იყო, რომ მას არც ერთი

გამარჯვება არ აკმაყოფილებდა, სანამ თავის გვერდით დამოუკიდებელს კიდევ ვისმე ხედავდა. ასეთი ადამიანის დაკმაყოფილება მარტო მსოფლიო ბატონობას შეეძლო; და აკი დაისახა კიდევ ნაპოლეონმა ასეთი მიზანი!

მაგრამ ნაპოლეონს მალე მიეცა შემთხვევა დარწმუნებულიყო, რომ ნივთიერი ძლიერება ხშირად იძულებული ხდება, ზნობრივი ძალის წინაშე ქედი მოიხაროს. ნაპოლეონის მიზანი იყო, ეკლესიაც თავისი მართველობის ერთერთ დარგად გაეხადა; მაგრამ აქ მას პაპის პიუს VII სახით დაუძლეველი დაბრკოლება გადაეღობა; თუმცა ეს უკანასკნელი მეორე ხარისხიდან საკითხებში დათმობის გზას ადგა, მაგრამ იგი არასგზით არ თანხმდებოდა, ეკლესია საფრანგეთში ერთერთ საადმინისტრაციო დარგად გადაქცეულიყო. ნაპოლეონმა ყოველგვარს ძალდატანებითს საშუალებას მიმართა პაპის წინააღმდეგ: წაართვა შას საერო სამფლობელოები, დაატყვევა კიდევ იგი, მაგრამ მისი იარაღი უძლური გამოდგა უიარაღო მოხუცის წინააღმდეგ, ვინაიდან ამ უკანასკნელს იდეალური მოტივები ამოძრავებდა, რომელიც ნივთიერი ძალისთვის მიუდგომელი აღმოჩნდა.

მეორე ასეთივე შემთხვევა ნაპოლეონს ისპანიამა და პორტუგალიამ მისცა ე. ი. სწორედ იმ ქვეყნებმა, რომელნიც ფიზიკური ძლიერების მხრივ განსაკუთრებით ჩამორჩენილად ითვლებოდნენ. პორტუგალიის დამოუკიდებელი არსებობა არ იყო ნაპოლეონისათვის ხელსაყრელი, რადგანაც მას ინგლისთან შუღამ სავაჭრო ურთიერთობა ჰქონდა; ამიტომ ეს ქვეყანა საფრანგეთის ჯარების მიერ იქმნა დაკავებული. ისპანია თუმცა ყოველთვის საფრანგეთის ერთგული მოკავშირე იყო, მაგრამ, იქნებ სწორედ ამიტომ, ნაპოლეონმა მისი სრული დაკავება სცნო საჭიროდ. ლესაბონი და მადრიდი მალე დაიპყრო. მაგრამ ფრანგებს სწორედ ამის შემდეგ გაუერთულდათ საქმე. ორივე ქვეყანაში უეტრად ეროვნულმა გრძნობამ იჩინა თავი.

მცხოვრებლებმა პარტიზანული ომი გააჩაღეს და მტერს ერთ წუთსაც მოსვენებას არ აძლევდნენ: ნაპოლეონს ყოველი

ურმის, ყოველი საფოსტო სადგურის დაცვა უზღებოდა, და სა-  
დაც კი შესაძლო იყო — მთის ხეობებსა და გამაგრებულ ქალაქე-  
ბში — ისპანელები თავის მტერს ყველგან სასტიკ წინააღმდეგო-  
ბას უწყევდნენ; გმირული თავდაცვით განსაკუთრებით **სარაგოსამ**  
გაითქვა სახელი: მხოლოდ ხანგრძლივი ალყისა და ქუჩებში  
გამართული სისხლის ღვრის შემდეგ შესძლეს ფრანგებმა ამ  
ქალაქის დაკავება, მაგრამ ქალაქი უკვე მარტო ნანგრევებს წარ-  
მოადგენდა.

პორტუგალიასა და ისპანიას დახმარება ინგლისმა აღმო-  
უჩინა. მართალია, მას არ ჰქონდა შეძლება, ნაპოლეონის  
წინააღმდეგ დიდა ძალები გაეგზავნა; მაგრამ იმ რამდენიმე დივი-  
ზიამაც, რომელიც პირენეის ნახევარკუნძულზე ლორდ უელ-  
ინგტონის უფროსობით იქნა გაგზავნილი, ფრანგებს დიდი ზი-  
ანი მიაყენა. ნაპოლეონმა ერთხელ პირადადაც გაილაშქრა ისპა-  
ნიის წინააღმდეგ, მაგრამ პარტიზანული ომი მის სულს არ  
ეგუებოდა, და ამიტომ აქ ომის წარმოება თავის მარშლებს  
მიანდო. ინგლისელებმა რამდენჯერმე დაამარცხეს საფრანგეთის  
ჯარები, ასე რომ საქმე ცნობილმა **მასენამაც** ვერ გამოაკეთა.  
აღნიშნულ დაბრკოლებათა გარდა ნაპოლეონის ჯარის მარცხი  
მითაც აიხსნება, რომ უფროსებს შორის ინტრიგებმა იჩინეს  
თავი; მათ თითქოს მოსწყინდათო ამდენი გამარჯვება და ბრძო-  
ლის დროს წინანდელ ენერჯიასა და სიმბნევებს ვეღარ იჩენდენ.

### კონტინენტალური ბლოკადა.

ისპანიაში ნაპოლეონს მარცხი მოუვიდა; ეს გარემოება  
მას მით უფრო აბრაზებდა, რომ ამის მიზეზად ინგლისელებს  
თვლიდა და მათთვის მას ჯერ კიდევ სპაგოიერო ვერ ეზლო,  
ვინაიდან იგინი მიუვალ კუნძულებზე ცხოვრობდენ. მაგრამ  
მან ჯერ კიდევ ტილზიტის ხავის დროს გამონახა საშუალო-  
ბა ინგლისის წინააღმდეგ ბრძოლის საწარმოებლად, და ეს  
**გ. წ. კონტინენტალური ბლოკადა** იყო: მან დახურა ევრო-  
პის მატერიკის ყველა ნავისადგური ინგლისის გემებისათვის,



სასტიკად აკრძალა ინგლისის საქონლის ყიდვა და გამოაცხადა, რომ ყველა ის გეო, რომელიც ინგლისის ნავთსადგურში შევიდოდა, პატრონს უთუოდ ჩამოერთმეოდა. ამ ბლოკადის მიზანს ინგლისის ვაჭრობის მოსპობა შეადგენდა, ვინაიდან მან კარგად იცოდა, რომ მთელი კუნძულის კეთილდღეობა სწორედ ვაჭრობაზე იყო დამყარებული. მაგრამ ეს ზომაც დამარცხებით დამთავრდა. პირველ ყოვლისა ინგლისის ვაჭრობა არც ისე ძლიერად დაზარალებულა, როგორც იმპერატორს ეგონა. იმას გარდა, რომ ძლიერ განვითარდა კოლონიალური საქონლის კონტრაბანდად შემოხიდვა, რის გვერდის ახვევაც შეუძლებელი შეიქმნა, ინგლისელებმა კონტინენტზე ვაჭრობის შემცირება ახალშენებით აინაზღაურეს, რომელთა რიცხვიც საფრანგეთისა და მისი მოკავშირე სახელმწიფოების ხარჯზე კიდევ უფრო გაამრავლეს. ზღვაზე ბატონობით ინგლისელებმა სრულებით ჩაჰკლეს ჰოლანდიელებისა და ფრანგების ვაჭრობა, რომელიც წინად ძლიერ კონკურენციას უწევდა მათ. ამას გარდა, ბლოკადამ თვითონ ევროპის მატერიკზე აუტანელი მღვამარეობა შეჰქმნა. ნაპოლეონი ცდილობდა, რაც შეიძლება სასტიკად გაეტარებია იგი ცხოვრებაში; ამისათვის მან საჭიროდ დაინახა ჩრდილოეთის ზღვის გერმანიის სანაპიროს მითვისება, ჰოლანდიის დაკავება, ნავთსადგურებში თავისი მცველების ჩაყენება, სახლების ჩხრეკა და კონფისკაციები. ბოლოს მან მოითხოვა ევროპის ყველა სახელმწიფოსაგან, რომ იგინი ბლოკადას უთუოდ მიკედლებოდნენ.

### 1812 წლის ომი.

ამგვარ პოლიტიკას არ შეეძლო აღრე თუ გვიან წინააღმდეგობა არ გამოეწვია. იმპერატორმა ალექსანდრემ რამდენიმედ ისარგებლა მოქმედების იმ თავისუფლებით, რომელიც მას აღმოსავლეთში ნაპოლეონმა მიანიჭა: დაიკავა ფინლანდია და ოსმალეთს ბესარაბია წაართვა. ნაპოლეონისადმი მისი განწყობილება კი თანდათან არამეგობრულ ხასიათს ღებუ-



ლობდა. კონტინენტალური ბლოკადა რუსეთს იმ მთავარ მსაზარის აშორებდა, სადაც იგი თავის ნედლ მასალას ასაღებდა; ამავე დროს, ნებსით თუ უნებლიეთ, ნაპოლეონი ალექსანდრეს ნათესავეურ ურთიერთობასაც შეურაცხყოფას აყენებდა: ასეთი შეურაცხყოფა იყო მაგალ. **ალდენბურგის** საფრანგეთთან შეერთება, ვინაიდან იგი ალექსანდრეს მახლობელ ნათესავს ეკუთვნოდა. ეს რომ ასე არ ყოფილიყო, რუსეთი ნაპოლეონის ბატონობას დასავლეთ ევროპაში დიდი ხნით მაინც ვერ შეურიგდებოდა, მით უმეტეს, რომ იგი პოლონეთის ალდგენით პირდაპირ რუსეთს ემუქრებოდა და, უეჭველია, მხოლოდ დროს უცდიდა, რათა უკანასკნელს თავს დასხმოდა. ომის აუცილებლობას ორივე მხარე გრძნობდა, და ამიტომაც ორივე ცხარე ემზადებოდა მისთვის.

ხანგრძლივი მზადების შემდეგ, დაბოლოს, 1812 წელს ნაპოლეონმა დიდი ძალებით რუსეთის წინააღმდეგ გაილაშქრა. მისი არმიის ცენტრი, რომელიც თვით მას ეჭვმდებარებოდა, ფრანგების, იტალიელების, პოლონელების და ფრანგთა ქვეშევრდომ გერმანელ ჯარის კაცებისაგან შესდგებოდა. პეტერბურგისკენ მიმართული მარცხენა გვერდის არმიისათვის პრუსიელებს უნდა დაეჭირათ მხარი; მარჯვენა გვერდით უკრაინაში ავსტრიელების კორპუსს უნდა ემოქმედნა. ნაპოლეონის მთელს არმიას, რომელმაც საზღვრები გადმოლახა, 600,000 კაცი შეადგენდა; მის წინააღმდეგ რუსეთს მხოლოდ 200,000 კაცის გაყვანა შეეძლო, და ამიტომ ნაპოლეონს გამარჯვებაში ეჭვდც არ ეპარებოდა. მაგრამ მას მხედველობაში არ მიუღია, რომ ჯარის გარდა ფრანგებს ბრძოლა რუსეთის ხალხისა და რუსეთის ბუნების წინააღმდეგაც მოუხდებოდათ. კომპანიის გეგმა რუსებს თვითონ ძალთა უთანასწორობამ და გეოგრაფიულმა პირობებმა უკარნახეს.

ბარკლაი-დე-ტოლის არმია უკან იხევდა, სმოლენსკთან მაგრატიონს (ქართველი თავადიშვილი) შეუერთდა და მტერს სასტიკი ბრძოლა გაუმართა, მაგრამ მაინც უკან დახევა განაგრძო.



ხალხი და ჯარისკაცები დაეინებით გადამწყვეტი ბრძოლის დაწყებას მოითხოვდნენ, და კუტუზოვმა, რომელმაც არმიის უფროსობა მიიღო, ბოროდინოსთან მტერს მოსკოვისკენ მიმავალი გზა გადაუჭრა. ბოროდინოსთან გამართული ბრძოლა სისხლისღვრით ნაპოლეონის ყველა ბრძოლებს აღემატებოდა; აქ მონაწილეობას იღებდა 130,000 ფრანგი და 80,000 რუსი, ბრძოლის ველზე 80,000 კაცამდე იქმნა მოკლული და დაჭრილი (ორივე მხრით თითქმის თანასწორი რიცხვი). უდიდესი ძალისხმევის მიუხედავად ფრანგებმა მხოლოდ მოწინავე პოზიციების დაკავება მოახერხეს; მეორე დღისათვის ფრანგები ბრძოლის გასახლებლად მზად იყვნენ, მაგრამ კუტუზოვმა სიფრთხილისა გამო მოსკოვისკენ დახვეა არჩია. როდესაც ნაპოლეონი მოსკოვში შედიოდა, ის დარწმუნებული იყო, რომ ომი დამთავრებული იყო, და დამარცხებულთაგან მორჩილების გამოცხადებას ელოდა.

ამის მაგიერ რუსეთის დედა ქალაქი მას თითქმის დაცარიელებული და გადამწვარი დახვდა. იქ არც სურსათსა-ნოვადე და არც სხვა რამ მოიპოვებოდა, რაც მისთვის ასე საჭირო იყო. ცეცხლისაგან განადგურებულ მოსკოვში დიდი ხნით დარჩენა ყოველად შეუძლებელი შეიქმნა. ოქტომბრის თვეში ფრანგებმა უკვე მიატოვეს მოსკოვი.

ნაპოლეონმა უკან დაბრუნება კალუგით სცადა, მაგრამ ტარუტინთან და მალოიაროსლავეცთან რუსებმა მისი კორპუსები დაამარცხეს, და ისიც იძულებული შეიქმნა დარბეულ-განადგურებული სმოლენსკის გზით დაბრუნებულიყო.

კუტუზოვი ფეხ-და-ფეხ მისდევდა ლტოლვილ მტერს; გზაში გლეხებისაგან შემდგარი პარტიზანული რაზმები მას საქმეს უჭირვებდნენ; რუსეთის მკაცრი ბუნებისაგან (ცივი ზამთარი) დამარცხებული ფრანგების დიდი არმიის უკან დახვეა უთავბოლო ლტოლვად გადაიქცა, წყობა მოიშალა, დისციპლინა გაჰქრა, და მხოლოდ თვითონ რუსების სისუსტე და შველო-და მას და საბოლოო განადგურებისაგან იხსნიდა. მდ. ბერე-



**ზინაზე** გადასვლის დროს რუსების არტილერიამ ხიდები ჩაანგრა, და ფრანგები მდინარეში ათასობით დაიღუპნენ. „დიდი არმიის“ მხოლოდ ნამსხვრევებმაღა მიაღწია საზღვარს.

### ნაპოლეონის უკანასკნელი ომები.

ნაპოლეონმა არმიის გადაჩენილი ნაწილები ლიტვაში მიატოვა, ხოლო თვითონ საფრანგეთისაკენ გაეშურა ახალი სამხედრო ძალის შესაქმნელად. და'რუნდა თუ არა სამშობლოში, ნაპოლეონმა სწრაფად გაიწვია ჯარში ყველა ახალგაზრდა 16 წლიდან დაწყებული, თავი მოუყარა გერმანიის სხვადასხვა ადგილებში ჩაყენებულს საგარნიზონო ნაწილებს, შეუერთა ისინი იმ კორპუსებს, რომელთაც პეტერბურგის წინააღმდეგ უნდა ემოქმედნათ, და აზგვარად კვლავ ახალი და ძლიერი სამხედრო ძალა შექმნა, რომლითაც იგი მტრის დამარცხებას კიდევ შესძლებდა, რომ მდგომარეობა ერთ გარემოებას არ გაერთულებია: „დიდი არმიის“ დაღუპვამ დაპყრობილ ერებს განთავისუფლების იმედი აღუძრა, და ისინიც თანდათან რუსეთის მხარეზე გადავიდნენ. რუსის ჯარს გერმანიაში ისე უცქეროდნენ, როგორც თავის განმათავისუფლებლებს; პრუსია პირველი ჩამოშორდა ნაპოლეონს; შემდეგ შვეციათ გამოგზავნა მაშაელის რაზმები.

რუსეთის და პრუსიის გენერლები ვერ უმკლავდებოდნენ თავის გენიოს მოწინააღმდეგეს; ისინი რამდენჯერმე დაამარცხა ნაპოლეონმა, მაგრამ სახალხო მოძრაობას მაინც თავისი გაჰქონდა და მოკავშირენი იმედს არ კარგავდნენ; ბოლოს ნაპოლეონის მტრებს ავსტრიაც შეუერთდა. **დრეზდენტან** ნაპოლეონმა ერთხელ კიდევ სასტიკად დაამარცხა მოწინააღმდეგეთა შეერთებული ძალები, მაგრამ ამის შემდეგ საქმე უკუღმა დატრიალდა. ნაპოლეონმა ლტოლვილი მტრების გზის გადასაჭრელად ვანდამის კორპუსი გაგზავნა, მაგრამ ის გზაში რუსების გვარდიას წააწყდა, და მთელი კორპუსი დატყვევებულ იქმნა. ეს რომ ასე არ მომხდარიყო, მოკავშირეები განადგუ-



რებას ვერ ასცდებოდენ. ეხლა კი, დრეზდენის გამარჯვებით სარგებლობის მაგიერ, ნაპოლეონს ლეიპციგისაკენ დახევა დასჯირდა, სადაც გენერალური ბრძოლა მოხდა, რომელიც მთელს სამ დღეს გავრძელდა. მოკავშირეებმა ისარგებლეს თავისი რიცხვის სიქარბით და სრული გამარჯვებულნი დარჩნენ. გაცხარებული ბრძოლის დროს, რომელსაც „ხალხთა ბრძოლა“ ეწოდება, საქსონიის ნაწილებმა ფრანგები მიატოვეს და მოკავშირეთ შეუერთდნენ. ცოტა უფრო ადრე ასევე მოიქცნენ ბავარელებიც.

ნაპოლეონი მაინც არ სთვლიდა საქმეს საბოლოოდ წაგებულად. მან ერთხელ კიდევ მოკრიბა ახალი ჯარი და საფრანგეთის საზღვრების დაცვას დიდი ენერგიით შეუდგა. არცერთს წინანდელ ბრძოლაში არ გამოუჩენია ამ არაჩვეულებრივის სამხედრო ნიჭის კაცს იმდენი მოხერხება და ხელოვნება, რამდენიც ეხლა გამოიჩინა; ძვირად უჯენდა იგი მრავალრიცხოვან მოწინააღმდეგეთ წინსვლას, ერთ ნაბიჯს მიწასაც არ უთმობდა მათ უბრძოლველად, მაგრამ მტერი მაინც წინ მიიწევდა და პარიზს უახლოვდებოდა. ნაპოლეონის ტრაგიზმი იმაში მდგომარეობდა, რომ საფრანგეთი განუწყვეტელი ომიანობის გამო ძალზე მოიქანცა; თითქმის აღარავინ დარჩა მომწიფებული, რომ ომის ტვირთის ზიდვა შესძლებოდა; ახლოვაზრდობა ვერ უძლებდა სამხედრო საქმეს და ავადმყოფობისაგან უფრო მეტი იტლიტებოდა, ვიდრე მტრის ტყვეისაგან.

პარიზის დაკეპამ ნაპოლეონის ბედი საბოლოოდ გადასწყვიტა: იგი დამორჩილდა მტერს, დახელოვნებულმა დიპლომატმა ტალეირანმა კოალიციის უმთავრესი მონაწილის, ალექსანდრე I-ის გულის მოგება მოახერხა და საფრანგეთისთვის საპატიო ზავი შეჰკრა: საფრანგეთი 1792 წლის საზღვრებს უნდა დაბრუნებოდა, ასე რომ რევოლუციონური ხანის პირველი ტერიტორიალური შენაძენი მასვე უნდა დარჩენოდა (ავინიონი, ალზასის რამდენიმე ოლქი და სავოიას ნაწილი). ნაპოლეონი იძულებული შეიქმნა, ტახტზე უარი განეცხადებია;



მას საცხოვრებლად ერთი პატარა კუნძული, ელბა მიუჩინეს, რომელიც იტალიის დასავლეთი ნაპირის ახლოს მდებარეობს. ნაპოლეონის გაძევებასთანავე პარიზში ლაჟდოვიკ XVI ძმა, ლაჟდოვიკ XVIII (ლადოვიკ მე-XVII თ ლიუდოვიკ XVI-ეს შვილი ითვლებოდა, რომელიც რევოლიუციის დროს სატუსალოში გარდაიცვალა) საფრანგეთისა და ევროპის მიერ შეფუძენა ცნობილი.

„100 დღე“

ტახტზე ასვლისთანავე ლაჟდოვიკ XVIII-მ „ქარტია“ გამოაქვეყნა, რომელშიაც ხალხს პირადი თავისუფლება და წარმომადგენლობითი დაწესებულებები აღუთქვა; მაგრამ ლაჟდოვიკს თან მოჰყვნენ ემიგრანტებიც, რომელთა გულისთქმაც იქეთ იყო მიპყრობილი, რომ როგორც მათ, ისე ეკლესიასაც ყველა ის ქონება უკან დამბრუნებოდა, რომელიც რევოლუციის დროს დაჰკარგეს, და ეხლა წვრილ მესაკუთრეთა ხელში იმყოფებოდა. ეს გარემოება, რა თქმა უნდა, ხალხში დიდ აღშფოთებას იწვევდა, და ნაპოლეონს სამოქმედო ასპარეზს უშინაღებდა. ნაპოლეონმა მოხერხებულად ისარგებლა ხალხის სულიერი განწყობილებით და 1815 წლის პირველ მარტს სამხრეთ საფრანგეთში გადავიდა, სადაც მას მრავალი მომხრე შეუერთდა, რომელთათვისაც იმპერის დიდებული დღეები უფრო მეტს ნიშნავდა, ვიდრე გადატანილი უბედურება. მარშალი ნეი, რომელიც ნაპოლეონის წინააღმდეგ იქმნა გაგზავნილი, ყოფილ იმპერატორს შეუერთდა, და უკანასკნელი პარიზში შევიდა, სადაც ხალხმა იგი აღტაცებით მიიღო. მან ლიბერალური პოლიტიკის წარმოება აღუთქვა ხალხს და დახმარებისაკენ მოუწოდა ყველა იმათ, ვისთვისაც რევოლიუციის მონაპოვარი ძვირფასი იყო; საშინაო საქმეთა მინისტრად ცნობილი რევოლიუციონერი კარნო დაინიშნა. ნაპოლეონმა დაასწრო მოკავშირე სახელმწიფოებს და ბელგიისაკენ გაეშურა, სადაც უელინგტონისა და ბლახუხერის ხელმძღვა-

ნელობით ინგლისისა და პრუსიის ჯარები იყრიდენ თავს. სანამ ნეი ინგლისელებს აჩერებდა, ნაპოლეონი პრუსიის ჯარს დაესხა თავს და სასტიკად დაამარცხა იგი. ლტოლვილი პრუსიელების დევნა ერთ-ერთს თავის მარშალს მიანდო, თვითონ კი უელინგტონს მოუბრუნდა და **ვატერლოოსთან** (18 ივნისი) სასტიკი ბრძოლა გაუმართა. ინგლისელებმა იმდენი მოახერხეს, რომ ფრანგების იერიშებს გაუძლეს, სანამ მათ გონსმოსულმა ბლიუხერმა არ მოუსწრო. აქ ნაპოლეონი საბოლოოდ და უკანასკნელად დამარცხდა. ნაპოლეონი აღარ დასტოვეს საფრანგეთის ახლოს: იგი წმიდა ელენეს კუნძულზე გაგზავნეს, სადაც იგი 1821 წელს გადაიცვალა.

### ვენის კონგრესი.

ჯერ კიდევ 1814 წელს დაიწყო ვენაში სახელმწიფოების მოლაპარაკება ევროპის ბედის გადასაწყვეტად. კოალიციის ოთხს უმთავრეს წარმომადგენელს შორის (რუსეთი, პრუსია, ინგლისი, ავსტრია) იმ თავითვე უთანხმოებამ იჩინა თავი; მაგრამ ნაპოლეონის დაბრუნებამ მალე შეარიგა ისინი. რუსეთმა ვარშავის დიდი საჰერცოგოს უმეტესი ნაწილი მიიღო. ფინლანდიისა და პომერანიის მაგიერ შვეციას ნორვეგია შეუერთეს. პრუსიამ ყველა ის ადგილები დაიბრუნა, რომელიც მას პოლონეთის მეორე და მესამე დანაწილების დროს ერგო, და ამას გარდა, შვეციის პომერანია, რეინის მხრის პრუსიის ძველი ადგილები და რეინის მარცხენა ნაპირი კობლენცამდე. ავსტრიამ ტიროლი და ზალცბურგი დაიბრუნა და ამავდროს „გერმანიის კავშირს“ სათავეში ჩაუდგა. ეს უკანასკნელი ოცდათვრამეტი სახელმწიფოსაგან შესდგებოდა; მათ ფრანკფურტში **კავშირის საბჭო** ჰქონდათ მოწყობილი, რომელშიაც კავშირის ყველა შემადგენელი სახელმწიფოს წარმომადგენლები იღებდენ მონაწილეობას; პოლანდია და ბელგია ერთ სამეფოდ იქმნენ შეერთებულნი. შვეიცარია ნეიტრალურ რესპუბლიკად აღიარეს და მთელი ევროპის მფარველობის ქვეშ გა-



მოაცხადეს. იტალიაში საქმე ასე მოეწყო: ლომბარდია და ვენეციის ოლქი ავსტრიას შეუერთეს, პაპი, სარდინიისა და ორივე სიცილიის მეფეები თავიანთ უფლებებში აღადგინეს. უკანვე დაუბრუნდათ თავიანთი სამფლობელოები პორტუგალიისა და ისპანიის მეფეებს. დაპყრობილი ადგილებიდან ინგლისმა ხმელთაშუა ზღვაზე საფრანგეთის ხარჯზე მალტა, წმიდა მავრიკისა და რამდენიმე ანტილის კუნძული შეინარჩუნა, ხოლო ჰოლანდიელების ხარჯზე ცეილონი და კეთილი იმედის კონცხი. პარიზის მეორე ზავის მიხედვით, მხოლოდ ის ცვლილება მოხდა, რომ საფრანგეთი 1792 წლის საზღვრების მაგიერ 1789 წ. საზღვრებს დაუბრუნეს.

**მეცხრამეტე საუკუნე.**

**1. რეაქცია და ლიბერალიზმი.**

**ვენის კონგრესი და ახალი წესწყობილება.**

მოკავშირეთა გამარჯვება კიდევ არ ნიშნავდა იმას, რომ ევროპის რუკა ძველი თავისი სახით უნდა ყოფილიყო აღდგენილი.

ეს შეუძლებელი იყო, რადგანაც კოალიციის უმთავრესი სახელმწიფოების ინტერესები ერთმანეთზე იყვნენ გადახლართულნი, და ყოველი მათგანი ცდილობდა შექმნილ მდგომარეობიდან რაც შეიძლება უფრო მოგებული გამოსულიყო. ამგვარ პირობებში დიდი მნიშვნელობა ეძლეოდა ძალთა რეალურ განწყობილებასა და იმ როლს, რომელიც ნაპოლეონის ჰეგემონიის დამხობის საქმეში კოალიციის თითოეულმა წევრმა ითამაშა; ვენის კონგრესი ვერც რევოლიუციისა და იმპერიის მიერ ცხოვრებაში შეტანილ ცვლილებებს დასტოვებდა უყურადღებოდ, რადგანაც საზოგადოებას ყველაფერი ეს უკვე

შეთვისებული ჰქონდა და ადვილად არ დასთმობდა. ვენაში შეკრებილი დიპლომატები იძულებული შეიქმნენ დათმობის გზას დასდგომოდნენ ამ მხრივ და 1789 წლის ზოგიერთი პრინციპისათვის ანგარიში გაეწიათ: ლიუდოვიკ XVIII საფრანგეთს „ქარტია“ და წარმომადგენლობითი დაწესებულებები მისცა; ალექსანდრე პირველმა თავის პოლონეთის სამეფოს 3 მაისის კონსტიტუციაზე აგებული სახელმწიფოებრივი მართველობა დაუმტკიცა; გერმანიის წვრილი სახელმწიფოების უმეტეს ნაწილში ხალხის წარმომადგენლობა იქმნა შემოღებული, ხოლო პრუსიის მეკვემ თვით გაცხარებულის, განმათავისუფლებელი ომის დროს აღუთქვა თავის ერს ასეთივე მართველობის შემოღება. გერმანიის „კავშირის წესდებაშია“ კი იქმნა შეტანილი მუხლი იმის შესახებ, რომ თითოეულ სახელმწიფოს „წოდებათა“ წარმომადგენლნი (Stände) უნდა მართავდნენ.

### საღვთო კავშირი.

მიუხედავად იმისა, რომ ვენის კონგრესი ცოტად თუ ბევრად ცხოვრების არსებულ პირობებს ანგარიშს უწევდა და ამ მხრივ დათმობის გზას ადგა, მთელი მისი მოქმედება მაინც ახალი ცხოვრების წინააღმდეგ იყო მიმართული: 1814 და 1815 წლის გამარჯვებები ძველი დროის აღდგენასა და რევოლიუციის რეაქციის გამარჯვებას ნიშნავდა. კონგრესის რეაქციონური მიმართულების მთავარი გამოძახატველი ალექსანდრე პირველი იყო; მართალია მან პოლონეთს სეიმი დაუარსა, მაგრამ ამ უკანასკნელის უფლებები მეორე დღესვე დააღწია; რაც შეეხება რუსეთს, აქ ალექსანდრე აშკარა რეაქციონურ პოლიტიკას აწარმოებდა; ახალგზობაში „რევოლუციონერი“ ეხლა რევოლიუციის შიშით იყო მოცული, და ისეთი პირობების შექმნას ლამობდა, რომ რევოლიუციის „შხამისაგან“ გადარჩენილი ჩამორჩენილი რუსეთი „ხიფათისაგან“ საბოლოოდ ეხსნა. თავისი მეფობის მეორე ნახევარში ალექსანდრე I



მისტიკოსებს დაუხლოვდა, მაგ. ლიფლანდელი ბარონებს, კრუდენერს, და მათი გავლენით „საღვთო კავშირის“ პრაქტიკა შეადგინა. იმ წერილში, რომელიც ალექსანდრემ თავის უახლოვდელს ამხანაგებს დასადასტურებლად წარუდგინა (იმპერატორ ფრანცსა და მეფეს ფრიდრიხ ვილჰელმ III), ის აზრი იყო გატარებული, რომ პოლიტიკა ქრისტიანულ სარწმუნოებაზე უნდა ყოფილიყო აგებული; ამგვარი პოლიტიკის განხორციელება ითვით მეთუ შეთანხმებული მოქმედება ითვლებოდა საქაროდ, რათა შეერთებული ძალებით ერთა ცხოვრებიდან ყველაფერი ის განდევნილიყო, რაც რევოლუციისა და არეულობასთან იყო დაკავშირებული. ეს პროგრამა, რომელსაც ზოგიერთები იდეალურ პროგრამად აღიარებენ, მეთვრამეტე საუკუნეში გავრცელებული იდეების წინააღმდეგ იყო მიმართული: იმპერატორ ალექსანდრეს გეგმით, დედამიწაზე უფლების ერთად ერთ წარმომადგენლებად მეფეები ითვლებოდნენ. აქ აშკარად გამოიხატა ალექსანდრეს სულის რეაქციონური მიდრეკილება; მაგრამ ეს გეგმა არსებითად განუხორციელებელი იყო, ვინაიდან, ჯერ ერთი, იგი რეალური ცხოვრების ბუნებრივი მიმდინარეობის წინააღმდეგ იყო მიმართული და მეორეს მხრივ თვით ისინი არღვევდნენ ამ გეგმას, რომელიც მისი ცხოვრებაში გატარება დაისახეს მიზნად. „საღვთო კავშირში“ იმ თავითვე რუსეთი, ავსტრია და პრუსია შევიდნენ, ხოლო შემდეგ მას დანარჩენებიც მიემხრნენ, ინგლისისა და პაპის გარდა. პირველმა ის მიზეზი წამოაყენა, რომ კონსტიტუციის ძალით ხელშეკრულებაზე ხელს ინგლისის მინისტრები და არა მონარქები უნდა აწერდნენ, ხოლო უკანასკნელმა განაცხადა, რომ მისთვის საქარო არ იყო ისეთ ხელშეკრულებაზე ხელის მოწერა, რომლის ძირითად დებულებებსაც იგი თავიდანვე ემყარებოდა.

„საღვთო კავშირის“ პრაქტიკულ ხელმძღვანელად ავსტრიის კანცლერი, მეტერნიხი შეიქმნა. როდესაც იგი პირველად გაეცნო პროექტს, ზიზლით შენიშნა: ყველაფერი ეს „ცარიელი ფრაზებია“; მაგრამ შემდეგში საუცხოვოდ გამოიყე-

ნა ეს „ცარიელი ფრაზები“ ავსტრიის ინტერესებისათვის და ავსტრიელი აბსოლუტიზმის განსამტკიცებლად. მეტერნიხი გრძნობდა, რომ იმგვარ სახელმწიფოს, როგორც ავსტრია იყო, ცვლილებები ზარალის მეტს არას მოუტანდა, რომ ეს სახელმწიფო მხოლოდ უძრავობით იყო მაგარი, და თუ ნაციონალური და გამათავისუფლებელი მოძრაობა იჩენდა იქ თავს, ეს სახელმწიფოს დაღუპვის გზაზე დადგომის მომასწავებელი იქნებოდა. რომ მეტერნიხი ამაში არ სცდებოდა, ამას დღევანდელი რევოლუცია (1818) ამტკიცებს, რომელმაც ეს ძალით შეკოწინებულ სხეული მრავალ დამოუკიდებელ ეროვნულ სახელმწიფოთ აქცია. თავისი პოლიტიკის მიზნად ავსტრიამ მთელ ევროპაში რეაქციის გამეფება დაისახა, და „საღვთო კავშირის“ იდეაც სწორედ ამას ემსახურებოდა.

### საღვთო კავშირი და გერმანია.

ყველაზე უფრო ადრე „საღვთო კავშირს“ გერმანიის საშინაო საქმეებში მოუხდა ჩარევა. მე-XVIII საუკუნის დასასრულისა და მე XIX-ს დასაწყისის გერმანიის ბრწყინვალე ლიტერატურაზე აღზრდილი ახალგაზრდობა უკმაყოფილო იყო იმ შედეგით, რომელიც გერმანელებისათვის ვენის კონგრესს მოჰყვა. პირველად განმათავისუფლებელი ომების დროს დაიჩაზმა გერმანიის ხალხი საერთო ნაციონალური საქმის გასაკეთებლად; გერმანელი ჯარისკაცები აღფრთოვანებული იყვნენ იმ შეგნებით, რომ ისინი სამშობლოს უკეთესი მომავლისათვის, მისი გაერთიანებისა და თავისუფლებისათვის იბრძოდნენ. მაგრამ როდესაც აღმოჩნდა, რომ ვენის კონგრესის დიპლომატებმა გერმანიისათვის ისეთი წესწყობილება შეჰქვენეს, რომელიც თავისი სიღუბეპირით განსვენებულ „გერმანიის ნაციის საღვთო რომის იმპერიას“ ბევრში არაფერში ჩამოუყარდებოდა, ხოლო მთავრობამ, მის მაგიერ რომ ხალხს დანდობოდა, მკაცრი პოლიტიკური ზედამხედველობა შემოიღო, მთელ გერმანიაში უკმაყოფილება გავრცელდა, და ეს უწინარეს ყო-



ვლისა ახალგაზრდობის წრეში კავშირებისა და დემონსტრაციების მოწყობაში გამოიხატა. გერმანელი „ბურშები“ ფარულ კრებებსა და სხდომებზე გერმანიის გაერთიანებისა და გათავისუფლების შესახებ საკითხებს არჩევდენ. რეფორმაციის 300 წლის თავის მოსაგონებლად ქ. ვარტბურგში სტუდენტებისა და პროფესორების დიდი ყრილობა შეიკრიბა, მრავალი მხურვალე სიტყვა წარმოითქვა, და დასასრულ იქვე გამართულ კოლონზე რეაქციონერი პუბლიცისტების ნაწერები და სხვა სიმბოლიური ხასიათის საგნები, მაგ., ავსტრიელი უნტეროფიცრის ჯოხი იქმნა დამწვარი. ახალგაზრდობის გატაცება ზოგჯერ უფრო სამწუხარო ფორმებს იღებდა: მაგალითად, იენის უნივერსიტეტის ერთ-ერთმა სტუდენტმა, ზანდმა დრამატურგი და რუსეთის სამსახურში მყოფი მრჩეველი კოცებუ მოჰკლა, რადგანაც მას რუსეთის ჯაშუშად სთვლიდენ. მეტერნიხის რჩევით, გერმანიის სახელმწიფოების მთავრობებმა ცენზურა გააძლიერეს, უნივერსიტეტი მკაცრ კონტროლს დაუმორჩილეს და ფრანკფურტში „კავშირის საბჭოსთან“ ნაციონალურისა და პოლიტიკური აგიტაციის მოსასპობად საგამომძიებლო კომისია დააარსეს.

*Handwritten signature*

„საღვთო კავშირი“ და ისპანია, პორტუგალია და იტალია.

იმ დროს, როდესაც საღვთო კავშირის მოქმედება გერმანიაში მხოლოდ პოლიციური ზომებით კმაყოფილდებოდა, სამხრეთ-დასავლეთ ევროპაში კავშირის პოლიტიკა შეარაღებულის ძალით ტარდებოდა ცხოვრებაში. ისპანიასა და კოლონიებში, პორტუგალიასა და იტალიაში პოლიტიკური ცხოვრება სხვადასხვა მიზეზების გამო აუტანელი შეიქმნა, და ამიტომ ძლიერს რევოლუციონურ მოძრაობას ნიადაგი უმზადდებოდა. თავის ამერიკელ ახალშენებში ისპანელები ადგილობრივი ხალხის შეუბრალებელ ექსპლოატაციას ეწეოდენ, რაც როგორც მოწინავე ელემენტებში, ისე ფართო მასაშიც დიდ აღშფოთებასა და გულისწყრომას იწვევდა. თვით ისპანიაში „კამარილია“ ბატონობ-





და — სასახლის ჯგუფი, რომელიც უმნიშვნელო და მეთის ფერდინანდ VII გულის მოგებაში ლევდა სულს; **ფანატიკურმა სამღვდლოებამ** კვლავ დაუწყო დევნა ყველას, ვისაც თავისუფალ აზროვნებაში სდებდა ბრალს.

**პორტუგალიაში** არაჩვეულებრივი მდგომარეობა დამყარდა. მეფე ბრაზილიაში ცხოვრობდა, ხოლო თვით პორტუგალიას ინგლისელები განაგებდნენ, რომლებიც პორტუგალიელებს დაბალი მოდგმის ხალხად თვლიდნენ. მაგრამ ყველაზედ უფრო გამწვავებული მდგომარეობა **იტალიაში** იყო: ფრანგების დროს ცოტად თუ ბევრად გაერთიანებული მხარე, ისევ წვრილ ერთეულებად დანაწილდა.

პაპის სამფლობელოში პრელატები დაფარფაშობდნენ, რომელთაც თავისუფალი აზრის ჩასაკლავად კვლავ იეზუიტების ორდენი აღადგინეს, ნეაპოლისა და სიცილიის მეფედ გაუნათლებელი, ცრუმორწმუნე, ზარმაცი, უზნეო და შურიანი ფერდინანდ პირველი იყო; იგი ნამდვილ განხორციელებას წარმოადგენდა სამხრეთ იტალიის ხასიათის ყველა ცუდი თვისებებისას; ხოლო ნახევარკუნძულის ჩრდილოეთ ნაწილის მცხოვრებნი ავსტრიის სასტიკ უღელს ქვეშ ლაფავდნენ სულს. ჩრდილოეთ-დასავლეთით პატარა სარდინიის დამოუკიდებელი სამეფო იყო, მაგრამ, სისუსტისა გამო, მას არ შეეძლო ყველა ამ ბორტებისათვის წინააღმდეგობა გაეწია, და თვითონაც ავსტრიის გავლენის ქვეშ იმყოფებოდა.

პირველად აჯანყება ამერიკაში დაიწყო; აქაური მკვიდრნი, კრეოლები, რომელთაც ისპანელთა ექსპლოატაციის მოსპობა უნდოდათ, მთელი ათი წლის განმავლობაში ებრძოდნენ ისპანიის ჯარებს; შედეგი ის იყო, რომ ბოლივარუს ცდით, **კოლუმბიის** დამოუკიდებლობას მტკიცე საფუძველი ჩაეყარა. დამოუკიდებლობა მოიპოვეს აგრედვე **ჩილის, პერუს, ურაგვაის და მექაიკის** რესპუბლიკებმაც, სადაც დღესაც არსებობს ის თავისებური პოლიტიკური ცხოვრება, რომელიც გააფთრებული პარტიული ბრძოლით, მუდმივი და უნაყოფო რევოლუცი-



ციებით, ბელადების არაჩვეულებრივი თავგადასავლებითა და სამოქალაქო ომებით ხასიათდება.

ახალშენების ჩამოშორებამ ყველას ნათლად დაანახვა ისპანიის მთავრობის უვარგისობა: დღითი დღე რევოლუციის ელოდენ; თუმცა ფართო მასა სამღვდლოების გავლენის გამო ბნელეთს წარმოადგენდა და პოლიტიკური ცხოვრებით არ იყო დაინტერესებული, მაგრამ სამაგიეროდ საზოგადოების განათლებულ ნაწილსა და არმიაში ღრმად მოიკიდეს ფეხი საფრანგეთის რევოლუციონურმა იდეებმა. აჯანყებულებმა ადვილად დასძლიეს ფერდინანდ VII წინააღმდეგობას და აიძულეს იგი, საჯაროდ შეეფიცა 1812 წლის კონსტიტუციისთვის, რომელიც თუმცა საფრანგეთის 1791 წლის კონსტიტუციის მიხედვით იყო შედგენილი, მაგრამ იმაზე უფრო ლიბერალური შინაარსის იყო.

ისპანიაში მომხდარმა სამხედრო მოძრაობამ გავლენა მოახდინა პორტუგალიაზედაც. მეფე იძულებული შეიქმნა, ბრაზილიიდან დაბრუნებულიყო და კონსტიტუციის ერთგულებაზე, რომელსაც საფუძვლად ისპანიის (1812) კონსტიტუცია ჰქონდა დადებული, ფოკი დაედო.

სარევოლუციო მზადება ყველა ქვეყნებზე უფრო ადრე იტალიაში დაიწყო: იქ „კარბონარიების“ საიდუმლო კავშირები დაარსდა, რომელიც მასონების ლოჟების მგზავსად იყო მოწყობილი, ხოლო იმ განსხვავებით, რომ მას წმინდა პოლიტიკური მიზნები ჰქონდა დასახული; კარბონარიები იტალიის გაერთიანებისა და განთავისუფლების საქმეს ემსახურებოდენ. ნიადაგი უკვე მზად იყო, და სამხედრო აჯანყებებიც დაიწყო. სარდინიასა და ნეაპოლში ჯარებმა აიძულეს მეფეები, კონსტიტუციის ერთგულებაზე ფიცი მიეღოთ.

საღვთო კავშირს არ შეეძლო რომანულ ქვეყნებში აბსოლუტური მონარქიების დამხობისათვის გულგრილად ეცქირა. მას რომ ძალა და შეძლება ჰქონოდა, ამერიკის საქმეებშიც ჩაერეოდა; სამაგიეროდ იგი ენერგიულად ჩაერია იტალიისა და პირენეის ნახევარკუნძულზე წარმოებულ კონსტიტუციონა-



ლურ მოძრაობაში. მოკავშირე მონარქები რამდენჯერმე შეიკრიბნენ კონგრესებზე (ახენი, ტროპაუ, ლაიბახი, ვერონა) საქმის მდგომარეობის განსასჯელად და მოქმედების პროგრამის გამოსამუშავეებლად. იტალიის საქმეების მოგვარება ავსტრიამ იღვა თავს, დაიკავა ნეაპოლი და პიემონტი და იტალიელები ადვილად დააწყნარა. ისპანიაში ფრანგების ჯარები იქმნა გაგზავნილი. თუმცა ისპანიაში უფრო მეტი წინააღმდეგობა გაუწია არამკითხვე „მოკეთებებს“, ვიდრე იტალიელებმა ავსტრიელებს, მაგრამ ბოლოს ისინიც დამარცხდნენ, და ფერდინანდ VII აღდგენილ იქმნა თავის უფლებებში. კონსტიტუციონალისტების დამარცხებას თან მოჰყვა მოძრაობის მონაწილეთა დასჯა, საექვო პირების, განათლებისა და თავისუფალი აზროვნების დევნა. თუ სადამდე მიდიოდა მთავრობა ამ მხრივ, ეს შემდეგი მაგალითიდან სჩანს: ნეაპოლის მთავრობამ აუკრძალა წერაკითხვის შესწავლა ყველა იმ პირთ, ვისაც 15.000 ფრანკზე ნაკლები შეძლება ჰქონდა.

## რუსეთი და ოსმალეთი

### ოსმალეთი და მისი ქრისტიანი ქვეშევრდომნი.

ბალკანეთის ნახევარკუნძულზე მცხოვრები მრავალრიცხოვანი ქრისტიანები მთელი ოთხასი წლის განმავლობაში ბარბაროსი ოსმალოების უღელ ქვეშ კვნესოდნენ; ევროპის სხეულის ეს ხორცმეტი ისევ ქველებურად ველურ ხალხს წარმოადგენდა, თავის ქვეშევრდომ ქრისტიანებს, რომლებიც მისთვის „რაიას“, ე. ი. უბრალო ჯოგს შეადგენდნენ, ველურადვე ეპყრობოდა. მთავრობის აგენტებისა და მეზობელ მუსულმან მცხოვრებთა შევიწროებისაგან ბალკანეთის ბედშავ ქრისტიანებს დამცველი არავინ ჰყავდა. მაგრამ ოსმალთა წინააღმდეგ ბრძოლის შესაძლებლობის და განთავისუფლების იმედი მათ კვლავ აღენტოთ გჳულში. წავიდა ის დრო, როდესაც ოსმალონი ერთსა და იმავე დროს ვენასაც ემუქრებოდნენ და კიევსაც: XVII საუ-



კუნის ბოლოდან ისინი იძულებულნი შეეკმენ, თანდათან უკან დაეხიათ და ავსტრიისა და რუსეთისათვის დიდი ტერიტორია დაეთმოთ. ამავ დროს ოსმალეთის შინაურ ცხოვრებაში ნამდვილი ქაოსი გამეფდა: ფინანსიური კრიზისი, ჯარისა და სასამართლოსდებ ორგანიზაცია, რიგიანად მოწყობილი სახელმწიფოსთვის მოუთმენელი ყაჩაღობა, ძარცვა-გლეჯა, სასახლეში გაბატონებული ინტრიგები—აი რა ახასიათებდა ოსმალეთის მაშინდელს შინაურ მდგომარეობას; ამას თუ დაეუმატებთ იმასაც, რომ აღარც პროვინციები ემორჩილებოდა ბრწყინვალე პორტას, მაგ. სულთანის ნაცვალის მეჭმედ-ალი ეგვიპტეში და ალი-ფაშა აღბანიაში, რომლებიც ისე იქცეოდნენ, როგორც დამოუკიდებელი ხელმწიფენი, ჩვენ სრული და ნათელი სურათი გვექნება ოსმალეთის უმწეო მდგომარეობისა.

დამონებულ ქრისტიანებს მუსულმანების უღლისაგან განთავისუფლების მაგალითიც ჰქონდათ თვალწინ. თუ მთაშავეთს არ მივიღებთ მხედველობაში, რომელმაც, მთებში გამაგრებულმა, თავიდანვე შეინარჩუნა თავისუფლება, საკმაო იყო სერბიისა და რუმინიის მაგალითიც, რომლებმაც 1806 წ. თვითმართველობა მიიღეს (სერბიის საბოლოოდ განთავისუფლება რუსეთ-ოსმალეთის ომის დროს 1829 წ. მოხდა). საზოგადოდ ეკატერინე II და ალექსანდრე I-ის ომების შემდეგ ბალკანეთის ქრისტიანებს იმედი აღეძრათ, რომ მათ ერთმორწმუნე რუსეთი იხსნიდა. თუ მცირე აზიის ბერძნები, აისორები, სომხები და ბულგარელები მონობისაგან იმდენად იყვნენ წელში გატეხილნი, რომ აჯანყებაზე ფიქრიც არ მოსდიოდათ თავში, სამაგიეროდ ბერძნებით დასახლებულს ევროპის ოლქებში განთავსუფლების იდეა თვალსაჩინოდ მომწიფდა: ელადა, პელოპონესი (მორეა) და არქიპელაგი განმათავისუფლებელი მოძრაობისათვის ემზადებოდნენ.

### საბერძნეთის აჯანყება.

საბერძნეთის მთებში დიდი ხნიდან ე. წ. „კლემენტები“ ცხოვრობდნენ, რომლებიც ოსმალთა წინააღმდეგ თავისებურ

ბრძოლას აწარმოებდენ, სძარცვავდენ მუსულმანებს და მათ წინააღმდეგ გაგზავნილს მთავრობის რაზმებს საქმეს უჭირვებდენ. ბარისა და სანაპიროების შეძლებულსა და განათლებულ მცხოვრებთა ნაწილში კარბონარიების მსგავსი საიდუმლო კავშირები, **ჭეტერიები** დაარსდა. ამას გარდა, ევროპის სხვადასხვა ადგილებში გაფანტული ბერძნები ნიადაგს ამზადებდენ უცხო ძალის მოსაშველებლად; კონსტანტინეპოლის ბერძენთა ახალშენი (ფანარი), რომელიც სულთანის მთავრობისაგან დიდად იყო დავალებული, მთავრობის წინააღმდეგ გამოსვლას არ თანაუგრძნობდა, მაგრამ მოძრაობის შეჩერება მან, რა თქმა უნდა, ვერ შესძლო. აჯანყების საბაზად ალი-ფაშას განდგომა შეიქმნა, ბრძოლის დაწყების ნიშანი კი რუსეთის სამსახურის გენერლის, თავად **იპსილანტისაგან** იქმნა მიცემული: იპსილანტიმ მცირე რაზმით ვალახიაში შესვლა მოახერხა, აქედან პროკლამაციები დაგზავნა, რომლითაც იგი ბერძნებს აჯანყებისაკენ მოუწოდებდა. თუმცა იპსილანტის ცდა დამარცხებით გათავდა, მაგრამ მას მალე სერიოზული გამოსვლები მოჰყვა თან: თესალიაში, ბეოტიაში, ატიკასა და მორეაში აჯანყებამ მოულოდნელი სიძლიერით იფეთქა; მიუხედავად იმისა, რომ სულთანის მთავრობა სასტიკ ზომებს იღებდა, ის მაინც თავის გზით განაგრძობდა განვიითარებას და დამაფიქრებელ ხასიათს იღებდა. მთავრობას ის უჭირვებდა საქმეს, რომ ბრძოლას პარტიზანული ხასიათი ეძლეოდა. თუმცა ოსმალონი რიცხვით და შეიარაღებით ბერძენებს ყველგან სჭარბობდენ, მაგრამ ამათი დამარცხება მაინც გაჭირდა; ვერ მოასწრებდენ ერთ ადგილას მშვიდობიანობის აღდგენას, რომ მეორე ადგილას იფეთქებდა კიდევ უფრო ძლიერი მოძრაობა; განსაკუთრებით ქ. მისსოლუნგმა გაითქვა სახელი გმირული თავდაცვით (კორინთოს ყელთან); როდესაც ერთი წლის ალყის შემდეგ ქალაქში გამაგრება აღარ შეიძლებოდა, გარნიზონმა მოახერხა და მთებისაკენ გაიკაფა გზა და თან წაიყვანა ქალები და ბავშვები, ხოლო ადგილზე დარჩენილმა მოხუცებმა



და ავადმყოფებმა თავისი თავიც აიფეთქეს და ის ოსმალოებმა რომლებმაც ქალაქი დაიკავეს. ეგეოსის ზღვაზე საბერძნეთის ფლოტის პირველი ჩანასახი გაჩნდა, რომლის გემებსაც აშკარა ბრძოლა არ შეეძლოთ, მაგრამ სამაგიეროდ დიდი ხელოვნებით ახდენდენ ცალკე გემებზე თავდასხმებს, უჩენდენ ცეცხლს ესკადრებს და სხვა. რამდენიმე წელს გაგრძელდა ეს გამანადგურებელი ომი, მაგრამ გადამწყვეტი შედეგი მაინც არ სჩანდა; ორივე მხარე იძულებული შეიქმნა, უცხო ძალები მოეწვია დასახმარებლად: ოსმალოებმა ეგვიპტის ფაშა მეჰმედ-ალი მოიწვიეს, ბერძნები კი დასავლეთ ევროპიდან და განსაკუთრებით რუსეთიდან მოელოდენ შველას. მეჰმედ ალიმ დიდი დახმარება აღმოაჩინა სულთანს: ეგვიპტის ჯარმა დაარბია მორეა, და ყველასათვის ნათელი შეიქმნა, რომ თუ ევროპა საქმეში არ ჩაერეოდა, ბერძნები უთანასწორო ბრძოლაში დაიღუპებოდენ.

ევროპის საზოგადოების თანაგრძნობა იმ თავითვე ბერძნების მხარეზე იყო; შევიწროებული ქრისტიანებისადმი თანაგრძნობის გარდა, დიდ გავლენას ახდენდენ კლასიკური დროის მოგონებანიც: ატიკისა და ლაკონიის მცხოვრებნი განათლებული ევროპიელების თვალში მილტიადეს და ლეონიდეს ღირსეულ შთამომავლებათ ითვლებოდენ, რომლებმაც აზიის ბარბაროსების წინააღმდეგ კვლავ სამკვდრო-სასიცოცხლო ბრძოლა განაახლეს. ევროპიის თითქმის ყველა სახელმწიფოდან დაიძრა მოხალისეთა რაზმები ბერძნების მისაშველებლად, სხვათა შორის მოხალისეთა შორის იყო იმ დროის უშესანიშნავესი მგოსანი, **ბაირონიც**. ამერიკასა და ინგლისში ბერძნების სასარგებლოდ უამრავი სამხედრო მასალა და ფული შეიკრიბა. მაგრამ მარტო ეს საქმეს ვერ უშველიდა. საჭირო იყო ევროპის სახელმწიფოების ჩარევა, მაგრამ ამას მრავალი დაბრკოლება ელოებოდა წინ. ინგლისი ყველა დანარჩენ სახელმწიფოებზე უფრო მეტის სიმპატიით ეკიდებოდა ყოველგვარ განმათავისუფლებელ მოძრაობას, და ბერძნებსაც დიდად თანაუგრძნობდა, მართალია მას მხოლოდ ფლოტით შეეძლო დახმარების აღმოჩენა, მაგრამ ძა-



ლიან ფრთხილად იქცეოდა, რადგანაც ეშინოდა, საბაბი არ მიეცა რუსეთისათვის ბალკანეთის კუნძულზე ფეხის მოსაკიდებლად. საფრანგეთიც თანაგრძნობით უცქეროდა ბერძნების მოძრაობას, მაგრამ იგი არ იყო აღმოსავლეთის საქმეებით დაინტერესებული, და ამიტომ არც აჩქარება ეტყობოდა. საღვთო კავშირის სამს უმთავრეს ხელმძღვანელთაგან პრუსიას იმგვარი გეოგრაფიული მდებარეობა ჰქონდა, რომ ის თავისთავად ამ საქმის გარეშე რჩებოდა; ავსტრია კი პირდაპირ დაინტერესებული იყო იმაში, რომ ბალკანეთის ნახევარკუნძულზე ოსმალეთის მდგომარეობა უცვლელად დარჩენილიყო: მეტურნის სრულიად არ აწუხებდა ის გარემოება, რომ ბერძნები ქრისტიანი და კულტურის მატარებელი იყვნენ, ოსმალეთი კი ბარბაროსები; ის წინააღმდეგი იყო ყოველგვარი ნაციონალური მოძრაობისა და დაჟინებით ამტკიცებდა, რომ ამ შემთხვევაშიდაც, ისე როგორც იტალიასა და ისპანიაშიც, საქმე კანონიერი ხელმწიფის საწინააღმდეგოდ მიმართულ რევოლუციას შეეხებოდა. რუსეთის მდგომარეობა განსაკუთრებით უხერხული იყო: ევროპაში იგი ლეგიტიმიზმს უჭერდა მხარს, მაგრამ ამავე დროს საკუთარი ინტერესები მას ბერძნების გამოსარჩლებას უკარნახებდა. სანამ ალექსანდრე I ცოცხალი იყო, რუსეთი ლეგიტიმიზმის მხარეზე იდგა, მაგრამ გარდაიცვალა თუ არა იგი (1925) და მის მაგიერ ტახტზე განსვენებულის ძმა ნიკოლოზ I ავიდა, საქმემ სხვა მიმართულება მიიღო; მართალია ევროპაში ის დაჟინებით ლეგიტიმიზმს იცავდა, მაგრამ საბერძნეთის საკითხში მან საჭიროდ დაინახა, ნაციონალურ ტრადიციას გაჰყოლოდა.

1826 წელს ფადიშაჰის ტახტი ენერგიული მაჰმუდის ხელში გადავიდა; მან თავიდანვე ენერგიულად მოჰკიდა ხელი საქმეს: მოსპო იანიჩარების თვითნება გვარდია, გარდაჰქმნა ჯაიი და ამით სახელმწიფოს ახალი ძალა შესძინა. ამგვარად, აჯანყებულთა წინააღმდეგ ოსმალეთის მხრივ დაუნდობელი ბრძოლის წარმოების დაწყება იყო მოსალოდნელი. მაგრამ, დაბოლოს, ინგლისი, საფრანგეთი და რუსეთი შეთანხმდნენ და გა-

დასწყვიტეს, მებრძოლი მხარეებისათვის წინადადებით მიემართათ, დროებითი ზავი ჩამოეგდოთ და შემდეგ, მათი შუამავლობით, სადაო საკითხები გადაეწყვიტათ. ამ სახელმწიფოების შეერთებული ფლოტი ინგლისის ადმირალის, კოდრინგტონის ხელმძღვანელობით პელოპონესის წყლებში გამოჩნდა, რათა ოსმალეთი წამოყენებული წინადადების მიღებაზე აეძულებია. მაგრამ ოსმალეთის მოკავშირე ეგვიპტელების ფლოტმა მას ნავარინთან ბრძოლა გაუმართა, რომელიც სრული მისი დამარცხებით დასრულდა. ინგლის-საფრანგეთს ამის შემდეგაც არ გამოუცხადებიათ ოსმალეთისათვის ოფიციალურად ომი და მხოლოდ იმით დაკმაყოფილდნენ, რომ ეგვიპტელები საბერძნეთის დატოვებაზე აიძულეს.

რუსეთმა კი ომი დაიწყო. რუსეთის არმიამ, რომელსაც დიმიტრი ხელმძღვანელობდა, ოსმალები **შუმლასთან** დაამარცხა (1829), გადალახა ბალკანეთის მთები და კონსტანტინეპოლისაკენ გაილაშქრა. ოსმალეთი იძულებული შეიქმნა, ზავით შეკროდა რუსეთს (ადრიანოპოლში): ამ ზავით რუსეთის ხელში შავი ზღვის აღმოსავლეთი ნაპირი (დასავლეთ საქართველოს ნაწილი) გადავიდა; საბერძნეთს დამოუკიდებლობა მიენიჭა, და საზოგადოდ დუნაის სახელმწიფოების მფარველად რუსეთი იქმნა ცნობილი, რაც მას ბალკანეთის ნახევარკუნძულზე დიდ გავლენას ანიჭებდა. 1833 წ. კიდევ უფრო მეტი წარმატება მოიპოვა ნიკოლოზ პირველმა. როდესაც ეგვიპტის ფაშამ, მეჰმედ-ალიმ სულთანს ომი გამოუცხადა და თვით კონსტანტინეპოლს დაემუქრა, რუსეთის მეფემ სულთანს ჯარი მიაშველა და ხიფათს გადაარჩინა. სამაგიეროდ სულთანმა ვალდებულება დაიკისრა, რომ იგი დასავლეთი ევროპის სახელმწიფოების სამხედრო გემებისათვის დარდანელს დახურავდა; ამას რუსეთისათვის დიდი მნიშვნელობა ჰქონდა, რადგანაც უცხო ფლოტის შავ ზღვაში შემოსვლის შ. ში აღარ ექნებოდა:

1839 წელს მეჰმედ-ალი კვლავ შეეცადა ოსმალეთის დაპყრობას, და მისმა ჯარებმა ხელახლა გაიმარჯვეს, მაგრამ ამ





გზობით საქმეში ინგლისი და ავსტრია ჩაერია, რათა რუსეთის მოქმედებისთვის ხელი შეეშალათ. მეჰმედ-ალის ჯარის ძლევამოსილი წინსვლა შეჩერებულ იქმნა, ზ იგი იძულებული შეიქმნა, თავისს აგრესიულ პოლიტიკაზე საბოლოოდ უარი ეოქვა და იმით დაკმაყოფილებულიყო, რომ ეგვიპტეში მის დინასტიას მემკვიდრეობითი უფლებები მიენიჭა, თვით ეგვიპტე კი სულთანის პროტექტორატს დაუქვემდებარდა. ამგვარად გამოაშკარავდა, რომ იქ, სადაც ევროპის სახელმწიფოთა ინტერესები ერთმანეთს ეწინააღმდეგებოდნენ, „საღვთო კავშირის“ იდეა უთუოდ უნდა დარღვეულიყო, და სწორედ ბალკანეთი აღმოჩნდა იმ სიმაგრედ, რომელმაც ამ იდეის უნიადაგობა საბოლოოდ გამოამჟღავნა.

### საფრანგეთი: რესტავრაცია ბურბონთა.

საბერძნეთის განთავისუფლებასთან ერთად საღვთო კავშირის პოლიტიკა საფრანგეთშიც დაიწარცხდა. ბურბონების დაბრუნებამ (რესტავრაციამ) ძალიან გაჭირვებულ მდგომარეობაში ჩააყენა ხალხი. საფრანგეთის საზოგადოება **ორ მოპირდაპირე ბანაკად გაიყო**. ერთ მხარეზე ყოფილი ემიგრანტები იდგნენ; მათი აზრით, 1789 და 1819 წლებს შუა გასული დრო საფრანგეთის ისტორიიდან სრულებით უნდა ამოშლილიყო; იგინი თავის უფლებებსა და ქონებას უკანვე მოითხოვდნენ და ბრაზითა და ზიზღით იყვნენ გამსჭვალულნი დემოკრატიისადმი, რომელმაც მათ ამდენი ზიანი მიაყენა; მათ გვერდს უმშვენებდა სამღვდელოება, რომელიც ახალ იდეებს ისე უცქეროდა, როგორც ახალ წარმართობას, და სიტყვითა და საქმით მის მოსპობას ცდილობდა; თავისი მიზნის განსახორციელებლად სამღვდელოება ისევ ძველს ნაცად საშუალებას მიმართავდა: ის აწყობდა ძლიერ საზოგადოებებს (კონგრეგაციებს), მკვდრეთით აღდგენდა კანონით აკრძალულ სასულიერო კორპორაციებს, რომელთა სათავეშიც ისევ იეზუიტების ორდენი იდგა. მეორე მხარეზე ერის უმრავლესობა იყო,



რომელსაც რევოლიუციამ ნივთიერად, იურიდიულად და სულიერად ბევრი რამ შესძინა, და მზად იყო, ყველაფერი ეს მთელი ძალღონით დაეცვა. ამ უმრავლესობის ბელადები სხვადასხვა აზრისა და შეხედულებების იყვნენ: ზოგნი თავის მოქმედებაში 1789 წლის თეორეტიული პრინციპებით ხელმძღვანელობდნენ, თუმცა იმ ძალადობასა და უფლების დარღვევას არ იზიარებდნენ, რომელიც რევოლიუციამ გამოიწვია; მეორენი, პირიქით, აუცილებელ მოვლენად სთვლიდნენ ყველა ამას, და საიდუმლო ორგანიზაციებში ახალ რევოლიუციას ამზადებდნენ. ძველი წესწყობილებისადმი საზოგადო სიძულვილისა გამო, რომლითაც საზოგადოების უმრავლესობა იყო გამსჭვალული, ხალხს ნაპოლეონის მოღვაწეობა იდეალურსა და სანატრელ მოვლენად მიაჩნდა, — ნაპოლეონი გმირი იყო არა მარტო არმიისა და მდებრიო ხალხის თვალში, არამედ განათლებული ლიბერალების უმეტესი ნაწილის თვალშიაც.

საზოგადოების ორ მოპირდაპირე ბანაკად გაყოფა ძალიან უძნელებდა საქმეს მთავრობას. მაგრამ ლუდოვიკ XVIII და მისი მთავარი მინისტრები, დეკაზი და ჰერცოგი რიშელიე ამ რთული და მძიმე მდგომარეობიდან შედარებით ადვილად გამოვიდნენ; მიუხედავად იმისა, რომ არისტოკრატისა და ეკლესიას დიდი თანაგრძნობით ეპყრობოდნენ, მათ მაინც შეგნებულნი ჰქონდათ, რომ მეფე პარტიებზე მალლა უნდა მდგარიყო და რომ საფრანგეთის ისტორიამ 1789 წლიდან დაწყებული ვიდრე 1815 წლამდე ბევრი დიადი და სასახელო საქმე შესძინა საფრანგეთს; ისიც კარგად ესმოდათ, რომ ახალის სრული გაუქმება და ძველის აღდგენა, გარდა იმისა, რომ მათ ძალას აღემატებოდა, არც სახელმწიფოსთვის იყო მაინც და მაინც სასარგებლო.

ეს იყო მიზეზი, რომ განსაკუთრებული ქარტიის ძალით საფრანგეთში პარლამენტარული მართვაგამგეობა იქმნა შემოღებული. მაგრამ საარჩევნო უფლებები საკმაოდ იქმნა შეკვეცილი: საყოველთაო საარჩევნო უფლების მაგიერ მალალი

ცენზი იქმნა შემოღებული: აქტიური საარჩევნო უფლებისათვის — 300 ფრანკი წლიური გადასახადისა, ხოლო პასიური სათვის — 1000 ფრ. პალატა მოკლებული იყო საკანონმდებლო ინციატივის უღებას; იქ მხოლოდ მთავრობის კანონპროექტებზე შეიძლებოდა მსჯელობა.

როდესაც ქარტიის ძალით შეკრებილმა პალატამ საზოგადოების დემოკრატიულ ელემენტებს შეურიგებელი ბრძოლა გამოუცხადა, მაშინ ლიუდოვიკის მთავრობამ ამაში გადაქარბებული რეაქციონერობა დაინახა და დაითხოვა იგი; ცხადია, მას სურდა პარტიებზე მალლა მდგარიყო.

მაგრამ ამ ნიადაგზე დიდხანს გაჩერება მან მაინც ვერ შესძლო. საღვთო კავშირის გავლენაზე და საფრანგეთში დაწყებულმა პოლიტიკურმა მოძრაობამ თავისი გაიტანა და მთავრობა რეაქციის გზაზე დააყენა. ლიუდოვიკ XVIII გარდაცვალების შემდეგ (1824) საფრანგეთის ტახტზე უკანასკნელის ძმა, **კარლოს X** ავიდა. ბურბონების დაბრუნების შემდეგ შემოღებული თქმულება — მათ არაფერი არ დავიწყებიათ და არც არაფერი უწავლიათო — სწორედ კარლოს X სთვის იყო ზედგამოჭრილი.

მეფე აშკარად მიემხრო კონგრეგაციებსა და ულტრაროიალისტებს და სამინისტროს ხელძღვანელობა ფინანსისტს **ვილფლს** ჩააბარა, რომელიც სახეომწიფოში რეფორმების 'შემოღებას' ულტრაროიალისტების პარტიის სულის კვეთების მიხედვით ჰფიქრობდა. ეპიგრანტების ყოფილი ქონების ახალ მეპატრონეთაგან ჩამორთმევა ვერც ვილფლმა გაჰბედა, მაგრამ სამაგიეროდ ეს დანაკლისი მათ მით აუნახლაურა, რომ ერთი მილიარდი ფრანკი დაურჩია. შემდეგისათვის განზრახული იყო სასულიერო კორპორაციების სრული თავისუფლების შემოღება, ცენზურის გაძლიერება და საარჩევნო სისტემის რეფორმა, რათა დეპუტატთა პალატის ოპოზიციისათვის ნიადაგი გამოეცალათ, მაგრამ ვილფლმა თავისი პროგრამის შესრულება ვერ მოასწრო. მთავრობის მიერ უკვე მიღებული ზომები, და



კიდევ უფრო, მისი განცხადებები და განზრახული გეგმები საზოგადოებაში ისეთს მტრულს სულიერ განწყობილებას ჰქმნიდა, რომ დებუტატთა პალატაში, სადაც უმრავლესობას მცხოვრებთა შეძლებული ნაწილი შეადკენდა, ძლიერი ოპოზიცია დაიბადა, ხოლო პერების პალატამ, რომლის წევრებიც თვითონ მეფის მიერ იყვნენ დანიშნულნი, მინისტრს აშკარა ბრძოლა გამოუცხადა. ვილელმა იმდენი მოახერხა, რომ კარლოს X-ეს პერების პალატაში ერთბაშად 76 ახალი წევრი დაანიშნინა, რომელნიც მას უქერდნენ მხარს, ხოლო დებუტატთა პალატა სრულიად დაათხოვნინა. უკანასკნელი არჩევნები მთავრობის სრული დამარცხებით დამთავრდა. საფრანგეთის საზოგადოების შეძლებული ნაწილი რეაქციონურ პოლიტიკის წინააღმდეგ წავიდა, და მთავრობა იძულებული შეიქმნა, ასეთი პოლიტიკა დროებით მაინც შეეჩერებია. ახალი სამინისტრო **ზომიერი ლიბერალებისაგან** შესდგა. **მარტიანი** ის სამინისტრომ პალატებს წარუდგინა ადგილობრივი მართველობის რეფორმების პროექტი, რომლის მიზნსაც გადაქარბებული ცენტრალიზაციის მოსპობა და ყველა ადგილობრივი საქმეების პარიზის კანცელარიაზე დამოკიდებულების გაუქმება შეადგენდა. განზრახული ჰქონდათ დეპარტამენტებში და სხვა ადმინისტრაციულ ერთეულებში არჩეულ საბჭოებისთვის საკმაო გავლენა მიენიჭებიათ, მაგრამ პალატის ლიბერალურმა უმრავლესობამ ამ რეფორმების გაფართოვება მოისურვა, რამაც მეფე გააბრაშა. მან ოპოზიციის მოსპობა გადასწყვიტა და მინისტრ-პრეზიდენტად უკიდურესი რეაქციის წარმომადგენელი, თავადი **პოლინიაკი** დანიშნა.

### ივლისის რევოლუცია.

1830 წ. ივლისში მეფემ პალატების დაუკითხავად, **ხუთი ბრძანება** (ორდონანსი) გამოსცა, რომლითაც საარჩევნო სისტემა იცვლებოდა და წიგნებისა და განსაკუთრებით გაზეთების გამოცემის წინააღმდეგ სასტიკი ცენზურა მყარდებოდა. „ორ-



დონანსებს“ პირველად ჟურნალისტები წინააღმდეგენ, შემდეგ მათ პარიზის ბურჟუაზიაც მიემხრო, დაბოლოს მუშებიც ამოძრავდენ; ამგვარად ხიდი მეფესა და საზოგადოებას შორის ჩატყდა. მთავრობამ ჯარი დარაზმა და სათაკეში მას მარმონი ჩაუყენა. მაგრამ ჯარში ბევრი ახალ მოძრაობას თანაუგრძნობდა. დაიწყო ბრძოლა, რომელმაც ორი დღის განმავლობაში გამოაშკარავა, რომ ძალა რევოლუციონერთა მხარეზე იყო. ჯარმა სან-კლუსკენ დაიხია, სადაც იმ ჟამად კარლოს X იმყოფებოდა, და მეფეც იძულებული შეიქმნა, დათმობის გზას დასდგომოდა, მაგრამ გვიანდა იყო; ვერც ორდონანსების უკან წაღებამ დააწყნარა საზოგადოება და ვერც პოლინიაკის გადაყენებამ; მონარქიის მორჩილება აღარავის არ უნდოდა. რევოლუციის მთავარ ძალად ბურჟუაზია ითვლებოდა, და კარლოსის ბედიც მის ხელთ იყო. რესპუბლიკის შენობების ბურჟუაზიას ეშინოდა, რადგანაც იცოდა, რომ ამას მდამიო ხალხის მხრივ სოციალური ხასიათის მოთხოვნილებათა წამოყენება მოჰყვებოდა. ამიტომ მან ისევ მონარქია არჩია და მეფედ ორლენელი ჰერცოგი, ლიუდოვიკ-ფილიპე მოიწვია. ამ პირობებში მჩრეული მეფე, რა თქმა უნდა, ვერც აბსოლუტიზმე და ვერც რეაქციასზე ვერ იფიქრებდა. ლიუდოვიკ ფილიპე დასთანხმდა და დეპუტატებთან ერთად ჯერ ისევ ბარიკადებითა და ხალხით დაფარულ პარიზის ქუჩებში ეტლით გაიარა; რატუშაში მას მოხუცი ლაფაიეტი შეხვდა, რომელიც კვლავ გვარდიის უფროსად იქმნა დანიშნული, და ახალი საფრანგეთის სიმბოლო, სამ-ფერიანი დროშა გადასცა. დიდძალი ხალხი, რომელსაც აქამდე თითქმის მტრულად ეჭირა თავი, აღტაცებით მიეგება თავის ახალ ხელმწიფეს. ამ სცენის შემდეგ ლიუდოვიკ ფილიპეს მეფედ გამოცხადებას წინ აღარაფერი ელოებოდა, და 1830 წლის აგვისტოს დასაწყისში იგი მეფედ იქმნა გამოცხადებული.



## ივლისის რევოლუციას კავლება.

### ბელგიის განთავისუფლება.

დიდი რევოლიუციის არ იყოს, ივლისის რევოლიუციაც ნიშანი შეიქმნა ევროპის სხვადასხვა კუთხეებში რევოლუციონური მოძრაობის დაწყებისათვის. იტალიაში, პოლონეთში და ბელგიაში, ყველგან დიდი მოძრაობა დაიწყო. მაგრამ წარმატებით მხოლოდ ბელგიის განთავისუფლებელი მოძრაობა დასრულდა. ვენის კონგრესის გადაწყვეტილების მიხედვით, ბელგია და პოლონდია ერთს სახელმწიფოებრივ ორგანიზმში გაერთიანდა, მაგრამ გაერთიანება, რადგანაც იგი ახალი დროის ეროვნულ-პოლიტიკურ მისწრაფებათ ეწინააღმდეგებოდა, დიდხანს ვერ გასტანდა. ეს იყო მიზეზი, რომ ივლისის რევოლიუციას უწინარეს ყოვლისა ბელგიის განთავისუფლებელი მოძრაობა მოჰყვა თან, და ევროპის სახელმწიფოანი იძულებულნი შეიქმნენ, ბელგია ხელახლა დამოუკიდებელ სახელმწიფოდ ეცნოთ და მისი ნეიტრალიტეტი ელიარებიათ.

### ინგლისი

სულ სხვა გზას დაადგა ინგლისი. იგი ძველს ნაცად რევოლიუციის გზას დაენდო, რომელსაც იგი ნაპოლეონისა და საფრანგეთის საწინააღმდეგო ომებმა დააშორეს, მაშინ გარეშე შემოსევის ხიფათს გრძნობდენ და ამიტომ პიტის ხელმძღვანელობით თავისი გავლენის უზრუნველსაყოფად ევროპის სახელმწიფოთა რეაქციის პოლიტიკას მიემხრენ. მაგრამ ახლა, როდესაც გარეშე ხიფათის საშიშროების სრული ლიკვიდაცია მოხდა, ინგლისელებმა ცხადად დაინახეს, რომ ამიერიდან იგი-ნი ძველს საკუთარ გზას უნდა დაბრუნებოდენ. ტორების პარტიაში, რომელსაც პიტიდან დაწყებული პარლამენტში უმრავლესობა ემხრობოდა, განხეთქილებამ იჩინა თავი; ბრწყინვალე კანინგჰამი, საგარეო საქმეების მინისტრმა, ინგლისის საგარეო პოლიტიკას ახალი მიმართულება მისცა: მან თავისი



თავი ლიბერალიზმის მფარველად გამოაცხადა და დიდი დანხარებაც აღმოუჩინა პრაქტიკულად ისპანიის ახალშეყებისა და საბერძნეთის განმათავისუფლებელ მოძრაობას. ამავე დროს მისმა მეგობარმა გესკისონმა ინგლისის სავაჭრო პოლიტიკაში ახალი ხანა შეჰქმნა: მან ალებ-მიცემობის თავისუფლება გამოაცხადა, და რამდენიმე სახელმწიფოსთან ხელშეკრულებაც დასდო, რომლის მიხედვითაც უნდა გაუქმებულიყო ის საბაჟო სისტემა, რომელიც უცხოეთთან საქონლის გაცვლა-გამოცვლას აფერხებდა. ძალზე განვითარებულმა ინგლისის მრეწველობამ ახალი ბაზრები მოიპოვა, და სახელმწიფოს კეთილდღეობაც აჩქარებული ტემპით წავიდა წინ.

**კათოლიკების უფლებების აღდგენა და ირლანდიის საკითხი.**

მაგრამ ეს მხოლოდ კერძო ხასიათის რეფორმები იყო, რომელთაც ისე დიდი მნიშვნელობა არ ჰქონდათ. საჭირო იყო უფრო დრმა მნიშვნელობის რეფორმები, რომელთა საქარობასაც დიდი ხანია ინგლისში გრძნობდენ და რომელნიც პოლიტიკურ წესწყობილებას ეხებოდენ. ამათ შორის განსაკუთრებით ორი რამ არის აღსანიშნავი: კათოლიკების უფლებრივი შეზღუდვა და უვარგისი საარჩევნო სისტემა. ეს ანაქრონიზმები უთუოდ უნდა მოსპობილიყვნენ.

ბრძოლა კათოლიციზმის წინააღმდეგ ინგლისის მთელს ახალ ისტორიაში წითელი ზოლივით არის გატარებული: იგი ჰენრიხ VIII-ს სეკულიარიზაციით დაიწყო; ელისაბედის დროს თვით ინგლისის დამოუკიდებლობაცკი ხიფათში ჩააყენა, ვინაიდან ფილიპე II-ს „არამდა“ არა მარტო პროტესტანტიზმის, არამედ თვით ინგლისის სახელმწიფოებრივობის წინააღმდეგ იყო მიმართული. „თოფის წამლის“ შეთქმულება კათოლიკეებისა იაკობ I დროს კინალამ კატასტროფით გათავდა. კარლოს II-მ კერძოდ კათოლიციზმის ზეგავლენით ულალატა ნაციონალურ პოლიტიკას; კათოლიციზმის გულისთვის



იაკობ II მზად იყო ქვეყნის კანონები დაემხო; და ბოლოს, ინგლისელები მთელი 300 წლის განმავლობაში იმის ცდაში იყვნენ, რომ ირლანდიის კათოლიკე უმრავლესობა პროტესტანტ უმცირესობისათვის დაემორჩილებიათ, და ამ ნიადაგზე ხშირად სისხლის ღვრა ხდებოდა, რომლის დროსაც ორივე მხარე თითქმის ერთმანეთის სრულ გაუღეტას ლამობდა. ამიტომ ბუნებრივი იყო, რომ ინგლისელების აზროვნებაში კათოლიციზმისადმი მძულვარებამ ღრმა ფესვები გაიდგა, ხოლო კანონმდებლობაში კათოლიკების პოლიტიკური უფლებების შეზღუდვის სახით ნაქა თავისი გამოხატულობა. ტესტ-აქტის ძალით, კათოლიკები მოკლებულნი იყვნენ როგორც სახელმწიფო სამსახურში შესვლის, ისე ადგილობრივ თვითმართველობასა და საპარლამენტო არჩევნებში მონაწილეობის უფლებებს. XIX საუკუნეში ასეთს მდგომარეობას აღარავითარი პოლიტიკური მოსაზრება ღარ ამართლებდა. ლაპარაკი კათოლიკების სახელმწიფო ლალატის შესახებ უკვე ანაქრონიზმი იყო, და ამას გარდა ექვსი მილიონი მოქალაქის უფლებრივი მდგომარეობის შეზღუდვა ისე მძაფრად ეწინააღმდეგებოდა ინგლისელთა თანაწორუფლებიანობისადმი მიწრაფებას, რომ ყველასათვის უდავო ქეშმარიტებას შეადგენდა კათოლიკების უფლებრივი მდგომარეობის გაუმჯობესების საჭიროება. განსაკუთრებით ირლანდიელებისათვის ჰქონდა დიდი მნიშვნელობა საკითხს კათოლიკების ანგლიკანელებთან გათანაწორების შესახებ, რადგანაც ირლანდიის მცხოვრებთა ოთხი მეხუთედი მაინც კათოლიკობას აღიარებდა.

აგიტაციას ძველი კელტების ბელადების შთამომავალი, ოკონელი ჩაუდგა სათავეში; იგი, მკერმეტყველი და მხურვალე პატრიოტი, მალე ირლანდიელთა კერპად გარდაიქცა. მიუხედავად იმისა, რომ ოკონელი კათოლიკე იყო და პარლამენტის წევრობის უფლება არ ჰქონდა, იგი მაინც დეპუტატად იქმნა არჩეული. შედეგი ის იყო, რომ 1829 წ. ლონდონის პარლამენტმა, ჰერცოგ უილინგტონის წინადადებით, კათოლიკეთა





უკლებრივი გათანასწოების ბილი მიიღო. მაგრამ ოკონელი ამან არ დააკმაყოფილა, ვინაიდან ირლანდიის წადილი სრული განთავისუფლება იყო, და ოკონელმა თავისი მოღვაწეობა პარლამენტშიც განაგრძო. ინგლისელები იძულებულნი შეიქმნენ, ირლანდიელების საწინააღმდეგოდ მკაცრი ზომები მიეღოთ. ამან გასჭრა, და ირლანდიის საკითხი დროებით გადადებულ იქნა.

### პარლამენტის რეფორმა.

მეორე მორიგ საკითხს პარლამენტის რეფორმა შეადგენდა, ე. ი. საარჩევნო სისტემის იმგვარად შეცვლა, რომ იგი სხვადასხვა ადგილის მცხოვრებთა რაოდენობასა და სახელმწიფოებრივ მნიშვნელობასთან ყოფილიყო მეთანხმებული.

რეფორმის მომხრეების გამოანგარიშებით, ე. წ. „დამპალი დაბებისა“ და დაძველებული საარჩევნო სისტემის წყალობით თემთა პალატის 657 დეპუტატში თავისუფლად არჩეულად მხოლოდ 170 ჩაითვლებოდა. ამგვარი სისტემის ყოვლად უვარგისობის მიუხედავად ტორებს მისი უარყოფა მაინც არ სურდათ, და კანონპროექტს მხოლოდ 1831 წლის არჩევნებამ შემდეგ მიეცა მსვლელობა, როდესაც უმრავლესობა ვიგებს ჰხვდათ წილად, და ლორდ გრეის საპინისტრო შესდგა. მის შემდეგაც კი, როცა ძირა პალატამ საარჩევნო სისტემის რეფორმა მიიღო, ლორდების პალატამ, სადაც დიდ უმრავლესობას ტორები შეადგენდენ, ორჯერ უარჰყო იგი. ეს გარემოება ძალზე აღელვებდა მცხოვრებთ; მეფესა და ლორდებს შეურაცყოფას აყენებდენ ქუჩაში და საზოგადოებაში, ჰაერში უკვე აჯანყების სუნი ტრიალებდა. ბოლოს მეფე იძულებული შეიქმნა, განსაკუთრებული ზომები მიეღო, და გრეისთან შეთანხმებით გადასწყვიტა, ლორდთა პალატაში, ახალი პერების დანიშვნის საშუალებით, ხელოვნური უმრავლესობა შეექმნა და ამ გზით კანონპროექტი მიეღებინებინა. როდესაც ეს ტორის პარტიის ლორდებმა გაიგეს, არჩიეს დათმობის გზას დასდგომოდნენ და კანონპროექტის განხილვის

დროს სხდომას არ დაესწრენ; ამგვარად ბილლი მიღებულ იქმნა. იგი ორს მთავარ ცვლილებას შეიცავდა. პირველი ცვლილება შეეხებოდა ამა თუ იმ ადგილის საარჩევნო უფლებას: დებუტატების არჩევის უფლება სრულიად ჩამოერთვა იმ დაბებს, რომლის მიკზოვრებთა საერთო რიცხვიც 2000 არ აღემატებოდა, ხოლო, თუ 2000 ცოტა მაინც აღემატებოდა, ორის მაგიერ ერთ დებუტატს ირჩევდა; 21 ახალს ქალაქს დებუტატების არჩევის უფლება მიენიჭა. მეორე ცვლილება მიმართული იყო ცენზის საკითხის მოწესრიგებისაკენ: საარჩევნო უფლება მიეცა უძრავმოძრავი ქონების მესპატრონეებს, რომელთა წლიური შემოსავალიც 10 გირვანქა სტერლინგზე ნაკლები არ იყო, და აგრედვე იმ მოიჯარადრეთაც, რომლებიც 10 გირვანქაზე ნაკლებს არ იხდიდენ. რეფორმის შედეგი მალე გამოაშკარავდა: თუ 1832 წელს ამომრჩეველთა საერთო რიცხვი 400,000 არ აღემატებოდა, რეფორმის შემდეგ ეს რიცხვი ერთი ორად გაიზარდა.

### ჩარტიზმი.

მართალია, რეფორმამ პარლამენტის მუშაობა გააცხივებლა, რომელმაც ახალი სასარგებლო კანონების მთელი რიგი შეიმუშავა (1833 ახალშენებში მოსპობილ იქმნა მონობა), მაგრამ დაბალი კლასები მაინც უკმაყოფილონი იყვნენ. იგინი ნათლად ხედავდენ, რომ პარლამენტში მხოლოდ მოქალაქეთა დიდ უმცირესობას ჰყავდა წარმომადგენელნი და საარჩევნო სისტემა ხელახლა უნდა გადასინჯულიყო. 1838 წლის კრიზისმა უკმაყოფილოთა რიცხვი კიდევ უფრო გაზარდა, და აგიტაციამ ფართო ხასიათი მიიღო. საზოგადოების უკმაყოფილო ელემენტების მოთხოვნებიანი ე. წ. „სახალხო ქარტიაში“ (charter ჩარტერ) ჩამოყალიბდენ, რომლის მომხრეთაც „ჩარტისტები“ ეწოდათ. იგინი მოითხოვდენ საყოველთაო და საიდუმლო საარჩევნო უფლებას, პარლამენტის ყოველწლიურ განახლებას, თემთა პალატის წევრებისათვის ჯამაგირის დანიშვნას. მთავარ



პეტროსიანე, რომელიც პარლამენტს წარედგინა, 1.500,000 კაცს ჰქონდა ხელი მოწერილი. მაგრამ პალატებმა არ დაუთმეს. და მოძრაობაც დროებით შეჩერდა.

ამის მიუხედავად, ჩარტიზმს მაინც საგრძნობი შედეგები მოჰყვა თან. საქმე ის არის, რომ ინგლისის პოლიტიკის ხელმძღვანელნი იძულებულნი შეიქმნენ, ჩარტიზტების კრიტიკისათვის ანგარიში გაეწიათ. მათ დაინახეს, რომ დეპუტატთა უმრავლესობა მართლა ისეთ პოლიტიკას აწარმოებდა, რომელიც მიწის მფლობელთა ინტერესებს უფრო მეტ ანგარიშს უწევდა, ვიდრე ხალხისას, მაგალ. დიდ აღელვებას იწვევდა საზოგადოებაში ე. წ. „პურის კანონები“, რომლის მიხედვითაც უცხოეთის პურს ინგლისში დიდი ბაჟები ჰქონდა დადებული; ეს საშვალეობას აძლევდა მიწის მფლობელთ, უცხოეთის კონკურენცია თავიდან აეცილებიათ და პური მუდამ მაღალ ფასებში გაეყიდათ; ხოლო ხალხისთვის ეს, ყოველ შემთხვევაში, საზიანო იყო, და ამიტომაც მანჩესტერელი მექარხნის, კობდენის მიერ დაარსებულს „პურის კანონების საწინააღმდეგო კავშირს“ მრავალი თანამგრძნობი გაუჩნდა. შეუძლებელი იყო, გონიერ მთავრობას ამისთვის ანგარიში არ გაეწია, და 1846 წელს ტორების კაბინეტის თავმჯდომარემ, რობერტ პილმა პარლამენტში პურის კანონების გაუქმების ბილი გაიყვანა.

### ს ა ფ რ ა ნ კ ე თ ი .

#### ინგლისის მონარქია.

იმ დროს, როდესაც ინგლისის პოლიტიკური ცხოვრება მშვიდობიანისა და კანონიერის გზით ვითარდებოდა, საფრანგეთის სახელმწიფოებრივი ცხოვრება ვერ იქმნა და განვითარების კანონიერ კალაპოტში ვერ ჩადგა: პოლიტიკური პარტიები და კლასები ვერ შეთანხმდნენ და სახელმწიფო შენებისათვის საერთო ნიადაგი ვერ გამოიხატეს.

ინგლისის რევოლიუცია ორმა ძალამ მოახდინა: ბურჟუაზიამ, რომელიც პოლიტიკურ ბატონობას ეძებდა, და მუშათა



კლასმა, რომელიც რევოლუციისაგან თავისი მდგომარეობის ძირითად გაუმჯობესებას მოელოდა; მაგრამ რაკი რევოლუციის ხელმძღვანელობა ბურჟუაზიის ხელში იყო, ამიტომ ამ უკანასკნელმა იგი თავისი მიზნებისათვის გამოიყენა. უკვე ის გარემოება, რომ უპირატესობა კონსტიტუციონურ მონარქიას მიეკუთვნა, იმის ნიშანი იყო, რომ დაბალი კლასის მდგომარეობის საფუძვლიანად შეცვლა, მისი ინტერესების დაცვა და ხალხის უადრესუფლებიანობის გამოცხადება არავის არ უნდოდა. ივლისის მონარქიის კონსტიტუციის საფუძვლად იგივე ლუდოვიკ XVIII-ეს ქართია დარჩა, რომელიც, მართალია, ცოტაოდნად შეიცვალა და ლიბერალური ხასიათი მიიღო: მაგ., პალატის წევრებს საკონონდებლო ინიციატივის უფლება მიენიჭათ, რესტავრაციის დროს კი ამგვარი უფლება მხოლოდ მთავრობას ეკუთვნოდა, და ყოველგვარი ფინანსური საკითხი, ინგლისის მსგავსად, ეხლა ქვედა პალატაში უნდა გარჩეულიყო... მაგრამ ხარტიის მთავარი იდეა, რომელიც პოლიტიკურ უფლებათ მხოლოდ მაღალ კლასებს ანიჭებდა, მაინც ძალაში დარჩა. ცვლილება ამ მხრივ იმაში გამოიხატებოდა, რომ „მაღალი კლასების“ ცნება იმდენად გაფართოვებულ იქნა, რომ იგი საშვალო ბურჟუაზიასაც შეიცავდა: საარჩევნო ცენზი 300-დან 200 ფრანკამდე იქმნა ჩავოყვანილი, ხოლო სადებუტატო— 1000-იდან 500-ამდე. ცენზის შემცირების გამო ამომრჩეველთა რიცხვი 80000-დან 200000 ავიდა; წინანდელი 8000 მაგიერ ეხლა 24000-ს ჰქონდა დებუტატად არჩევის უფლება.

ამის შემდეგ საფრანგეთის პოლიტიკური ცხოვრება თითქოს კანონიერ კალაპოტში ჩაღვდა, და პარტაული და პარლამენტალური მუშაობა კანონით განსაზღვრულ საზღვრებში გაჩაღდა. გაჩნდნენ ახალი ბელადებიც, რომელთა შორისაც განსაკუთრებით თვალსაჩინონი იყვნენ: სასტიკი და მედიდური გიზო და მოძრავი და პატივმოყვარე ტიერი. მაგრამ საფრანგეთის მმართველი კლასები არ ჰგავდნენ ინგლისის პოლიტიკოსებს. იმ დროს, როდესაც უკანასკნელნი დიდ ანგარიშს უწევდნენ მასის ინტერე-



სებს, საფრანგეთის გაბტონებული წრეები ფართო მასის ძალა-  
სა და მოთხოვნებს სათანადო ყურადღებას არ აქცევდნენ;  
მმართველი ბურჟუაზია იარაღით სცდილობდა სახალხო მოძ-  
რაობის ჩაქრობას; პარიზში, ლიონში და სხვა ადგილებში არა  
ერთხელ უფეთქია მრისხანე აჯანყებებს; მთავრობას შეტაკება  
უხდებოდა გამოცდილს, დახელოვნებულ რევოლიუციონერე-  
ბთან, რომელთა წრეშიც გარკვეულმა სოციალისტურმა მოძ-  
რაობამ იჩინა თავი: **სენ-სიმონის** მიმდევრები ქრისტიანობის  
ასკეტური ზნეობის წინააღმდეგ ილაშქრებდნენ და მემკვიდ-  
რეობის უფლების სრულ მოსპობას ჰქადაგებდნენ. **ფურიეს**  
განზრახვით, საზოგადოება „ფალანგებად“ უნდა დაყოფილიყო  
და თითოეულს მათგანში 2000 კაცი შესულიყო; ფალანგის  
წევრებს კოლექტიური შრომა ევალებოდათ, და თითოეულს  
მათგანს საერთო ნაწარმოების განსაღვრული ნაწილი უნდა  
მისცემოდა. **ლუიბლანი** უფრო მკირვდით კმაყოფილდებოდა:  
ის მოითხოვდა, რომ სახელმწიფოს **ნაციონალური სახელოს-  
ნოები მოეწყო**, სადაც მუშა სამუშაოს იშოვიდა და შესაფერ  
სასყიდელსაც მიიღებდა. მაგრამ მთავრობას დიდი იმედი ჰქონ-  
და ჯარის, ნაციონალური გვარდიისა და პოლიციის და ამიტომ  
ამ მოვლენებს დიდს ყურადღებას არ აქცევდა: 1848 წლის  
დამდეგს გიზო დარწმუნებული იყო, თითქოს ივლისის მონარ-  
ქია არას დროს ისე მტკიცე არ ყოფილიყო, როგორც მა-  
შინ იყო, და როდესაც ერთი დეპუტატთაგანი, ისტორიკოსი  
**ტოკვილი**, პალატას მოსალოდნელის სახალხო მოძრაობის წი-  
ნაზე აფრთხილებდა, მას სიცილით შეჰხვდნენ, როგორც მეოც-  
ნებს, რომელსაც პრაქტიკული ცხოვრების არა გაეგებოდა რა.

ივლისის მონარქიის უბედურება იმაში მდგომარეობდა,  
რომ მან მრავალი მტერი შეიძინა, ხოლო მეგობრების უმრავ-  
ლესობა თანდათანობით დაჰკარგა. ბურჟუაზიამაც კი, რომ-  
მელთანაც ის მჭიდროდ იყო დაკავშირებული, გულგრილად  
და ზიზლითაც დაუწყო მას ცქერა. ლიუდოვიკ ფილიპემ და  
მისმა ახლობლებმა ვერც მდაბიო ხალხთან დაახლოვება და



მისი გულის მოგებასა შესძლეს და ვერც რაიმე თვალსაჩინო  
 ღვაწლით ისახელეს თავი: საგარეო პოლიტიკაც ისევე უხეი-  
 რო იყო. როგორც შენაუო. ტიერს კარგად ესმოდა, რომ ფრან-  
 გების პატივმოყვარეობისათვის უფრო გაბედული პოლიტიკის  
 წარმოება იყო საჭირო სხვა სახელმწიფოებთან დამოკიდებულებ-  
 ბაში, მაგრამ ფრთხილი მეფე მის რჩევას უყურადღებოდ სტო-  
 ვებდა. ალჟირის დაპყრობა, რომელიც ჯერ კიდევ კარლოს  
 X-ეს ღროს დაიწყო, ძვირად დაუჯდა ჯარს, და ვერც ფრან-  
 გების პატივმოყვარეობას აკმაყოფილებდა. ამგვარად, თვით  
 ბურჟუაზიის წრეებში გაიზარდა უფრო ღრმა, ფართო და გა-  
 ბედული პოლიტიკის წარმოების მოთხოვნილება, გაძლიერდა  
 და გავრცელდა მტრული განწყობილება პარლამენტში წარმოე-  
 ბულის უნაყოფო ბრძოლისა და კომბინაციებისადმი, რომელიც  
 არაფერს სერიოზულს არ იძლეოდა არც შინაურ მართვე-  
 ლობაში და არც საგარეო პოლიტიკაში.

**თებერვლის რევოლუცია.**

თვით ბურჟუაზიის წრეში, პარლამენტის ოპოზიციის ჯგუ-  
 ფებში დაიწყო მოძრაობა, რომელსაც მიზნად საარჩევნო უფ-  
 ლების გაფართოება ჰქონდა დასახული; მაგრამ, რადგანაც  
 პალატების იმედი არ იყო, ამიტომ მოძრაობის მეთაურებმა,  
 ინგლისის მსგავსად, აგიტაცია თვით ხალხში გადაიტანეს. ოპო-  
 ზიციის ბელადები საფრანგეთის სხვადასხვა ადგილას ხელის  
 მოწერით ბანკეტებს აწყობდნენ, რომლებზეც საარჩევნო უფ-  
 ლების გაფართოების თემაზე სიტყვებს ამბობდნენ. საზოგადოება  
 უამისოდაც აღელვებული იყო, და როდესაც აგიტაცია და-  
 იწყო, ფრანგების ცხარე ტემპერამენტმა თავისი გაიტანა და  
 მთავრობას აშკარა ბრძოლა გამოუცხადეს; მთავრობამ თავის მხრივ  
 საწინააღმდეგო ზომებს მიმართა: აკრძალა სახალხო პროცე-  
 სია, რომლის გამართვასაც პარიზში ერთი დიდი ბანკეტის გა-  
 მო 22 თებერვალს აპირებდნენ. ბანკეტის მომწყობებმა განაცხა-  
 დეს, რომ ისინი სამართალში მისცემდნენ სამინისტროს ამ უკა-



ნონო მოქმედებისათვის, ხოლო მუშები ქუჩებში ბარიკადების კეთებას შეუდგენ. მეორე დღეს მეფემ გაიგო, რომ ნაციონალური გვარდია, მისდა სამწუხაროდ, მოძრაობას თანაუგრძობდა: ადლუმის დროს, რომელიც მეფემ გვარდიას გაუმართა, რამოდენიმე ბატალიონი მას „გაუმარჯოს რეფორმას“ ძახილით შეხვდა. სალამოს საქმე უკვე გამწვავდა; ჯარსა და ხალხს შორის შეტაკება მოხდა, რომლის დროსაც ჯარმა რამდენიმე კაცი დასჭრა; ამან კიდევ უფრო გააბრაზა უამისოდაც ბრძოლის გუნებაზე დამდგარი დემოკრატია. მაგრამ ბრძოლა უკიდურესობამდე არ განვითარებულა: რაკი არსებულ წესწყობილებას ნაციონალური გვარდიაც ე. ი. ბურჟუაზიაც გადაუდგა, მეფისთვის ცხადი შეიქმნა, რომ ბრძოლის გაგრძელება უახრობა იქმნებოდა და ამიტომ მან ჯერ ოპოზიციის სამინისტრო დანიშნა და შემდეგ ტახტიდანაც გადადგა.

დეპუტატების პალატა ხალხით აივსო; მან დროებითი მთავრობის არჩევა და ახალი სახელმწიფოებრივი წესწყობილების შესამუშავებლად ნაციონალური კონვენტის მოწვევა მოითხოვა. კონვენტი მართლაც მოწვეულ იქმნა, და მანაც საფრანგეთი ერთხმად რესპუბლიკად გამოაცხადა.

### თებერვლის რევოლუცია და ევროპა: გერმანიის კავშირი და ფრანკფურტის პარლამენტი.

1848 წ. საფრანგეთში მომხდარმა რევოლუციამ ევროპის სხვა სახელმწიფოებზე, თოფის წამლის საწყობში გადასროლილი ნაპერწკალივით იმოქმედა. ნიადაგი ყველგან მზად იყო, და რევოლუციონური მოძრაობის დასაწყებად სიგნალის ჩვენებალა იყო საჭირო; თებერვლის რევოლუციამ სწორედ ამგვარი სიგნალის როლი შეასრულა.

გერმანიის საზოგადოების გულისთქმა ყველაზე ადრე სამხრეთ-დასავლეთის სახელმწიფოებში გამოძვლავნდა, სადაც კონსტიტუციონური მართვა-გამგეობა არსებობდა. მოძრაობას განათლებული ბიურგერები ხელმძღვანელობდნენ და ბეკლვისა



და პოლიტიკური კრებების თავისუფლებას, ნაფიც მსაჯულთა ინსტიტუტისა და საფრანგეთის ნაციონალური გვარდიის მსგავს სახალხო ჯარის დაარსებას მოითხოვდნენ. გარდა ამისა ყველა იმ აზრით იყო გამსჭვალული, რომ უქნეო გერმანული კავშირი უნდა მოსპობილიყო და მის ნაცვლად ერთი მთლიანი გერმანიის სახელმწიფო შექმნილიყო. ამ მოძრაობის გვერდით მეორე, უფრო რადიკალური მოძრაობაც არსებობდა, რომლის მიზანსაც რესპუბლიკა და ხალხის ბატონობა შეადგენდა; მაგრამ იგი არ იყო ძლიერი, და მისი მომხრეების აჯანყება ბაღენში ადვილად იქნა ჩაქრობილი. სამაგიეროდ, ნაციონალურ-ლიბერალური მიმართულება შეუჩერებლივ ვრცელდებოდა.

**ფრანკფურტში წმ. პავლეს ეკლესიაში გამოჩენილმა ლიბერალებმა** მოიყარეს თავი, შექქმნეს ე. წ. „ფორპარლამენტი“ და მოითხოვეს, რომ მთავრობებს იქ გერმანიის ახალი სახელმწიფოებრივი წესწყობილების დასამყარებლად საყოველთაო ხმის მიცემით არჩეული დეპუტატები გაეგზავნათ. მთავრობები უბრძოლველად დამორჩილდნენ. 1848 წ. მაისში **ფრანკფურტის დამფუძნებელი პარლამენტი** გაიხსნა, სადაც გერმანიის ბიურგერების საუკეთესო წარმომადგენლები—პროფესორები, მასწავლებლები და იურისტები—შეაკრიბნენ. გერმანიის გაერთიანებისა და განთავისუფლების დიადი საქმე შესრულდა, რასაც ხელს უწყობდა ხალხის გამოღვიძებული თვითშეგნება და პატრიოტული გატაცება; ახალი წესწყობალების დეტალები და დარჩა გამოსამუშავებელი.

**რევოლუცია ავსტრიაში.**

ნაციონალისტებისა და ლიბერალების ასეთი სწრაფი გამარჯვება მით აიხსნება, რომ კავშირის უმთავრეს სახელმწიფოებში უფრო რთული ხასიათის რევოლუციონერი მოძრაობა არსებობდა, ვიდრე დანარჩენებში. ავსტრიაში ბურჟუაზიულ რევოლუციონურ მოძრაობასთან ერთად ანგარიშგასაწევი იყო აგრედვე ნაციონალური მოძრაობაც. მის მაგიერ, რომ



გაერთიანების სასარგებლოდ ემუშავნათ, ავსტრიაში, პირიქით კერძო ეროვნებები განცალკევებისაკენ მისწრაფოდნენ: ვენის მთავრობა ყველა ეროვნებას ეზიზღებოდა, მაგრამ არც ერთმანეთი უყვარდათ; ავსტრიის მრავალ საუკუნოებრივმა ისტორიამ ვერ შესძლო ერთი ერისა და ძლიერი სახელმწიფოებრივი კავშირის შექმნა: ავსტრიის ქვეშევრდომების იდეალები წმ. სტეფანეს, წმ. ვენცესლავისა და იაგელონების გვირგვინებთან, იტალიის, ხორვატიისა და სერბიის დამოუკიდებლობასთან იყვნენ დაკავშირებული; ამიტომაც იყო, რომ უნგრები, იტალიელები, ჩეხები, ხორვატები, სლოვენები, პოლონელები და რუსები—ყველა გარედ გაიყურებოდა, ყველა თავისი დამოუკიდებელის ეროვნული ცხოვრების გაჩაღებას ესწრაფოდა.

ასეთ დროს მეტერნიხის პოლიციური მთავრობა იმა საცკი არ ცდილობდა, რომ ფეოდალიზმის ნაშთები მოესპო: პოლონელი და უნგრელი აზნაურები კვლავინდებურად ყმების შრომითა და სენიორალული იურისდიქციით სარგებლობდნენ.

ასეთ პირობებში ცხადი იყო, რომ ვენის მთავრობა რევოლუციას ვერ გაუმკლავდებოდა. ამიტომ საკმაო აღმოჩნდა სტუდენტების მრისხანე პეტიციაცკი, რათა ევროპის კანონმდებელს, თავადს მეტერნიხს ავსტრია მიეტოვებია და ინგლისში გადახვეწილიყო, სწორედ იმ ინგლისში, რომელსაც იგი ყოველთვის დაწესებულებებსა და პოლიტიკას უწუნებდა. იმპერატორმა ფერდინანდმა ავსტრიის საერთო კონსტიტუციის შესადგენად დამფუძნებელი კრება მოიწვია. ვენა შეიარაღებული სტუდენტებისა და ბიურგერების ხელში იყო; ბუდაპეშტში მადიარების პატრიოტებმა ვეკილის კოშუტის მეთაურობით ძალაუფლება ხელში ჩაიგდეს და ცალკე სახელმწიფოს მოწყობას შეუდგნენ, ხოლო პრაგაში ჩეხებმა გაიმარჯვეს.

### იტალიაში.

ამ გარემოებით იტალიელებმაც ისარგებლეს, რომლებიც ავსტრიის უღელს ყველაზედ უფრო მწვავედ განიცდიდნენ. იტა-



ლიელთა პატრიოტული მოძრაობა, რომლის დახშობაც ვერ  
 ვითარმა რეპრესიამ ვერ შესძლო, სამი სხვადასხვა გვარი  
 ცენტრიდან გამომდინარეობდა. საიდუმლო საზოგადოებების  
 სათავეში გენუელის, **მაცინის რადიკალური ამხანაგობა** იდგა;  
 მას უკიდურესი რესპუბლიკანური თეორიები ჰქონდა მიზნად  
 დასახული და იტალიაში არსებულ მთავრობასთან ყოველგვარი  
 მორიგებისა და შეთანხმების წინააღმდეგი იყო. ფრთხილად  
 ემზადებოდა ავსტრიელების წინააღმდეგ საბრძოლველად **სარ-  
 დინის მეფე კარლოს ალბერტიც** და **თვალსაჩინო** და კარ-  
 გად განსწავლული არმიის შესადგენად ყოველ ღონეს ხმარობ-  
 და. დასასრულ, მორწმუნე კათოლიკენი მთელ იმედებს ახალს  
 პაპზე, პიუს IX-ზე ამყარებდენ, რომელიც მათ თვალში ევრო-  
 პის ერების ოჯახში იტალიელების პირველობის დიადი იდეის  
 მატარებელი იყო; თავის მხრივ პიუს IX თავის ოლქში ადმინის-  
 ტრაციის გასაუმჯობესებლად ზომები მიიღო და მეზობელ  
 სახელმწიფოებთან იტალიის კონფედერაციის შექმნის შესახებ  
 მოლაპარაკება დაიწყო. ასეთი იყო მდგომარეობა, როდესაც  
 საფრანგეთში თებერვლის რევოლუციამ იფეთქა. ეს ამბავი  
 აბობოქრებულ იტალიას ელვის სისწრაფით მოედო, და დაგუ-  
 ბებულმა უკმაყოფილებამ რევოლუციის სახით გადმოხეთქა.  
 შედეგი ის იყო, რომ ყველგან: ლომბარდიაში, ვენეციაში,  
 შუა იტალიასა, და ნეაპოლში რესპუბლიკანური წესწყობილება  
 გამოცხადდა.

### პრუსიაში.

პრუსიაში ჯერ კიდევ თებერვლის რევოლუციამდე სჩან-  
 და ნიშნები მოსალოდნელი სარევოლუციო მოძრაობის აუ-  
 ცილებლობისა. აღსანიშნავია, რომ რევოლუციონურმა სული-  
 ერმა განწყობილებამ მუშებში იჩინა თავი: კელნში მაგალ. მუ-  
 შათა შორის სოციალისტური იდეები იკიდებდა ფეხს. თვით  
 ბერლინშიც ყველაზე უფრო მუშები ღელავდენ და თებერვ-  
 ლის რევოლუციის ზეგავლენით **ტირგარტენში** დიდს სახალ-

ხო კრებებს მართავდენ, რომლებზეც პროლეტარიატის და-  
მოუკიდებელი მიზნები თანდან ირკვეოდენ. მეფე სერიოზულ  
ანგარიშს არ უწევდა ამ გარემოებას, მაგრამ ამავე დროს მიანც  
საბრძოლოვლად ემზადებოდა. უკიდურესის შეურიგებელი პო-  
ლიტიკის მომხრედ ტახტის მემკვიდრეს, ვილჰელმს თვლი-  
დენ. ნიშნები ისეთი იყო, რომ რევოლუცია უნდა დაწყე-  
ბულიყო. გადამწყვეტი მნიშვნელობა 13 მარტის ყრილობას  
ჰქონდა, რომელმაც განსაკუთრებული „შრომის სამინისტროს“  
დაარსება მოითხოვა; გაზეთებმა ამას „კომუნისტური“ გამო-  
სვლა უწოდეს და, როდესაც ყრილობის შემდეგ ჯარს ყრილო-  
ბის მონაწილეებთან შეტაკება მოუხდათ, ძაფი ხალხსა და მთავ-  
რობას შორის საბოლოოდ გაწყდა. 18 მარტს ბერლინის ქუ-  
ჩებზე ნამდვილი ბრძოლა დაიწყო, რომელმაც 13 საათს გას-  
ტანა და ხალხს გამარჯვება მიანიჭა. მეფემ ჯარი ბერლინიდან  
გაიყვანა და ხალხის სურვილები თავის სურვილებად გამოაცხა-  
და; საჩქაროდ შეადგენია პრუსიისათვის ლიბერალური კონსტი-  
ტუცია და ლიბერალური სამინისტრო დანიშნა, რომელმაც 21  
მარტს ხალხს ამცნო, მეფე ფრიდრიხ ვილჰელმ IV კვლავ  
გერმანიის გაერთიანების საქმეს ჩაუდგა სათავეშიო. მეფის მა-  
ნიფესტრს თანახმად მალე ნაციონალური კრებაც უნდა შე-  
კრებილიყო.

### რეაქცია იტალიაში, ავსტრიაში და გერმანიაში.

ამგვარად რევოლუციამ ყველგან სწრაფი და მოულოდ-  
ნელი წარმატება მოიპოვა; მაგრამ მალე გამოირკვა, რომ რევო-  
ლუციონერები არ იყვნენ მომზადებულნი სააღმშენებლო  
მუშაობისათვის, და ამავე დროს ისტორიულად შექმნილი სახელ-  
მწიფოებრივი ფორმები იმდენ ცხოველყოფელობას კიდევ იჩენ-  
დენ, რომ მათი საბოლოო დაქლევა რამდენიმე დღეში შეუ-  
ძლებელი აღმოჩნდა.

იტალიის პატრიოტების პირველს სანატრელ საქმეს გაერ-  
თიანება შეადგენდა, მაგრამ ამის განხორციელება არც



**ისე ადვილი საქმე იყო.** ნეაპოლიტანელები და ლიელები კუთხოვრივი ინტერესებით იყვნენ გატაცებულნი და ხშირად ერთმანეთს ხელს უშლიდენ; ამით ფერდინანდ II-მ ისარგებლა, აჯანყება ჩააქრო და უკანასკნელის მონაწილეებს სასტიკად გაუსწორდა. სარდინელმა მეფემ რესპუბლიკანელები-საგან დახმარება ვერ მიიღო და იძულებული შეიქმნა, ბრძოლა საკუთარი ძალ-ღონით ეწარმოებია. ლომბარდიაში იგი რამოდენიმეჯერ დამარცხდა და ბოლოს თავისი შვილის, **ვიკტორ-ემანუელის** სასარგებლოდ ტახტზე უარი განაცხადა. თანახმად დადებული ხელშეკრულებისა, ლომბარდია ისევ ავსტრიის ხელში გადავიდა. ვენეცია მთელის ერთი წლის ჭანმავლობაში სარგებლობდა დამოუკიდებლობით, მაგრამ სარდინელების დამარცხების შემდეგ ჯერი მასხედაც მიდგა; მძაფრი წინააღმდეგობის შემდეგ იგი იძულებული შეიქმნა, ავსტრიის ჯარებს დანებებოდა. იტალიის გაერთიანება და განთავისუფლება ამგვარად დაღვრილი სისხლის მიუხედავად კვლავ საოცნებო საგნად დარჩა.

თუმცა გაქირვებით, მაგრამ რეაქციამ ავსტრიაშიაც გაიმარჯვა. ავსტრიის საერთო დამფუძნებელმა კრებამ მართალია რამდენიმე სასარგებლო ზომა მიიღო, მაგალითად, ზოგიერთი ფეოდალური ვალდებულება სრულიად გააუქმა, მაგრამ მის გავლენას ძირშივე სპობდა ის გარემოება, რომ იგი საერთო კონსტიტუციის შექმნას ცდილობდა, მაშინ როდესაც ავსტრიის ერებს გაერთიანების არაფერი სწამდათ და ყველა დამოუკიდებლობისაკენ მიისწრაფოდა. როდესაც ფერდინანდმა ტახტი თავის ძმისწულს, **ფრანც-იოსებს** გადასცა, რეაქციამ ავსტრიაში ენერგიული სახე მიიღო; მინისტრის **შვარცენბერგის** დახმარებით ფრანც იოსებმა რევოლუციის წინააღმდეგ გადაჭრილი ნაბიჯები გადასდგა. ჯერ გენერალ ვინდიშგრაცის მეთაურობით პრაგა იქმნა აღებული, და ამ გზით სლავების ეროვნული კრების იდეა ჩაიფუშა, და შემდეგ **ვენასაც** იგივე ბედი ეწვია.

სამაგიეროდ უნგრები იღვენ მტკიცედ. მათს მიზანს აესტ-  
რიისაგან სრული ჩამოშორება და ყველა იმ სლავების დამორ-  
ჩილება შეადგენდა, რომლებიც ოდესმე უნგრეთის სახელმწი-  
ფოს ექვემდებარებოდნენ. ხოლო თვითონ სლავები სრულგები-  
თაც არ ფიქრობდნენ „საზიზლარი“ მადიარების დამორჩილებას;  
მათ ხორვატების, სერბების და დალმაციელების შეერთება და  
დიდი ხორვატიის სამეფოს შექმნა სწადდათ. ხორვატების ბანი  
ელაშიჩი მთელი ძალღონით ეხმარებოდა იმპერატორს უნგ-  
რების წინააღმდეგ იმ იმედით, რომ ის სამაგიეროს გადაუხდის  
და მას და სამხრეთ სლავების მიწების დამოუკიდებლობას სცნო-  
ბდა. მაგრამ მალე გამოირკვა, რომ იმპერატორი სლავების  
სურვილს არ დააკმაყოფილებდა, და ისინიც ჩამოშორდნენ  
მას. უნგრები კი დიდ სიმამაცეს იჩენდნენ; უნგრელი მოხალისე-  
ები ადვილად ითვისებდნენ სამხედრო ხელოვნებას და კარგ  
მეომრებადაც ხდებოდნენ; მათ რამოდენიმე პოლონელი სარ-  
დალი ხელმძღვანელობდა, და გამარჯვება უნგრელთა მხარეზე  
იყო. 1849 წელს აპრილში დებრეჩინას სეიმმა ჰაბსბურგები  
გადაყენებულად გამოაცხადა და დროებითი მთავრობა აირჩია,  
რომლის თავმჯდომარეობაც გამოცდილსა და ენერგიულ პა-  
ტრიოტს, კოშუტს ჩააბარა.

1849 წ. ვინდიშგრეცი ვენგრიაში შეიქრა; დასაწყისში რამ-  
დენადმე წარმატებაც მოიპოვა, მაგრამ შემდეგ სასტიკად იქმნა და-  
მარცხებული. ამ სასოწარკვეთილების ქაშს ავსტრიას მხსნელად  
რუსეთის იმპერატორი ნიკოლოზ პაფლეს ძე მოევლინა: ის აღშ-  
ფოთებით უცქეროდა ევროპის რევოლიუციებს, ხოლო უნგ-  
რეთის აჯანყება მას რუსეთისათვის პირდაპირ მავნებლად და  
საშიშოდ მიაჩნდა, რადგანაც იქ მონაწილეობას პოლონელე-  
ბი იღებდნენ, და ეს, იმპერატორის აზრით, თვით პოლონეთზე  
იქონიებდა გავლენას. ივნისში რუსეთის ჯარი პასკევიჩის  
მეთაურობით უნგრეთში გადავიდა და უკვე 13 აგვისტოს ვი-  
ლაგოშთან მადიარების მთელი ჯარი დაამარცხა: „უნგრეთი  
თქვენი დიდებულების ფერხთა ქვეშ არისო“, შეუთვალა პას-

კევიჩმა ნიკოლოზ I-ს, ამის შემდეგ უნგრეთი კვლავ ავსტრიას შეუერთდა. „საერთაშორისო ჟანდარმმა“, როგორც ნიკოლოზს უწოდებდნენ, მდიარების თავისუფლება დამარხა.

უნგრეთისა და იტალიის ამბებმა ნება არ მისცეს ავსტრიას, გერმანიის გაერთიანების საქმეში ჩარეულიყო, და გერმანიასაც საშვალეობა მიეცა, დაწყებული საქმე თავისუფლად დაესრულებია. მაგრამ ამ გარემოებით ვერც ფრანკფურტში შეკრებილმა ლიბერალებმა და ვერც პრუსიის მეფემ ვერ ისარგებლეს. საქმეს ერთი მხრივ ის აფერხებდა, რომ ლიბერალური წრეები და მეორე ხარისხოვანი სახელმწიფოს მთავრობანი მტრულად ეპყრობოდნენ პრუსიას, რომელიც გაერთიანების საქმეს სათავეში უნდა ჩადგომოდა, ხოლო თვით პრუსიის მთავრობას იმდენი გამბედაობა ვერ გამოეჩინა, რომ საღვთო კავშირსა და მის პოლიტიკას აშკარად ჩამოშორებოდა და ავსტრიისათვის ბრძოლა გამოეცხადებია. როგორც მოსალოდნელი იყო, გერმანიის ცალკე მთავრობებთან ფრანკფურტის პარლამენტს ცუდი განწყობილება ჰქონდა. ამის მიუხედავად მას მაინც მთელი გერმანიის უმაღლეს დაწესებულებად მოჰქონდა თავი და ხშირად ცალკე მთავრობათა საგარეო პოლიტიკის საქმეშიც კი ერეოდა, თუმცა პრაქტიკულად ასეთი ჩარევა არავითარ შემდეგს არ იძლეოდა.

მას შემდეგ, რაც გერმანიის ხალხის საერთო უფლებების შესახებ შეთანხმება მოხდა, საჭირო იყო საერთო მთავრობის ორგანიზაციაზე ზრუნვისთვის მოეკიდათ ხელი: იმპერატორობა პრუსიის მეფეს ფრიდრიხ ვილჰელმ IV-ს შეაძლავს, მაგრამ მან უარი განაცხადა: ჯერ ერთი მიტომ, რომ მას არ უნდოდა „გვირგვინის მაგიერ რევოლუციის მონის უღელი მიეღო“, მეორე მიტომ რომ რუსეთის იმპერატორი მას რჩევას აძლევდა, იმპერატორობაზე უარი ეთქვა, და მესამე კიდევ მიტომ, რომ როგორც მოსალოდნელი იყო, გერმანიის უმთავრესმა მთავრობებმა — ბავარიის, ჰანოვერის, საქსონიისა და ვიურტემბერგისამ პრუსიის ჰეგემონიის მიღებაზე უარი განაცხადეს,

ხოლო ავსტრია იმთავითვე ფრანკფურტის პარლამენტის კომბინაციის აშკარა მოწინააღმდეგე იყო. ფრიდრიხ ვილჰელმმა ყველა ამ მიზეზის გამო ვერ გადადგა გაბედული ნაბიჯი და გვირგვინის მიღების ნაცვლად სხვა-და-სხვა სახელმწიფოებთან მოლაპარაკება გამართა უნიის შესახებ; ამით იგი ისე აპირებდა გერმანიის გაერთიანებას, რომ არავინ ნაწყენი არ დარჩენილიყო.

**პრუსიის მეფის უარის შემდეგ ფრანკფურტის პარლამენტის მდგომარეობა აუტანელი შეიქმნა.** მის მიერ შედგენილი საიმპერიო კონსტიტუცია ჰაერში დარჩა დაკიდებული. დეპუტატების უმრავლესობამ კრება დასტოვა, ხოლო რადიკალურმა უმცირესობამ სხდომების შტუტგარტში გადატანა სცადა, მაგრამ ერთს მშვენიერს დღეს (ივნისის 18) ვიურტემბერგის მთავრობის ბრძანებით სხდომის დარბაზის კარები დეპუტატებს დაკეტილი დახვდათ. ეს იყო უკანასკნელი დღე ფრანკფურტის პარლამენტისა. ასე დასრულდა გერმანიის ბაჟურგერთა მიერ დაწყებული საქმე გერმანიის გაერთიანებისა.

მაგრამ უკეთესი ბედი არც იმ „უნიას“ მოელოდა, რომელსაც პრუსიის მეფე უქერდა მხარს. ფრანკფურტის იოსებმა, რომელიც რუსეთის დახმარებით უკვე საკმაოდ გამაგრდა, მთელი თავისი ენერგიით პრუსიის გეგმების წინააღმდეგ გაილაშქრა. ამ შემთხვევაში ფრანკფურტის იოსებს კვლავ რუსეთის იმპერატორის დახმარების იმედი ქონდა, ჯერ ერთი მიტომ რომ ნიკოლოზ I საზოგადოდ წინააღმდეგი იყო ყოველგვარი ცვლილებების, და ამას გარდა პრუსიის გაძლიერება სრულიად არ შეეფერებოდა რუსეთის ინტერესებს, რომლისთვისაც ძლიერი მეზობლის გაჩენა არცერთი მხრით ხელსაყრელი არ იქნებოდა. გერმანიის მთავრობის წარმომადგენლების კრებაზე ოლმიუნცში თავადმა შვარცენბერგმა დაჟინებით მოითხოვა, გერმანია ვენის კონგრესის მიერ შექმნილ წესწყობილებას დაბრუნებოდა. ფრიდრიხ ვილჰელმის პლანები ჩაიშალა.

სამაგიეროდ იგი შინაურ პოლიტიკაში შეეცადა კომპენსაციის შექმნას. მას იმთავითვე უთანხმოება ჩამოუფარდა ეროვ-



ვნულ კრებასთან, რომელიც თავის სუვერენობას სცნობდა და ამის შესაფერის კონსტიტუციის შექმნას აპირებდა. ავსტრიაში რეაქციის გამარჯვების ამბებმა ფრიდრიხ ვილჰელმი იმდენად გაათამამეს, რომ 5 დეკემბერს მან ეროვნული კრება დაშლილად გამოაცხადა და სამაგიეროდ ხალხს შეკვეცილი კონსტიტუცია შესთავაზა, რომელიც 1850 წ. 31 იანვარს საბოლოოდ იქმნა მიღებული. მისი დამახასიათებელი თვისებები შემდეგი იყო: გაფართოება მონარქის პრეროგატივებისა, უპასუხისმგებლობა სამინისტროსი ხალხის წარმომადგენელთა წინაშე და სამხარისხოვანი სისტემა საარჩევნო უფლებისა, რომელიც მდიდარი კლასების უპირატესობის სრულ განმტკიცებას საბოლოოდ უზრუნველყოფდა. ეს კონსტიტუცია იმ დროიდან დაწყებული თითქმის უცვლელად დარჩა 1918 წლის რევოლუციის დაწყებამდე.


### საზრახვეთი

თებერვლის რევოლუციის დროს ნათლად გამოიჩინა, რომ მუშათა კლასი თავისი საკუთარი პოლიტიკის გზას ადგებოდა, რომელიც ბურჟუაზიის ინტერესებს არსებითად ეწინააღმდეგებოდა. ამიტომ საკმარისი იყო ივლისის მონარქია დამსხვრეულიყო, რათა ამ წინააღმდეგობას მყის თავი ეჩინა: **სულ სხვა იყო ბურჟუაზიის სულის კვეთება, და სულ სხვას გამოელოდა რევოლიუციიდან მუშათა კლასი.** თუმცა ისიც უნდა ითქვას, რომ მუშათა კლასი, როგორც ასეთი, მხოლოდ ჭლაკებში, განსაკუთრებით კი პარიზში იყო შეკავშირებული, ხოლო გლეხობა მეტ-წილად კონსერვატულად აზროვნობდა და მოქალაქეთა წრეში ჩასახულს სარევოლიუციო მოძრაობას არ თანაუგრძნობდა.

### „ივნისის დღეები“.

კონვენტის მიერ ამორჩეულს აღმასრულებელ კომისიას სათავეში ნიკიერი მკოსანი და ენამქვერი ორატორი, **ლამარტინი** ჩაუდგა. ლიბერალიზმისა და ხალხის უადრესუფლე-





ბიანობის დაცვით, მართალია, მან დიდი პოპულარობა მოიპოვა, მაგრამ რევოლიუციანერთა „წითელი“ პროგრამის მიღება და საზოგადოებრივი ურთიერთობის სრული გარდაქმნისათვის მოღვაწეობა მან მაინც ვერ შესძლო. „წითლების“ მთავარი წარმომადგენელი **ლუი ბლანი** იყო. თებერვლის ამბების ცხოველი გავლენის გამო, პარიზში ნაციონალური სახელოსნოები მოეწყო, სადაც ყოველ მუშას სამუშაოს მოთხოვნა და ქირად დღეში 2 ფრანკის მიღება შეეძლო. საერთო არევ-დარევის მიზნებით მრეწველობის საქმე ძალიან ცუდად მიდიოდა, ნაციონალურ სახელოსნოებში კი უამრავმა მუშამ მოიყარა თავი (100.000 კაცზე მეტმა). საზოგადოებრივი სამუშაოები, რომელსაც ისინი აწარმოებდნენ, სამრეწველო მნიშვნელობას სრულიად მოკლებულნი იყვნენ; ამიტომ სახელმწიფოს ეკონომიური წარმატებისათვის მათ საგრძნობი არაფერი არ მოქონდათ, ხოლო სარევოლიუციო მოძრაობისათვის მზა რევოლიუციონურად განწყობილ არმიას ჰქმნიდნენ, რომელზეც გავლენა უკიდურეს რადიკალებს ჰქონდათ. ივნისში აღმასრულებელმა კომისიამ დაადგინა, ნაციონალური სახელოსნოები დაეხურათ, ხოლო იქ მომუშავეთაგან ნაწილი რკინის გზების გასაყვ ნად პროვინციებში გაეგზავნათ და ნაწილი ჯარში ჩაერიცხათ.

ეს გადაწყვეტილება სახელოსნოებში და მუშათა უბნებში ბრძოლის გამოცხადებად ჩასთვალეს; პარიზის ქუჩებში მთელი სამი დღის განმავლობაში (24—26 ივნ.) ისეთი სისხლის ღვრა სწარმოებდა, რომლის მაწმვეც თვით რევოლიუციის ბუდე—პარიზიც კი არა დროს არ ყოფილა. აჯანყების ჩასაქრობად კონვენტმა გენერალი კავენიაკი დიქტატორის უფლებით აღჭურვა და მის განკარგულებაში სალაშქრო რაზმებს გარდა პარიზის ნაციონალური გვარდიის ბატალიონები და პროვინციის „მოძრავი“ გვარდია გადასცა. მკაცრის, დაუნდობელი ბრძოლისა და ბევრი მსხვერპლის გაღების შემდეგ კავენიაკმა „წითლებს“ დასძლია, და ამ გამარჯვებამ რადიკალური რესპუბლიკის ბედიც გადასწყვიტა. ეხლა მხოლოდ ის და დარჩა



გამოსარკვევი, თუ რამდენად შესწევდათ ორგანიზაციის უნარი გაპარჯვებულს ზომიერ რესპუბლიკელებს.

### ლიუდოვიკ ნაპოლეონი.

კონვენტმა ახალი კონსტიტუცია შეიმუშავა, რომლის მიხედვითაც სახელმწიფოს სათავეში ორი სრულიად დამოუკიდებელი ძალა უნდა ჩადგომოდა: საყოველთაო ხმის მიცემით სამი წლის ვადით არჩეული პარლამენტი და ამ გვარადვე არჩეული (4 წლის ვადით) პრეზიდენტი (მაგრამ ერთი და იმავე პირის ზედიზედ ორჯერ პრეზიდენტად არჩევა აკრძალული იყო). პრეზიდენტის თანამდებობაზე ორი მთავარი კანდიდატი იქმნა დასახელებული: კავენიაკი და პრინცი **ლიუდოვიკ ნაპოლეონ ბონაპარტი**. უკანასკნელი ჰოლანდიის მეფის ლიუდოვიკის შვილი და იპერატორ ნაპოლეონის ძმის წული იყო; გულჩახვეული და პატივმოყვარე, ნაპოლეონის იდეების შეურყვევლობასა და ცხოველმყოფელობის ძალაში დარწმუნებული, ლიუდოვიკ ნაპოლეონი დიდხანს პოლიტიკური ავანტიურისტისა და მეოცნების ცხოვრებით ცხოვრობდა. ჯერ კიდევ ახალგაზრდამ, ლიუდოვიკმა იტალიელების აჯანყებაში მიიღო მონაწილეობა (1830) და ავსტრიელებისაგან მხოლოდ ლტოლვით უშველა თავს. ივლისის მონარქიის დროს ის ორჯერ შეეცადა ლიუდოვიკ ფილიპეს წინააღმდეგ ბონაპარტისტების ამოძრავებას, რისთვისაც ხანგრძლივი დაპატიმრებით იქმნა დასჯილი, რომლის დროსაც იგი წიგნებს სწერდა, რომელშიც თავის პოლიტიკურ თეორიებს აქვეყნებდა. მისი აზრით, ევროპის ნაციონალურისა და სოციალური გარდამქნის ძალა მარტო მონარქიას შესწევდა, რომელიც დემოკრატიაზე უნდა ყოფილიყო დამყარებული. 1848 წლის რევოლუციამ, დაბოლოსაც იქმნა, ფართო გზა გაუხსნა პრინცს. ლიბერალები და რადიკალები რესტავრაციის წინააღმდეგ ბრძოლის დროს ბონაპარტიზმისადმი მეგობრულ განწყობილებას შეეჩვივნენ. ნაპოლეონის იმპერიამ, როგორც დიდებისა და ძლიერების ხანამ, ხალხის მასაში და არმიაში წარუშლე-



ლი კვალი დასტოვა, და ეს იყო მიზეზი, რომ პრეზიდენტის არჩევნების დროს 7,500,000 ხმიდან ბონაპარტს 5,500,000 ხმა ამოუვიდა, 1,500,000 — კავენიაკს, ხოლო დანარჩენი რადიკალების კანდიდატებს ხვდათ წილად.

რაც შეეხება ნაციონალურ კრების არჩევნებს, აქ თვალსაჩინო უმრავლესობა მონარქისტებს ერგოთ: პროვინციების მცხოვრებლებმა ამით რესპუბლიკისადმი თავისი მტრული განწყობილება გამოამჟღავნეს და ისეთი მდგომარეობა შექმნეს, რომ რესპუბლიკის მმართველად მონარქისტები იქმნენ მოწვეულნი. მონარქისტული რეაქციის საწინააღმდეგო გარანტიას მხოლოდ ის გარემოება იძლეოდა, რომ მონარქისტები სამსართო მეთარის მოძულე პარტიად იყვნენ გაყოფილნი: **ლეგიტიმისტები** მხარს უჭერდნენ ბურონების სამეფო გვარის ჩამომავალს, გრაფს შამბორს; **ორლენისტები** თავის იმედს ისევ ლიუდოვიკ ფილიპეზე ამყარებდნენ, რომელიც ამ დროს ინგლისში ცხოვრობდა; ბონაპარტისტების კანდიდატი თვითონ პრეზიდენტი ბონაპარტი იყო; რადიკალები თუმცა უმცირესობას შეადგენდნენ, მაგრამ მაინც თვალსაჩინო ძალას წარმოადგენდნენ, ვინაიდან პარიზის მუშათა წრეებში დიდი ავტორიტეტით სარგებლობდნენ. ზომიერი რესპუბლიკანელები თავის კანდიდატ კავენიაკთან ერთად თავს დამარცხებულად ივლიდნენ.

კრებას და მთავრობას ერთხელ კიდევ მოუხდა შეტაკება „წითლებთან“. მიზეზი ის იყო, რომ პაპის დასახმარებლად რევოლუციონერთა წინააღმდეგ საფრანგეთიდან ექსპედიცია იქმნა გაგზავნილი. რადიკალებისთვის ეს ძნელი მოსათმენი იყო, და ამიტომ მათ პრეზიდენტისა და მინისტრების გასამართლება მოითხოვეს. პარიზის ქუჩებში შეიარაღებული მუშები გამოვიდნენ. მაგრამ ჯარმა და ნაციონალურმა გვარდიამ ხელად ჩაახშო ეს მოძრაობა და თვით პარიზში სააღყო წესები გამოაცხადა. ნაციონალურმა კრებამ დრო იშოვა და საარჩევნო უფლება ჩამოართვა ყველას, ვინც ერთსა და იმავე ადგილას სამსწელზე ნაკლებს ცხოვრობდა. ეს ზომა მუშების წინააღმდეგ იყო.

მიმართული, და მისი წყალობით მუშათა კლასს პოლიტიკურ ცხოვრებაზე პირდაპირი გავლენის შესაძლებლობა წაერთვა.

პრეზიდენტმა მშვენივრად ისარგებლა რადიკალების უკმაყოფილებითა და მცხოვრებთა უმრავლესობის სულიერი განწყობილებით, რომელსაც პირველ ყოვლისა წესრიგი სწყუროდა ამიტომ „წითლების“ ემინოდა. ზოგი პრეზიდენტს ისე უყურებდა, როგორც სამოქალაქო წყობილების საყუდელს, ზოგი კიდევ სიამოვნებით აღევნებდა თვალყურს ნაციონალურ კრებასთან მის უთანხმოებას. მან, მაგ. მოითხოვა, რომ საარჩევნო უფლება დაბრუნებოდა იმ პირებს, ვისაც მუდმივი საცხოვრებელი ადგილი არა ჰქონდა, თუმცა წინდაწინვე იყო დარწმუნებული, რომ კრება მის წინადადებაზე არ დასთანხმდებოდა. 1852 წელს თავდებოდა პრეზიდენტობის ოთხი წლის ვადა, მაგრამ ლიუდოვიკ ნაპოლეონმა და მისმა მომხრეებმა ჯერ კიდევ 1851 წელს დაიწყეს საარჩევნო მზადება. პრეზიდენტის პოპულიარობა თვალსაჩინო იყო, განსაკუთრებით პროვინციაში; ფრანგების უმრავლესობაში პოლიტიკური აღტყინების ადგილი აპათიამ დაიკავა; ის პირები, რომელთაგანაც წინააღმდეგობა იყო მოსალოდნელი, არმიასა და ნაციონალურ გვარდიას ჩამოშორებულ იქმნენ; უმთავრესი ადგილები არმიასა და პოლიციაში პრეზიდენტის მომხრეებსა, საექვო წარსულის პირებსა დაიკავეს, რომელთაც თავისი შერყეული მდგომარეობის გამოკეთება პოლიტიკური მოღვაწეობით სურდათ. 1851 წლის დეკემბრის 2-ს, ღამით, ყველა გავლენიანი დეპუტატი და სხვადასხვა პარტიის მოღვაწეები დააპატიმრეს, უმთავრესი ქუჩები და მოედნები ჯარმა დაიკავა, გამოაკრეს პროკლამაციები კრების დათხოვნის, საყოველთაო საარჩევნო უფლების აღდგენისა და სახელმწიფოს მეთაურის 10 წლის ვადით დანიშვნის შესახებ სახელმწიფოებრივი ბიძგი (coup d' état) გამარჯვებით დამთავრდა. მუშების სუსტი ცდა წინააღმდეგობის გასაწევად მაშინვე ჩაშალეს, გამოჩენილი პირები, როგორც იყვნენ მაგ. გენერლები: კავენიაკი და შანგარნიე, საფრანგეთიდან გააძევეს, ზოგი აფრიკაშიც კი გადაასახლეს. შემდეგ სააღყო წე-

სების მუხრუჭ ქვეშ მართველობის ფორმის შესახებ პლების-  
ციტი მოახდინეს, რომლითაც ლიუდოვიკ ნაპოლეონის „სახე-  
ლმწიფოს მეთაურად“ გამოცხადების საჭიროებას 7,500,000  
კაცმა მისცა ხმა, ხოლო აჟის წინააღმდეგი მარტო 650000  
აღმოჩნდა. ამის შემდეგ უხერხული სახელი „სახელმწიფოს მე-  
თაური“-სა „იმპერატორის“ სახელით შესცვალეს, და ახალმა  
პლებისციტმა კიდევ უფრო საგრძობი ხმის უმეტესობით გაიზი-  
არა ეს ცვლილება. ახალმა იმპერატორმა ნაპოლეონ III სა-  
ხელწოდება მიიღო (ნაპოლეონ II-ეთ ნაპოლეონ I და მარიამ  
ლუიზას შვილი, ე. წ. რეინშტადტელი ჰერცოგი ითვლებოდა).

ამგვარად, ყველა იმ ქვეყნებში, სადაც 1848 წელს რევო-  
ლიუცია მოხდა, ისევ თვითმპყრობელობა იქმნა აღდგენილი.  
რევოლიუციონური იდეები და გეგმები უმეტეს ნაწილად დაიმ-  
სხვრა. ამის მიუხედავად 1848 წლის მოძრაობას მაინც არ ჩაუ-  
ვლია უქმად. მისი თავდაპირველი წარმატება იმედს უღვიძებდა  
დამარცხებულებს, რადგანაც პროგრესისტების ძალა და მთავ-  
რობის პოზიციების სუსტი მხარეები ყველამ თვალსაჩინოდ და-  
ინახა. მაგრამ ზნეობრივი გავლენის გარდა, ევროპის პოლი-  
ტიკური წეს-წყობილებაც ძალზე შეიცვალა. მართალია, ავ-  
სტრია, რომელიც რევოლიუციის მხრივ ხელუხლებელ რუსეთს  
ემყარებოდა, სავსებით მეტერნიხის პოლიტიკას დაჯბრუნდა;  
სამაგიეროდ პრუსიის მთავრობამ ვერ დასტოვა უყურადღებოდ  
ის, რაც მოხდა, უარი სთქვა აბსოლუტურ მონარქიის აღდგე-  
ნაზე და კონსტიტუციონალური მართველობა დასტოვა. უმ-  
თავრესი კი ის იყო, რომ საფრანგეთში კვლავ ნაპოლეო-  
ნისებური მონარქია აღდგა, რომლის ლოზუნგსაც სამხე-  
დრო დიქტატურის დახმარებით რევოლიუციის საქმის განგრ-  
ძობა შეადგენდა.

ეროვნული მოძრაობის განცხორვლება.

ყირამის ომი.

ნაპოლეონ III, როდესაც იგი იმპერატორის უფლებას ჰკი-  
დებდა ხელს, განაცხადა: „იმპერია მშვიდობიანობა არისო“, მაგრამ

ნამდვილად იმპერია უფრო ომს ნიშნავდა, ვიდრე მშვიდობიანობას, რადგანაც სახელმწიფო წეს-წყობილების ავტორიტეტის გამაგრება მხოლოდ ამით შეიძლებოდა. ახალი ომის მიზეზებსა და საბაბს საკმაოდ ჰქონდა თავი მოყრილი ევროპაში, და რევოლუციის წიაღიდან გამოსულმა იმპერიამ ბრძოლა იმ სახელმწიფოს გამოუცხადა, რომელიც თავგამოდებით იცავდა ლეგიტიმობას და ამით მთელს აღმოსავლეთ ევროპაში ჰეგემონიას პოულობდა; ეს იყო რუსეთი. ნიკოლოზ I-სათვის ავსტრიისა და გერმანიის საქმეებში ჩარევას პირდაპირი სარგებლობა არ მოუტანია, მაგრამ უნგრეთის კომპანიისა და ვარშავის კონფედერაციის შემდეგ დასავლეთის საზღვრებზე იგი უზრუნველყოფილად სთვლიდა თავს და ამიტომ აღმოსავლეთის საკითხის საბოლოოდ გადაწყვეტის დაწყება ზედგამოჭრილად მიაჩნდა. მისი აზრით, ოსმალეთი „ავადმყოფი ადამიანი“ იყო, რომლის მემკვიდრეობაზედაც დრო იყო, მისს მეზობლებს ეზრუნათ. ამ აზრით, მან ინგლისის ელჩს პეტერბურგში შეატყობინა, თუ შემთხვევა მომეცა, კონსტანტინეპოლს დავიკავებ, მაგრამ არა საბოლოოდ, არამედ მისთვის, რომ ბალკანეთის ნახევარ-კუნძულზე დამოუკიდებელი საქრისტიანო სახელმწიფოები დავაარსო. მისი განზრახვა იყო, ეს ახალი სახელმწიფოები რუსეთის მფარველობის ქვეშ გამოეცხადებოდა; მისი აზრით, ინგლისს თავის მხრივ ეგვიპტეს ან კუნძულის კრიტოსის დაკავება შეეძლო.

მაგრამ უკვე ორმოციან წლებში გამოიჩინა, რომ დასავლეთის სახელმწიფოები, ინგლისი და საფრანგეთი, ბალკანეთის ნახევარ კუნძულზე რუსეთის გავლენის გაძლიერებას მხარს არ დაუჭერდნ და ნებას არ მისცემდნ მას, კონსტანტინეპოლი დაეკავებია. რუსეთის იმპერატორის გეგმებმა, მის მაგიერ რომ ინგლისელებში თანაგრძნობა გამოეწვიათ, მის საწინააღმდეგოდ დასავლეთ სახელმწიფოების კავშირის აღდგენა შეუწყეს ხელი. ნაპოლეონ III საომარმა განზრახვებმა დიდი თანაგრძნობა მოიპოვა ინგლისის მხრივ, განსაკუთრებით მას შემდეგ, რაც იქ საგარეო საქმეთა მინისტრად ლორდი პალმერსტონი

შეიქმნა. საფრანგეთთან ნიკოლოზს პარდაპირი შეტაკებაც კი მოუხდა, იმის გამო, რომ ნაპოლეონ III პალესტინის კათოლიკების მფარველის როლში გამოვიდა და უფლის საფლავის ეკლესიაში მათ მიერ ზოგი პრივილეგიის დაჩემებას უჭერდა მხარს; იმპერატორი ნიკოლოზი კი მართლმადიდებელი ეკლესიის ინტერესებს იცავდა. როდესაც რუსეთის იმპერატორმა სულთანს მოსთხოვა, რომ მას, ადრიანეპოლის ხელშეკრულების თანახმად, ყველა მის ქვეშევრდომ მართლმადიდებელ ქრისტიანებზე რუსეთის პროტექტორატი ეცნო, წმიდა ადგილების შესახებ ატეხილმა დავამ რთული და მრისხანე სახე მიიღო. დასავლეთის სახელმწიფოების დახმარების მოიმედვე ოსმალეთმა იმპერატორის ყველა მოთხოვნის ასრულებაზე უარი განაცხადა. მაშინ რუსეთმა ომი გამოუცხადა ოსმალეთს: მისმა ჯარმა დუნაის სამთავროები დაიკავა; ხოლო შავი ზღვის ფლოტმა სინოპთან ოსმალეთის ესკადრა განადგურა (1853). რა კი საქმემ სერიოზული მიმართულება მიიღო, ინგლისმა და საფრანგეთმა რუსეთს ომი გამოუცხადეს; ყოველი მოლოდინის წინააღმდეგ, თავად შვარცენბერგის თქმის არ იყოს, ავსტრიამ „თავისი უმადურობით ქვეყნის გაკვირვება“ გადაწყვიტა და დუნაის სამთავროებიდან რუსეთს ჯარის გაყვანა მოსთხოვა. რუსებს ამგვარ პირობებში დუნაიზე ლაშქრობის გაგრძელება არ შეეძლოთ, სილისტრიას ალყა მოხსნეს და ნოვოროსიისაკენ დაიხიეს.

პირველ ხანებში მოკავშირეებმა არ იცოდნენ, რა გზას დასდგომოდნენ; მათ ექსპედიციები გაგზავნეს ყველა იმ ზღვაში, რომელიც რუსეთის სამფლობელოებს ეკრა გარს — ბალტიის, თეთრს, შავსა და ბერინგის ზღვაში, მაგრამ მხოლოდ შავი ზღვის ექსპედიციას მოჰყვა სერიოზული შედეგები. სევასტოპოლის გარშემო მთელი თერთმეტი თვის განამავლობაში შეუპოვარი ბრძოლა სწარმოებდა, რომელიც სევასტოპოლის აღებით დასრულდა. ბრძოლის დროს ფრანგებს, ინგლისელებსა და ოსმალელებს სარდინელებიც შეუერთდნენ, რომელთა

მიზანიც დასავლეთი ევროპის სახელმწიფოთა თანაგრძნობის მოპოებაში მდგომარეობდა. ავსტრია დიდხანს იდგა განზე, მაგრამ, როდესაც რუსეთის მარცხი გამოიჩინა, თავისი ჯარები რუსების საზღვრებისაკენ წამოსწია და რუსეთს მუქარის კილოთი დაუწყა ლაპარაკი.

**პარიზის საზავო ხელშეკრულების** მიხედვით, რომელიც უკვე ალექსანდრე II დროს იქმნა დადებული, რუსეთმა მხოლოდ უმნიშვნელო ტერიტორია დაჰკარგა—მან დასთმო ბესარაბიაში ზოლი მდ. პრუტის გასწვრივ, ხოლო რუსეთის პროტექტორატი დუნაის სამთავროებსა და სერბიაზე ყველა უმთავრესი სახელმწიფოს მფარველობით შეიცვალა. რუსეთსა და ოსმალეთს შავზღვაზე სამხედრო ფლოტის ყოლა აეკრძალათ, ხოლო დარღწეული და ბოსფორი სამხედრო გემებისათვის დახურულ იქმნენ.

### **იტალიის გაერთიანება.**

ყირიმის ომმა და პარიზის ზავმა საფრანგეთს ხელმძღვანელი სახელმწიფოს მდგომარეობა შესძინა: იმ პროგრამაში, რომელიც ნაპოლეონ III ჯერ კიდევ ტახტზე ასვლამდე შეადგინა, იმპერიის ერთ-ერთ მთავარ მიზნად ევროპის ეროვნულ სახელმწიფოებად დანაწილება იყო დასახული, და, როდესაც იგი იმპერატორი შეიქმნა, ეროვნულ მოძრაობათა ქომაგად გამოვიდა, რათა ამ გზით საფრანგეთის გავლენისა და მიწაწყალის გაფართოებისათვის ხელი შეეწყო. ამით იგი, რა თქმა უნდა, მტრად იკიდებდა უწინარეს ყოვლისა ავსტრიას, რომელიც იტალიასა და გერმანიაში, ყველგან თავგამოდებითა და წარმატებით ახშობდა ყოველს ეროვნულ მოძრაობას.

1848 და 1849 წლების შემთხვევებმა ბევრი რამ ასწავლეს იტალიელებს: მათი მოწინავე ხალხი დარწმუნდა, რომ დიადი საქმის შესრულებისათვის მარტო ენტუზიაზმი და რწმენა არ კმარა, რომ საჭირო იყო აგრეთვე შეთანხმებული მოქმედება და საკმაო ნივთიერი საშუალებანიც. უფრო კეთილგო-



ნიერმა რესპუბლიკანელებმა სარდინიის მონარქიასთან იწყეს დაახლოვება, სადაც ამ დროს გამოჩენილი სახელმწიფო ნიჭის კაცი, გრაფი **კავური** მოღვაწეობდა. მან შესძლო იტალიელი ლიბერალების ნდობის დამსახურება და ამავე დროს საერთაშორისო პოლიტიკის არსებული პირობებით ხელოვნურად ისარგებლა: ყირიმის ომში ჩარევა საქმაოდ მოხერხებული ზომა იყო, ხოლო პარიზის ზავის შემდეგ კავურმა სწრაფად მოისახრა, რომ მისი უმთავრესი მტერი, ავსტრია ყირიმის კომპანიის შემდეგ განმარტოებული დარჩა, და რომ ამავე დროს ნაპოლენ III მზად იყო, იტალიის საქმეებში ჩარეულიყო და აპენინის ნახევარკუნძულზე ავსტრიის ჰეგემონია საფრანგეთის ჰეგემონიით შეეცვალა. ამ მოსაზრებათა მიხედვით, კავურმა გაბედულად დაიწყო მოქმედება: ავსტრიის წინააღმდეგ გამომწვევი კილო მიიღო და საომარ მზადებასაც შეუდგა, ხოლო ფრანგების იმპერატორს საიდუმლოდ შეუთანხმდა და მას ჩრდილოეთ იტალიის გაერთიანების სამაგიეროდ **ნიცა** და **სავოია** აღუთქვა. 1859 წელს საქმე კრიზისამდე მივიდა: იმპერატორმა ფრანც იოზეფმა სარდინელებს მოსთხოვა, საომარი მზადება შეეჩერებიათ და, მიიღო რა მათგან უარი, თავისი ჯარი პიემონტში გაგზავნა. სანამ ავსტრიის სარდალი ნელი ნაბიჯით წინ მიიწევდა, თვით ნაპოლეონ III ხელმძღვანელობით ფრანგებიც გამოცხადდნენ. ავსტრიელები **მაჯენტთან** და **სალფერინოსთან** დამარცხდნენ, ჩრდილოეთ-აღმოსავლეთისაკენ დაიხიეს და თავი ოთხი ციხისაგან (მანტუია, ვერონა, პესკიერა, ლენიანო) შემდგარს გამავრებულ ოთხკუთხედს შეაფარეს. მაგრამ ავსტრიელებს ჯერ კიდევ შეეძლოთ ბრძოლის გავრძელება. ამავე დროს გერმანიაშიც დაიწყო ძლიერი საზოგადოებრივი მოძრაობა ფრანგების წინააღმდეგ, და თვით პრუსიაც მზად იყო თავისი ნაციონალური მტრის საწინააღმდეგოდ ბრძოლაში ჩარეულიყო. ამ საშიშმა მდგომარეობამ ნაპოლეონ III აიძულა, იტალიის ომისთვის თავი დაენებებია და ჯარები რენისაკენ წაეყვანა. ავსტრიელებთან ციურისში შეჰკრა ზავი და

მათგან **ლომბარდია** მიიღო, რომელიც შემდეგში სარდინია გადასცა.

იყო განზრახვა, რომლის მიხედვითაც იტალიის გაერთიანება გერმანიის კავშირის მსგავსად უნდა განხორციელებულიყო, და მის სათავეში პაპი ჩამდგარიყო; მაგრამ ასეთი კომბინაცია არც სარდინიას აკმაყოფილებდა და არც შუა და სამხრეთი იტალიის პატრიოტებს. რომანიის (ყოფილი ეგზარქატის), პარმის, მოდენის და ტოსკანის მცხოვრებლებმა თავიანთი ადგილობრივ მთავრობების წინააღმდეგ გაილაშქრეს და თავისი ტერიტორია სარდინიის სამეფოს ნაწილად გამოაცხადეს. სამხრეთის ბედი **გარიბალდიმ** გადასწყვიტა; 1859 წლის ომის დროს იგი ვიქტორ ემანუილის დროშის ქვეშ ომობდა ავსტრიელთა წინააღმდეგ, ხოლო ციურხის ზავის შემდეგ დამოუკიდებლად დაიწყო მოქმედება; 1000 მოხალისით იგი სიცილიაში გადავიდა და ნეაპოლიტანის მეფის, ფრანცისკ II ჯარები რამდენიმე კვირის განმავლობაში კუნძულიდან გარეკა. სიცილიიდან გარიბალდი აპენინის ნახევარკუნძულზე გადავიდა და **ნეაპოლიდან** ბურბონები განდევნა. მისი სწრაფი წარმატების მიზეზი ის იყო, რომ მცხოვრებთა თანაგრძნობა მის მხარეზე იყო და ამა გარდა თვით ნეაპოლიტანის ჯარებიც ბურბონების საქმეს უხალისოდ იცაგდენ. გარიბალდის გამარჯვება შეიძლება სამხრეთ-იტალიის რესპუბლიკის დაარსებით დასთვლებულიყო, რომ ამისთვის ვიქტორ ემანუილს არ შეეშალა ხელი: მისი ჯარები ნეაპოლიტანის სამფლობელოში შეიჭრენ, საბოლოოდ დაიკავეს იგი და ჩრდილოეთის პროვინციებს შეუერთეს.

იტალიის პირველი პარლამენტი 1861 წლის დასაწყისში გაიხსნა; ხოლო ამავე წლის მარტში ვიქტორ ემანუილმა **იტალიის მეფის** ტიტული მიიღო. დიდი სახელმწიფოები, მათ შორის საფრანგეთიც, იტალიის ამბებს მტრულად უცქეროდენ, მაგრამ ავსტრიის დამარცხების შემდეგ თავი აღარავის ჰქონდა, საქმეში ძალით ჩარეულიყო. ეს იყო მიზეზი, რომ იტალიის ეროვნული გაერთიანება განხორციელდა. დახმარების

აღმოჩენისათვის საფრანგეთს **ნიცა და სავოია** გადაეცა; **ვენეციის მხარე** ისევ ავსტრიელთა ხელში დარჩა, ჩრდილოეთსა და სამხრეთ იტალიას პაპის სამფლობელო ჰყოფდა შუაზე, და თვით რომი კვლავ მღვდელ-მთავრის განკარგულებაში რჩებოდა, რომელიც იმ დროს განმათავისუფლებელ იდეებსა და მათი ზეგავლენით წარმოშობილს იტალიის სამეფოსაც გადაჭრით ჰგმობდა. პატრიოტების მიზანი ჯერ კიდევ სავსებით არ იყო მიღწეული, და ფიცხი გარიბალდი, რომელიც ზიზლით უცქეროდა დიპლომატიას და რომელსაც სახალხო მოძრაობის ძალა სწამდა, ორჯელ კიდევ შეეცადა რომის ოლქის დაკავებას. გარიბალდელების თავდასხმა პირველად (1862) ვიქტორ ემანუელის ჯარების მიერ იქმნა მოგერებული, რომლის აზრითაც რომის საკითხის წამოყენება ჯერ კიდევ ნაადრევი იყო. მეორეჯერ — პაპს საფრანგეთის ჯარები მიეშველენ (1867). საქმის კეთილად დასამთავრებლად კვლავ ხელსაყრელის საერთაშორისო მდგომარეობის ცდა შეიქმნა საჭირო.

### იმპერიის საშინაო პოლიტიკა.

მეორე იმპერია, რომელმაც თავი ისახელა ბრძოლის ველზე, თავის საშინაო მოღვაწეობაში პროგრესიული იდეებისა და სამხედრო დესპოტიზმის უცნაურ არეგ-დარეგას წარმოადგენდა. პირველი შეხედვით, მისი წესწყობილება **ნამდვილ დემოკრატიულ პრინციპებზე** იყო აგებული. იმპერატორმა საყოველთაო კენჭის ყრით (პლემბიცისტი) მიიღო ძალაუფლება; სახელმწიფოს მართვაში სახელმწიფო საბჭო, სენატი და საკანონმდებლო კორპუსი იღებდა მონაწილეობას; უკანასკნელში დებუტატს საყოველთაო ხმის მიცემითა და ცენზის მიუხედავად ირჩევდენ. მაგრამ ამავე დროს ზომები იყო მიღებული, ყოველად ძლიერი იმპერატორისათვის ხელი არავის შეეშალა. კანონპროექტების შემუშავება სავსებით სახელმწიფო საბჭოს კომპეტენციას შეადგენდა. საკანონმდებლო კორპუსს არავითარი უფლება არ ჰქონდა, თავის მხრივ რაიმე წინადადება შეეტანა, რე ყო-



ველი შემთხვევისათვის იგი სენატის კონტროლს ექვემდებარებოდა, რომელიც იმპერატორისაგან დანიშნული გენერლების, ეპისკოპოსებისა და წარჩინებულებისაგან შესდგებოდა. პრესა მკაცრი ცენზურის ქვეშ იმყოფებოდა, ხოლო მთელი საზოგადოება — ბიუროკრატიის ოპეკას ემორჩილებოდა, იმ ბიუროკრატიის ოპეკას, რომელსაც ბევრი რამ ჰქნოდა განცდილი: ძველი წესწყობილება, ტერორის ხანა, დირექტორია, პირველი იმპერია, რესტავრაცია, ივლისის მონარქია და, ბოლოს, მეორე იმპერია, რომელსაც ეხლა თავგამოდებით ემსახურებოდა. ურჩხა და მოუსვენარ ხალხს პოლიცია მოურიდებლად ექცეოდა — განურჩევლად აპატიმრებდნენ მათ და კაიენ-ნასა და აღჟირში ასახლებდნენ. მას შემდეგ, რაც იტალიელმა ორსინიმ ნაპოლეონ მესამეს მოკვლა განიზრახა, პოლიციის მოქმედებამ კანონის მხრივაც დასტური მიიღო. საიმპერატორო მთავრობისათვის ამ პირობებში წინააღმდეგობის გაწევა სახიფათო და, როგორც სჩანდა, უიმედოც იყო. მაგრამ მიუხედავად ამისა, საკანონმდებლო კორპუსში ოპოზიცია მაინც არ სცხრებოდა, ჰგმობდა მთავრობის პოლიტიკას და, რამდენი წელიც გადიოდა, მით უფრო ძლიერდებოდა. ორმოციანი წლების ლიბერალიზმის ვეტყრანი ტიერი, მჭერმეტყველი ჟაულ ფაფრი, და სამოციანი წლების დასასრულს რადიკალი გამბეტაც საკანონმდებლო კორპუსში მხურვალე სიტყვებს ამბობდნენ, რომელთაც საზოგადოებაც ეხმაურებოდა, მაგრამ პრაქტიკულ ბრძოლამდე ჯერ კიდევ შორს იყო.

საფრანგეთის ხელმძღვანელობისთვის იმპერატორი მარტო პოლიციური ზომებით როდი კმაყოფილდებოდა; მან განსაკუთრებით ბევრი ნივთიერი კეთილდღეობის განმტკიცებისათვისაც გააკეთა. ჯერ მარტო წესრიგის აღდგენამ შეუწყო ხელი ვაჭრობისა და მრეწველობის წელში გამართვას და განვითარებას. ინგლისთან, გერმანიასთან და სხვა ქვეყნებთან სავაჭრო ხელშეკრულებების დადებით საფრანგეთის ნაწარმოებებმა დიდი გასაფალი მოიპოვეს. კოლონიალური ვაჭრობის გასაძლიერებ-



ლად ინგლისთან ერთად იმპერატორმა იარაღით აიძულა ჩინეთი, ევროპის ვაჭრებისთვის ზოგი ნავთსადგური გაეხსნა (1858); ამასთანავე ნაპოლეონმა სუეცის არხის გასაჭრელად ენერგიული მოქმედება დაიწყო. თვით საფრანგეთში ამ დროს დიდი ყურადღება რკინის გზების გაყვანას ჰქონდა მიქცეული; შედეგი საუცხოვო იყო: სულ რაღაც ათიოდე წლის განმავლობაში საფრანგეთის აღებშიცემობა ერთი-ორად გაიზარდა. საზოგადო კეთილდღეობის გაფართოებით მუშათა კლასმაც ისარგებლა.

იმპერატორი ნივთიერი აღორძინების შესახებ ფიქრის დროს არც გარეგნულ ეფექტს ივიწყებდა. 1867 წლის მსოფლიო გამოფენამ უცხოელებს ნათლად დაანახვა, რომ საფრანგეთის მრეწველობა და ხელოვნება სრული განვითარების ფაზისში იმყოფებოდა. პარიზი ახალი ქუჩებით, ბალებით და მშვენიერი შენობებით მოიკაზმა. მაგრამ სამაგიეროდ საზოგადოების სულიერი ცხოვრება სულ სხვა სანახაობას წარმოადგენდა. თუმცა გემოვნების, მოდისა და ფუფუნების საკითხში ისევ ფრანგები შეიქმნენ ევროპის კანონმდებლებად, მაგრამ სამაგიეროდ მთელ საფრანგეთში უმაღლესი ინტერესებისა და ზნეობრივი იდეების მოღუნებამა და ჩამოქვეითებამ იჩინა თავი; გამდიდრებისა და ფიზიკური დატკობის სურვილი ადამიანის მოქმედების მთავარს მამოძრავებელ მოტივად შეიქმნა. სამოქალაქო იდეალების ინტერესი აღარავის აღარ ჰქონდა; ყველა ცდილობდა, ცხოვრებიდან თავისი პირადი კეთილდღეობის შესაქმნელად რაც შეიძლებოდა მეტი სარგებლობა გამოეტანა: ზოგი ბირჟაზე თამაშს ჰკიდებდა ხელს და ზოგიც სპეკულაციას ეძლეოდა, ზოგი ხაზინას ფცქვნიდა და ზოგი კიდევ მექრთამეობას ეწეოდა.

### პრუსიის გაძლიერება.

ზნეობრივი დასუსტება დიდ საფრთხეს უმზადებდა საფრანგეთს, რადგანაც მის გვერდით ახალი ძლიერი სახელმწიფო,



განახლებული პრუსია იზრდებოდა და მაგრდებოდა. როგორც თავის დროზე იენასთან დაპარცხებამ და ტილზიტის ზავმა, ისე ეხლა ვარშავასა და ოლმიუცში დამცირების განცდამ პრუსიის სახელმწიფოებრივად განწყობილი პირები აიძულა, ძალა მოეკრიბათ, შეცდომები გაესწორებიათ და ბრძოლისათვის მომზადებულიყვნენ.

1857 წელს სახელმწიფოს მართვა-გამგეობის საქმე ვილჰელმის ხელში გადავიდა; 1861 წელს, ფრიდრიხ ვილჰელმ IV-ეს გარდაცვალების შემდეგ, იგი ვილჰელმ I-ის სახელით პრუსიის მეფედ გამოაცხადდა. პირადად მისის და ახლობელი თანაშემწეების: სამხედრო მინისტრის როონისა და შტაბის უფროსის მოლტკეს აზრით, პრუსიისა და გერმანიის მომავალი უმთავრესად სამხედრო მომზადებასა და პრუსიის ჯარის რიცხვზე იყო დამოკიდებული, და ამისდამიხედვით იგინი ფართო სამხედრო რეფორმების განხორციელებას შეუდგენ, რომლის ძალითაც მომქმედი ჯარის შემაღვენლობა ერთიორად უნდა გადიდებულიყო (40.000 კაცის მაგიერ ეხლა 63.000 იწვევდენ და ამას გარდა მომქმედი არმიის სათადარიგო ნაწილიც გააძლიერეს). მაგრამ ამ რეფორმის გამო მათ პრუსიის პალატის დეპუტატებთან სერიოზული შეტაკება მოუხდათ. პალატის წევრების უმრავლესობას პროგრესისტები შეადგენდენ, რომლებიც ინდენად არ განიცდიდენ ოლმიუცის შთაბეჭდილებას, როგორც მთავრობა, უმეტესად მოქალაქეობრივ თავისუფლების განვითარებაზე ფიქრობდენ, მილიტარიზის გაძლიერების ეშინოდათ და ვერ გრძნობდენ, რომ დიდი ხნის ოცნების — გერმანიის გაერთიანების — განხორციელება უმთავრესად შეიარაღებულ ძალაზე იყო დამოკიდებული. მათ მთავრობის გეგმები დაიწუნეს და განზრახული რეფორმის განხორციელებისათვის საჭირო კრედიტზე უარი უთხრეს. მაგრამ მეფემ მაინც არ დაუთმო და მინისტრ-პრეზიდენტად „იუნკრების“, ე. ი. მემამულეთა პარტიის ერთი წევრთავანი, ბისმარკი დანიშნა. სამინისტროს ახალმა მეთაურმა დეპუტატების უმრავლესობას



შეურიგებელი ბრძოლა გამოუცხადა: ამხილებდა მათ უმეტეს-  
ბას საერთაშორისო და სამხედრო საკითხებში და უთვალისწი-  
ნებდა, რომ დიდი საკითხები სიტყვებითა და კენჭის ყრით კი  
აღარ სწყდებოდენ, არამედ „სისხლითა და რკინით“. კონ-  
ფლიქტი იმდენად გამწვავდა, რომ დეპუტატთა პალატას ბაუ-  
ჰეტი რამდენიმე წლის განმავლობაში არ დაუმტკიცებია. მთა-  
ვრობა მაინც თავის გზით მიდიოდა, ჰკრებდა გადასახადებს და  
სამხედრო საქმის რეორგანიზაციას განაგრძობდა. რამდენი ხანიც  
გადიოდა, კონფლიქტი იმდენად უფრო ღრმავდებოდა, და ეს  
მდგომარეობა ბისმარკს აიძულებდა, სამხედრო ძალა, რომლის  
გარშემოც დავა სწარმოებდა, რაჭმეიძლება მალე გამოეყენე-  
ბია და დაემტკიცებია, რომ საერთაშორისო მდგომარეობა მარ-  
თლა უკიდურესი ძალის ხმევას მოითხოვდა.

1963 წელს პრუსიის მთავრობას გადამწყვეტი მოქმედე-  
ბის დასაწყებად საუკეთესო შემთხვევა მიეცა. დანიის მეფე-  
ფრიდრიხ VII გარდაიცვალა, და მის სიკვდილთან ერთად  
დანიის **ოლდენბურგების** სამეფო გვარიც მოისპო. დანიის სა-  
მეფო გვირგვინი მისი ახლობელი ნათესავის, **ქრისტიან IX** ხე-  
ლში გადავიდა, ხოლო ჰოლშტინის საჰერცოგო, რომელიც  
გერმანიის კავშირში იმყოფებოდა, მემკვიდრეობის ძველი წე-  
სით, ერთს გერმანელ მთავართაგანს უნდა გადასცემოდა; ამ შემ-  
თხვევაში უფლება საჰერცოგოზე **აუგუსტენბურგელ ჰერ-  
ცოგს** ხედებოდა. მეზობელი საჰერცოგო **შლეზვიგი XI** სა-  
უკუნოდან დანიას ეკუთნოდა, მაგრამ მის მცხოვრებთა შო-  
რის გერმანელები მრავლად იყვნენ, და **გერმანიაშიც მისი  
და ჰოლშტინის** შემოერთება სურდათ. ლონდონში შეკრე-  
ბილმა (1852) დიდი სახელმწიფოების კონფერენციამ დანიას  
დაუჭირა მხარი, და მაშინ ამ გადაწყვეტილებას ავსტრია და  
პრუსიაც შეუერთდენ; მაგრამ ბისმარკი დარწმუნებული იყო, რომ  
დანიას იარაღით არც ერთი დიდი სახელმწიფო არ დაეხმარე-  
ბოდა, და ავსტრიის მთავრობას შეუთანახმდა, აუგუსტენბუ-  
რგელი ჰერცოგის პრეტენზიისათვის მხარი დაეჭირა. ლონდო-

ნის გადაწყვეტილების დარღვევის მიზეზად დანელების მიერ შლესვიგში მიღებული ზოგიერთი ზომა იქმნა ჩათვლილი, და ავსტრიისა და პრუსიის ჯარები საჭერცოგოშა შეიქრენ. ამ საქმის გამო დიდი დიპლომატიური მიწერ-მოწერა გაიმართა; ამავე დროს კი ავსტრიისა და პრუსიის ჯარებმა დანელებს ჯერ პირველი გამაგრებული ხაზები დააცლევინეს და შემდეგ მეორე ხაზის საფარი, დიუპელისა და ალზენის სიმაგრეები იერიშით აიღეს (1864). დანიას იმდენი ძალა არ შესწევდა, რომ მოკავშირეებს გამკლავებოდა და ამიტომ იძულებული შეიქმნა, თავის უფლებებზე უარი განეცხადებია.

მაგრამ დანიის წინააღმდეგ გალაშქრება მხოლოდ შესავალი იყო უფრო დიდი შემთხვევებისა. საჭერცოგოების დაკავების შემდეგ, მათი ბედი მოკავშირეებს უნდა გადაეწყვიტათ; ორივე სახელმწიფო საჭერცოგოებს თავისად თვლიდენ, ასე რომ ომი მათ შორის მოსალოდნელი შეიქმნა. ბისმარკმა იმთავითვე თადარიგი დაიჭირა: იგი ავსტრიის დაუძინებელ მტერს, იტალიას შეუკავშირდა, ხოლო რუსეთის კეთილი განწყობილება მით მოიპოვა, რომ მას პოლონეთის აჯანყების ჩაქრობაში (1863) ენერგიული დახმარება აღმოუჩინა; ნაპოლეონ III რეინის მარცხენა ნაპირზე ტერიტორიის შექმნის შესაძლებლობით დააიმედდა, თუმცა მისთვის გადაქრით არავითარი დაპირება არ მიუცია. რაკი ამგვარად თავისუფალი მოქმედების გზა გაიხსნა, ბისმარკმა იარაღს მიმართა; პრუსიის კორპუსმა ჰოლშტინია დაიკავა, ხოლო მისმა რწმუნებულმა ფრანკფურტში გერმანიის ახალი კავშირის მოწყობა მოითხოვა, რომელშიც ავსტრიას ადგილი არ უნდა ჰქონოდა (1866). ჰანოვერი, საქსონია, ბავარია და სხვა მეორე-ხარისხოვანი სახელმწიფოები ყველანი ამ წინადადების წინააღმდეგ ამხედრდენ. მაგრამ მათი რაზმების შეერთებისა და შეთანახმებული მოქმედების დაწყებისათვის დიდი დრო იყო საჭირო, პრუსიელებმა კი მათ ეს დრო არ მისცეს: პრუსიის არმიამ, რომელიც მეორე ხარისხოვანი სახელმწიფოების წინააღმდეგ იყო მიმართული, დააშორა იგინი ერთ-



მანეთს და რამდენიმე კვირის განმავლობაში დაამარცხა. მაგრამ საქმის გადაწყვეტა ამ შეტაკებებზე კი არ იყო დამოკიდებული, არამედ იმ შემთხვევებზე, რომელიც ჩეხიაში მზადდებოდა, საითკენაც პრუსიის უმთავრესი ძალები გაიგზავნა და სადაც მათ ავსტრიელები და საქსონელები დაჰხვდნენ. ჩეხიის ტყეებიდან პრუსიის კორპუსები ცალკე-ცალკე გამოდიოდნენ, და ეს მართალია ხელსაყრელი იყო მოწინააღმდეგისათვის, რადგანაც უკანასკნელს მტრის დანაწილებული ჯარები თანდათან და გაუჭირებლივ შეეძლო დაემარცხებია, მაგრამ ავსტრიის მთავარსარდალმა ამით არა თუ ვერ ისარგებლა, არამედ საშუალებაც კი მისცა პრუსიელებს, მისი მოწინავე რაზმები დაემარცხებიათ. ავსტრიის არმიის მარცხი მითაც აიხსნება, რომ პრუსიელები გაუმჯობესებული იარაღით სარგებლობდნენ — მათ პირველად შემოიღეს ახალი სისტემის თოფები და სამჯერ უფრო სწრაფად ისროდნენ, ვიდრე ავსტრიელები. ბოლოს ავსტრიის არმიამ **კენიგრეტთან** მოიყარა თავი. მიუხედავად იმისა, რომ მოწინააღმდეგე რიცხვითაც მეტი იყო და ძლიერი პოზიციაც ჰქონდა დაკავებული, პრუსიის არმიამ პრინც **ფრიდრიხ კარლოსის** ხელმძღვანელობით მაინც მიიტანა მასზე იერიში; ბრძოლის ბედი კრონპრინც **ფრიდრიხის** არმიამ გადასწყვიტა, რომელმაც საღამოთი ავსტრიელებს შემოუარა. ავსტრიის მთავარსარდალი **ბენედეკი** სასტიკად დამარცხდა; მან სულ 40.000 კაცი დაჰკარგა. ამ დამარცხებამ სრულებით გააქარწყლა ავსტრიელების წარმატება აპენინის ნახევარკუნძულზე; აქ ერცჰერცოგ ალბრეხტმა იტალიელები კუსტოცთან დაამარცხა, ხოლო აღმირალმა **ტეგეტჰოფმა** იტალიის ფლოტი **ლისთან** გაანადგურა.

თუმცა კენიგრეტის შემდეგ თვითონ ავსტრიას არავითარი წინააღმდეგობის გაწევა აღარ შეეძლო, მაგრამ სამაგიეროდ ხიჯათი საფრანგეთის მხრივ შეიქმმა მოსალოდნელი.

პრუსიის იარაღის ამგვარს სწრაფსა და გადამწყვეტ წარმატებას იმპერატორი ნაპოლეონი სრულიად არ მოელოდა და



ძალზე უკმაყოფილო იყო. მას განზრახული ჰქონდა, საქმეში მხოლოდ მაშინ ჩარეულიყო, როდესაც მოწინააღმდეგენი ერთმანეთს დაასუსტებდნენ, და გერმანელების დავა თავისი მიზნების თანახმად გადაეწყვიტა. აქ კი აღმოჩნდა, რომ გერმანიის საქმეები ისევე უძვრებოდა მას ხელიდან, როგორც თავის დროზე იტალიის საქმეები გაუსხლტა ხელიდან. საფრანგეთი ჯერ კიდევ არ იყო სავსებით მზად, და ბისმარკს ავსტრიასთან ომის დამთავრების დაჩქარება ემართა. ამიტომ იგი ავსტრიელებს შედარებით მისაღები საზავო პირობებით შეეკრა, რომლის მიხედვითაც ავსტრიამ ყველა თავისი ადგილები შეინარჩუნა, გარდა ვენეციისა, რომელიც ნაპოლეონ III დაეთმო (ამ უკანასკნელმა იგი იტალიას გადასცა). მაგრამ გერმანიის ძველი კავშირი დაიშალა: კავშირი ავსტრიასა და პრუსიას შორის გასწყდა, და ახალი „ჩრდილო-გერმანიის“ კავშირი დაარსდა, რომელშიც მაინის ხაზის ჩრდილოეთით მდებარე სახელმწიფოები, რიცხვით ოცდაორი, შევიდა და პრუსიის უფროსობას დაექვემდებარა; უკანასკნელმა შლეზვიგის, პოლშტინის, ჰანოვერის, ჰესენ-კასელისა და სხვათა შემოერთებით საკმაოდ დიდი მიწაწყალი შეიძინა. გერმანიის სამხრეთი სამფლობელოები დამოუკიდებლები დარჩნენ, ოღონდ პრუსიასთან დადებული ხელშეკრულების ძალით ომის დროს თავისი სამხედრო ძალები უკანასკნელის განკარგულებაში უნდა გადაეცათ. საბაჟოების მხრივ გერმანიის ყველა სახელმწიფო ერთ კავშირს შეადგენდა, და საბაჟო საკითხების გადასაწყვეტად ჩრდილო-გერმანიის კავშირის სეიმში სამხრეთ გერმანიის დეპუტატები უნდა შესულიყვნენ.

### ავსტრიის განახლება.

1866 წელი ავსტრიისათვის ახალი ხანის დასაწყისად უნდა ჩაითვალოს. ავსტრიის მთავრობა 1860 წლიდან თავს ანებებს აბსოლუტიზმსა და თანდათან კონსტიტუციონალიზმის ნიადაგზე გადადის. მაგრამ მის პოლიტიკურ მოღვაწეთ უჭირდათ

იმ დაბრკოლებათაგან დამაკმაყოფილებელი გამოსავალის გამო-  
ნახვა, რომელთაც ავსტრიის ერები და თემები თავისი და-  
მოუკიდებელი ცხოვრებისადმი მისწრაფებით ჰქმნიდნენ. რამ-  
დენიმე წლის განმავლობაში სახელმწიფოებრივი მართველო-  
ბის თითქმის ყოველგვარი სისტემა სცადეს (ცენტრალისტური  
ბიუროკრატია „წარჩინებულთა“ წარმომადგენლობით შემსუ-  
ბუქებული, ფედერალიზმი, მთელი ავსტრიის საერთო კონსტი-  
ტუციონალიზმი), მაგრამ მაინც არ გამოდიოდა. 1866  
წლის დამარცხების შემდეგ **დუალიზმზე** შეჩერდნენ: მონარქია  
ორ ნაწილად იქმნა გაყოფილი: ცისლეიტანიისად (გერმანელი  
ოლქებით) და ტრანსლეიტანიისად, რომელშიც უნგრეთი,  
ტრანსილვანია, ხორვატია და დალმაცია შედიოდნენ. თითოეულ  
ნახევარს თავისი განსაკუთრებული მართველობა, განსაკუთრე-  
ბული რეიხსტაგი და სამინისტრო მიენიჭა, მაგრამ საგარეო  
პოლიტიკის საწარმოებლად, სამხედრო ორგანიზაციისა და ფი-  
ნანსიური ზომების მისაღებად, რამდენადაც ეს სამხედრო ხარ-  
ჯებისათვის იყო საჭირო, საერთო თათბირისათვის ორივე  
რეიხსტაგების დელეგაციები იკრიბებოდნენ. ამას გარდა, თი-  
თოეულმა თემმა თვალსაჩინო თვითმართველობა მიიღო; პო-  
ლიტიკური ძალაუფლება ერთ ნაწილში გერმანელებს მიე-  
ნიჭათ, ხოლო მეორეში მადიარებს. ავსტრიის ერთა შორის  
ყველაზე უფრო მრავალრიცხოვანი ტომი სლავები, ამგვარად,  
გარიყულნი დარჩნენ. ასეთი მდგომარეობა, რა თქმა უნდა,  
სლავებს ვერ დააკმაყოფილებდა, და მათ შორის მარტო პო-  
ლონელები იყვნენ შედარებით კმაყოფილნი, ვინაიდან შექმნი-  
ლი მდგომარეობა ხელს უწყობდა მათს გაბატონებას გალიციის  
რუს მცხოვრებლებზე. ჩეხები, მორავები, სლოვაკები, სლოვენ-  
ები, ხორვატები, სერბები, რუსები მადიარების და გერმანე-  
ლების ბატონობით ცოტად თუ ბევრად ყველანი უკმაყოფი-  
ლონი იყვნენ და, რამდენადაც ძალა შესწევდათ, კიდევაც იცა-  
ვდნენ თავის ნაციონალურ ინტერესებს, მაგრამ მათ შორის არ  
იყო ერთობა: ენა, ისტორია, ცივილიზაციის ხარისხი, გეოგრაფი-



ული მდებარეობა, მეურნეობის პირობები და დასასრულ მაღარე-  
ბისა და გერმანელების ძალა მათ გაერთიანებას ხელს უშლი-  
და. ცხადია ასეთ პირობებში ავსტრია დიდხანს ვერ გასძლებდა.  
საკმარისი იყო, რაიმე მნიშვნელოვან მოვლენას იმპერია შეენ-  
ძრია, რომ სახელმწიფო მრავალ ერთეულად დაყოფილიყო.  
ასეთი როლი საერთაშორისო ომმა ითამაშა, და ჩვენ დღეს  
მოწმენი ვართ ყოფილი ავსტრიის მონარქიის მრავალს ეროვ-  
ნულ სახელმწიფოდ დაშლისა.

### ომი საფრანგეთსა და პრუსიას შორის 1870—71 წ.

ჩრდილო გერმანიის ძლიერი კავშირის დაარსება ნაპოლე-  
ონისთვის ძალიან საწყენი იყო; იმ დროს, როდესაც იგი  
საფრანგეთის სიმდიდრეს ფლანგავდა და ყოველი ახალი  
საქმის უთაგბოლო წარმოებით თავის ავტორიტეტს ხალხის  
თვალში თითქმის ყოველ დღე აზიანებდა (მაგ. ნაპოლეონი  
შეეცადა აჯანყებული პოლონელების გამოსარჩლებას, მაგრამ  
საქმე რუსეთის მუქარით გათავდა; მექსიკაში ექსპედიცია გაგ-  
ზავნა, რათა იქ ავსტრიის ერცჰერცოგ მაქსიმელიანესთვის იმპე-  
რატორობა მიენიჭებია, და უკანვე დასჭირდა ჯარის გამო-  
წვევა, ვინაიდან შეერთებული შტატების მხრივ ომი შეიქმნა  
მოსალოდნელი), სწორედ ამ დროს მის გვერდით ახალი ძალა  
აღიშართა, რომელსაც თამამად შეეძლო შეეჩერებია ფრანგები,  
თუ იგინი გერმანიის მიწა წყლის მითვისებას მოისურვებდენ.  
შიგნით ოპოზიცია გაიზარდა, და იმპერატორმა საზოგადოების  
დასაწყნარებლად საჭიროდ დაინახა სენატისა და საკანონმდებ-  
ლო კორპუსისათვის კონსტიტუციონური კრებების სხვადა-  
სხვა უფლებები მიენიჭებია და სამინისტრო საკანონმდებლო  
კორპუსის უმრავლესობიდან დაენიშნა (ოლივიეს სამინისტრო).  
თუმცა სამხედრო საქმის მცოდნე პირები ნაპოლეონს ხში-  
რად აფრთხილებდენ, იმპერიაში სამხედროს ძალის მხრივ ყველა-  
ფერი თავის რიგზე ვერ არისო, მაგრამ იმპერატორი და მისი  
დაახლოებული პირები დარწმუნებული იყვნენ, გერმანიის

ახალგაზრდა კავშირი საფრანგეთის ძლივამოსილ იმპერიას ვერ გაუმავრდებოა, და ომის დასაწყებად საბაბს ეძებდენ. 1870 წ. ეს საბაბიც გამოჩნდა. ისპანელებმა თავისი მეფე ქალი იზაბელა გააძევეს და გადასწყვიტეს, მეფედ პრუსიის მეფის შორეული ნათესავი, პრინცი ლეოპოლდ ჰოჰენცოლერნი მოეწვიათ. ეს უკანასკნელი თანახმა იყო, მაგრამ საფრანგეთის მთავრობამ ამაში „კარლოს V იმპერიის აღდგენის ცდა“ დაინახა და პროტესტი განაცხადა. პრინცმა ლეოპოლდმა ისპანიის გვირგვინზე უარი სთქვა, მაგრამ საფრანგეთის ელჩმა ბერლინში ვილჰელმს მოსთხოვა, საჯაროდ განეცხადებია, რომ იგი ამ კანდიდატურას არც შემდეგში დაუჭერდა მხარს. ეს მოთხოვნა, რომელიც მხოლოდ სამიზნეოდ იყო გამოგონილი, მეფემ შეურაცყოფად მიიღო და მის ასრულებაზე უარი განაცხადა. ამას დაუყოვნებლივ თან მოჰყვა საფრანგეთის ელჩის გაწვევა და სამხედრო მოქმედების დაწყება.

რუსეთის მეგობრულმა განწყობილებამ გერმანიის სახელმწიფოებს საშუალება მისცა, მთელი ძალები საფრანგეთის წინააღმდეგ მიემართათ: ამ გარემოებითვე აიხსნება ისიც, რომ ამ ხელსაყრელ დროს ავსტრიამ ვერ შესძლო კენიგრეცის დამარცხებისათვის პრუსიისთვის სამაგიერო ეხდო. პრუსიის გენერალურმა შტაბმა გენერალ მოლტკეს მეთაურობით ხელოვნურად მოამზადა კომპანია, და აგვისტოს დასაწყისში, ომის გამოცხადების სამი კვირის შემდეგ, საზღვრებზე სამი დიდი არმია იქმნა მიყვანილი, რომელიც 500.000 მეომრისაგან შესდგებოდა. საფრანგეთის მთავრობა, მიუხედავად იმისა, რომ ომი თვითონვე მან გამოიწვია, მზად არ იყო. ალზასში და ლორენში ნაჩქარევად შეჰკრიბეს შვიდი კორპუსი (250.000 კაცამდე), მაგრამ ყველა პოლკები არ ყოფილა სრული, სამხედრო ბარგი არევ-დარეული იყო, არ იყო არავითარი გარკვეული გეგმა კომპანიის საწარმოებლად. იერიშის მაგიერ, ფრანგებს მრავალრიცხოვანი მტრის მოგერება უხდებოდათ. სამხრეთი გერმანიის არმიამ პრუსიის კრონპრინცის მეთა-



ურობით მაკ-მაგონის კორპუსი გაანადგურა, მიუხედავად უკანასკნელის გმირული წინააღმდეგობისა. პრუსიელებმა პრინც ფრიდრიხ კარლოსის ხელმძღვანელობით შემოუარეს ბაზენის არმიას, მირეკეს იგი მეცთან და ამ ციხეში ჩაჰკეტეს. ამასობაში მაკ-მაგონმა ახალი არმია შეადგინა და ბაზენის მისაშველებლად დაიძრა; ამ არმიას თვით იმპერატორიც შეუერთდა. გზა ჩრდილოეთი საზღვრით იქმნა ამორჩეული; მაგრამ მოლტკემ ამ მოძრაობის შესახებ თავის დროზე მიიღო ცნობები და მის წინააღმდეგ დიდი ძალები გაგზავნა. სედანთან, ბელგიის საზღვრის ახლო, გერმანიის ჯარები ყოველი მხრიდან შემოერტყვნ. მაკ-მაგონის არმიას და ბრძოლის შემდეგ, რომელიც მთელ დღეს გაგრძელდა, იგი იძულებული შეიქმნა, მტერს დანებებოდა (2 სექტემბერს): 80.000 კაცზე მეტმა დაჰყარა იარაღი, მათ რიცხვში იმპერატორმა ნაპოლეონ III-მაც. ამ შემადრწუნებელმა ამბავმა პარიზში რევოლიუცია გამოიწვია: დედოფალი გაიქცა, გამოაცხადებულ იქმნა რესპუბლიკა; საომარი მოქმედების ორგანიზატორად ოპოზიციის ერთი მჭერმეტყველ ბელადთაგანი, ვეკილი გამბეტა შეიქმნა. მაგრამ საფრანგეთს რევოლიუარული ჯარი აღარ ჰყავდა, და სამხედრო მდგომარეობის გამოსწორება შეუძლებელი იყო: მართალია ბაზენს, რომელიც მეცში იყო ჩაკეტილი, მშვენიერი ჯარი ჰყავდა, მაგრამ მან ვერ შესძლო ან არ მოინდომა, თავისი ძალები გამოეყენებია, მტრის რკალის გასარღვევად ერთი სერიოზული ცდაც არ მოუხდენია, და იქამდე გააჰიანურა საქმე, რომ 175,000 კაცისაგან წემდგარმა არმიამ სამარცხვინოდ დაჰყარა იარაღი. არსებითად ამ კაპიტულაციამ პარიზის ბედიც გადასწყვიტა, რომელიც ოთხ თვეზე მეტ ხანს იყო გერმანელი ჯარებისაგან გარშემორტყმული (სექტემბრიდან დეკემბრის დამლევამდე). საფრანგეთის ყველა კუთხეში ახალ-ახალი რაზმები სდგებოდა; ლუარაზი, სომხაზე, რონაზე ისინი მამაცად ებრძოდნენ იმ გერმანელ რაზმებს, რომელნიც პარიზის ალყას ზურგს უმაგრებდნენ, მაგრამ, სიმამაცისა და თავდადების მიუხედავად, რეკრუ-

ტებს არ შეეძლოთ ომში გამობრძმედილი მოწინააღმდეგის ჯარის კაცების გამკლავება; ფრანგები ხანდისხან ახერხებდნენ და გერმანიის რაზმებს უკან ახევინებდნენ, მაგრამ ბოლოს საქმე მაინც ახალ-ახალი მარცხებით თავდებოდა. პარიზის გარნიზონიც ახალი ჯარისკაცებისგან შესდგებოდა, და იქ არც ერთი გამოჩენილი სარდალი არ ყოფილა; მაგრამ ჯარისკაცებმაც და მოქალაქეებმაც თავისი ვალი მაინც მოიხადეს, და პარიზი ზარბაზანმა კი არა, უსურსათობამ დასცა. ქალაქი მაშინ დანებდა, როდესაც პური მხოლოდ 8 ლლის საყოფილა დარჩა, ცხენის ხორცი კი—14 ლლის. პარიზის დაცემის შემდეგ ფრანგებს მეტი გზა აღარ ჰქონდათ, ზავი უნდა ჩამოეგდოთ. მისი პირობები ფრანკფურტში იქმნა შემუშავებული. საფრანგეთი უთმობდა გერმანიას ალზასს და ლორენის აღმოსავლეთს მეცითურთ, ხოლო კონტრიბუციის სახით ხუთ მილიარდს იხდიდა.

საფრანგეთს ეს დამარცხება მოსვენებას არ აძლევდა, იგი ყოველ დღე „რევანშის“ შესახებ ოცნებობდა, და როდესაც საერთაშორისო ომი დაიწყო (1914 წ.), იგი პატრიოტული გრძნობით ანთებული ძლიერს გერმანიას დაეჯახა. ომის დასასრული ისეთი აღმოჩნდა, რომ საფრანგეთი თავს დაკმაყოფილებულად გრძნობს.

### გერმანიის გაერთიანება.

საფრანგეთ-გერმანიის ომის უმთავრესი შედეგი გერმანიის ტერიტორიის გაფართოებაში კი არა, იმ მიზნის მიღწევაში გამოიხატა, რომლის შესრულებასაც გერმანელები მთელი XIX საუკუნის განმავლობაში ცდილობდნენ; ეს მიზანი გერმანიის გაერთიანება იყო. იმ დროს, როდესაც ჯერ კიდევ ალყა ჰქონდა პარიზს შემორტყმული, ვერსალის სასახლის ერთ დარბაზში, რომელიც ლიუდოვიკ XIV საფრანგეთის აყვავების, ხოლო გერმანიის დამცირების დროს ააგო, პრუსიის მეფე ვილჰელმი იმპერატორად იქმნა გამოცხადებული. 1870—1871 წლის გამარჯვებამ გერმანიის მფლობელთა პარტიკულიარიზმს ქედი მოახრევინა.



ჩრდილო-გერმანიის კავშირი ახალი იმპერიისათვის საფუძვლად გამოდგა; თითოეულ სახელმწიფოს თავისი შინაური საქმეების გაძღოლაში უმეტეს ნაწილად თავისუფლება მიენიჭა, საზოგადო საქმეები კი იმპერატორის, სხვადასხვა სახელმწიფოების წარმომადგენლებისაგან შემდგარი საბჭოისა და საზოგადო ხმის მიცემით არჩეულის საიმპერიო სეიმის (რეიხსტაგის) ხელმძღვანელობას უნდა დაქვემდებარებოდა. ამგვარი წესწყობილება მარტო პრუსიის გამარჯვებას როდი გამოუწვევია, იგი უმთავრესად ეროვნული მთლიანობის შეგნებას ეყრდნობოდა, რომელიც გერმანიის საზოგადოებაში დიდი ხანია მზადდებოდა და მწიფდებოდა.

### პარიზის კომუნა.

1870-71 წლის ომის შემდეგ საფრანგეთშიც იწყო თავისი ცხოვრების განახლება, მაგრამ სულ სხვა პირობებში, ვიდრე გერმანიამ. გარეშე დამარცხებასთან ერთად მას შინაური არევ-დარევაც დაატყლა თავს. სედანის დამარცხებას იმ წამსვე საფრანგეთის რესპუბლიკად გამოცხადება მოჰყვა (4 სექტემ. 1870 წ.). ეს პარიზის რევოლუციონურად განწყობილი მოსახლეობის და არა საკანონმდებლო კარპუსის საქმე იყო. მაგრამ პარიზის ალყის დროს უკმაყოფილება რესპუბლიკანურის თავდაცვის მთავრობის წინააღმდეგ დღითიდღე იზრდებოდა. ხოლო როდესაც ზავის პირობები გამოქვეყნდა, პარიზის მოსახლეობის უკმაყოფილება კიდევ უფრო გაიზარდა. როდესაც მთავრობამ ლარიბი მუშა ხალხის მოთხოვნილება არ დააკმაყოფილა ბინის ქირის გადახდისა და საჭირო ვალდებულებათა ვადის განგრძობის შესახებ და მუშებს გვარდიაში სამსახურისათვის ქირა (ფრანკ ნახევარი დღეში) მოუსპო, პარიზში აჯანყებამ იფეთქა.

პარიზის მუშა მოსახლეობა საერთოდ არა მარტო ბონაპარტისტების წინააღმდეგ იყო ამხედრებული, ვინაიდან მათ სამშობლოს სირცხვილი აქამეს, არამედ მთელი „ბურჟუაზიული“ საზოგადოების, შეძლებული კლასების წინააღმდეგაც. 18



მარტს 1871 წელს პარიზში „კომუნა“ გამოცხადდა, ე. ი. პარიზის რევოლუციონური მთავრობა, რომელსაც ქონებრივი და საზოგადოებრივი უთანასწორობა უნდა მოესპო და ქვეყნისათვის ნაციონალური სახელმწიფოს დამოუკიდებელს ადგილობრივ თემებად დანაწილების მაგალითი მიეცა. საფრანგეთის მთავრობა იძულებული შეიქმნა, პარიზისთვის ეხლა თვითონ შემოეგრტყა ალყა და მაკმაგონის სარდლობით ქალაქი იერიშით აეღო, რაც მთელს ოთხ დღეს გაგრძელდა. ეს მოხდა 21 მაისს. პარიზში გაცხარებული ბრძოლა დაიწყო, რომელიც თითქმის ერთ კვირას გაგრძელდა. კომუნის დაცემა გაბოროტებისა და სასოწარკვეთილების ველურობით აღინიშნა: რათა მტრის წინსვლა შეეფერხებიათ, სატახტო ქალაქის საუცხოვო შენობებს კომუნარმა ცეხლი წაუკიდეს— ტიულერიის სასახლე, რატუშა ცეცხლის აღში გაახვიეს და ამასთანავე ბურჟუაზიული საზოგადოების თვალსაჩინო წარმომადგენლებიც მრავლად გაჟლიტეს; სამაგიეროდ არც მთავრობას გამოუჩენია ღმობიერება კომუნისტების მიმართ: სისხლის ნიაღვარმა პარიზის ქუჩები მოფარა და კომუნარები შეუბრალებლად იჟლიტებოდენ. „მაისის დღეები“ 1848 წ. ივნისის დღეებს არაფრით არ ჩამოუვარდებოდენ. 200 კომუნარს სიკვდილით დასჯა, ხოლო 13 ათასს სხვადასხვა სასჯელი მიუსაჯეს. უცხოეთის პრესა გულისწყრომით აღნიშნავდა იმ არაადამიანურ სისასტიკეს, რომელიც კომუნის დაცემას მოჰყვა. უნდა აღინიშნოს, რომ კომუნას მარტო სოციალური მოტივები როდი ჰქონდა საფუძვლად, დიდ როლს თამაშობდა აგრედვე პატრიოტიზმიც, რომელიც მთავრობას პრუსიელების წინაშე ქედის მოხრას უსაყვედურებდა. მაგრამ რა კი ეს მოძრაობა სოციალისტური დროშის ქვეშ სწარმოებდა, ბურჟუაზიამ საზღაპრო სისასტიკე გამოიჩინა და ახალი მოძრაობა სისხლის მორგეში ჩაახრჩო.

მიუხედავად ასეთი მძიმე პირობებისა, საფრანგეთმა სოციალისტების უნარი ახლაც გამოიჩინა. პირველს ნაციონალურ



ქრებაში უმრავლესობას მონარქისტები შეადგენდენ, მაგრამ რადგანაც თითოეულს მონარქისტულ პარტიას (ორლევანისტები, ლევიმისტები და ბონაპარტიკები) სამეფო ტახტზე თავისი ცალკე კანდიდატი ჰყავდა, მათი შერიგება შეუძლებელი გახდა, და ცხადად სჩანდა, რომ საფრანგეთში მხოლოდ რესპუბლიკის დამკვიდრება იყო შესაძლებელი. **ტიერი**, რომელიც მაშინ პრეზიდენტად იყო, ნათლად ხედავდა ამას და ამბობდა, საფრანგეთში მხოლოდ „კონსერვატიული რესპუბლიკა“ არის შესაძლებელიო. 1875 წელს ნაციონალურამ კრებამ (ერთი ხმის უმეტესობით) საფრანგეთი მართლაც რესპუბლიკად გამოაცხადა და საბოლოოდ შეიმუშავა ის წესწყობილება, რომელიც ზოგი ცვლილებით დღემდე შერჩა საფრანგეთს.

აი ეს წესწყობილებაც: საკანონმდებლო უფლება **დეპუტატთა პალატისა** და **სენატის** ხელში გადავიდა; პირველის წევრებს საყოველთაო ხმის მიცემით ირჩევენ, ხოლო მეორესას—დეპარტამენტები განსაკუთრებულ კრებებზე ნიშნავენ.

აღმასრულებელი უფლება პრეზიდენტს ეკუთვნის, რომელსაც ორივე პალატის შეერთებული სხდომა ირჩევს **შვიდი წლის** ვადით.

ახალი კონსტიტუციის ძალით შეკრებილს დეპუტატთა პალატაში უმრავლესობას უკვე რესპუბლიკელები შეადგენდენ; მაგრამ იმდროინდელმა პრეზიდენტმა **მაკმაგონმა** ამის გამო პალატა დაშალა და ახალი არჩევნები დანიშნა. ეს რესპუბლიკის წინააღმდეგ ბრძოლის გამოცხადებად ჩასთვალეს და რესპუბლიკანელებმა შეურიგებელ ბრძოლას მოჰკიდეს ხელი. მათ ბელადად ცნობილი **გამბეტა** ითვლებოდა. წინედ იგი უკიდურესი რესპუბლიკანიზმის მომხრე იყო, და ამისთვის **ტიერი** მას „დასაბამ გიჟს“ უწოდებდა; ახლა კი გამბეტას ბურჟუაზიული წრეების რესპუბლიკანურ წესწყობილებასთან შერიგება უნდოდა და ამიტომ უფრო **ზომიერ** გზას დაადგამით მან თავის მიზანს მიაღწია, მაგრამ თვით რესპუბლიკანელები არ იყვნენ მისი პოლიტიკით კმაყოფილნი: იგინი ამ პოლი-



ტიკას „**ოპორტუნისტულს**“ უწოდებდნენ. ბოლოს და ბოლოს ხალხი, რომელიც პირველად უნდობლობით ექცეოდა რესპულიკას, რაც დრო გადიოდა მის აუცილებლობაში იმდენად უფრო რწმუნდებოდა, და მონარქიულმა პარტიებმა თანდათან დაჰკარგეს თავისი გავლენა. საფრანგეთის სიმდიდრემ, რაც შედეგი იყო ხალხის არაჩვეულებრივი შრომის მოყვარეობისა და ენერჯის, საშუალება მისცა ქვეყანას უამრავი სამხედრო კონტრიბუცია გადაეხადა და სხვა ხალხთა შორის მეურნეობის მხრივ კვლავ სათანადო ადგილი დაეკავებია. ცოცხალმა ნაციონალურმა გრძნობამ და სამაგიეროს გადახდისა და დაკარგულის უკანვე დაბრუნების სურვილმა ფრანგებს განსაკუთრებული ყურადღება ჯარისათვის მიაქცევია, და უკანასკნელის რეორგანიზაციამ რესპუბლიკანური საფრანგეთი საერთაშორისო ურთიერთობაში კვლავ მრისხანე ძალად გარდააქცია.

1914—1919 წლების მსოფლიო ომში რესპუბლიკამ გამოცდა დაიჭირა, და უნდა ვიფიქროთ, რომ საფრანგეთის როიალისტები საბოლოოდ დაჰყრიან იარაღს და რესპუბლიკანურ წესწყობილებას შეურიგდებიან.

### **იტალიის გაერთიანების დასრულება.**

1870—71 წლის ომს კიდევ ჰქონდა ერთი პოლიტიკური შედეგი. მისი დაწყების წინ, თუ ცოტა ადრე, პაპმა პიუს IX რომში კათოლიკურ სამღვდელთა „მსოფლიო“ კრება მოიწვია, რომელზედაც, 119 ეპისკოპოსის წინააღმდეგობის მიუხედავად (კრებაში სულ 750 კაცი მონაწილეობდა), პაპის უცოდველობის ახალი დოგმატი იქმნა გამოცხადებული. უმრავლესობამ გადასწყვიტა, რომ პაპის აზრი დოგმატიურისა ან ზნეობრივი საკითხების შესახებ უთუოდ უცილობელი ქეშმარიტება არის, რომ პაპი, როგორც ეკლესიის მოძღვარი, უცოდველია და თვით ეკლესიის დახმარებას არ საჭიროებს. მაგრამ ამას თან მოჰყვა პაპების საერო უფლების დაკარგვა, რომლითაც იგინი, მერვე საუკუნიდან დაწყებული, სარგებლობდნენ.



ბოლო ხანებში პაპის საერო უფლება მხოლოდ იმპერატორ ნაპოლეონის დახმარებაზე იყო დაყრდნობილი, და როდესაც 1870 წლის ამბებმა რომიდან საფრანგეთის ჯარების გაყვანა გამოიწვია, ბიქტორ ემანუილმა რომი დაუყოვნებლივ დაიკავა და ამით, როგორც იქნა, იტალიის გაერთიანების საქმე დაასრულა. სამაგიეროდ მას შემდეგ, რაც ამგვარად პაპი იტალიის წვრილი მთავრისმაგიერ მხოლოდ „ვატიკანის პატიმრად“ გარდაიქცა, მისი ზნეობრივი გავლენა კათოლიკურ ქვეყნებში კიდევ უფრო გაიზარდა.

### აღმოსავლეთის საკითხი.

#### სლავ ქვეშევრდომთა აჯანყება ოსმალეთის წინააღმდეგ.

შუა ევროპაში მომხდარმა ამბებმა აღმოსავლეთ ევროპის ბედზედაც იქონიეს გავლენა. მას შემდეგ რაც ავსტრიამ გერმანიასა და იტალიაში ადგილები და გავლენა დაჰკარგა, განსაკუთრებული ყურადღება მან აღმოსავლეთის საქმეებს მიაპყრო. ბალკანეთზე, როგორც ვიცით, უპირატესობა რუსეთს ჰქონდა მობრუნებული. ეს გარემოება სრულიად არ შეეფერებოდა ავსტრიის ინტერესებს და ამიტომ მთელი გულისყური ამ ქვეყნის პოლიტიკურ მოდრაწეთა აქეთ იყო მოპყრობილი. გერმანიას, მართალია, პირდაპირი ინტერესები ბალკანეთში არ ჰქონდა, მაგრამ რუსეთის ზედმეტი გაძლიერება მას სახიფათოდ მიაჩნდა, და ამიტომ ბალკანეთის საკითხში იგი მზად იყო, ავსტრიისათვის დაეჭირა მხარი. რუსეთი დიდხანს სცდებოდა თავისი დასავლეთი მეზობლების ინტერესებისა და მიზნების შესახებ, იმედი ჰქონდა, რომ გერმანია არ დაივიწყებდა იმ დახმარებას, რომელიც რუსეთმა მას 1870—1871 წლებში გაუწია, და მან გერმანიასა და ავსტრიასთან ახლო კავშირიც კი შეჰკრა ე. წ. „სამი იმპერატორის კავშირის“ სახით. მაგრამ ამ შეთანხმების ნამდვილი ფასი პირველს სერიოზულ გამოცდასთანავე გამოემტლავნდა, რომელიც მას ბალკანეთის ნახევარ კუნძულზე საქმის მსვლელობამ მოუშინადა.

XIX საუკუნეში მიღებულმა გაცვეთალებმა ოსმალეთისათვის თითქმის უნაყოფოდ ჩაიარა, და მისი მაწა-წყლის მდგომარეობა ბევრად არაფრად გაუმჯობესებულა. ოსმალეთში „ახალგაზრდა ოსმალთა პარტია“ გაჩნდა, რომლის ოცნებასაც დასავლეთ ევროპაში მომხდარი რეფორმების თავის სამშობლოს წიადაგზე გადმონერგვა შეადგენდა, მაგრამ ამ უმნიშვნელო ჯგუფის არსებობა სტამბოლის სასახლის ინტრიგებს კიდევ უფრო ართულებდა და მინისტრებს საშუალებას აძლევდა, როდესაც ევროპის სახელმწიფოები მათგან ამა თუ იმ პროვინციისათვის რეფორმებს მოითხოვდნენ, განეცხადებიათ, რომ ამგვარ რეფორმებს მთელი ოსმალეთისათვის აპირებდნენ, და ამ მოსაზრებით კერძო ხასიათის პრაქტიკულ ცვლილებაზე უარი ეთქვათ. ბედშავ ქრისტიან მცხოვრებლებს ის და დარჩენოდათ, რომ ხშირი აჯანყებით მაინც ემცნათ უცხოეთისათვის თავისი მდგომარეობის აუტანლობა.

1875 წელს აჯანყებამ პირველად ბოსნიასა და ჰერცეგოვინაში იფეთქა, მათ მალე ბულგარეთიც გამოეხმაურა. თუ როგორ მოქმედებდნენ ოსმალოები, ეს იქიდანაც სჩანს, რომ ინგლისელი კომისრების გამოძიებით, ოსმალეთში ჩასახლებულ ჩაჩნებს (ბაშიბუზუკებს) მარტო ფილიპოლის ოლქში 12.000 კაცი გაეუღოტათ. ევროპის სახელმწიფოებმა ოსმალეთის ქრისტიანების საკითხის განსახილველად კონფერენცია მოიწვიეს; მაგრამ აქ, რუსეთის გაძლიერების ტრადიციული შიშის გამო, ინგლისმა განსაკუთრებული პოზიცია დაიჭირა. ამ უთანხმოების იმედით, ოსმალეთმა თავის ქრისტიან ქვეშემრდომთათვის რეფორმების შემოღებაზე უარი განაცხადა. მაშინ აჯანყებულთ სერბია და მთაშავეთი გამოექომაგენ, რა სქმა უნდა, იმ იმედით, რომ მათ მხარს დანარჩენი სლავიანური ქვეყნები და განსაკუთრებით რუსეთი დაუჭერდა. მაგრამ ოსმალეთის წინააღმდეგ ბრძოლა ორი პატარა სამთავროსთვის ძალიან ძნელი აღმოჩნდა. მთაშაველები მამაცურად იგერიებდნენ ოსმალოების თავდასხმებს, მაგრამ არსებითი დახმარება აჯანყებულთ მაინც



ვერ აღმოუჩინეს. რაც შეეხება სერბიელებს, რუსეთიდან მისულ მოხალისეთა დახმარების მიუხედავად, რომელთაც გენერალი **ჩერნიაევი** ხელმძღვანელობდა, იგინი მაინც დაძლეულ იქმნენ, და სერბიას სრული განადგურება მოელოდა; მაგრამ ამ უბედურებისაგან იგი იმპერატორმა **ალექსანდრე ნიკოლოზისძემ** იხსნა, რომელმაც დებეშით მოსთხოვა სულთანს სამხედრო მოქმედების შეჩერება. მაგრამ ამის შემდეგ წარმოებულმა დიპლომატიურმა მოლაპარაკებამ სასურველ შედეგს ვერ მიალწია, და რუსეთის იმპერატორმა იარაღს მოჰკიდა ხელი, რათა ოსმალეთის ქრისტიან ქვეშევრდომთა საკითხი თავისი ინიციატივით გადაეწყვიტა (1877).

### რუსეთ-ოსმალეთის ომი.

ოსმალეთისაგან რუსეთი სერიოზულ წინააღმდეგობას არ მოელოდა, და მის მაგიერ, რომ თავიდანვე დიდი ძალებით დაეწყო მოქმედება, ძალიან მცირედით დაკმაყოფილდა. აზიის არმიამ სწრაფად წაიწია წინ, ღუნაის არმიამ კი ღუნაი გადალახა, აიღო ნიკოპოლი და, აუარა რა გვერდი ციხეებისაგან შემდგარ ოთხკუთხს (რუშჩუკი, სილისტრია, შუმლა, ვარნა), ბალკანებს იქით გასწია. მაგრამ, როდესაც ოსმალოებმა თავისი ალჩარებელი მობილიზაცია დაამთავრეს, აღმოჩნდა, რომ რუსების ძალები საკმარისი არ იყვნენ. ღუნაის არმიის მარჯვენა გვერდზე **ოსმან-ფაშამ პლევენასთან** გამაგრებული პოზიცია დაიჭირა, რომლის აღებაც, მიუხედავად ორჯელ მიტანილის სასტიკი იერიშისა (18 ივლისს და 30 აგვისტოს), ვერ მოხერხდა; წინ **შიპკინას გასავალს** გენერალ **რადეცკის** ჯარები გმირულად იცავდნენ, მაგრამ მდგომარეობა მაინც კრიტიკული იყო, და ეს მანამდე გაგრძელდა, სანამ რუსეთიდან მაშველი ჯარები არ მოვიდა. კავკასიაში **გუმბრისაკენ** დაიხიეს. ახლა კი მდგომარეობა სწრაფად შეიცვალა. **პლევენას** პოზიცია ყოველი მხრიდან იქმნა გარს შემორტყმული, და ოსმან ფაშა იძულებული შეიქმნა, მტერს დანებებოდა. მიუხედავად იმისა, რომ



ზამთარი ახლოვდებოდა, გენერალ გურკოს არმიამ თოვლით დაფარული დასავლეთი ბალკანები გადალახა და მის წინააღმდეგ გამოგზავნილი ოსმალეთის კორპუსები დაამარცხა. რადეცკიმ და სკობელევმა კი შიპკის პირდაპირ მდგომი ოსმალეთის ცენტრალური არმია დაატყვევეს. ამავ დროს დიდი მთავრის მიხეილ ნიკოლოზისძის ჯარებმა მუხტარ ფაშა დაამარცხეს, აიღეს ყარსი და სომხეთი აზრუმამდე დაიკავეს.

რუსეთის ჯარები თვით კონსტანტინეპოლს მიაღწენ. პორტა იძულებული შეიქმნა, რუსებს სან-სტეფანოში ზავით შეეკვროდა, რომლის მიხედვითაც რუსეთი ბათუმის, ართაანის, ყარსისა და დობრუჯის შემოერთებით კმაყოფილდებოდა. გარდა ამისა სერბიას, მთაშავეთს და რუმინიას დამოუკიდებლობა უნდა მინიჭებოდათ, ხოლო ბულგარეთს ბალკანების ჩრდილოეთი და სამხრეთი ნაწილები უნდა შეერთებოდა და ვასალურ სახელმწიფოდ ყოფილიყო აღიარებული; მისი მოწყობა კი რუსეთს უნდა მინდობოდა. სან-სტეფანოს ზავი დიდ უპირატესობას ანიჭებდა ბალკანეთის ნახევარკუნძულზე რუსეთს. ეს, რასაკვირველია, სრულიად მიუღებელი იყო ევროპისათვის, და ავსტრიაში და ინგლისში რუსეთის საწინააღმდეგოდ მზადება დაიწყო.

ალექსანდრე მეორე იძულებული შეიქმნა დასთანხმებულიყო, სან-სტეფანოს ხელშეკრულება ევროპის სახელმწიფოთა კონგრესს გადაეხინჯა; კონგრესი ბერლინში შესდგა ბისმარკის თავმჯდომარეობით. ამ კონგრესის გარდაწყვეტილების მიხედვით ავსტრიამ ბოსნია და ჰერცეგოვინა დაიკავა, ინგლისმა — კიპროსი (1879 წელს ინგლისელებმა ეგვიპტეც დაიკავეს), ხოლო ბულგარეთი ორ ნაწილად იქმნა გაყოფილი, და ბულგარეთის სამთავროს მარტო ერთი ნაწილი (დუნაისა და ბალკანებს შუა მდებარე) შეუერთდა; სამხრეთი ნაწილი კი, ე. წ. აღმოსავლეთი რუმელია, ოსმალელების პროვინციად დარჩა, ხოლო მას სათავეში ქრისტიანი გენერალ-გუბერნატორი უნდა ჩასდგამოდა. რა თქმა უნდა, ასეთი განაწილება ერთი მთლიანი ქვეყნისა სრულიად არაბუნებრივი

იყო, მაგრამ ძლიერი ბულგარეთი, სანამ იქ რუსეთის გავლენა ბატონობდა, მიუღებელი იყო ევროპის სახელმწიფოებისათვის. ამიტომ, მოისპო თუ არა ბულგარეთში რუსეთის გავლენა, იგი ევროპის სახელმწიფოთა (გერმანია) გავლენით ხელახლა გაერთიანდა. ახლა რუსეთისათვის აღარ იყო ბულგარეთის გაძლიერება ხელსაყრელი, და ამიტომ მან პროტესტი განაცხადა მისი გაერთიანების წინააღმდეგ. იმ დროიდან დაწყებული ბალკანეთი ევროპის სახელმწიფოთა მუდმივი ქიშპობის სარბიელად გადაიქცა, დასაერთაშორისო ომის საშიშროება სხვათა შორის აქედანაც იყო მოსალოდნელი.

### ინგლისი.

ინგლისი ევროპის საქმეებში ძალიან თავდაქერილად იქცეოდა; ეს მით აიხსნება, რომ მას საყოველთაო სავალდებულო სამხედრო ბეგარა არ ჰქონდა შემოღებული, და მისი ჯარი მხოლოდ მოხალისეთაგან შესდგებოდა. ამიტომ იგი სამხედრო ძლიერების მხრივ ევროპის სხვა სახელმწიფოებს ვერ გაუმკლავდებოდა. ჯარების მცირე-რიცხოვანობა ინგლისს საკუთარს ახალშენებშიც კი უჭირებდა საქმეს და განსაკუთრებით ეს მან ინდოეთში იგრძნო.

ეს უზარმაზარი ქვეყანა „აღმოსავლეთ ინდოეთის სავაჭრო კომპანიას“ ექვემდებარებოდა, რომლის მოხელენიც წმინდა კომერციული თვალსაზრისით უღმობველ ექსპლოატაციას აწარმოებდნენ და თავისი სიამაყითა და ადგილობრივ საჭიროებათა უცოდინარობით მკვდირთა დაუშრეტელ სიძულვილს იმსახურებდნენ. საქმე აჯანყებამდი მივიდა, რომელიც მით უფრო საშიში გამოდგა, რომ მას სიპაების ადგილობრივი რაზმები ჩაუდგენ სათავეში და ინგლისელებს შეუბრალებლად უღეტდნენ. მაგრამ აჯანყებულთ შეთანხმებული მოქმედება აკლდათ, და ინგლისის მთავრობამ, რომელმაც ქვეყნის მართველობა კომპანიისაგან მიიღო, მოხერხებულად ისარგებლა ამ გარემოებით და აჯანყება უღმობველი ზომებით ჩააქრო.



1860 წლიდან დაწყებული ინგლისის მთავარი ყურადღება შინაური განვითარებისაკენ იყო მიპყრობილი. ამ დროს ლიბერალებს სამართლიანობისა და ჰუმანობის კეთილშობილი დამცველი, **გლადსტონი** ხელმძღვანელობდა; ხოლო კონსერვატიული პარტიის ბელადად მოხერხებული და ბრწყინვალე, მაგრამ უპრინციპო **დიზრაელი** იყო. გლადსტონის სახელმწიფოებრივი კარიერა საუცხოვო ფინანსიური ზომებით დაიწყო, რომელიც თანამედროვე ინგლისურ სისტემას საფუძვლად აქვს დადებული. მაგრამ გლადსტონი მარტო სპეციალურ საკითხებზე არ შეჩერებულა; მან აღძრა საკითხი საარჩევნო უფლების ახალი გაფართოების შესახებ. მართალია ეს დიზრაელის სამინისტროს დროს განხორციელდა, რომელიც ამით გლადსტონისადმი საზოგადოების თანაგრძნობის გაქარწყლებას ფიქრობდა, მაგრამ რეფორმის ნამდვილი მიზეზი ლიბერალები იყვნენ, და 1855 წელს მათ კიდევ უფრო გააფართოვეს საარჩევნო უფლება, რომლის შემდეგაც სულ 6,000,000 ამომრჩეველი ითვლებოდა და არჩევნებში მხოლოდ 2,000,000 სრულ წლოვანი მამაკაცი არ იღებდა მონაწილეობას. 1869 წელს გლადსტონმა კაოლიკე ირლანდიელები „გაბატონებული“ ეპისკოპალური ეკლესიის უაზრო ბატონობისაგან განათავისუფლა და ამის შემდეგ საბოლოოდ გაიმსჯალა იმ აზრით, რომ ირლანდიელების დამორჩილება და მათი დიდი ბრიტანიის ერთგულ მოქალაქეებად გარდაქცევის საუკეთესო საშუალება მათის **მატერიალურისა და პოლიტიკური მდგომარეობის გაუმჯობესებაში მდგომარეობდა**. 1881 წელს მან პარლამენტში კანონი გაატარა, რომელიც ირლანდიელ ფერმერებს ინგლისელი მემამულეების თვითნებობისაგან იფარავდა; დასასრულ, 1886 წელს გლადსტონი ე. წ. home rule-ის გეგმით გამოვიდა, რომლის მიხედვითაც ირლანდიას დამოუკიდებელი მართველობა და განსაკუთრებული პარლამენტი უნდა მინიჭებოდა, ხოლო ინგლისისა და ირლანდიის საერთო საქმეები დიდი ბრიტანიის პარლამენტს უნდა გადაეწყვიტა. ამ გაბედულმა წინადადებათ ვით



ლიბერალების წრეში გამოიწვია განხეთქილება, და ინგლისის პოლიტიკაში ირლანდიის საკითხი დღესაც ერთერთ უმთავრეს საკითხად ითვლება. თვით ირლანდია კი ჰომრულით აღარ კმაყოფილდება და სრულ დამოუკიდებლობას ესწრაფის. საერთაშორისო ომმა და მისგან წამოყენებულმა პრინციპებმა კიდევ უფრო გააღვივეს ირლანდიელთა დამოუკიდებლობისადმი მისწრაფება, და 1919 წელს მათ თავისი ქვეყნის სრული დამოუკიდებლობა გამოაცხადეს.

### ჩრდილოეთ ამერიკის შეერთებული შტატები.

ახალი ქვეყნის დიდი სახელმწიფო, ჩრდილო ამერიკის შეერთებული შტატები, იმ თავითვე თავისი განვითარების განსაკუთრებულ გზას დაადგა. ბუნებრივმა და საზოგადოებრივმა პირობებმა ეს სახელმწიფო XIX საუკ. პირველ ნახევარში ორს ერთმანეთისაგან ფრიად განსხვავებულ ნაწილად გაჰყო. სამხრეთ შტატების მეურნეობა თუთუნის, შაქრის, ბრინჯისა და განსაკუთრებით ბამბის დამუშავებაზე არის დამყარებული. ყველა ეს კულტურა იმდენად გამჭრიახობას, ენერჯისა და ყურადღებას არ მოითხოვს, რამდენადაც მასიურის, ერთფეროვანისა და მარტივი შრომის და სიცხის ატანის უნარს; ამიტომ სამხრეთში პლანტაციური მეურნეობა დამყარდა; მიწის საკუთრებამ მსხვილ მემამულეთა ხელში მოიყარა თავი, და მისი დამუშავებისათვის მონების (ნევრების) შრომით სარგებლობდნენ.

ჩრდილოეთის შტატებში, ევროპის მსგავსად, ჰერის მოყვანა და საქარხნო მრეწველობა განვითარდა; ყოველგვარ საჭეშაოს თავისუფალი მუშა ხელი ასრულებდა და მიუხედავად იმისა, რომ ზოგიერთებმა აქ უძრავი ქონება შეიძინეს, საზოგადოების თეთრებად და შავებად, ბატონებადა და მონებად გაყოფვას ადგილი მაინც არასდროს არა ჰქონია. საწარმოვო მასალის სიუხვემ და მცხოვრებლების ენერჯიამ საზოგადოებაში ნივთიერი კეთილდღეობა გაავრცელეს. კავშირის კონსტიტუცია თითოეულ კერძო შტატს თითქმის სრულ დამოუკი-



დებლობას ანიჭებდა, და სამხრეთის შტატებსაც თავისი „განსაკუთრებული დაწესებულებით“, **მონობით** სარგებლობა დაუბრკოლებლივ შეეძლოთ, მაგრამ მათ ეშინოდათ, რომ ჩრდილო შტატები აღრე თუ გვიან სამხრეთში გავრცელებული მონობის წინააღმდეგ გაილაშქრებდნენ. ამის თავიდან ასაცილებელ გარანტიად სამხრეთელებს იმგვარი წესრიგი მიაჩნდათ, რომლის მიხედვითაც მონების მფლობელი შტატების რიცხვი თავისუფალი შტატების რიცხვის თანაბარი მაინც იქნებოდა, მიტომ რიამ ამ შემთხვევაში, თუ დეპუტატების პალატაში არა, სადაც პროპორციონალური წარმომადგენლობა იყო შემოღებული, **სენატში** მაინც საერთო ხმის რიცხვის ნახევარი ეყოლებოდათ უზრუნველყოფილი (სენატი ე. წ. პარიტეტულ პრინციპზე იყო აგებული და ამიტომ ყოველ შტატს მცხოვრებთა რიცხვის მიუხედავად, იქ ორ-ორი წარმომადგენელი ჰყავდა). ასეთი გარანტიის შესაქმნელად სამხრეთმა შტატებმა ისარგებლეს კონსტიტუციის იმ მუხლით, რომლის მიხედვითაც მკირედ დასახელებულ ადგილებს, როდესაც მათ მცხოვრებთა ზაერთო რიცხვი 60.000-ს მიაღწევდა, ნება ეძლეოდათ, იგინიც სრულყოფილებიან შტატების რიცხვში შესულიყვნენ სამხრეთის შტატებმა მოახერხეს, ამ ახალი შტატების განაწილების დროს ჩრდილოეთისა და სამხრეთისათვის ახალი შტატის თანაბარი რიცხვი მიემატებიათ. მაგრამ ცხოვრების მიმდინარეობას ამ ზომებით ვერავინ შეაჩერებდა. სამხრეთი შტატები მაინც არ თმობდნენ და მონობის შესაჩუნებლად არაფერს ერიდებოდნენ. როდესაც 1860 წ. პრეზიდენტად **აბრამ ლინკოლნი** აირჩიეს, რომელიც სამხრეთელებისათვის ყოველგვარი დათმობის წინააღმდეგი იყო, შვიდმა შტატმა განაცხადა, რომ იგინი კავშირიდან გამოდიოდნენ. მათ თავისი ცალკე „კონფედერაცია“ შეადგინეს, საკუთარი კონგრესითა და პრეზიდენტით (ჯეფერსონ დევისი).

რადგანაც ამასთანავე მათ კავშირის ერთ-ერთი ციხეც დაიკავეს, საქმე ომით გათავდა. განდგომილთა კონფედერაციაში



მხოლოდ 10 მილიონი მცხოვრები ითვლებოდა და ამათაგანაც ნახევარს მონები შეადგენდენ; ხოლო კავშირში 22 მილიონი მოქალაქე დარჩა. ამის მიუხედავად სამხედრო უპირატესობა პირველ ხანებში მაინც სამხრეთლების მხარეზე იყო: მდიდარი პლანტატორები უკეთესი მეომრები აღმოჩნდნენ, ვიდრე ჩრდილოელი მიწის მომუშავენი და ვაჭრები. 1861, 1862 და 1863 წლის ლაშქრობათა დროს სამხრეთელი გენერლები, რომელთაგანაც განსაკუთრებით ლი შეიქმნა სახელოვანი, ჩრდილოელებს ზედიზედ ამარცხებდნენ. მაგრამ ამერიკელი ხალხს დიდი ზნეობრივი ძალა სწორედ ამ ვაჭირვების დროს გამოამჟღავნა. მას ომი არ სურდა, და მზად არ იყო მისთვის; მის წესწყობილებაში ადგილი არ ჰქონია იმ ძალდატანებითი საშუალებებს, რომლითაც ევროპის სახელმწიფოები ჰქმნიან თავის სამხედრო ძალებს: არც რეკრუტების მოკრება არსებობდა, არც საყოველთაო სამხედრო ბეგარა და არც ძლიერი ცენტრალური მთავრობის ხელმძღვანელობა. კავშირის მილიონიანი ჯარები თანდათან მოხალისეებით ივსებოდა; ჯარისკაცები, ოფიცრები და გენერლები ბრძოლის ველზედ პირდაპირ თავისი კონტორებიდან, დახლიდან და ყანებიდან გამოდიოდნენ.

ომის მსვლელობის ხასიათი მას შემდეგ შეიცვალა, რაც გეტინსბურგთან სამი დღის ბრძოლის შემდეგ გენერალმა მიდმა უკან დაახევია ლის, რომელიც უკვე პენსილვანიაში იყო შეჭრილი (1863). თუმცა სამხრეთლები გამოცდილებითა და სიმამაცით სჯობნიდნენ თავის მოწინააღმდეგეებს, მაგრამ ჯერ ერთი თვით საკუთარ სამფლობელოებში ყავდათ მათ მტრები მონა ნეგრების სახით, რომელნიც ლინკოლნმა თავისუფლებად გამოაცხადა, და მეორე კიდევ — სამხრეთი ნავთსადგურების ალყამ, რომელიც ჩრდილოელებმა მოახერხეს, კონფედერაციის მეურნეობა საგრძნობლად დააზიანა, რადგანაც ამის გამო ბამბისა და სხვა ნედლი მასალის ევროპაში გაზიდვა შეჩერებულ იქმნა.

1864 და 1865 წლ. განმავლობაში სასწორი საბოლოოდ ჩრდილოეთისაკენ გადაიხარა, ხოლო როდესაც გენერალმა



**შერმანმა** ლის არმიას ზურგიდან მოუარა, საქმე გათავებული იქმნა მიჩნეული, და სამხრეთელთა კონფედერაციამ იარაღი დაჰყარა. შედეგი ის იყო, რომ კონსტიტუციის ახალი მუხლის ძალით მონობა მოსპობილ იქმნა, და სამხრეთი ხელახლა კავშირს დაუბრუნდა. შეერთებული შტატების მთლიანობა კვლავ აღდგენილ იქმნა.

## მეცხრამეტე საუკუნის უკანასკნელი ათეული წლები

### შინაური პოლიტიკა.

1871 წლ. რევოლუცია უკანასკნელი იყო ევროპის სახელმწიფოებში. იქედან დაწყებული ევროპის სახელმწიფოთა შინაური პოლიტიკური ცხოვრება ევოლუციის გზით მიმდინარეობდა. ამას ხელი შეუწყო იმ გარემოებამ, რომ თითქმის ყველგან პარლამენტარული წესწყობილება იქმნა შემოღებული, და თუ სადმე ხალხი ახალი პოლიტიკური წესების საჭიროებას აღიარებდა, ამას იგი პარლამენტებში თავისი წარმომადგენლების საშუალებით უმტკივნეულოდ ახორციელებდა.

სამაგიეროდ, მეცხრამეტე საუკუნის უკანასკნელ წლებში ვაჭრობა-მრეწველობის ძლიერი განვითარების გამო ევროპაში ყველგან მძლავრი სოციალური მოძრაობა განმტკიცდა, რომელიც მუშათა კლასის ეკონომიურისა და სოციალური მდგომარეობის გაუმჯობესებისაკენ იყო მიმართული. ჯერ კიდევ საფრანგეთის დიდი რევოლუციის დროს გამოაშკარვდა, რომ პროლეტარიატი საკუთარი ინტერესების მატარებელი იყო; მაღლე იგი ახალი, სოციალისტური და კომუნისტური თეორიების ზეგავლენით შეკავშირდა და თავის საკუთარ ორგანიზაციებში გაერთიანდა. ეს მოძრაობა ყველა სახელმწიფოში სწრაფი ნაბიჯით განვითარდა და სამოციან წლებში ე. წ. „**ინტერნაციონალის**“ სახით საერთაშორისო გაერთიანების გზას დაადგა. ამ მხრივ დიდი როლი შეასრულა მარქსისა და ენგელსის ე. წ. „**სამეცნიერ. სოციალიზმმა**“, რომელმაც მუშათა წრეებში დი-



დი გასავალი მოიპოვა და მძლავრი „სოციალ-დემოკრატიული პარტია“ შექმნა. მუშათა ორგანიზაციების გაძლიერებას ე. წ. **სოციალური რეფორმების** სახით საგრძნობი ცვლილებები მოჰყვა: ძველი აუტანელი პირობები საქარხნო მუშაობისა შემსუბქდა, ბავშთა და ქალთა სამუშაოდლის ხანგრძლივობა კანონით შემოკლდა, შემოღებულ იქმნა მუშათა დაზღვევის კანონი და სხვა. ახალმა სოციალურმა მოძრაობამ საგარეო პოლიტიკაზეც შესაფერი ზეგავლენის მოხდენა შესძლო: სოციალისტურად შეკავშირებული პროლეტარიატი ომების წინააღმდეგი იყო და ევროპის სახელმწიფონი თავის ურთიერთდამოკიდებულებაში ამას ძალაუვნებურად ანგარიშს უწევდენ.

საერთაშორისო დამოკიდებულებანი მეცხრამეტე საუკ. ბოლოს.

დამოკიდებულებანი ევროპაში

სამოცდაათიან წლებში, როგორც ვიცით, შესდგა კავშირი ავსტრიას, გერმანიასა და რუსეთს შორის; მაგრამ საკმარისი აღმოჩნდა ბალკანეთის საკითხს თავი წამოეყო, რათა ეს ე. წ. „სამი იმპერატორის კავშირი“ მყის დარღვეულიყო: ავსტრიისა და რუსეთის ინტერესები ე. წ. ახლობელ აღმოსავლეთში ე. ი. ბალკანეთში იმდენად რადიკალურად ეწინააღმდეგებოდენ ერთმანეთს, რომ ავსტრიამ სან-სტეფანოს ზავს გამო თავისი მოკავშირის, რუსეთის წინააღმდეგ საომარი მზადება დაიწყო. 1878 წლიდან ამგვარად „სამი იმპერატორის კავშირი“ დარღვეულად უნდა ჩათვლილიყო, და მისი ადგილი მარტო ავსტრიისა და გერმანიის კავშირმა დაიკავა.

1871 წლიდან დაწყებული, უთანხმოება გერმანიასა და საფრანგეთს შორის ჩვეულებრივ მოვლენად გადაიქცა; თვით საფრანგეთში განსაკუთრებული სიმპატიით აარგებლობდა გენერალი **ბულანჟე**, რომელსაც აზრად ჰქონდა რესპუბლიკის დამხობა და შემდეგ გერმანიისათვის სამაგიეროს გადახდა. დამო-

კიდებულება იმდენად გამწვავდა, რომ გერმანიაში ომს უკვე დასრულებული მოელოდნენ. ბისმარკი ამბობდა: „საფრანგეთში ყოველ წუთში შესაძლებელია, რომ ძალა-უფლება ახალი მთავრობის ხელში გადავიდეს, რომელიც ომს დაიწყებს, და ჩვენ არ ვიცით, როდის მოხდება ეს, ათი დღის თუ ათი წლის შემდეგ; და ამ მოსალოდნელ ომთან შედარებით 1870 წლის ომი მასხრობა აღმოჩნდება, ვინაიდან ორივე მხარე შეეცდება იმდენი სისხლი დაღვრევიანოს მოწინააღმდეგეს, რომ მან 30 წლის განმავლობაში მაიც ახალ ომზე ფიქრიც კი ვეღარ გაბედეს“-ო.

1882 წ. ავსტრო-გერმანიის კავშირს იტალიაც შეუერთდა, და ამგვარად გაჩნდა ე. წ. „სამთა კავშირი“, რომელიც 1914 წ. ომამდე ევროპის პოლიტიკას მიმართულებას აძლევდა. საფრანგეთისა და რუსეთის მდგომარეობა განსაკუთრებით საშიში შეიქმნა მას შემდეგ, რაც 1890 წელს გერმანიის იმპერატორმა ვილჰელმ II ინგლისთან დაახლოება სცადა და მისგან ნაპოლეონის ომების დროს შემოერთებული კუნძული ჰელჰოლანდი მიიღო. განცალკევებული საფრანგეთისა და რუსეთის წინაშე ცხადად წამოიჭრა აუცილებლობა საერთო მტრის წინააღმდეგ შეკავშირების საჭიროებისა. 1891 წელს კრონშტადს საფრანგეთის ესკადრა ეწვია, რომელიც დიდის ზემოთ იქნა მიღებული; რუსეთის იმპერატორმა საფრანგეთის პრეზიდენტს ტელეგრამა გაუგზავნა, სადაც რუსეთის საფრანგეთისადმი ღრმა სიმპატიას ხაზგასმით აღნიშნავდა. 1893 წ. რუსეთმა სამაგიერო ვიზიტი გადაუხადა ტულონში საფრანგეთს, რამაც ხელ-ახალი ურთიერთისადმი სიმპატიის გამოცხადება გამოიწვია. 1897 წელს უკვე ოფიციალურად აღინიშნა, რომ საფრანგეთისა და რუსეთის ურთიერთობა „მეგობრული და მოკავშირული“ იყო, თუმცა ხელშეკრულება, რომელიც ამ კავშირს საფუძვლად დაედო, არ იყო გამომქვადებული; მაგრამ ცხადი იყო, რომ „სამთა კავშირის“ საწინააღმდეგოდ ახალი „ფრანკო-რუსული კავშირი“ შეიქმნა.



ორივე კავშირი გაფაციცებით ემზადებოდნენ ომისათვის და ცდილობდნენ, შეიარაღებისა და ჯარის რიცხვის მხრივ ერთმანეთს არ ჩამორჩენოდნენ. დაიწყო ძლიერი **მილიტარისტული** პოლიტიკა, რომელშიც პირველობა გერმანიის ხელთ იყო. „სამთა კავშირი“ კიდევ უფრო გაძლიერდა მას შემდეგ, რაც მას **ოსმალეთიც** შეუერთდა. ეს გარემოება 1897 წლიდან მომზადდა, როდესაც ოსმალეთსა და საბერძნეთს შორის ამტყდარი ომი თავდებოდა. გერმანია ოსმალეთს უჭერდა მხარს, და ამან მათი დაახლოება გამოიწვია, რომელიც ოფიციალურად განსაკუთრებით მას შემდეგ განმტკიცდა, რაც ვილჰელმ II თავისი მოგზაურობის დროს თვით სულთანი ინახულა და თავისი მაჰმადიანებისადმი მეკობრობა ხაზგასმით აღნიშნა. ამ გარემოებას გერმანიისათვის პოლიტიკურს გარდა განსაკუთრებით დიდი ეკონომიური მნიშვნელობაც ჰქონდა.

### **საერთაშორისო დამოკიდებულებანი და მსოფლიო პოლიტიკის წარმოშობა.**

XIX საუკუნის უკანასკნელს ათეულ წლებში განსაკუთრებული მნიშვნელობა ევროპის სახელმწიფოთა ურთიერთ-დამოკიდებულებაში ევროპის გარეშე მდებარე მიწებმა ე. წ. კოლონიებმა მოიპოვეს.

ინგლისი ჯერ კიდევ მეჩვიდმეტე საუკუნეში დაადგა კოლონიალური პოლიტიკის გზას და აზიასა და ამერიკაში დიდძალი მიწაწყალი ჩაიგდო ხელთ. ინგლისის ლიბერალები, განსაკუთრებით **გლადსტონის** მეთაურობით, დიდად არ თანაუგრძნობდნენ ამ პოლიტიკას, მაგრამ სამაგიეროდ მას შემდეგ, რაც მთავრობის ხელმძღვანელობა **ბიკონსფილდის** ხელში გადავიდა, ინგლისი გადაჭრით დაადგა ე. წ. **იმპერიალიზმის** პოლიტიკას, რომელიც მსოფლიო ბატონობის მისწრაფებაზე იყო დაყრდნობილი.

1882 წლიდან ინგლისმა განსაკუთრებული ყურადღება აფრიკას მიაპყრო. თანდათანობით მან დაიკავა ეგვიპტე, კაპ-





ლანდს ნატალი შეუერთა, 1899 წ. ბურების ორი რესპუბლიკის, ტრანსვაალისა და ნარინჯის რესპუბლიკათა წინააღმდეგ ომი დაიწყო და 1901 წელს იგინი შემოიერთა.

ინგლისს გარდა კოლონიალური პოლიტიკის გზას საფრანგეთი და რუსეთიც ადგა. უეჭველია, ამ ნიადაგზე მათ შორის უთანხმოებას ხშირად ადგილი უნდა ჰქონოდა. აზიაში ინგლისის ინტერესები განსაკუთრებით რუსეთისას ეწინააღმდეგებოდა, ხოლო აფრიკაში საფრანგეთისას, რომელმაც **ჟაჟულფერის** მინისტრობის დროს (1883—1885) აფრიკის ჩრდილოეთის თითქმის მთელი დასავლეთი ნაწილი დაიკავა და შემდეგ შუა აფრიკის შემოერთებას მიჰყო ხელი; მაგრამ აქ (ფაშო-დასთან) ინგლისის წინააღმდეგობას წააწყდა და, რადგანაც ეს უკანასკნელი ომით იმუქრებოდა, საფრანგეთი იძულებული შეიქმნა შეჩერებულიყო.

რუსეთმა XIX საუკ. მეორე ნახევარში საშუალო აზიაში უზარმაზარი ტერიტორია შემოიერთა: ტაშკენტი, სამარკანდი, ხივა, ტეკინი, მერვი და სხვ. ინგლისი იქვის თვალთ უყურებდა რუსეთის ასეთს გაძლიერებას აზიაში, და დიდი ხანი არ გასულა, რომ **ადვანისტანის** გამო კინაღამ შეიარაღებული შეტაკება მოუხდა მასთან.

ამგვარად, ევროპის სახელმწიფოთა ურთიერთ-დამოკიდებულებას ახლა კოლონიალური პოლიტიკა ჰქმნიდა; მას მიმართულებას აძლევდა არა ამა თუ იმ ტერიტორიის საკითხი თვით ევროპაში, არამედ მთელი მსოფლიო იყო ჩათრეული ევროპის კოლონიალური პოლიტიკის ბადეში, და საერთაშორისო ურთიერთობა მისი ზეგავლენით იცვლებოდა. ინგლისი ამ პოლიტიკის ნიადაგზე უფრო „სამთა კავშირთან“ იყო დაახლოებული, ვიდრე ფრანგულ-რუსულთან. მაგრამ მდგომარეობა მალე შეიცვალა. ოთხმოციან წლებთან ერთად გერმანიაც კოლონიალური პოლიტიკის გზას დაადგა და სულ ორი-სამი წლის განმავლობაში იმდენი ტერიტორია დაიკავა, რომ ინგლისსა და რუსეთს შემდეგ თავისი კოლონიების სივრცით მეორე ადგილი



დაიკავა. ამგვარად იგიც მსოფლიო სახელმწიფოდ გარდაიქცა და ინგლისის მოქიშპეთა რიცხვს ახალი წევრი შეეძინა. გერმანიას თავისი ახალშენების დიდი უმრავლესობა აფრიკაში ჰქონდა; ამიტომ იგი განსაკუთრებით დაინტერესებული იყო აფრიკის ბედით და 1885 წ. ბისმარკის წინადადებით ბერლინში კოლონიალური სახელმწიფონი შეიკრიბნენ და ე. წ. „აფრიკის განაწილება“ მოახდინეს.

გერმანიის მოულოდნელმა კოლონიალურმა გაძლიერებამ ისეთი თავზარი დასცა ინგლისს, განსაკუთრებით მას შემდეგ, რაც გერმანიის მრეწველობამ და ვაჭრობამ მას კორკუტრენცია დაუწყო, რომ იგი მეოცე საუკუნის დასაწყისში საფრანგეთსა და რუსეთს დაუახლოვდა და ამგვარად „სამთა კავშირის“ წინააღმდეგ „შეთანხმების სახელმწიფოთა“ ჯგუფი შეჰქმნა, რომელმაც ამიერიდან მილიტარიზმი ევროპის სახელმწიფოებში კიდევ უფრო გააძლიერა.

აღსანიშნავია განსაკუთრებით ისიც, რომ ევროპის პოლიტიკის წრეში XIX საუკ. უკანასკნელ წლებში დიდი ოკეანეც მოექცა. აქ ჩინეთის გვერდით მალე ახალი სახელმწიფო, იაპონია გაძლიერდა, რომელმაც 1894 წელს ჩინეთთან ომი დაიწყო და 1895 წელს მტერი სავსებით დაამარცხა. იაპონიას სიმონოსეკის ზავის პირობების მიხედვით უნდა შიელო სამხრეთ აღმოსავლეთი ნაწილი მანჯურიისა, ლიაოდუნის ნახევარკუნძული და რამდენიმე კუნძული ოკეანეში, მაგრამ ამის წინააღმდეგ რუსეთმა გაილაშქრა, რომელსაც ევროპის სახელმწიფოებმაც დაუჭირეს მხარი; იაპონია იძულებული შეიქმნა, მხოლოდ კუნძულების შემოერთებით დაკმაყოფილებულიყო. ეს იყო პირველი შემთხვევა ევროპის ჩინეთის საქმეში ჩარევისა, რომელიც იმით დაიწყო, რომ სხვადასხვა სახელმწიფოებმა ჩინეთის ტერიტორიის სხვადასხვა ნაწილი შემოიერთეს (იჯარის სახელით): გერმანიამ კიაო ჩოუ, რუსეთმა — პორტ-არტური და ტალიენვანი, ინგლისმა — ვეი-ხაი-ვეი და საფრანგეთმა — კუანს-ჩეუ-უანი. ჩინეთის ასეთი განაწილების წინაა-



ღმდეგ იქ პატრიოტული მოძრაობა ჩაისახა ე. წ. „დიდი მუშტის“ საზოგადოების ხელმძღვანელობით; საქმე ომამდე მოვიდა, რომელშიც ყველა ევროპის მთავარი სახელმწიფო იღებდა მონაწილეობას და რომელიც რასაკვირველია ჩინეთის დამარცხებით დასრულდა (1910 წ.). „დიდი ოკეანეს“ პოლიტიკაზე განსაკუთრებული გავლენა მოიპოვეს ახალმა მსოფლიო სახელმწიფოებმა—იაპონიამა და შეერთებულმა შტატებმა. ამ უკანასკნელმა მსოფლიო მნიშვნელობა მას შემდეგ მიიღო, რაც მან 1898 წ. ისპანიასთან ომი დაასრულა და ყველა მისი კალონიები შემოიერთა.



# ს ა რ ჩ ე ვ ი

	83•
წინასიტყვაობა . . . . .	3
პრუსიის აჰალღება . . . . .	5
ფრიდრიხ დიდი . . . . .	9
პარლამენტალური ოლიგარქია ინგლისში . . . . .	15
ინგლისის კოლონიალური პოლიტიკა . . . . .	21
ძველი წესწყობილება . . . . .	29
XVIII ს. ლიტერატურა და მისი გავლენა . . . . .	41
განათლებული აბსოლუტიზმი . . . . .	69
დიდი რევოლუცია . . . . .	77
საფრანგეთის რესპუბლიკა . . . . .	100
ღირეკტორია . . . . .	112
ნაპოლეონი . . . . .	117
XIX საუკუნე. ვენის კონგრესი . . . . .	141
რუსეთი და ოსმალეთი . . . . .	148
ბურბონების რესტავრაცია . . . . .	154
ივლისის რევოლუციის გავლენა ევროპაში . . . . .	159
ივლისის მონარქია . . . . .	164
თებერვლის რევოლუცია . . . . .	167
ლადოვიკ ნაპოლეონი . . . . .	179
ეროვნული მოძრაობის განცხოვლება ევროპაში . . . . .	182
აღმოსავლეთის საკითხი . . . . .	205
ინგლისი XIX ს. მეორე ნახევარში . . . . .	209
შეერთებული შტატები . . . . .	211
მეცხრამეტე საუკუნ. უკანასკნელი ათეული წლები: შინაური პოლიტიკა . . . . .	214
საერთაშორისო დამოკიდებულებანი XIX საუკ. უკანასკნელ წლებში . . . . .	215

